


8.54.5



A 111 50 for 8,54.95



ILLVSTRATIO
SACRI PATRIMONII
SEV
DE BONIS ET
POSSESSIONIBVS
ECCLESIARVM.

Vbi agitur de veteris & nouæ legis Sacerdotum censibus, origine & fundatione Oratoriorum, Parochiarum, Episcopatum, Monasteriorum, Ecclesiæ Seruis, Mancipijs, Colonis, Casatis, Libertis, Mansis, prædijs, decimis, Oblationibus, Primitijs iuribus Episcoporum & Sacerdotum.

Auctore NICOLAO LE MAISTRE in Sacra Theologia
Facultate Doctore, & socio Sorbonico.

*Ad usum p[ro]p[ri]um
à M[ons]i
p[ro]p[ri]um ad
S[an]c[t]i i[nn]ocentii*



*Conu[er]s[us] 1.^o
L[ib]r[ar]ia*



PARISIIS,

Apud viduam NICOLAI BÜON, viâ Iacobæâ
prop[ri]e Mathurinenses.

M. DC. XXXVI.

Cum Priuilegio Regis & Approbatione Doctorum.

2. 1. 1921


[Illegible handwritten signature]



A D

ILLVSTRISSIMOS ET REVERENDISSIMOS

Antistites, Lectissimos ac, Religiosissimos
Proceres Ecclesiastici Galliarum Senatus.

 *Isto tribunalibus vestris (Illustris-
simi Antistites) antiquum clien-
tem, non frequenti ambitu com-
mendabilem, non temerariâ saluta-
tione importunum, sed vnâ maximè fretum ve-
stri Ordinis ac fastigij reuerentiâ, cuius legem
ignorare dicendus sim, si Christi Prelatos crede-
rem sæculi artibus certius mulceri, quàm venis ac
foreris honoribus conciliari. Veniunt ergo in con-
spectum vestrum, rudis industrie fructus sub in-
terualla atq; inducias concionū nati, quos etsi uni-
uersa aliunde laudis argumēta deficerent; hoc vnū
tamen gloriæ plurimum adferet, si posteritas in-
telligat, sub illis creuisse atq; adoleuisse comitiorū
sideribus, quibus inter solemnes L O D O I C I
fortissimi ac fortunatissimi victorias, nationes ex-
tere hoc amplius didicerunt, Galliam non mili-
tum tantummodo constantiâ, sed Presulum
quoque virtutibus triumphare. Adeoque fru-*

stra nobiscum, inconsultâ emulatione, de Imperij ac Religionis gloria certari, apud quos non optimi tantum ac diuini Rectores Reipublica gubernaculis assident: sed eximij quoque Antistites sacris ac religionibus moderantur.

Vestro itaque confessu illustrata vrbs hac Imperiorum caput, seipsa quodammodo maior effecta est atque augustior: & venerata votis ardentibus tanti Ordinis maiestatem; dum huius prudentiam stupefcit, illius facundiam admiratur: vnius sinceritatem colit, alterius eruditionem pradicat, omnium verò Iustitiam ac pietatem amplectitur, quasi nouo miraculo, perculsa, credidit non è variis Galliarum regionibus homines, sed ex ipsis cœlorum penetralibus virtutes vniuersas in suum sinum confluxisse. Quamobrem lacepsita Gallie pœnitudinem, etsi vicinis nationibus vltrix calamitas intulit: auxit tamen dolorem ablata peregrinandi libertas, eamque urbem adeundi, in qua compendiorum rerum pœne maximarum, tota sese Gallia receperat: ubi cum & cernere & mirari poterant Senatum, quo viso cetera facile est, si non fastidiri, saltem non impatienter exoptari.

Quid mirum ergo, si tam frequens ac publicus vestro patrocinio se credit litteratorum hominum concursus. Sentiunt quippe tam luculenti nomi-

7
nis auctoritate studia splendescere, & quæ vobis probata sunt nullius deinceps censurâ conuelli.

Prodeo ergo turba numerosa immixtus, vos litterarum atque artium optimarum, statores saluto. Et dum alij maiorum vestrorum sanctitatem ac virtutes predicant, ego opes ac fortunas recenseo, ut hinc discant omnes, nec pietatem unquam diuitiis, nec diuitias pietati nocuisse, adeoque non tam fas esse, eum qui superest Ecclesiæ splendorem inuideri, quàm perditum atque extinctum, deplorari.

Partem hanc ut sentio, quæ in fortunis ac opibus iacet, patrimonij minimam ducit animus vester unius aternitatis candidatus. At non erit ingratum lustrare maiorum fortunas, beneficia in iis Regum ac populorum agnoscere; atq; hinc augurari, quanti olim dignitatem ac religionem Praesulum Respublica & nationes aestimarint, dum splendida ista cupiditatum humanarum irritamenta altaribus aduoluerent, quibus, versâ infeliciter mente, caci ac miseri mortales aras exerunt.

Fauete ergo s. unde huic praludentis styli experimento, dum aliquid maius ac politius, molior, quo possim vestram in me, ac litteratos omnes humanitatem ad memoriam posterorum transmittere.

Vestri Ordinis humillimus cultor N. LE MAISTRE.



BENEVOLO LECTORI.



ſi defenfore non egeat Eccleſia, neque reſidua eius dignitati quidquam metuen- dum, eo nobis principe diuinitus dato, cuius enſi ac victorijs Imperij ſui partem haud poenitendâ Chriſtus debere non dedigna- tus eſt. Ea tamen materia plurimas ad ſcri- bendû rationes verſanti ac meditâti ſeſe obrulit, in qua ſty- lus citra inuidiam ſeſe exerceret, & quæ nullius contumelia ac felle vexaretur: quis enim & bonis poſſeſſionibus Ec- cleſiæ inſenſus eſſe poſſit; niſi qui pietatem maiorum accu- ſat, & dum opes immenſas perire ſceleribus ac nequitijs diſſipari non agrè ſuſtinet, id ſolum quod Deo ac Religioni conſecratur putat eſſe deplorandû. Publica ſunt & cunâs obuia Eccleſiæ bona. Nemo in patrimonio ſuo numerat quod Chriſtus recepit. Huic præter crucem & vulnera pro- prium nihil: quæcunque ſuauiſima ſunt & lata, in omnes fundit, in ſolis doloribus ſocietatis impatiens Cuius ergo aut ore aut calamo Chriſti opes peterentur, niſi qui coruinum illud recantet, *poſuiſſet iſtud venundari multo & dari pauperi- bus*, Non ergo argumento huic gratiam peto, facerem enim & pietati tuæ iniuriam & æquitati: veniam potius lapſibus ac mendis: quâ eò â te ſpero facilius, quo minùs ſoleo ſtyli aut doctrix vlliùs gloriâ exambire Methodum & rationē operis ſic inſtitui, vt quia Leuitas bonis ac facultatibus parû inſtructos fuiſſe vulgo creditur, eorû facultates, cenſus & res immobiles expenderē: inde ad bona naſcētis Eccleſiæ Chri- ſtianæ ſtylum deduco: leges poſt Conſtantinû aduerſus in- cremēta ſacri patrimoni expendo, facultates Eccleſiæ di-

uido, in loca sacra, oratoria, parochias, Episcopatus, quæ possessione sacerdotum continentur personas & res immobiles, Personas dico, seruos, colonos, casatos, libertos, quorum historiam omnem ex infinitis cartis & monumentis recludo. Res immobiles appello mansos & prædia. Subinde census Ecclesiarum aggredior, decimas oblationes, primitias: inde ad Episcoporum proprios redditus gradum facio, expono Synodaticum, Cathedraicum, Procuraciones Circa tas & alia. Tandem redditus Parochorum breui aperio & desino, dum tua fauceat humanitas non cessaturus diu, sed pristina illustraturus, noua aggressurus VALER.

*IVDICIO ET EMENDATIONE
SANCTÆ SEDIS APOSTOLICÆ
QVODQVOD HIC SCRIPSI, ET
ALIAS A ME SCRIPTVM EST
SVMMITTO.*

Approbatio Doctorum.

Nos in sacra facultate Theologiæ Parisiensis Doctores testamur à nobis accuratè lectum esse librum, cui titulus est, *De Bonis & possessionibus Ecclesie*, conscriptum à clarissimo viro Nicolao le Maître, Doctore & socio Sorbonico, vtilem Ecclesiæ, & dignum, qui typis manderetur. Datum Parisiis, 7. Kalend, Octob. anni ab Incarnatione Domini nostri 1635.

A. de HODENCQ.


LE SIEVRE.

Extrait du Privilege du Roy.

LE Roy par ses lettres parentes passees à Paris le 14. Octobre 1635. & signees par le Roy en son Conseil, Oultre a permis à Nicolas le Maître Docteur de Sorbonne, de faire imprimer à qui bon luy semblera, vn œuvre par luy composé, intitulé, *Illustratio Sacri Patrimonii, seu de bonis & possessionibus Ecclesiarum*, & fait defenses à qui que ce soit de l'imprimer sans la permission dudit sieur le Maître, à peine de quinze cens liures d'amende, & de tous despens, dommages & interests, ainsi qu'il est plus amplement contenu és originaux d'icelles, passees le iour & an que dessus.



INDEX
CAPITVM ET RE-
RVM POTISSIMARVM QVÆ
HOC VOLVGINE CONTINENTVR.

- Caput I.  N licita sit Christianis diuitiarum possessio. pag. 1.
- Cap. II. De sectis quæ illicitas Christianis diuitias censuerunt, Apotactici, Massiliani. Manichæorum duo ordines Pelagiani. Argumenta aduersus opes, &c. p. 4.
- Cap. III. Diuites non esse à salute alienos, locis scripturæ probatur. Tertulliani locus. Marcionis de Deo veteris Testamenti pauperibus infesto error. Superbia etiam laborare possunt pauperes. Augustini sententia. Non esse calumniis premendos diuites ex eodem Augustino. p. 10.
- Cap. IV. Soluuntur argumenta opinionis contrariæ. Quando capit Christianorum unio. Porphyrij calumnia. Opinio Origenis: Paupertatis votiue initia ex Greg. Ambros. &c. p. 17.
- Cap. V. Typus Societatis antiquæ inter fideles. Ærarium commune Hierosolymis. Rectores eiusdem qui fuerint. Quamdiu durauit. An apud Ecclesias gentium communitas viguerit. Quod ærarium. In quos usus. De viduis locus Pauli difficilis explicatur. pag. 21.
- Cap. VI. Variæ hæreticorum sectæ in Ecclesia diuitias declamantes, Antropomorphite, Arnoldus Brixianus, Valdenses, Hussius, Lutherus, Spalatensis: Rationes eorum. p. 31.

INDEX.

Cap.VII. De primitiis Sacerdotum veteris Testamenti: Duo genera primitiarum: Ezechielis locus explicatur: Mensura Iudeorum Corus & Bathus: Ritibus redimendi primogenita: Quæ nota insignes essent non redempti: Primitie panum, &c. p.37.

Cap. VIII. De redditibus, quos ex sacrificiis & oblationibus antiqui Sacerdotes capiebant. Quam partem ex singulis. Sacrificia varij generis. Quotuplex oblatio. Quid Charam, Quo pretio redimuntur persone quæ pradia, &c. p.42.

Cap.IX. Quot genera Decimarum. Quid donum dediti & quod dediti. Decimæ regie. Ex quibus rebus fieret decimatio. Qui testes. Modus seligendi pecora ex Paraphrasi Chaldaica, &c. p.48

Cap.X. De Gazophylacio & pecuniis sacris. Duo genera Gazophylaciorum. A quo tempore capit Gazophylacio pecunia inferri. Origo tributi quod Iudæi viri tim pendeabant. Populi numeratio quare Deo odiosa. Siclus duplex. Pecunia è toto orbe Ierusalem delata. Cereemonia in refectio-

Templi. Locus Matthæi explicatur. p.52.

Cap.XI. De bonis immobilibus Leuitarum. Leuitæ appellatione, officio & sedibus distincti. Eorum ordines & classes. Vrbes eis quosita & quo numero datae. Plures habuerunt ciuitates quam aliæ tribus. Earum privilegia & de Asyllis notanda quedam. p.66.

Cap.XII. An ante Constantinum tempora, Ecclesia opes aliquas habuerit. p.78.

Cap.XIII. Probatur Ecclesiam bonis immobilibus instructam fuisse ante Constantinum. Proferuntur in hanc rem Pontificum Epistolæ, Constantini Edicta, Cypriani testimonia, &c. pag.81.

Cap.XIV. Quibus in partibus potissimum Ecclesia primis temporibus possessiones habuerit: In Gallia, Turingia & Treueris opes Ecclesie quales: Treueris Gallie Ciuitas: Prima Decima ubi soluta: Misericordia Ecclesie Romana: Locus Theodori Lectoris explicatur: Catubulum quid sit, &c. p.92.

Cap.XV. Quas primum opes compararent Christiani.

INDEX.

Ecclesia primū emptā Ornata. Ecclesiarum primis temporibus. Quo loco constructa. Ecclesiarum usus etiam Apostolorum etate. &c. p.100.

Cap. XVI. De vasis sacris.

Vasa aurea & argentea primis temporibus. Episcopi, thesauri sacri custodes. Servant vestes erogandas pauperibus. Calices vitrei & lignei. Impostura Martii haeretici, qui transmutationem vini in sanguinem Christi fingebat. p.107.

Cap. XVII. De sepulchris & coemeteriis & domo Sacerdotum tempore persecutionis. Christiani etiam Imperatores extra Ecclesiam sepulti. Sepultura Christianis prohibita. Quo consilio, numerus Cæmenteriorum ingens. Canones Eleberitani de Cæmeterijs explicantur. Domus Ecclesie ad Sacerdotum habitationem. Domus & massio quomodo differunt. p.112.

Cap. XVIII. De arario Christianorum, tempore persecutionis. Pecuniæ post synaxes data. Quibus diebus colligerentur. Conuiuii Clericis & Sacerdotibus data à Christianis. Qui

nam essent arario Praefecti. Conuersi ad fidem ex eo alebantur. Pax emptā pecunijs à Quaestoribus & Imperatoribus. p.111.

LIBER SECVNDVS.

Cap. I. **Q**ui Reges & Principes in Ecclesie bona, eorumque incrementum leges tulerint.

p.117.

Cap. II. De legibus Francie, Belgij, Angliæ, Hungariæ circa bona Ecclesie.

p.145.

Cap. III. De diuisione bonorum Ecclesie. Diuisio bonorum in mobilia & immobilia. Quanam sunt mobilia, aut immobilia Ecclesiarum. Vasa Ecclesie, in quo bonorum ordine numerentur.

p.160.

Cap. IV. De origine Oratoriorum. Quid differant prophanium, sanctum, sacrum. Oratoria apud Hebraeos. Theraphim in Oratorijs condita. Quo ritu fierent Theraphim. Oratoria Persarum, & veterum Christianorum. Constitutiones Iustiniani, & Leonis de Oratorijs.

p.164.

Cap. V. De dote Oratorio-

27

INDEX.

- rum. Oratoria duplicis generis, publica, & privata. Oratoria à magnatibus nefas erat sine dote construere. Quibus in Oratorijs, erant, vel non erant reliquie sanctorum. De Oratorijs & Capellis Monachorum.* p. 174.
- Cap. VI. De Ecclesiarum & Basilicarum erectione. Ritus servandus ab eo qui Ecclesiam condere vellet. Insinuationes seu *insinuationes* duplicis generis. Insinuationum codices olim habuerunt Clerici. Intra quod tempus necesse esset Oratorium aut Xenodochium erigi. Falcidia ex legatis ad pias causas non detrahitur. Locus & spatium adis sacre quod & quantum. Romanorum ritus circa fines templorum, &c. pag. 183.
- Cap. VII. De dote Ecclesiarum, & ritibus antiquis donationum, & cartarum. Qui fuerint Cartarum scriptores. Stylus Cartarum. Carta dotis Ecclesiastica aris imposita. Denuntiatio anathematis à donatoribus usitata. Quid traditio per herbam & cespitem, per ostium, & anaticula. Scotationis ritus, &c. p. 195.
- Cap. VIII. De vario genere dotationum. Ac primum de dote Oratoriorum, & Monasteriorum. Iustiniani editum. Basilicarum variae dotes. Origo beneficiorum simplicis Tonsura. Qui sumptus in Monasterio. Quot Monachi efficiunt Monasterium. Breuium siue Codex Ecclesie apud quem servabatur. Cartophilacij dignitas. p. 208.
- Cap. IX. De Parochiarum origine & progressu. Paracia etimon. Quinam Parochi apud Romanos. Species quadam Parochiarum apud infideles. Initia Parochiarum etiam rusticarum Apostolorum temporibus. Parochiarum in urbibus distinguendarum causa. Euaristus. Parochiarum author non Dionysius. Declaratum fermentum quid. Parochiarum rusticarum distinctio & limites, à quibus positi. In Hispania Parochia ante Concilium Eliberitanum. Domus Nobilium prima Parochia, &c. p. 234.
- Cap. X. De dote, & fundationibus Parochiarum. Presbyteri non tenentur manibus

INDEX.

bus victum querere. Ipsis debentur stipendia à populo. Liberalius stipendium Presbyteri olim capiebant quam Diaconi. Episcoporum auctoritas in res Ecclesie. Distributio & partitio antiqua oblationum ex Clemēte. Partitio recentior. Quomodo tertiam decimarum Episcopi remiserunt, &c. p. 126.

Cap. XI. De novarum Paræciarum extruptione, & dote. Tres cause novis Paræcijs initium dederunt. Qua necessitate cogente fierent de nouo Paræcie. Nobilium antiqua in Parochos superbia. Archidiaconorum facilitas in diuidendis Parochiis. p. 236.

Cap. XII. De Paræcijs Constantinopolitanis. Tria Paræciarum genera. Quid Monachie, & Presbyteri. Quinā fuerint in Protopapas quod officium apud Græcos. Paræcie Urbane quomodo administrari solite, &c. p. 246.

Cap. XIII. De Episcopatuum origine, dote ac fundatione. Locus Episcopalibus insulis idoneus quis sit. Yuamba Rēgis Hispaniæ irritus conatus in novis Episcopatibus fingendis. De Episcopo Cephæ Castellī Arabum consue-

tudo, & Scytharum circa Episcopatus. In una ciuitate sunt plures Episcopi. Explicantur subscriptiones conciliorum Hispaniæ. Et de pluribus in eadem sede Episcopis. Egedij Remensis in Episcopatu Dunensi fundando audacia. Laudurum Clauatum quomodo Episcopatus. p. 251.

Cap. XIV. De Episcopatuum progressu ac mutatione. p. 263.

Cap. XV. De dote & fundatione Episcopatuū. Episcopis amplæ facultates prouise. Familis Episcoporum Galliæ primis temporibus non inculta Episcopatuum cum alijs Ecclesijs uniones propter reddituum tenuitatem. p. 276.

LIBER TERTIVS.

Cap. I. De mansis Ecclesiarum. Variæ agrorum conditiones apud Romanos, Limitati, assignati, redditu, locati, vestigiales. Mansorum diuisio in apos & vestitos. Mansus Presbyteralis quot Bunnariis constat. p. 293.

Cap. II. Quo abierunt mansi Presbyterales. Calamitas Ecclesiarum sub Cælo Simpli. Ecclesiæ venditæ mansi Monasteriis daci, &c. p. 298.

INDEX.

- Cap. III. De varjjs mansorum generibus. Quid mansi tributales ingenules, Barfcalci, Indominicati, &c. Quid Fodrum, paratura Mansionaticum. Agri Ecclesia an tributis olim obnoxij. Mansi ad laminaria dati, &c. p. 306.
- Cap. IV. De Massis, Domibus. Nauibus, Seruis Massarijs, Burdationibus, &c. p. 316.
- Cap. V. De seruis Colonis & Mancipijs Ecclesiarum. Quid coloni, censiti, originarij. Quot modis seruos Ecclesia acquirerebat. Quid Casati. Eorum duo genera vasalli & serui. Serui quomodo astimabantur liberti Ecclesia duplici generis. Familia Ecclesia ex quibus constaret, &c. p. 320.
- Cap. VI. De operis, & disciplina seruorum Ecclesie. p. 334.
- Cap. VII. De disciplina & gradu seruorum Ecclesie. Qua causa fuit, cur honestius educarentur serui Ecclesie. Ex seruis Clerici ordinati. Seueritas Clericorum in seruos cohibita. Malassia & sortilegia solius fori Ecclesiastici. Serui Ecclesie eiusdem ordinis cum seruis Regijs. Quid sit iurare cum Sacramentalibus. Serui Ecclesiastici ab oneribus fisci immunes, &c. p. 345.
- Cap. VIII. De libertis Ecclesie rum, ac primo de vario genere manumissionum apud veteres Francos, Longobardos, Alemannos. Quid sit liberus Amund, Ritus faciendi Amundium. Quid Impans & manumissus in votum Regis. Quidnam sit homo denarialis Aldij quinquam, &c. p. 351.
- Cap. IX. De libertis in patrocinio Ecclesie constitutis. Tres ordines libertorum Ecclesie. Libertorum omnium causas tractabant Episcopi. Liberti Religiosi quinquam fuerint, Quotquot in Ecclesia manumittebantur eos fuisse Ecclesia libertos ostenditur. Manumissiones non fiebant in Monasterijs nisi ex privilegio. Ritus manumittendi in Ecclesia. Tabularij, & Cartularij qui fuerint. p. 358.
- Cap. X. De libertis ex familia Ecclesie.
- Cap. XI. Quo tempore seruitutes desierant.
- Secunda pars. Liber primus.
- Cap. I. **D**E prophanis Decimis. Varia Decimarum genera, penales tributarie, colonarie. Decimanum tributum regibus penditum. Turcarum decime. Militum duo genera Vlesed-

INDEX.

- Æg & Timariote. Distinctio inter Decimas Dominicas & Parochianas. Regia Capella iura &c.*
- Cap. II. De Decimis sacris quod iure debeantur. Probatur deberi iure diuino naturali Decimas, Primitias, & Oblationes. p. 15.
- Cap. III. De quota Decimarum. An sit iuris diuini an vero Ecclesiastici. p. 26.
- Cap. IV. Respondetur argumentis aduersus Decimarum quotam propositis. Libertas Ecclesie remittendi Decimas tempore persecutionis. Decimarum consuetudo etiam tempore persecutionis recepta ex Clemente, Cypriano, Origene. Initia Decimarum in Apostolis ex Irenæo &c. p. 34.
- Cap. V. De varijs ritibus circa quotum Decimarum, & an liceat Ecclesie aliquid circa eam immutare & quibus de causis, res Ecclesie pauperibus communicata. Etiam prædia illis ad utendum concessa. Tres causæ minuenda Decima proferuntur. Sclauorum & Vagiorum Decimæ olim quales. Kanuti Regis Daniæ, in propugnandis Decimis feruor. p. 41.
- Cap. VI. De Decimis Græcorum primis temporibus. Viguisse Decimas in Ecclesia Alexandrina & Antiochena. Cur Decimæ in Constantinopolitana Ecclesia non receptæ. Frumentii penuria Constantinopoli. Embola. Panes gradiles. Quid loco Decimarum caperent Episcopi & Presbyteri. Tributum sumarium. Restituta Decimæ à Latinis in Græcia. Decima Græcorum Sacerdotum his temporibus quæ sint. p. 54.
- Cap. VII. An Decimæ possint laicis vendi & alienari. Decimarum ius ab usu fructu distinguitur. Oblationum pars nulla laicis competere potest. Basilica pro quæstu prohibentur à laicis extrui. Decimæ sunt pari domanij Sacerdotalis. Domanium regium non potest alienari. Quæ pars rerum Ecclesiasticarum olim poterat Monachis dari. Decimæ à laicis non præscribuntur, &c. p. 69.
- Cap. VIII. De Decimis in feodatis & an Decimæ dari possint, in feudum. Quid feudum & huius nominis significatio Anglica. Origo feudorum. Beneficium & feudum idem. Quando nem res Ecclesie ceperunt in feodari. Conditiones infeodationis. De Nonis. Quid sunt castitia.

- Sarta testis Ecclesiarum feudatarij curabant, &c.* p. 81.
- Cap. IX. *An possint Decima dari in feudum. Proferuntur rationes Canonistarum. Decreta summorum Pontificum argumenta Iurisperitorum &c.* p. 94.
- Cap. X. *An Decima olim fuerint in feudata.* p. 102.
- Cap. XI. *De Decimis omnis generis personarum, Regum, Clericorum, Monachorum, ingenuorum, servorum.* p. 111.
- Cap. XII. *Quomodo Decima ad Monachos pervenerint,* p. 128.
- Cap. XIII. *De oblationibus. Oblatio Primitiarum ex Græcorum praxi. Vbi nam vna benedicitur. Orationes super fructus novos. xarôçur benedictio. Lac & mel quo festo offerri licet. Oblationes Armenorum ex carnibus coctis. Concilij Antisiodori. canon de compensis & hominibus lineis exponitur &c.* p. 137.
- Cap. XIV. *Precatio super Leguminibus & fructibus Miscellis.* p. 140.
- Cap. XV. *De sacris oblationibus. Vetus consuetudo offerendi per singulas Dominicas. Perfectio Christianæ communionis in oblatione. Ritus offerendi, apud Græcos: ara du-*
- plex. Mos Græcis decerpendi particula à pane. Nomina offerentium recitata. Oblationes extraordinariæ &c.* p. 145.
- Cap. XVI. *Quinam oblationes facere possint.* p. 154.
- LIBER SECVNDVS.**
- Cap. I. *De procurationibus & Circatis. Quibusnam compentis lustrare Provinciam & procuraciones excipere.* p. 166.
- Cap. II. *De Cathedralico, & quarta seu tertia Decimarum: Cathedralicum differt à iure Synodi: Incerta pensio ante Braccarense 2. Solidorum valor mutatus: Solidi Gallici leuiiores Italicis: Cathedralicum in Gallia, in speciebus solutum.* p. 164.
- Cap. III. *De Synodatico & Eulogys, inquisitionibus regijs, &c.* p. 187.
- Cap. IV. *De obventionibus quas Episcopi olim ex consecratione altarium & Ecclesiarum consequabantur.* p. 196.
- Cap. V. *De obventionibus quas sortiuntur Episcopi ratione consecrationis personarum.* p. 285.
- Cap. VI. *De obventionibus Parochorum, ob collata sacramenta.* p. 213.
- Cap. VII. *De obventionibus Parochorum ratione sacris.* p. 219.



LIBER PRIMVS.
DE BONIS ET POSSESSIONIBVS
ECCLESIA RV M.

CAPVT PRIMVM.

*An licita sit Christianis diuitiarum
possessio.*

INVIDIA laborant diuitiæ, & nihil est odij magnâ fortunâ capacius: quotquot sunt miseria ac calamitate pressi, cæteros, qui paulo quietiùs viuunt, quasi malorum suorum fontes accusant, & quidquid est vbique otij ac deliciarum, id quasi creptum sibi ac latrocinio veluti quodamsublatum impatientissimè conqueruntur.

Ita hominum generi familiaris est inuidiæ morbus, vt bene valentes, & cute floridâ conspicuos, ægri nunquam sine dolore videant: ipsis crimen est sanitas & vegeti corporis alacer vigor: Quoscunque mæsor occupauit, iis cæterorum lætitia

A

importuna est, & morientium plurimi non tam dolent eripi sibi vitam, quam aliis superesse. Hinc publica oritur & pertinax in diuites declamatio, quam meo iudicio dixerim non tam ab odio diuitiarum, quam ab amore proficisci.

In quo fonte foriatur diuitiarum infestatio.

Nimirum ut Amantes infortunati, postquam spurcissimæ cupiditatis explendæ spem amiserunt, & litare non possunt voluptati: in eam, quâ prius ardebant, pulchritudinem atrocissimè debacchantur, aras quas antea erexere subuertunt & iniuriis opprimunt quod prius religioso colebant famulatu: Pari fortunâ euenit, ut quos mala quædam fors à diuitiis & dignitatibus expellit, illi amorem in odium vertant, & negatas sibi diuitias ac magistratus existiment generosè vlcisci, si quod prius ambiebant, illud postea procaciter exerceantur.

Hinc factum est, ut Hæreticorum plurimi Ecclesiæ splendorē ac diuitias ferre non possent, quibus sectam suam ignobili cultu nuper è tenebris erutam, & Principum odiis laborantem, dolebant non posse illustrari.

Quaratione opes ornāt Ecclesiam.

Quippe licet Seruatoris sanguine Ecclesia imprimis luceat, & nullis magis opibus quam paupertate Christi gloriatur: Ornant tamen eius maiestatem aliqua in parte diuitiæ, produntque Cruci pudibundæ, ad cuius aspectum orbis exhoruerat, tandem regna atque imperia paruiss.

Sunt itaque facultates & fortunæ Ecclesiarum monumenta fauoris Principum, argumenta be-

neuoletia populorum, consensiones & suffragia ætatum omnium, quibus quasi pignoribus fidem suam Christo obstrinxerunt, & qua ratione poterant, gratianimi significationem exhibentes, eum caducæ & fugacis reculæ hæredem fecerunt, à quo sunt in æternam & felicem maximè hæreditatem adsciti.

Quis existimabit alio quàm prouidentia cuncta moderantis consilio effectum, ut nullæ vnquam hæreses diu Principum magnificentia ac liberalitate fruerentur, ut nulla vnquam errantium conuenticula, ad insaniam suæ præsidium, opibus abundarent. Noluît diuina clementia ut fanatici illi cœtus Imperatorum auctoritate ac beneuolentia diu niterentur: abstulit illis opes ac diuitias, quibus error cresceret: omnemque detraxit maiestatis & honoris speciem, qua scilicet aut blandiri possent, aut cogere.

*Quare nulla
Hæresis &
fæda opibus
abundauit.*

Ne ergo miremur toties effusam in opes & nitorem Ecclesiæ hæreticorum maledicentiam: vident non facile iugulari posse tot septam præsidiiis, dolentque sine violata Principum maiestate, forum amplexibus, ornatum beneficiis, cinctum armis & purpurâ ipsa consecratum Ecclesiasticorum hominum sodaliticium non posse lacerari.

Verum antequam eos adoriamur qui bonorum possessionem Ecclesiasticis præcipue, inter Christianos, interclusam asseruerunt, expendamus primùm aliquorum insaniam, qui ab Euangelio

4 *De bonis & possessionibus Ecclesiarum.*
 diuitias in crimen verſas ſomniarunt, nec quid-
 quam intereſſe inter diuitem & ſcleratum: qua-
 ſi poſt Euangelium Regna, Imperia, Reſpublicæ
 fœdera, conſenſiones, commercia & quidquid eſt
 negotii quo miſeria & calamitas peſſitur, ceſſare
 debuerint, & Chriſtiānæ virtutis apex ſit, vt pau-
 per ſis languere, & ne diues ſias ſordidiſſi-
 me otari.

C A P V T I I.

DE SECTIS QUÆ ILLICITAS
Chriſtianis diuitias cenſuerunt, Apotaſtici, Maſ-
ſaliani. Manicheorum duo ordines Pelagiani. Argu-
menta aduerſus opes, &c.

Epiphani-
 aduerſ. hæ-
 ref. tom. 1.
 lib. 1.

Hunc errorem primi mundo inuexerunt, qui
 Epiphanio hæreſi ſexageſima dicuntur A-
 poſtolicæ quaſi Apoſtolorum æmuli & ſoli tan-
 tæ puritatis reliquia quantam Apoſtoli colue-
 runt. Illi enim religioſiſſimè cauebant ne quid
 haberent & ne peccarent in ſectam ſuam, ac ali-
 quid retinere viderentur etiam bonæ menti re-
 nunciauerant: illorum dementiam, originem,
 maiores ita deſcribit Epiphanius *μετὰ τὸ τοῦτο ἄλ-
 λαι ἐαυτοὺς ἀποτολικοὺς ὀνόμαζαν: βέλονται δὲ καὶ ἀπεικλι-
 κτοὶ ἐαυτοὺς λέγειν, φυλάττεται δὲ πρὸς αὐτοὺς ὅ μὴ δὲν κεκτῆσθαι
 εἰς τὸ καὶ οἱ αὐτοὶ ὁ ἀπόστασμα τῆς ταπεινῆς δογματικῆς, &c.*

Alij secundum illos dici se Apostolicos voluerunt, qui & Apotaëcticos hoc est renunciatores seipsos nominant. Hec enim diligenter observant ne quidquam possideant; iidem porro à Tatiani dogmatibus velut auulsione quidam separati.

Tatianus
vixit circa
annū 174.
Iustinianici-
pulus à quo
Aquarij &
Encratitæ.
Massaliani.
ἀποτάκται.

Suffragatur huic sectæ, altera quæ Massalia-
norum appellatur. Illi cælum adiri non posse ar-
bitrabantur, nisi à pauperibus: opes & diuitias
onus esse non molestum modo sed sceleratum &
sacrilegum, quod homines in incendia æterna
deiiceret: audiendam esse vocem Christi, Vade,
vende omnia quæ habes & da pauperibus, qua
neglecta inquebant neminem posse suæ salutis
consulere, κελύδον ἀποτάσσει τὰς κτήσεις καὶ κτήματα τῆ
ιδίωι καὶ χρηματίζων ἀποζέναι αὐταί, inquit, Epiphanius.

Epiph. ad-
uers. hæref.
lib. 3. tom. 2.

Supinum hunc errorem à Manete perfico
manasse suspicatur sanctus Epiphanius etsi in-
ter somnia Manetis necessariam hanc diuitum
ruinam & ineuitabile naufragium minimè re-
censeat Perrus Sicularius, qui singularem librum
de eius dogmatibus conscripsit.

Verum quidem est, Augustinum Epistola 73.
ad Deuterium Episcopum, totam Manichæorum
farraginem & infamem popellum in duas veluti
classes discernere, quorum alij auditores, alij ele-
cti dicebantur, Auditores quasi tyrunculi & no-
uitii mitius & liberius vivebant: illis licebat
vxores ducere, agros colere, rebus suis vti, car-
nibus vesci; At qui in electorum numerum
erant adscripti, longè seueriore disciplinâ con-

Vide Mo-
naci ū vallis
sternensis
in historia
Albigensib.
c. 1.

tinebantur: illi abdicatis omnibus miserè pereuntes, durissimo viuendi genere, quo cælum sibi comparant Catholici, perniciem & exitium emebant.

Hilarij Epif.
8. apud
Augustinũ.

Nec statim desit pestilens hic turbo, aut vnã tantum regionem afflavit. Pelagiani ipsimet hac opum & diuitiarum execratione, quasi specioso quodam innocentie ac virtutis titulo, ornauerunt futilia suæ dementiæ commenta, & Syracusas eo veneno infecerant, cum Hilarius eã de re consulendũ existimauit Augustinum Epistolâ 88.

Quidam inquit Christiani apud Syracusas exponunt dicentes posse esse hominem sine peccato, & mandata Dei facile custodire si voluerit: infantem non baptizatum morte prauentum, non posse perire merito, quoniam sine peccato nascitur, diuitem manentem in diuitiis suis non posse ingredi regnum Dei nisi omnia sua vendiderit, nec prodesse eidem posse, si forte ex ipsis diuitijs fecerit mandata.

Ratio nã
quibus diuitiis impugnant.

Sunt autem rationes, quibus ad vanissimum dogma firmandum vtuntur, ad tria potissimum capita reuocandæ. Primum est, exemplum Christi & Apostolorum: secundũ est auctoritas verbi diuini: tertium frequens & assiduus ille diuitum in inferos ruentium casus, quo facile ostenditur lethale esse cum opibus societatem, nec aliter posse homines cum Deo coniungi quam si ab opum & diuitiarum contagione immortalis diuortio separètur. Quod pertinet ad exemplũ Christi. Notum est omnibus prorupisse in salutem ho-

minum nuditate & paupertate, tanquam armis succinctum, vixisse quasi mundo & elemētis, quæ fecerat, extorrem, nilque proprium sibi de tanta rerum multitudine, præter lachrymas & cruciatus assumpsisse. Si sarcinas quas fatiscenti collo imposuit explices, quid aliud reperiēs, præter dolores & ærumnas, miseros scelerum nostrorum reditus, & fatalem censum peccati, quo filios suos infelix Adam enecuit, etiam antequam genuisset. Ideoque Propheta verissimè cecinit, languores nostros iste tulit & dolores nostros ipse portauit: Vbi aurum, vbi gemmæ, vbi cætera ambitionis humanæ vora, in manibus Christi, Auro dum puer est adoratur, sed vir pascitur felle: Infantem reges colunt, sed ad ultum & ætate florente Carnifices nudant: vt hoc ipso constaret puerilia esse quæ amamus Imperia & Honores: viris & sapientibus, paupertatem crucis sapere, & hac vna generosas mentes & cælo congeneres deliciarī.

His efformata exemplis Apostolorum sodalitas, quid antiquius habuit, quàm mundo & opibus nuncium remittere, & de tanta diuitiarum ac latifundiorum ambitione, quæ hominum animos infinitis angoribus vexat, nil præter fastidiū & contemptum retinere. Quotquot primis temporibus Christo fidem dabant, illi sacræ inaugurabantur paupertati: nudi ad nudum & sola nobilem veniebant patientiā pretio earum quas vendiderant rerum ad pedes Apostolorum.

8 *De bonis & possessionibus Ecclesiarum*
 deposito, prodebant sese omnem ambitum &
 fœdas sæculi cupiditates Christo immolare. Vnde
 verò tam præceps & tristis Ananiæ ac Saphiræ in-
 teritus, nisi quod aliquid apud se retinuissent
 de summâ collectæ ex agrorum venditione
 pecuniæ? Quod si possidere aliquid & habere pro-
 prium fas esset Christianis: ut quid tam repen-
 tino interitu, Petrus novos illos Christianæ legis
 tyrones mactasset: ut quid præcluso pœnitudinis
 aditu, periuros vna cum pecunia infelice, ad æter-
 na supplicia deturbasset? Quam sacram & inuiol-
 labilem esse oportet legem quæ sanguine san-
 citur; & cuius primi infractores sic puniuntur,
 ut etiam spatio temporis careant quo agnoscere
 possint se peccasse.

Secundum argumentum petitur ex verbis
 Christi Domini, vbique diuites non à suo tan-
 tùm sodalizio, sed etiam ab expectatione
 vitæ æternæ summouentis, vnde adolescen-
 tulo specie tenus & prophanâ quadam ambi-
 tione potius quàm religionis zelo ad perfe-
 ctionem anhelanti imperat Christus: ut vendat
 omnia qua habet & sic expeditus & liber ad vir-
 tutis culmen enitatur, si vis perfectus esse vade &
 vende omnia quæ habes & da pauperibus & habebis
 thesaurum in cælo & veni & sequere me. Cùmque
 illius consilii acerbitate, iuuenis animus mor-
 deretur, neque tam splendidam posset diuitiarum
 seruitutem excutere, Iesus dixit discipulis suis:
 Amen dico vobis quia diues difficile intrabit in regnum
 cælorum,

Mat. 19.
 v. 21.

Mat. 10. v.
 23. & 24.

calorum, &c. longè verò clariùs istam deponendarum opum legem exprimit Christus Lucæ 14. Luc. 14.
omnis ex vobis qui non renuntiat omnibus quæ possidet non potest meus esse discipulus : Vnde eadem propè videtur per Christum instituta & paupertatis & baptisimi necessitas, nam pari ferè verborum structura sacro fonte lauari eos iubet, qui ad fœlicitatem apiscuntur : *nisi quis renatus fuerit ex* Joann. 30.
aqua & Spiritu sancto non intrabit in regnum celorum. Tandem adducunt locum insinuatum ex actis Apostolorum, vbi nil proprium habuisse Act. 4.
 Christianos memoratur, sed cum Christi meritis & sanguine omnia etiam in communem vsum comportasse.

Tandem vtebantur hæretici varijs rationibus ad inducendam paupertatis necessitatem asserentes diuitias esse scelerum instrumenta, & fallaces dæmonum præstigias, quibus tanquam visceris muneribus hominum mentes impediunt, & ab æternitatis cura dehortantur. Quantis sollicitudinibus parantur diuitiæ? quantis studiis opus est ne pereant? quot tormentis miserum pectus vexant si quando abierunt? quærentur cum difficultate, amittuntur cum dolore, & certè hiscè curis occupatum, quàm difficile est ad altiora eniti, vix credibile est posse squallentem sæculi curis animum crucis imaginem admittere; & Deo simul ac mammonæ famulari. Ista sunt argumenta quibus hæretici vti sunt aliquando vt diuites cælo arcerent, solisque probarent pauperibus patere fœlicitatem.

B.

CAPVT III.

DIVITES NON ESSE A SALUTE alienos, locis scripturae probatur. Tertulliani locus. Marcionis de Deo veteris testamenti pauperibus infesto error. Superbia etiam laborare possunt pauperes. Augustini sententia. Non esse calumnijs premendos diuites ex eodem Augustino.

FRuatur laude sua generosa paupertas, & supra mundi ambitionem læto rerum humanarum contemptu euecta, secunda gloriatur: non inuidemus ei triumphis, quos æmulari nobiles gestiunt animæ. Nam ut nullis egere Deo proprium est, sic Deo proximum nil appetere, & contra paupertatem ac miseriam sola animi magnitudine luctari. Tales sunt, qui mediocri vitæ solatio contenti, felicitatem sibi non fortunæ debent: & è suæ vjrtutis fundo veras animi delicias ac voluptates colligunt, quarum umbram & inane somnium, stolidi mortales à vilissimis rebus auro argentoque cōguntur mendicare.

Verum in offensa paupertate licebit in eos dicere qui veneni aliquid inesse diuitiis asserunt, quod nulla possit arte cauere. Ac primum non ita fatales hominum ruinæ diuitias sacri codices innuunt, quin opulentiæ & dignitate insignibus remedium aliquod supersit depellendæ eius pestis,

Primum argumentum
ex scriptura.

quam afflat ambitio & immoderatus amor sæculi.
 Ut quid enim Paulus, 1. ad Tim. 6. mandaret
 discipulo monendos diuites, *non sperare in incerto*
diuitiarum, si omnino diuites perire necesse sit. Do-
 cendi potius erant excutere diuitias, & tam lu-
 gubre pondus abiicere, quod Deo exosos redde-
 ret & inimicos: Verùm ita sentiebat Paulus non
 esse omnino inutiles & noxias opes, si modo ser-
 uirent, non dominarentur: si eas regeret animus;
 non illæ animum premerent, si in summa re-
 rum humanarum affluentia homo se pauperem
 agnosceret, quamdiu Christo cæloque carer,
 quo vno hominis fœlicitas & opulentia contine-
 tur. *Reliquum est ut qui uxores habent sint tanquam*
non habentes & qui flent tanquam non flentes, & qui
emunt tanquam non possidentes, & qui utuntur hoc
mundo tanquam non utentes.

Primæ ad
Timoth 6.

Primæ
Corinth 7.

Idem Paulus 2. Corinth. 8. horratur Corin-
 thios ut in fratres Christianos paupertate pressos
 munificentia exerceant: At qua ratione esse pote-
 rant munifici & liberales, si nil proprium obtine-
 rent, si vniuersim Christianis omnibus bona
 erant promiscua & census confusi.

Secundum
argumen-
tum.

Tertiò in Euangelio Zachæus etsi Christo ca-
 rus & laudatus, salutisque suæ domus factus cer-
 tior hoc oraculo, *Hodie salus huic demui facta est*,
 tamen non legitur expoliassè se omnibus fortu-
 nis, sed mediâ tantum parte: dimidium inquit
 bonorum meorum do pauperibus.

Tertium ar-
gumentum.

Luce 19.

Quartò Iosephus Arimathæus ipse discipulus

Quartum
argumentum

12 *De bonis & possessionibus Ecclesiarum;*
erat Iesu & tamen diues splendidoque sepulturæ
genere erga Christum vsus quod si vniuersim
diuites Deo inuisi essent non tulisset prouiden-
tia, vt quod corpus de pauperula Virgine Chri-
stus nascendo tulerat illud post mortem diuiti
traderetur.

Quintum
argumen-
tum.

Quintò in solemnī illo iudicio, quo vniuersos
hominum actus æquissimus arbiter librabit; vt
quid tot præmia spondentur iis qui pauperes fo-
uerint, aluerint, & situm squalorémque car-
cerum de miseris corporibus absterferint? num-
quid ista pietatis officia, quæ tam solemnī lau-
datione Deus prosequitur, quorum præco Chri-
stus ipse futurus est, absque opum & fortuna-
tum subsidio exercentur? quis pauper pauperem
pauit, quis nudus & inuestis algentem texit, quis
solis affectibus votisque potens liberauit è car-
cere infortunatum & tristi hypogæo quodam-
modo sepultum ante mortem?

Si ergo opes tantopere Deus execratur: vt
quid tam luculenta præmia iis proposuit virtuti-
bus, quæ sine opum ac fortunarum subsidio
languerent? vt quid felicitatem iis spondet
facinoribus quæ à pauperibus tentari nequeunt,
& quibus nemo nisi splendidiori familia oriun-
dus non possit probe defungi?

Ne ergo diuites temerè à Christi amoribus
arceamus in æterno isto deliciarum secessu, *Dives &*
pauper obuiauerunt sibi, vtriusque operator est Dominus.
Prouerb. 22. in quæ verba rectè Hieron. neque di-

Prouerb. 22.
Hierony-
mus.

uitem propter diuitiarum honorem neque inopem pro inopia despicias, sed iis hoc utrumque venerare, quia opus sunt diuinum & ad imaginem eius facti.

Imò verò expendamus, num diues aliquid maius Christo conferat quam pauper: eget reuerat paupere, sed per diuitem doloribus suis leuatur: alget in imagine pauperis Christus, sed diuitis veste fouetur: illius vulneribus miser est, sed huius pietate reuiuiscit: in illo carcerem patitur, huius auxilio libertatem recipit: à paupere habet quod humanum est pati videlicet ac languescere, à diuite quod beatius est & diuinius nescire miseras & in tranquilliores portum transferri.

Merito itaque Antiqui Patres sic opinati sunt, nihil esse in diuitiis vitiosi ac scelerati, nec Christianis impositam esse legem suæ rei expoliandæ, sed tantum religiosè & piè dispensandæ. Tertullianus, lib. 4. aduersus Marcionem, vbi quæstionem hanc de diuitibus attingit. *Diuitias inquit præstare non incongruum est Deo, per quem & diuitiæ felatio inuuantur, & multa in Deo opera iustitiæ & dilectionis administrantur; sed accidentia vitia diuitiis, illa in Evangelio quoque væ diuitibus ascribunt: utique & diuitijs & de gloria illarum, secularibus fructibus, utique in Deuteronomio Moyses ne, inquit, cum manducaueris, & repletus fueris, & domus magnas edificaueris, & bonis tuis multiplicatis & pecuniâ & auro exaltetur cor tuum, & obliuiscaris Domini Dei tui. Quemadmodum & Ezechiam regem thesauris inflatum, &*

Tertull. lib.
4. aduersus
Marcionem

74 De bonis & possessionibus Ecclesiarum,
 de his potius quam de Deo gloriantem, apud illos qui ex
 Perfide aduenerant, insiluit per Esaiam: ecce dies veniunt
 & auferentur omnia, quæ in domo tua sunt, & quæ
 Patres tui congefferunt, in Babylonem transferentur; sic
 & per Hieremiam quoque edidit: ne gloriatur diues in
 diuitijs suis, & qui gloriatur scilicet in Deo gloriatur.
 Sic & in filias Sion inuehitur per Isaiam cultu diuitia-
 rum & abundantie inflatas comminabundus: & alibi,
 Nobilibus & superbis dilatabit orcus animam suam &
 aperuit os suum & descendent incliti & magni diuites:
 loc erit Christi & super diuites & humiliabitur utique
 homo exaltatus diuitijs, & honorabitur vir utique ob
 substantiam honorabilis. Ex quibus Tertulliani ver-
 bis liquet Marcionem in eo versatum errore, vt
 noui testamenti auctorem, præ artifice veteris &
 antiquæ legis, singulari bonitate & benignitate
 præditum diceret, & hunc quidem malum, illum
 verò bonum assereret: quia in nouo testamento
 benediceretur pauperibus, & præcipua cura eo-
 rum haberetur: in veteri verò cessaret sollicitu-
 do & ratio egenorum, totusque fauor prisce il-
 lius legis ad diuitiarum pompam & inanem ap-
 paratum spectare videretur. Contra verò, docet
 Tertullianus Marcionem falsò conminisci ridi-
 culum istud discrimen, inter auctorem veteris &
 conditorem noui testamenti, neque plus amari
 pauperes à noui testamenti artifice, quàm antiqui,
 quia in neutro eorum testamentorum maledicun-
 tur diuitiæ simpliciter, vt existimabat Marcion:
 sed si quando in diuites vocem istam *Va*, siue exe-

crationis siue comminationis, Christus iaculatur, vniuersa eius indignatio in solam diuitum superbiam sese effundit, non verò in diuitias, quibus velut adminiculis, ad Pietatis & Religionis officia, quibus potest vti sanctissimè.

Non sunt ergo in culpa diuitiæ, sed fatale illis ac domesticum crimen arrogantia: at neque huius mali periculo vacat paupertas: est etiam sua sordibus superbia quidquid in suo genere magnū est & singulare illud, opinione sui animum distendit: etiam ægri de morborum violentia inter se contentiosè disceptant, & tristi ambitione miseriarum feruentes, cum fœlicitate lucere non possunt, certant esse malorum vehementia & atrocitate gloriosi. Quot sunt quibus situs & squalor pro auro est? quibus neglectæ vestis ac supellectilis fœdities etiam purpurâ & palatijs regum plus nitet? Non est magnè parabilis arrogantia, non ex pretio rerum, sed ex animis hominum pendet, qui & in tenui fortunâ insolentes esse possunt & in splendida moderati.

Pauperes
etiam non-
numquam
superbiâ la-
borant.

Quapropter etiam in paupertate cauendum esse ab arrogantia tetro afflatu monet Augustinus Epistola 109. *Quid prodest dispergere dando pauperibus & pauperem fieri: si anima misera superbior efficiatur contemnendo, quàm fuerat possidendo.*

Aug. Epist.
109.

Omnino itaque sufficere possent prædicta, ut satisfaceret argumentis hæreticorum, diuitias quasi scelus accusantium: nisi disertè totum hoc nego-

tium exponeret, Augustinus Epistolâ 89. in qua respondet Hilario. *Euaferunt* (inquit) *istorum disputationes Patres nostri Abraham, Isaac, & Jacob, qui tanto antè ex hac vita migrarunt. Habebant quippe hi omnes non paruas diuitias, sicut fidelissima scriptura testatur: multos tamen venturos, & ab oriente & ab occidente, & non suprà ipsos, vel extrà ipsos, sed cum ipsis recubituros in regno cælorum, ille ipse qui propter nos factus est pauper, cum verè diues esset veracissima promissione prædixit, & quamuis superbus diues, qui induebatur purpura & bysso, & epulabatur quotidie splendide apud inferos torqueretur, tamen si pauperis ulcerosi, qui antè ianuam eius contemptus jacebat, miseratus fuisset, mereretur & ipse misericordiam. Et si pauperi illi meritum esset inopia, non iustitia, non utique in Abraham gremium qui diues hic fuerat & illeretur. Sed ut nobis ostenderetur nec in isto paupertatem per seipsam diuinitus honoratam, nec in illo diuitias fuisse damnatas: sed in isto pietatem, in illo impietatem suos exitus habuisse; sic suscepit impium diuitem cruciatus ignis, ut tamen pium pauperem susceperet sinus diuitis. Vnde meritò idem Augustinus suggillat ingratham & immemorem eorum amentiam, qui in Ecclesiastico gradu constituti, aut saltem excellentioris vitæ amantes, diuites & eos qui in sæculo degunt iniurijs onerant, & in opes ac fortunas contumaci loquacitate debacchantur: cum tamen diuitum censibus & patrimonijs viuant, & de eorum beneficentia saginentur populi, qui commercijs & rebus sæculi indulgēt. Vites sunt & plantæ, quas homines Ecclesiastici colunt*

lunt & laborant, seminant spiritalia, temporalia metunt & colligunt. *Non ergo damnare debent infirmioris meriti Christianos, quorum opibus transfiguntur: sed rectè viuendo & rectè docendo, magis eis dicere: si nos spiritalia seminauimus, magnum est si carnalia vestra metamus? Multò quippe minori impudentia serui Dei, qui manuum suarum honestis operibus tenditis viuunt, damnant istos à quibus nil acceperint, quàm isti, qui propter aliquam corporis infirmitatem non valentes manibus laborare, damnant eos ipsos, de quorum facultatibus viuunt.*

Aug. ibid.

CAPVT IV.

SOLVUNTUR ARGVMENTA

*opinionis contrariæ. Quando cæpit Christianerem
vnió. Porphirij calumnia. Opinio Origenis: Pau-
peratis votivæ initia ex Greg.*

Ambros. & c.

SIc ex diuitum pauperumque concordia formari Ecclesiam cæset Augustinus. vt amorem quondam finxit Plato ex coniugio Pori, & Peniæ abundantia & egestatis prodijisse. Nec obstat huic doctrina, primæua Ecclesiæ nascentis societas; in qua, omnia promiscua & communia erant Christianis omnibus: Non enim ista communitas legis fuit aut mandati alicuius diuini, sed spontanea tantum pietatis obsequium, quo sese mutuo ita

C

complectebantur Christiani, ut priuatos census & opes proprias in terris retinere, ijs ignominiosum esse ducerent, qui de vna Christi carne in hac vita pascerentur, & vnā essent aliquando in cœlis domum habituri.

Cum ergo libera esset illa vitæ communis professio: tam præcipitatum Ananiæ & Saphyræ interitum nonnulli aliunde quàm ex diui Petri iusto anathemate repetunt. Sunt enim ex Patribus, qui cum intelligerent, D. Petrum à Porphyrio scititæ damnatum, quod tam leui crimine infensus, atroci execratione Ananiam & Saphyram iugulasset: censuerunt mortem istam tam repentinam, ex eo contigisse, quod ipsos subitus quidam terror perculisset, aut grauis aliqua verecundia derepente consternasset. Ea est sententia D. Hieronimi Epistola 8 Origenis in Matt. homil. 8.

Hieron. Ep.
8. Orig. ho.
8. in Matt.

Ananiam
non esse dā-
natum opi-
natur Ori-
genes.

Ananiam
verecundia
grinatum.

vbi disertè ait eos solā morte temporali affectos nullum animæ suæ detrimentum pertulisse. *Digni, inquit, erant in hoc saculo recipere peccatum suum, ut mundiores exeant ab hac vita, mundati castigatione sibi illatā per mortem communem: Quoniam credentes erant in Christo. Puto autem quoniam audiens Ananias hæc verba, ideo cadens expirauit: quoniam non sustinuit argutionē Petri, sed cruciatus in se, à Deo est punitus, ut etiam expiraret, verbis videlicet Petri catechizantibus animam ipsius. Nec Petrum his debemus putare interfecisse Ananiam, sed illum non sustinuisse acritudinem verborum Petri dicentis ut quid repleuit satanas cor tuum, &c.*

Alij verò crimen Saphyræ non ex eo petunt

quod partem aliquam pecuniæ retinuerit, cum esset Christianus, sed, quod voto consecrasset pecuniam suam in usus & expensas fidelium, & non modo communis vitæ genus istud eximium quod Apostoli ducebant interiori animi proposito destinasset: sed etiam de facto esset aggressus. Vnde quia vitæ communis legem ipse sibi meritis imposuerat sponsione solemnī: idcirco fidem Deo datam violabat retinendo aliquid proprium & partem pecuniarum celando, quam omnem Christo dedicauerat. Nec enim amplius licebat Ananiæ & Saphyræ ad priorem vitæ formā sine culpa remeare, postquam sacram illam & religiosam societatis Apostolicæ necessitudinem erant amplexi: iam enim non Apostolis sed Deo subducebant, neque tam de suis aliquid per avaritiam retinere videbantur, quam de proprio Christi patrimonio, in quod res eorum voto transferant, per sacrilegium deprædari: Vt enim loquuntur Iurisconsulti, contractus ab initio sunt voluntatis, sed ex post facto necessitatis, ita voluntariè quis vouet id quod necessariò est redditurus.

Et ea est Gregorij sententiā ad Venantium ex-monachum: *Ananias pecunias Deo vouerat, quas post diabolica victus persuasionē subtraxit, sed qua morte mulctatus est scies, si ergo ille mortis periculo dignus fuit, qui eos quos dederat, nummos Deo abstulit; considera, quanto periculo in diuino iudicio dignus eris, qui non nummos sed teipsum Deo omnipotenti cui te submo-*

Greg. lib. 1.
Ep. 33. & cit.
17. q. 1. c. 2.

20 *De bonis & possessionibus Ecclesiarum,*
nachali habitu deuoueras subtraxisti. In eadem opi-
nione versatur Basilius sermone de Institutione
Monachorum, Danda operane quid quoquo pacto in-
dignum professione nostra faciamus, neue simili atque
Ananias inuicio siamus obnoxii. Licetbat enim Ana-
nias possessionem suam Deo non polliceri ac vouere:
sed postquam humane glorie cupiditate inductus, quid-
quid in bonis habebat per professionem Deo consecrauit,
quo uidelicet egregio istiusmodi facto hominum de se
admirationem excitaret, de pretio autem callide postea
nescio quid intervertit, eiusmodi aduersum se indignatio-
nem Dei prouocauit, cuius minister Petrus fuit, ut ne ad
pœnitentiam aditum inuenire potuerit.

Basiliij sent.
 serm. de in-
 stit. Monac.

Vide Am-
 brosium de
 off. lib. I. c.
 30. & l. 3. c. II.

Ag. f.

Ag. 10.

Cum itaque, non ratione Christianæ Religio-
 ni, sed solius voti vinculo, teneretur Ananias ad
 totam summam pedibus Apostolorum appo-
 nendam: sequitur ne tunc quidem Christianos ad
 communitatis legem & bonorum suorum eiura-
 tionem fuisse deuinctos, nisi singulari professio-
 ne pietatis. Vnde idem D. Petrus eam libertatem
 clarissimè commonstrat, cum ait, *Nonne manens*
tibi martha & venundatum erat in tua potestate. Et
certè si Christiano homini omnino non licebat
quidquid de pristinis facultatibus retinere; vt
quid à Petro non monètur Cornelius Centurio
renunciare rebus suis, priusquam sacro fonte tin-
gatur? Vt quid iis legibus & institutis, tanta mul-
titudo quæ ad Petri vocem ex Gentili amentia ad
fidem conuersa est, non infirmatur. Tandem si
Christianos omnes necesse fuisset opes & fortu-

nas relinquere: maximè iis qui è Christi familiâ erant: at Christi agnâtos rura & agros retinuisse prodit Eusebius lib. 3. capit. 15. qui testatur eos coram Domitiano professos se habere nouem millia denariorum ex agrorum censu.

Concludendum itaque nullum fuisse de fortunarum abdicatione præceptum, neque aliter fugiendum homini Christiano à diuitiis & honoribus, quàm ab vxore patre & matre, si nempe generosis conatibus obstant sintque impedimento quominus aliquis ad asperum crucis verticem enitatur. An verò veteres Christiani omnes hoc genus vitæ sequuti sint, quæ nihil habet proprium & an diu floruerit hoc institutum & de communi ærario nunc agendum.

CAPVT V.

TYPVS SOCIETATIS ANTIQVÆ inter fideles. Ærarium commune Hierosolymis. Rectores eiusdem qui fuerint. Quamdiu durauit. An apud Ecclesias gentium communis viguerit. Quod ærarium. In quos usus. De viduis locus Pauli diffcilis explicatur.

Primarum Apostolorum societati iniuriam à me factum iri ducerem, nisi eius œconomia hic locum aliquem obtineret, quamquam non eo fulserit opum adiumento, quo Ecclesia hîc

C iij



22 De bonis & possessionibus Ecclesiarum,
temporibus ad suorum subsidium, & hostium in-
vidiam largissimè locupletatur. Delectant etiam
ædificiorum superstites ruinæ, quæ præter anti-
quitatis gloriam illustre habent nihil. Res olim
novitate viles & nascendo indecoræ, vetustatis
privilegio, nobiles fiunt, & annorum atque æta-
tum victrice senio, famam promerentur. Ita hu-
mitem & stramentitiam Romuli casam, quasi
Imperii cunabula, toto Capitolorum fastu reli-
giosius inulto Romani coluerunt, & antiquam
pauperiem existimabant esse novis honoribus
pretiosiore.

Fuit ergo Ecclesiæ sequētis quædam delineatio
in societate Apostolica, & initium maioris œco-
nomiæ, qua successores vsi sunt postea, in bonis
illius administrandis: in qua inquirendum primo
quis pecunias regeret & quomodo iis vterentur.
Ac Apostolos eo munere primum functos sa-
tis apparet, quod ad eorum pedes pecuniæ ap-
ponerentur. Ipsorum itaque arbitrio fiebant
sumptus, & expensæ communes & quidquid ad
familiæ illius sanctioris annonam & subuentio-
nem opus erat, illi de communi penu prome-
bant. Cum autem cernerent sese, his domesticis
ac familiaribus curis à verbi Dei præconio distra-
hi, animadverterentque non tam corporum
quàm animorum curam ac sollicitudinem sibi
creditam, onus istud familiæ curandæ in Diacono
transmiserunt, quos ex Ecclesiæ totius sus-

Act. 6.

Diaconi ex-
tario præfi-
ciuntur.

fragio, delectos, ad ministeria mensarum, Apostolici actus testantur.

Vigebat sacra hæc amoris conspiratio, dum Act. c. 2.
 Iudaicus furor, quo in magistrum impetu, eodem
 in discipulos stomacho irrumpens, præclaram
 istam societatem quasi violentus turbo diffilavit. Societas dis-
 Initium sœuitiæ à Stephano Diacono factum, quo sipatur.
 oppresso dispersi cæteri: & maxima ex parte, cœ-
 tus ille vnanimis fidelium labefactatus. Nam so-
 li Apostoli Hierosolymis remanserunt, neque
 fortasse postea tam publice potuerunt fideles
 in vnum coire & communi mensa domiciliòque
 uti. *Facta est autem in illa die persecutio magna in Ecclē-* Act. c. 2.
sia quæ erat Hierosolymis & omnes dispersi sunt per re- v. 2.
gionem Judææ & Samariæ præter Apostolos. Et certè
 post hoc tempus non vnà mansisse Apostolos sa-
 tis patet, ex eo, quod Paulus Hierosolymam re-
 uersus non dicitur iuisse ad communem ali-
 quam domum, vbi essent omnes Apostoli, sed
 ad Iacobi domum. Præterea dicuntur omnes se-
 niores collecti: sed non erat opus colligi ac
 congregari propter aduentum Pauli, si vnà ha-
 bitassent & communi tecto fuissent vsi. *Sequenti*
autem die introibat Paulus nobiscum ad Iacobum om-
nesque collecti sunt seniores Act. 21.

Iacobus
Hierosoly-
mis erat Ep-
iscopus.

Desierat ergo ex tunc perfecta societas & re-
 manserat tantum liberalis ille affectus subuenien-
 dis fidelibus eosque suscipiendi, si quando indi-
 gerent. Vnde dicitur quod cum Paulus venisset
 Hierosolymam *Libenter exceperunt eum fratres.*

Anno Chri-
sti 58.

Nil amplius de communitate ista, Hierosolymis instituta reperitur. Cæterum, an idem in cæteris Ecclesiis factitatum, inquiramus. Certè quantum ex Epistolis Pauli liquet: Ecclesiarum apud gentes non ea fuisse consuetudo, ut in communem fundum suos redditus comportarent: Nam ubi omnia sunt promiscua, ibi non est discrimen pauperis & diuitis: At discrimen istud ap-
 prime manifestum est in Ecclesiis, quæ per gentes fundatæ sunt: si quidem cum fames immineret orbi terrarum, qui Antiochiæ erant discipuli. *Miserunt habitantibus in Iudæa fratribus pecunias prout quis habebat.* Id est pro modulo & captu fortunarum: quod certè locum non haberet, si fortunæ omnes & facultates essent promiscuæ. Romanorum 12. monet Paulus, ut subueniatur necessitatibus sanctorum. *Necessitatibus sanctorum communicantes hospitalitatem sectantes.* 1. Corinth. 6. monet lites & iurgia, quæ inter fideles oriuntur, permittenda, arbitrio sanctorum & vitanda gentium tribunalia: at ubi cessat meum & tuum, & omnis ratio proprietatis extincta est, ibi litibus & turbelis non est locus. Ephesiorum 4. fideles ad mutuam benignitatem & misericordiam hortatur. *Estote inuicem benigni, misericordiam donantes inuicem, sicut & Deus in Christo donauit vobis.* At cessat benignitas & misericordia, ubi nemo miserior, nemo altero felicior. Ad Philipenses 4. laudat eorum in se profusam beneficentiam, maxime quod sumptus suggererint quibus dum aliis

Ecclesie
Gentium
an commu-
nitate vte-
rentur.
Act. 11.

Rom. 12. v. 13

Ephes. 4.
v. 32.

Philip. 9.

Ecclesiis prædicabat, indigeret. Scitis autem & vos PhilIPPenses quod in principio Euangelij quando profectus sum à Macedonia, nulla mihi Ecclesia communicauit in ratione dati & accepti, nisi vos soli quia & Thessalonicam semel & bis in usum mihi misistis, Idem patet ex pluribus locis 1. Thess. 2. & 2. ad Thess. 2.

Licer verò proprietatis iura in reliquis Ecclesiis Christiani non abdicarent, attamen habebant commune ærarium etiam temporibus Apostolorum, vnde patientibus & afflictis subuenirent. Clarum est, ex citato loco Actuum 11. vbi Antiocheni dicuntur pro captu suo contulisse de suis facultatibus, in subsidium fratrum habitantium in Iudæa. Meminit & collationis & subuentionis in gratiam sanctorum qui essent Hierosolimis, Paulus ad Rom. 15. *Nunc igitur proficiscar Hierusalem ministrare sanctis: probauerunt enim Macedonia & Achaia collationem aliquam facere in pauperes sanctorum, qui sunt in Hierusalem.* Ad hæc verò pietatis officia à Gentibus imploranda adhortati erant Paulum, Petrus, Iacobus, & Ioannes, dum sese ad prædicandum Gentibus accingeret, vt ipse testatur Galat. 2. & animaduertit Theodoretus in hunc locum. Modum verò colligendæ istius pecuniæ diserte tradit idem Paulus 1. ad Corinth. 16. *De collectis autem quæ sunt in sanctos, sicut ordinaui Ecclesiis Galatiæ, ita & vos facite. Per vnā sabbati vnusquisque vestrum seponat apud se recondens quod ei bene placuerit: vt non cum venero, tunc collectæ fiant. Vnam autem Sabbathi D. Ambrosius, Theodo-*

Ærarium
communi e-
st: pud Gen-
tiles.

AG. 14.

Modus co-
lligendi pec-
uniæ.

1. Cor. 16.

Ambrosius
& Theodo-
retus c. 16.
1. ad Cor.

26 *De bonis & possessionibus Ecclesiarum;*
 rerus & alij interpretantur diem dominicam,
 quâ venientes Christiani, ad sacram synaxim
 afflictis & laborantibus ex Ecclesia consulebant
 & litabant charitati, pecunias ita collectas serua-
 bant apud se quidam ab Ecclesia constituti, vt
 patet ex citato loco 1. ad Corinth. 16. *Quos (in-*
quit Apostolus) probaueritis per Epistolas, hos mittam
perferre gratiam vestram in Hierusalem. Attamen
 in illis distribuendis maxime consilium & volun-
 tas spectabatur Apostolorum, qui tanquam Epi-
 scopi vniuersæ Ecclesiæ moderabantur, cæterum
 qui participes essent huius ærarii, & in quorum
 gratiam expendebatur, facile est deprehendere:
 primum enim Euangelici verbi præcones inde
 alebantur, seu Apostoli seu Discipuli, excipie-
 bantur peregrini & aduenæ communi sumptu,
 vt constat ex verbis Pauli, ad Corinth. 8. vbi Ti-
 tum & eos, quos sibi in Euangelio prædicando
 socios adlegerat, Corinthiorum commendat be-
 neficentiæ, hortaturque, vt ipsos comiter exci-
 piant, & in Pauli fratribus ostendant, quo Pau-
 lum amore & beneuolentiâ prosequantur. *Sine*
pro Tito qui est socius meus & in vobis adiutor, sine
fratres nostri Apostoli Ecclesiarum gloriæ Christi, osten-
sionem ergo quæ est charitatis vestræ & nostræ gloriæ,
pro vobis in illos ostendite, in facie omnium Ecclesiarum.
 Et certè cum extra vrbes, in quibus Euangelium
 vigeat nulli essent, qui Apostolorum curam ef-
 fect habituri, cum intra locorum quorundam
 angustias inclusa esset charitas, & Christiani no-

quinam ef-
 fect partici-
 pes ærarii
 Ecclesiæ ei

minis religio, æquum erat quoque ut Apostolis peregrinantibus, & in infidelium emendatione ac conuersione occupatis, essent qui necessaria vitæ subsidia impertirentur. Hinc Ecclesiæ fide-
lium discipulis Christi & Apostolis, non tantum quæ ad præsens tempus necessitas flagitabat sug-
gererent: verum etiam stipendiis & pecuniis quibusdam eos donabant, quibus pro viatico uti possent. Ac ne auaritia aut ambitione duci viderentur & Euangelij fœdus (rem adeò pretiosam) turpi mercimonio distrahere, ne manus suas pecuniarum contagio polluerent, erant in comitatu Apostolorum mulieres quædam piæ & religio-
sæ, quæ seu ex proprio censu, seu ex demenso Ecclesiæ eos alebant, quamdiu in itinere versarentur, aut in hostico solo consisterent. Harum mulierum meminit Paulus: *Nunquid non habemus potestatem mulierculam sororem circumducendi sicut & ceteri Apostoli & fratres Domini & Cephas. Aut ego solus & fratres aut Barnabas non habemus potestatem hoc operandi? Quis militat suis stipendiis unquam?* E quo textu apparet Paulum certis de causis, eas mulieres, rerum quæ ad vitam opus essent, administras, à suo contubernio reiecis-
se, cum tamen ipsas reliqui Apostolorum circumducerent & ab ipsarum manu & curâ veluti sui laboris stipendia reciperent. Atque cum esse huius loci sensum tradit Hieronymus. *Non dixit mulieres inquit ducendi, ne de uxoribus dicere putaretur. Sed circumducendi inquit per provincias quæ necessaria*

1. Cor 9.

Hieron in
cap. 9. 1. ad
Cor.

Matricula-
rum origo.

Ea ergò fuit tenuis & angusti prima Ecclesiæ æconomia, vt optimi eius fructus & præcipui ad fouendos sacerdotes & clericos pertinerent, quibus instructis & necessario comœtatu donatis, pauperum & viduarum ratio habebatur. Inde ceperunt Matriculæ seu Indiculi egenorum ac miserabilium vt loquuntur personarum, quarum patrocinio adhuc nascens & vix dum suæ vitæ secura Ecclesiæ, quidquid animi neruorumque habebat, consecrauit. Præerant tam religiosi officiis Episcopi & qui primi in altaribus Christo pascabantur: primi eidem Christo in pauperum effigie pascendo curam impendebat; catalogum tenebant egentium & viduarum, in quas Christianorum Elemosynæ poterant religiosius impendi. Ita enim Timotheum monet Paulus, ne passim & sine delectu quaslibet viduas, etiam adulescentiores ad capeffendam Ecclesiæ beneficentiam admittat, & sinat publico demenso victitare, ne in vegeto corpore, desidia ardorque sanguinis nullo labore edomiti, libidinem accendat; adeoque, Ecclesiæ cuius sumptibus vixerunt, non tam earum virtutibus & continentia splendeat quàm luxurie & petulantia dedecoretur: & hoc est quod

1. ad Tim. 5. innuit Paulus his verbis. *Vidua eligatur non minùs sexaginta annorum, quæ fuerit viri uxor in operibus bonis testimonium habens, si filios educauit, si hospitio recepit, si sanctorum pedes lauit si tribulationem patientibus subministravit, si omne opus bonum subsecuta*

est. Adolescentiores autem viduas deuota: Cum enim luxuriata fuerint in Christo, nubere volunt.

Nam viduas istas solitas ali de fundo Ecclesiæ, produnt subsequencia Pauli verba: Si quis fidelis habet viduas subministret illis ut non grauetur Ecclesia, & ijs quæ verè viduæ sunt sufficiat. Nec graue erit totam hanc sententiam autoritate Theodoretī fulcire, qui in hunc locum sic ait: Ostendit Paulus causas, propter quas non vult iuniores referre in numerum viduarum: illud luxuriata fuerint, pro eo quod est Ecclesiasticum subsidium acceperint & quæ sunt corpori necessaria absque ulla sollicitudine susceperint, aluntur in oratorio autem introducit nequitiam.

Et hæc pauca sunt quæ de Ecclesiæ nascentis patrimonio è sacris codicibus eruuntur, quibus vnum hoc addi potest, quod ex Syluestro ducitur: nimirum venditas à primis illis Christianis, villas, domos, prædia: & cætera quæ immobilium nomine censentur, non quod ea retinendo se præuaricari fidei suæ arbitrarentur, sed quod sci- rent Ecclesiam non diu in Iudæa mansuram, atque ex ijs agris fructus vltimos metere dedignarentur, qui seruatoris sui fuso tam atrociter sanguine maduissent. Expectabant itaque beatiore secessus, & terras amœniores, vbi Apostolicis vocibus victa gentium impietas vestigal Cruci penderet: Vbi Christiana Religio è Iudæorum finibus fœdissimè pulsa tandem pacis & splendoris potiunda de Iudæorum vbique vagantium erroribus triumpharet. Futuram (inquit Syluester) Ecclesiam in

CAPVT VI.

*VARIÆ HÆRETICORVM SE-
ctæ in Ecclesiæ diuitias declamantes, Antropomorphi-
ta, Arnoldus Brivianus, Valdenses, Hussius, Lu-
therus, Spalatensis: Rationes eorum.*

Accusare cuiuscumque libeat antiqui Pictoris
commentum, qui cum egregiam Helenæ
pulchritudinem imitari non posset, atque eas fin-
gere oculorum flammæ, quæ post decemnales
rixas, tandem miserum Troiæ incendium pepe-
rerunt, victus maiestate argumenti, tabulam &
exteriores omnes corporis ductus auro impleuit:
vt cui formam & venustatem dare non poterat,
saltem pretium & splendorem conciliaret, facerét-
que diuitem quam pingere desperabat elegan-
tem.

Certè omnis forma, virtus & pulchritudo, si
stemus arbitrio huius sæculi, in auro & fortunis
iacet. Quotusquisque est, quem non supra Cato-
nis innocentiam infans tollat adulatio; si modò
diuitiis fulgeat, & spe mercedulæ vel mediocris
ancillantibus linguis blandiatur? Fraudatur do-
mestico & naturali gloriæ prouetusquallens inte-
gritas, dumque emuntur fauore & auctoritate,
hominum suffragia, etiam furor & rapinæ venali-
bus elogiis consecrantur. Et quis non augurabi-

tur ad Ecclesiæ puritatem & sacerdotij honorem, diuino quodam consilio accessisse diuitias, ne tanti gradus maiestas opum ornamento destituta, apud mortalium iudicia vilesceret, & Ecclesiastici homines, quasi mundi sordes & purgamenta ab ambitiosis atque audacibus superbo & indignanti vestigio calcarentur. Quot sunt qui sponsæ pulchritudinem nec oculis metiuntur quâ columbas refert, nec staturâ qua palmas imitatur, sed capitis tantum fulgor, & quibus placere non posset, nisi reuera *Caput eius esset aurum optimum.*

Verum quam sordidi sunt eorum amores, tam iniusti sunt Hæreticorum quorundam latratus in Ecclesiæ facultates insiliendum, nec illam probantium nisi sordidam & tristi mendicitate squalentem.

Aug. lib. de
hæresibus
ad quod
vult Deum
hæreses, to.
6. operum.

Inter quos primi occurrunt Antropomorphitæ, de quibus Aug. lib. de Hæresibus ad quod vult. Deum (inquit) sibi fingunt cogitatione carnali, in similitudinem imaginis corruptibilis hominis quod rusticitati eorum tribuit Epiphanius parcens eis, ne dicantur Hæretici. Eos autem à communione nostra separasse se dicit culpando Episcopos diuites, & pascha cum iudeis celebrando: Ex quibus patet Epiphanium Antropomorphitis aliquatenus indulgisse, quod Deum humanâ fronte effingerent quasi in eum errorem ipsos mentis nostræ debilitas impulisset, nec alio nomine schismaticos, & hæreticos censuisse, quàm quod diuitias in Episcopo scelus esse arbitrarentur.

tur. Qui Clericorum opes præcipuè infectatus sit, nullum posteriora tempora hæreticum tulerunt ante annum circiter millesimum, quo infans quidam nomine Leutardus è vico Virtutis, in pago Catalaunico natus decimas oppugnavit, ut refert Glaber Rodolphus.

Glaber Rodolphus h. Romæ lib. 2. cap. 11.

Post stolidos hosce & amentes neminem reperio, qui istam hæresim palam sit professus ante Arnoldum quendam, qui circa annum circiter 1130 Clericos peccare asserbat contra leges suæ sortis & conditionis, si quid possiderent, quibus vnum licere putabat Christum ambire & eius complexu suavissimo oblectari.

Arnoldus Brixianus apud Genebrardum.

De Arnoldo Brixiano Bernard. Ep. 95. ad Epul. Constantensem.

Hunc sequutus est anno 453. Ioannes Behaim tympanista & pecorum pastor, qui in decimas quæ Clericis soluerentur contumacissimè inuectus est, eo maxime nomine, quod interdictam bonorum omnium possessione, Clericorum familiam existimaret: quasi verò quos Deus ut filios & hæredes agnoscit, illis, præter famem & inopiam, offensus Paterni nihil quidquam Patrimonij nomine reliquerit?

Genebrardus ad annum 1453. & Münsterus lib. 3. Cosinograph.

Fuerunt etiam Pauli temporibus, qui dicerent neminem posse se pro Christi vicario gerere, nisi paupertatem amplecteretur, quæ præcipua Christi virtus fuit, & qua mundum omnemque eius ambitionem, miserimæ vitæ languoribus debellavit.

Quorum somnia proximi defenderunt Valenses & tandem Vuiclephus Concilij Constantiensis

E

34 *De bonis & possessionibus Ecclesiarum*
 temporibus : Cuius errores in hac materia fuerunt, Clerum & Monachos omnes diuinis legibus à cuiuscunque rei dominio & proprietate interclusos. Namque ut recitat Harpsfeldius historię Vuiclepsianę ca. 2. *Omnes possessiones non Monachis modo, sed vniuerso prorsus Clero eripit, nec solidum aliquem aut stabilem decimarum fructum ei reliquit. Dotare, inquit, Ecclesiam, est contra sacrę scripturę & regulam Christi. Sylvester Papa & Constantinus Imperator errauerunt, Ecclesiam dotando. Papa & omnes Cardinales & Clerici possessiones habentes sunt hæretici, & Laici eis consentientes. Imperator & saculares sunt seducti à diabolo, ut Ecclesiā dotarent bonis. Sacerdotes veteris testamenti vivebant ex proprietarie. Ecclesia non habuit dotem vel possessionem rei immobilis ante Constantinum magnum: Non esse sacrilegium auferre res Ecclesie datas & Deo consecratas, imò debere Principes sub pœna damnationis auferre bona temporalia, à Clero habitualiter peccante: Parochianos autem admonet & hortatur ne presbyteris improbè viuentibus decimam soluant. dicit has esse meras Eleemosynas, & posse parochianos ad libitum auferre, nec licere pastoribus eas exigere per censuras Ecclesię.*

Istum errorem pene consepultum restituit Lutherus, qui cum suam sectam stare non posse animaduerneret, nisi Principum & Magnatum patrocinio niteretur, existimauit eos posse facili negotio in suas partes abduci, si ad Ecclesię exuias prædamque accerseret, persuaderetque eam posse illis, quibus instructa est, opibus non impu-

Aeneas Syluius de origine Bohemorum ca. 35. Harpsfeldius Historię Vuiclepsianę cap. 2.

ne tantum sed religiosè spoliari.

Illis omnibus nouissimè successit Spalatensis, qui cum è suo capite nouum quoddam Ecclesiæ & doctrinæ genus fingeret, è varijs documentis malè temperatum; vt pietatis aliquid præ sese ferret, neque ambitione duci videretur, in ambitionem quasi familiarem Ecclesiastici ordinis morbum præclarus declamator inuectus est, & præ cæteris institutum istud Christi: *Nolite possidere aurum neque argentum neque pecuniam in zonis vestris, non peram in via, neque duas tunicas, neque calceamenta, neque virgam: dignus est enim operarius cibo, voluit non modò Apostolos obligasse; verum etià eius obseruatione vniuersos eorum successores obstringi. Rationes autem quibus speciosam istam paupertatis Ecclesiasticæ legem ruetur, sunt istæ potissimum. Primò Ecclesiam veteris testamenti, quæ imago tantum & rudis vmbra fuit tanti operis, quod suo sanguine Christus aliquando cæmentaret, vixisse pauperem & bonorum immobilium possessione interclusam. Iusserat quippe Dominus vt tota tribus Levi sacris ministerijs deputata, nullam in terris partem haberet, & à reliquis tribubus, decimis & oblationibus ac primitiis sustentaretur. Vnde Hieronymus Clerici vitam describens: Si autem (inquit) Domini pars sum & funiculus hereditatis eius, nec accipio partem inter ceteras tribus, sed quasi Levita & Sacerdos, vino de decimis & altari seruiens altaris oblatione sustentor habens victum & vestitum, his contentus ero & nudam cruce nudus sequar.*

Matth. 10.

Numeri 8.

v. 10.

Deuter. 9.

Iosue 13. v. 14

Hieron. Ep.

ad Nepot.

Secunda ratio petitur ex vocatione Petri & Andreæ, qui relictis retibus, totâque piscatoriâ suppellectile Christum sequuti sunt, quasi nullius rei deinceps capiendæ desiderio tenerentur, qui Christum cepissent, factique ipsius præda, inuicem illius amores essent deprædati. A quorum exemplo quàm longissimè absunt, qui ad Ecclesiasticas dignitates vocati, retia & pedicas circumferunt, quibus officia, dignitates, opes ac diuitias ambitiosè aucupantur.

Tertiò allegant petitum è Matthæi 5. ca. Christi documentum: *Si quis te percusserit in unam maxillam, præbe ei & alteram: Et is qui vult tecum iudicio contendere & tunicam tuam tollere dimitte ei & pallium:* Quod consilium spectare volunt maximè ad Clericos, quibus impètur, vt spoliatoribus suis consentiant, & prædatricem manum spontaneè rerum suarum abdicatione præcurrant. Quartò citant illud Matth. 19. *Si vis perfectus esse vade, & vende omnia quæ habes, & da pauperibus* His argumentis, quæ leuicula sunt, abundè credemus satisfactum, si doceamus primò Ecclesiam etiam antiquioris testamenti bonis affluxisse, decimis, fundis, vrbibus. Secundo etiam ante Constantinum Ecclesiam habuisse bona temporalia.

CAPVT VII.

De primitiis Sacerdotum veteris Testamenti: Duo genera primitiarum: Ezechielis locus explicatur: Mensura Judaeorum Corus & Bathus: Ritus redimendi primogenita: Quâ nota insignes essent non redempti: Primitiae panum, &c.

QVI Ecclesiam noui Testamenti diuitiarum accusant & splendorem illius, Christianorum pietate ac beneficiis adultum, veluti grande piaculum increpant, nituntur praesertim exemplo veteris Ecclesiae, cuius Leuitas, quasi nostri sacerdotij praeuias imagines paupertatem coluisse volunt; ut futurae Ecclesiae opum ac diuitiarum desideria spemque eriperent, & ad aeternitatis vnus ambitionem hortarentur. Ideoque paupertatem istam prioris Testamenti excutiamus, e qua patebit Sacerdotes nostros prae illorum opulentia egere.

Primi census redditusve Sacerdotum veteris Testamenti erant in primitiis; quarum, aliae erant certa lege sancitae, aliae tantummodo liberae & voluntariae ex voto nempe & singulari affectu. De prioribus agendum primò loco.

*Primitiae
aliae iussae,
aliae liberae.*

Lex primitiarum habetur Exo. 22. *Primitias tuas non tardabis reddere, primogenitum filiorum tuorum dabis mihi: de bobus, quoque & onibus similiter facies, septem die-*

38 *De bonis & possessionibus Ecclesiarum,*
bus sit cum matre sua, die octava reddes illum mihi.
 Vbi nota in Hebræo haberi מלאך ויכסך hoc
 est plenitudinem tuam & lachrymam tuam. In
 Chaldaïca paraphrasi. *Primitias frumenti & vini*
tui non tardabis reddere. Ex quibus patet duo ge-
 nera primitiarum illic mandari, frugum & ani-
 mantium: & frugum quidem primitias impera-
 ri quidem, attamen mensuram modumque non
 præfigi: quod erudite notat Hieronymus in Ezech.
 cap. 45. lib. 14. ubi ait ante tempora Ezechielis li-
 cuisse Iudæis sibi meritis pendendarum in frugi-
 bus primitiarum modum imponere. At quia
 avari sacerdotes iniquis conductionibus populum
 vexabant, ideo visum est Deo per prophetam
 decernere ne in posterum offerrent amplius
 quam sexagesimam partem cori primitiarum
 nomine. Corus autem ad mentem Hieronimi
 continebat 30. modios, Bathus verò aut Ephā
 continet tres modios, unde Corus siue Gomor vi-
 detur constare decem Bathis, aut Ephais. Cum er-
 go Deus præcipit ut detur pars sexta Bathi aut
 Ephæ, idem est ac si iuberet offerri sexagesimam
 partem Gomor. At verò ante hoc Dei præscri-
 ptum, ait Hieronymus, se ex Hebræorum tradi-
 tione accepisse, solitos fuisse Iudæos ditiores, sol-
 vere quadragesimam partem Cori, pauperiores
 verò sexagesimam. Ita censuerant veteres legis-
 periti. Quo autem pretio redimerentur primoge-
 nita habetur Numerorum 18. *Omne animal quod*
immundum est redimi facies. Cuius redemptio erit post

De primitiis
 iussis & im-
 perati.

Duo genera
 primitiarum.

Hieron. in
 Ezech. c. 45.

unum mensem siclis argenti quinq; pondere Sanctuarij. Siclus viginti obolos habet: primogenitum autem bonis & ovibus & caprae non facies redimi, quia sanctificata sunt Domino; sanguinem tantum eorum fundes super altare, & adipem adolebis in suavisimum odorem Domino: carnes verò in usum tuum cedent, &c.

De modo quo etiam Iudæi filios primogenitos redimunt hæc traduntur. Die trigesimo, ex quo infantulus natus est, pater illius, in seu sacerdotem, cui alij quidem boni amici adiuncti sunt, ad se accersit, infantulumque coram ipso super mensa sistit addita pecuniâ, vel alio quod pecuniæ loco esse possit, tanto quantum floreni duo, Sacerdoti sic ait: *Vxor mea mihi bechor siue filium peperit primogenitum lex eum tibi vult dari. Cui sacerdos das ne? Pater respondet, etiam, postea percontatur matrem an iste sit primogenitus, an non abortivus præcesserit, si neget, quaerit à patre sacerdos, num pecunia chariorem habeat filium, pater filium chariorem ait, tum sacerdos acceptam pecuniam ad caput infantuli deponens. Filiolus inquit, primogenitus est, quem Deus redimendum esse voluit, cuius redemptio erit post unum mensem, &c. Conversusque ad puellum quando tu (inquit) eras in utero materno, eras Patri tui Cælestis & parentum tuorum, nunc autem es in potestate manûque meâ, qui sacerdos sum: Pater autem tuus & mater tua redimere te cupiunt: quippe qui primogenitus sis Domino sacer, prout scriptum est, Sanctifica mihi omne primogenitum &c. Nunc pecunia hæc loco tuo succedet pro*

Modus redemptionis primogenitorum.

40 De bonis & possessionibus Ecclesiarum,
tunc redemptione, sacerdoti tunc donata erit, &c.

Notant quod si pater decesserit antequam filius
attigerit diem trigesimum tertium, quo nempe
secundum legem debet redimi: tum mater non
tenetur filium redimere, sed filij collo cartam
aut laminam auream circumponere, in qua scri-
ptum est, בכור שגא נדדה hoc est, filius iste, est qui-
dem primogenitus, sed non redemptus. Itaque cum
adoleuit, ipsemet tenetur sese à sacerdote con-
dicto pretio redimere.

De votivis
primitiis.

Numer. 18.

Quod verò ad votivas primitias pertinet, cer-
tum est quidquid beneficij alicuius impetrandi
causâ Deo vouerent Iudæi, illud in commodum
Sacerdotum cessisse, siue è frugibus, siue è pecu-
dibus & armentis. Ita enim legitur Numer. 18.
*Primitias quas vouerunt & obtulerunt filij Israël, tibi
dedi, filiis tuis, ac filiabus tuis iure perpetuo, & versu
decimoquarto additur, omne quod ex voto reddide-
runt filij Israël, tuum erit.*

Leuit. 23.

Præter hoc Duplex primitiarum genus, erant
& aliæ: nam singulis hebdomadibus, dum pa-
nem pinsunt mulieres Iudææ, placentiam secer-
nunt & dicant Domino, offeruntque Sacerdoti:
Sic etiam secundâ die Azymorum, nouas spicas
primitiarum nomine Deo offerebant. Item die
sacro Pentecostes primitias panum nouæ messis,
gratulantes Numini persoluebant. De quibus
primitijs Leuit. 23. *Offeretis sacrificium nouum Do-
mino ex omnibus habitaculis vestris, panes primitiarum
duos de duabus decimis simile fermentatæ, quos coque-*
tis in

ad 70

tis in primitias Domini, &c. Vnde festum istud Pentecostes aliquando appellatur festum Primitiuorum.

Illud addo instar parergi, sollicitos fuisse Christianos vetēres de primitiis suis Deo persoluentibus: adeoque sacerdotes non tantum decimis sed primitiis quoque fructibus victitasse. Ita enim Hieron in cap. 44 Ezechielis, *Primitiæ quoque ciborum nostrorum sacerdotibus offeruntur, ut nil gustemus nouarum frugum, nisi sacerdos ante gustauerit. Hoc autem facimus, ut reponat sacerdos benedictionem & oblationem nostram in dōmo sua: siue ut ad imprecationem suam, Dominus benedicat domibus nostris. Grandis dignitas Sacerdotum, sed grandis ruina eorum si peccant. Latemur ad ascensum, sed timeamus ad lapsum, non est tanti gaudiū excelsa tenuisse, quanti mœroris de sublimioribus corruisse. Neque enim solum pro nostris delictis reddemus rationem, sed pro omnium quorum abutimur donis, & nequaquam sumus de eorum salute solliciti.*

Hieron. in
c. 44. Ezech.

CAPVT VIII.

DE REDITIBVS, QVOS EX SACRIFICIIS & oblationibus antiqui Sacerdotes capiebant.

Quam partem ex singulis. Sacrificia varij generis. Quotuplex oblatio. Quid Charam. Quo pretio redimuntur persona. Que pradia, &c.

SEcunda pars reddituum, quibus antiqui Sacerdotes alebantur in sacrificiis, posita est, quorum ferè nullum erat, cuius aliqua pars ad Sacerdotem non pertineret, ideoque si perpendamus, Iudæos tam assiduos & frequentes fuisse in sacrificiis Deo exhibendis, vt repudiato mentis cultu omnem pietatis ac Religionis fructum in victimarum cæde constituissent, patebit, certè ex hostiarum continua mactatione copiosos satis & pingues census, Leuitas & Sacerdotes collegisse, vnde eorum familiæ nutrentur: Nam cum quinque enumerentur sacrificiorum genera, holocaustum, libamina pacifica, sacrificium pro peccatis, sacrificium pro delictis, sacrificium consecrationis: Vnum erat holocaustum, è quo nulla pars sacerdoti obueniebat præter pellem. Cum enim sacrificium istud in solam Dei gloriam cederet, essentque quasi vectigal supremæ illius maiestati, qua mundum summo domina-

tu regij pensitatum, certè nefas erat quidquam ex eo ab hominibus decerpi, nisi ausu temerario vellent in diuinæ potestatis societatem inuolare, vnde Philo de sacrificio, quia ad honorem Dei holocaustum institutum est, idcirco victima tota absumitur, *μὴ δὲν ἐπιτερεῖσθαι τὸ θιντὸς Φιλαυτίας*, humanâ cupiditate nihil inde auferente.

De libaminibus, quod supererat ex simila & oleo, illud erat filiorum Aaron, vt habetur Leuit. *Animas cum obtulerit oblationem sacrificij Domino, simila erit eius oblatio, fundetque super eam oleum & ponet thus & deferet ad filios Aaron sacerdotis, quorum unus tollit pugillum plenum simila & olei ac totum thus, & ponet memoriale super altare in odorem suauissimum Domino: quod autem reliquum erit de sacrificio, erit Aaron & filiorum eius, sanctum sanctorum de oblationibus Domino.*

E sacrificio pacificorum, quod Græci *ῥυσίας ἐιρηνικὸν*, appellant, sacerdos pectusculum & armum dextrum accipiebat, quod ex mente Origenis demonstrabat, ope curaque Sacerdotis sic commutatum offerentis animum, vt eius studia & actiones omnes nil deinceps prophanum saperent, sed legi consentirent atque honestati: Per pectus enim affectus internos, per armum verò siue brachium, actiones vult significari. Cæterum ea erat huius sacrificij conditio, vt opereretur illius carnes ab offerente in atrio tabernaculi ante diem tertium omnes absumi; itaut nil in tertium diem superesset, quod traducit Philo

Origenes
homil. 5. in
cap. 7. Lant

Philo libro
legis de vi-
tutibus p. 653

44 *De bonis & possessionibus Ecclesiarum,*
ad animam & corpus : Offertur, inquit, sacrificium
pro salute duorum corporis & animæ, proinde suis cui-
que dies epularis tribuitur, &c. quoniam autem,
tertium nihil est, cui propriè quærat^r salus, seriò ve-
ritum est proferri epulum usque in tertium diem : itaut
ne per obliuionem quidem liceat superesse reliquias sine
piaculo.

In sacrificio pro peccato duo distinguenda
sunt: Nam aut offerebatur pro peccato Sacerdo-
tis, aut populi, aut peccato priuatæ alicuius per-
sonæ: si pro peccato populi aut Sacerdotis hostia
offerretur, nil inde sibi retinebant Sacerdotes, sed
tota victima comburebatur extra castra, vt habe-
tur Leuit. cap. 6. *Hostia quæ caditur pro peccato, cuius*
sanguis infertur in tabernaculum testimonij ad expiandum
in sanctuario, non comeditur sed comburetur igni Si verò
hostia offerebatur pro priuati alicuius peccato,
tum oblata victima pertinebat ad Sacerdotem
offerentem: ita tamen vt ad esum inuitare posset
collegas & liberos eorum inares, *Omnis masculu-*
lus de genere Sacerdotali vescitur de carnibus eius.

Leuit. 6.
v. 10.

In victima verò pro delicto, quæ portio Sacer-
doti obueniret satis proditur Leuit. 7. *Hæc quo-*
que est lex hostiæ pro delicto, sancta sanctorum est. Id-
circo ubi immolabitur holocaustum, mactabitur & vi-
ctima pro delicto, sanguis per gyrum altaris funditur, of-
ferent caudam ex ea & adipem qui operit vitalia, duos re-
nunculos & pinguedinem quæ iuxta ilia est, reticulum-
que iecoris cum renunculis & adolebit ea Sacerdos su-
per altare, incensum est Domino pro delicto: Omnis

masculus de Sacerdotali genere in loco sancto vescitur
his carnibus, quia sanctum Sanctorum est: sicut pro pec-
cato offertur hostia: ita & pro delicto utriusque ho-
stia Lex una erit: ad Sacerdotem, qui eam obtulerit
pertinebit. Sacerdos qui offert Holocausti victimam
habebit pellem eius & omne sacrificium simile, quod
coquitur ex clibano & quidquid in craticula, vel sar-
tagine preparatur erit eius sacerdotis à quo offertur,
&c.

Ac ne quid supersit quod hîc scrupulum possit
mouere, obiter notandum peccatum, à deli-
cto distingui, illud Hebræi חטאת Græci ἀμάρτια,
hoc verò σὴν Græci πλημμελεία vocant & pecca-
tum volunt esse, quod committitur contra præce-
pta affirmatiua, quæ tot esse in scriptura asserunt
quot sunt ossa in corpore humano: At verò deli-
ctum censent esse, quo negatiua mandata violan-
tur, quæ tot esse volunt quot anni dies nempe
365. Peccatum August. vult esse commissionis, de-
lictum omissionis, Gregorius peccatum esse ope-
rum, delictum verò cogitationis. Alij peccatum
quod consultò fit & datâ operâ: at delictum quod
ex ignorantia.

Aug. quæst.
10. in Leuit.
Greg. hom.
22. in Ezech.

Quanta autem fieret singulis annis in templo
Hierosolimitano victimarum strages: inde maxi-
mè constabit, quod Flavius Iosephus excidij
Hierosol. lib. 6. cap. 4. notat vno die Paschatis
ducenta quinquaginta sex millia & sexcentas vi-
ctimas fuisse immolatas. Tertium genus obuen-
tionum, quarum fructus cedebant in commo-

46 *De bonis & possessionibus Ecclesiarum,*
dum sacerdotum , consistit in oblationibus &
spontaneis muneribus.

Oblationes autem aut hominum erant ac animalium, aut certè rerum aliarum vt pote agri, villæ, domus, &c. Vtraque autè oblatio siue rerum, siue personarum, duobus modis fiebat: aut per modum succisionis & anathematis, aut per modum simplicis consecrationis ac doni. Quidquid per modum succisionis dicabatur Domino, id nullo pretio redimi poterat, seu homo, seu fundus, seu animal: & homines quidem ac animantes mactari necesse erat, villas, prædia & agros æternum sacerdotibus addici.

Ex quo conijcere est, non esse à veritate alienam eorum sententiam, qui filiam Iepthe reuerà mactatam asseruerunt, quod eam vouisset per modum succisionis & anathematis, quod ab Hebræis appellatur חַטָּאת. At Leuitici vltimo capite iubetur, וְכֹל חַטָּאתוֹתָיו וְכֹל חַטָּאתוֹתָיו ut omne quod deuotum fuerit Domino etiam ex humanis personis non redimatur, sed omnino morte afficiatur כל חַטָּאתוֹתָיו אֲשֶׁר יָחֹס מִן הָאָדָם לֹא יוֹדֵה Quæ ergo personæ erant simplici voto consecratæ, vitam suam pretio recipiebant, quod pretium à sacerdote imponebatur, pro conditione, ætate, statûque personarum. Masculus à vigesimo anno ad sexagesimum, quinquaginta siclis argenti redimebatur, mulier, triginta, à quinto anno ad vigesimum, masculus viginti siclis, mulier decem: Ab vno mense ad annum quintum masculus quinque, femina tri-

bus, si pauper esset minuebatur pretium ex iudicio sacerdotis. Cæterum non erit alienum hîc annotare quod à Drusio in Leuiticum accipimus, nimirum fœminam cum crescit ætate & senectute, pretio quoque crescere, quasi bona non sit nisi quæ citò moritura. Nam in alia ætate fœmina mediâ parte minùs æstimatur quàm vir, sed in senectute quartâ tantum parte deficit à pretio viri, Ita Leuitici 27. vers. 7. vir Sexagenarius æstimatur quindecim siclis argenteis & fœmina decem. Quippe ut ait Rabbi Selomo *quum fœmina peruenit ad d'ies senectutis proximè est ut reputetur pro viro, quod homines* (inquit : Prouerbio significant senex in domo, Dux in domo, Anus in domo, Thesaurus bonus in domo.

Quod ad votum terrarum & domorum pertinet, vel erant propriæ possessionis, vel erant emptitiæ: Si propriæ possessionis poterant redimi additâ quintâ parte pretii, si quis nollet redimere, tû certè vendebantur habitâ ratione annorum, qui superessent ad Iubileum, si plures anni, chariùs vèribant, si pauciores, viliùs Verùm hoc erat incommodi iis qui terras suas redimere nolebant, quod eas nunquam reciperent, sed in formam anathematis & succissionis conuersæ, iuri & dominio sacerdotum accrêscébant, ita tamen ut singulis Iubileis eas sacerdotes licitationi subiicerent venderentque alicui ex eâ tribu, aquâ erant distractæ. Si verò terra non esset propria familiæ sed emptitia, tum certè æstimabatur illius pre-

48 De bonis & possessionibus Ecclesiarum,
tium habitâ ratione annorum, qui reliqui essent
ad Iubileum; eo exacto ad priorem dominum
quasi postliminio reditura. Vnde patet magnos
quoque fructus ac proventus habuisse antiquæ
legis Sacerdotes & Leuitas, ex frequenti illa conse-
cratione domorum ac personarum, ac proinde
fragile argumentum ex eorum tenuitate assumi,
vt necessariæ paupertatis onus nouæ legis sacer-
dotibus imponatur.

CAPVT X.

QVOT GENERA DECIMARVM.

Quid *דְּמִיָּה* & *מִנְיָה* Decimæ re-
gia. Ex quibus rebus fieret decimatio. Qui testes.
Modus eligendi pecora ex Paraphrasi
Chaldaica, &c.

Quartum genus prouentuum sacrorum colli-
gebatur ex decimis, quas populus ordini sa-
cerdotum quotannis persoluebat, quarum ratio
modusque persoluedi, vt plenius intelligatur,
animaduertendum ex Hieronimo tria fuisse apud
Iudeos decimarum genera, sic enim habet in Ezech.
cap. 45. Dicamus igitur primum iuxta litteram *דְּמִיָּה*
hoc est decimam partem omnium frugum Leuitica tri-
bui populus, ex lege debebat. Rursum ex decimis, Leuita
hoc est inferior Ministrorum gradus, dabat decimas sacer-
dotibus, & hac est que appellatur *מִנְיָה*. Erant
quoque

Hieron. lib.
14. in Ezech.
tom. 5. op.

quoque aliæ decimæ , quas unusquisque de populo Israël in suis horreis seruabat , ut comederet eas cum iret ad Templum & urbem Hierusal'm, & Sacerdotes ac Levitas inuitaret ad conuiuia. Erant autem & aliæ decimæ, quas pauperibus recondebant, quæ Græco sermone appellantur *πρωτοδικαι*; Nonnulli censent tertiam & quartam decimam non differre, nisi quod tertio & sexto quoq; anno decimæ istæ in peregrinos & hospites erogarentur : at annis intermediis in sacra conuiuia eas expenderent, cum Hierosolymas proficiscerentur. Nam si fieri posset, eas in Urbem Sacram comportabant, sin verò itinerum longinquitas prohiberet, è pretio venditarum decimarum conuiuia Hierosolymis in atrio sacro instituebant. Ita censet Rabbi Ben, Mayemon, in Halac Maaf, Scheni capite primo *Separatis*, inquit, prioribus decimis, dabant & secundas decimas ex omni prouentu singulis annis. Verùm anno tertio & sexto periodi septenariæ pauperibus.

Cæterùm præter hæc quatuor decimarum genera idem Rabbi Moses, in Halach Melach, c. 4. asserit quintum fuisse decimarum genus, quod nempe Regi solueretur; quandoquidem aliquâ ex parte sacerdotis dignitate floresceret, & diuina in terris vice fungeretur. Quæ sententia licet paucissimos habeat authores, nec ab vlllo antiquorum prodita sit, videtur tamen niti sacra scripturæ suffragio, vbi inter cætera Regij Iuris capita, hoc quoque disertè refertur : *Agros quoque vestros &*

50 *De bonis & possessionibus Ecclesiarum,*
vineas & oliueta tollēt & dabit seruis suis: Sed & sege-
tes vestras & vinearum redditus addecimabit, ut det uni-
uersis & famulis suis, greges quoque vestros addecimabit
& eritis serui.

Quia verò hîc de decimis Leuiticis nobis institutus est sermo, dicendum quomodo legerentur, & è quibus bonis.

Decimæ vel è pecoribus, vel è fructibus solebant legi. E fructibus quidem omnis generis scilicet è frumento, tritico, auenâ, hordeo, leguminibus, oleo, musto, ficibus, malogranatis.

Nec fruges tantùm viles & alendo corpori commodæ huic oneri subdebantur: Verùm & è lolio, zizaniis, cæterisque noxiis herbarum generibus, quibus frumenta præfocantur, sacerdotes decimas sumebant, ita enim habet Rabbi Moses, Ben, Mayemon, in Halac Trumos capite 1. *Vicia quamuis non sint humana nutrimenta, quia tamen famis tempore comeduntur, etiam addecimari debent, sic & hyssopus atque origanum, quorum semina sunt hominum condimentum, decimantur. Ex hac tam rigidâ decimarum etiam è minutissimis rebus penultatione, manasse videtur increpatio Christi, Matth vigesimo tertio: Væ vobis, Scribæ & Pharisei, qui decimatis mentham, & anethum, & cuminum, & reliquistis quæ grauiora sunt legis, iudicium & misericordiam & fidem, hæc oportuit facere & illa non omittere.*

In hac autem decimarum segregatione, ita pietati & bonæ fidei Iudæorum credebatur, ut nulli

adhiberentur arbitri, nulli immitterentur exploratores, qui pensitationi huic modum impone-
rent, donec diebus Ioannis, qui successit Simeo-
ni Senatus magnus emisit exploratores in omnes
terminos Israël, & deprehendit, quod pri-
mitiarum quidem oblationes fideliter redderent,
vtrâsque verò decimas primam videlicet & se-
cundam, & eam quæ pauperum est, immi-
nuerent.

Ideo decreuerunt, ne quis posthac solus sine
teste sufficeret ad decimationem, nisi homo no-
tæ probitatis: ac plebeciorum fructus semper dubij
essent, nec ipsimet de decimatione testari possent.
Ita prodit idem Rabbi Mayemon, in Halac Maa-
sar capite nono.

Pecoris verò decimas etiam ex omni genere
perfoluebant, Hebræus habet יצא & omnis
decima ouis & pecoris, quæ duo Bacar &
Tson, comprehendunt omne genus animan-
tium; Eadem habet Paraphrasis Chaldaïca no-
mine verò Tson, non tantum oues intelliguntur,
sed etiam Capræ.

Modum verò seligendi & secernendi decimam
è pecoribus prodit Oleaster, aitque primum Pa-
stores matres omnes & foetas ab ouili separasse,
deinde verò collectis in vnum locum agnis &
ouibus (è quo loco vnicus, isque arctior & angu-
stior egressus pateret,) ope virgæ omnes singula-
tim agnos pastorem emisisse, ea lege, vt qui deci-
mus egrederetur quisquis ille foret, seu macilen-

32 De bonis & possessionibus Eccl. s. arum,
tus, seu obælus & pinguis, is in sortem Levitarum
transiret, neque fas esset immutare. Vnde inquit
præfato loco Levitici habetur, decimam colligi ex
omni, *quod transit sub virgâ Pastoris.*

Verum eius consuetudinis fontem Paraphra-
sim Chaldaicam hîc libet adtexere, quæ in fine
Levitici, ultimo capite ita habet. *Omnisque decima-
tio bouum & ouium & omne decimum quod transiit sub
virgâ, erit sanctificatum coram Domino. Non requi-
rat inter bonum & malum neque commutet illud, si au-
tem commutans commutauerit illud, & id pro quo
commutatum est erit sanctificatum & non redimetur.*
Vnde patet sic multatam fuisse eorum fraudem,
qui ouem pinguem macilentâ & tenui commuta-
rent, vt vtra que Levitarum esset, & jure quodam
succissionis atque anathematis Domino vindica-
retur.

CAPVT IX.

DEGAZOPHYLACIO ET PECVNIIS
*sacris. Duo genera Gazophylaciorum. A quo tem-
pore caput Gazophylacio pecunia inferri. Origo tribu-
ti quod Judæi viritim pendebant. Populi numeratio
quare Deo odiosa. Siclus duplex. Pecunia è toto orbe
Jerusalem delata. Ceremonia in refectione Templi.
Locus Matthæi explicatur.*

Sexta bonorum Classis, quæ sacerdotibus an-
tiquæ legis propria erant, colligebatur ex iis,

quæ populus in Gazophylacium siue Corbonam importabat.

Gazophylacium autem duo mihi videtur significare apud sacros auctores. Primò locum quendam seu cœnaculum satis amplum & spatiosum, in quod, non modo pecunias, verum & omnis generis donaria, quæ Deo vouerentur, Iudæi inferebant: Imo verò in illo Gazophylacio suppellex religiosa, vasa aurea, argentea, & quidquid instrumentorum sacris faciundis necessarium esset, sub cura Leuitarum seruabatur. Inde promebatur & recondebatur, eorundem manu & sollicitudine, prout sacrificiorum ratio ac ceremoniæ postulerent. Nam eam esse huius nominis, Gazophylacium, significationem satis constat capite decimo Nehemiæ, vbi primitiæ, quas Israëlitiæ Deo offerunt & decimæ quas Leuitæ sacerdotibus pendunt, iubentur ad Gazophylacium deferri. Vnde liquet eo loco, Gazophylacium, non pro arca lignea excipiendis tantum nummulis aptata, sed pro grandi spatiosâque porticu, cellis variis distincta sumi, in qua fruges omnis generis recondi possunt ac reservari. Ita vero habet Textus. *Ut primitias ciborum nostrorum & libaminum nostrorum, & poma omnia ligni, vindemiæ quoque & olei offeremus sacerdotibus, ad Gazophylacium Dei nostri, & decimam partem terræ nostræ Leuitis: ipsi Leuitæ decimas accipient ex omnibus ciuitatibus operum nostrorum. Erit autem sacerdos filius Aaron cum Leuitis in decimis Leuitarum & Leuitæ offerent decimam partem*

Duplex Gazophylacij significatio,

Gazophylacium maius.

Nehem. c.
10. v. 37.

54 *De bonis & possessionibus Ecclesiarum,*
decimæ suæ in domo Dei nostri ad Gazophylacium in
domo Thesauri. Ad Gazophylacium enim deportabunt
filij Israël & filij Leui primitias frumenti, vini, & olei,
&c. ibi erunt vasa Domini sanctificata, &c. Ex quo
loco patet Leuitas omnem decimam per ciuitates
Iudææ collegisse: Tum verò decimam illius deci-
mæ partem curasse deferri in Hierusalem, atque
importari in domum Thesauri, quam Gazophyla-
cium appellat scriptura.

Gazophyla-
 cium minus.

Quo tem-
 pore cepit
 Gazophyla-
 cio interri
 pecunia.

Alioquin verò Gazophylacium significat ar-
 culam ex tabulis compactam, quarum vna, quæ
 tegumenti & operculi loco, arcæ imposita erat,
 superne fissilis, tenuique hiatu diducta, viam mon-
 strabat inducendæ pecuniæ. Videtur autem Ga-
 zophylacij istius vsus primùm cœpisse temporibus
 Ioæ Regis, qui cùm videret pecunias, quas po-
 pulus reficiendo ornandoque templo in dies con-
 ferebat, à sacerdotibus turpissimè corradi, nec in-
 de templi labes ac ruinas suppleri, noluit am-
 plius pecuniam istam sacerdotum avaris manibus,
 quibus tam sordide adhæresceret, attrectari: Eâ-
 que causâ Gazophylacium ligneum Ioïadas Pon-
 tifex concinnari curauit, in quod pecuniæ seu
 votiuæ, seu debitæ immitterentur, illinc postea
 coram scribâ Regis, Pontifice, & argentariis edu-
 cendæ: Nam hoc pacto summotis fraudibus &
 turpi prædatione interclusâ, in Dei gloriam tem-
 plique ornatum cedebant, quæ prius in hominum
 luxuriam & familiarum pompam vertebantur.
Dixit Ioas ad sacerdotes: omnem pecuniam sanctorum,

4. Regum
 12.

quæ inferitur in Templum Domini à prateruentibus, pecuniam pretij, & quam sponte pro arbitrio cordis inferunt in Templum Domini, accipiant sacerdotes quisquis ab exactione sua & instaurent sarta tecta domus, si quid opus viderint instauratione: Igitur usque ad vigesimum tertium annum Regis Ioæ non instaurauerunt sacerdotes sarta tecta templi: Vocauitque Rex Joiadam Pontificem & sacerdotes, dicens eis, quare sarta tecta non instaurastis Templi. Nolite ergo amplius accipere pecuniam ab exactione vestra, quando ad instaurationem Templi daturi non estis, & consenserunt sacerdotes ne ultra acciperent pecuniam à populo causâ sartorum, domuum, & sumpsit Joiadas Gazophylacium unum, aperuitque foramen in tabula eius, & posuit iuxta altare ad dextram ingredientium domum Domini, & dederunt in id sacerdotes, qui custodiebant ostium omnem pecuniam, quæ deferrebatur in Templum; cùmque viderent nimiam pecuniam esse in Gazophylacio, ascendit scriba Regis & Pontifex & argentarii, effuderuntque & numerarunt pecuniam, quæ inuenta est in domo Domini, & dederunt eam promptè in manus operariorum. Eadem prope descriptio Gazophylacij habetur 2. Paralip. cap. 23. vbi inducitur Ioas ita imperans. Fiat

a. Paralip.
cap. 23.

arca & ponatur in porta Domini extrinsecus & edicant in Iuda & Hierusalem, conferes Domino, ut Dixit Moyses in deserto & dederunt omnes Principes & cunctus populus, & contulerunt & coniecerunt in arcam; ita ut compleretur: & attulerunt arcam ad prapósitos Regis per manus Levitarum & viderunt quod abundabat pecunia, & venit scriba Regis & prapositus magni sacer-

56 *De bonis & possessionibus Ecclesiarum;*
deis, & exhausserunt arcam & posuerunt eam in loco
suo.

Quia ratione
prius tem-
poribus pe-
cunia colli-
geatur.
4. Reg. 12.

Itaque ante arcam appositam, apparet in veteri
Templo solitos fuisse quosdam è sacerdotibus se-
dere in conclavi, ad fores sacræ domus extructo,
ibique seu votivas, seu lege mandatas pecunias à
populo percipere, earumque numerum in com-
mentarium & pugillares referre: Erant autem ra-
tionum libri descripti iuxta Prouincias & Tribus,
vt pateret quis ex vnaquaque Tribu persoluisset
vectigal à Deo impositum, quis verò in mora esset:
Cum autem per vices & decurias ministrarent sa-
cerdotes, certè conijcere est non eisdem toto an-
no præfuisse pecuniis excipiendis, sed prout ordi-
nes & vices mutarentur, ita quoque mutatos fuisse
Quæstores, & rei pecuniariæ Promos Condos.
Quod facile est colligere ex cap. citato 4. Reg. 12.
vbi Ioas ita increpat sacerdotes, *Nolite amplius ac-*
cipere pecuniam iuxta ordinem vestrum.

Post extructam vero arcam ligneam, vel po-
pulus suâ sponte pecuniam istam collatitiam in
Gazophylacium immittebat: vel certè si quis non-
dum assuetus huic nouo mori in manus sacerdo-
rum aliquid contraderet, illi tum primùm populi
vota in Gazophylacium seu in Thecam ligneam
inferebant. Omnino verò censendum est prius-
quam populus tributum Gazophylacio injiceret
sacerdotes ipsos pecunias numerasse, quas census
nomine, Deo viritim pendebant: ne populus Reli-
gionem

gionem falleret, aut certè ignoraretur quis tributo se exoluisset, & quis reus eiusdem ac debitor superesset.

Et hoc pacto conciliari possunt duo textus ad speciem contrarii, 4. Reg. 12. & 2. Paralipomenon 23. quorum primus ait per sacerdotum manus pecuniam fuisse in Gazophylacium delatam: alter verò à populo nummos fuisse largissimè immisos. Nani priori loco mentio est de pecunia conditâ per legem & instar census impositâ, posteriori, de votivâ & sponte oblatâ.

Conclitio
locorum
scripturæ.

Quid autem deberent Templo Iudæorum singuli, constat ex eo quod habetur Exod. 30. *Quando vuleris summam filiorum Israël, iuxta numerum dabunt singuli pretium pro animabus suis Domino, & non erit plaga in eis, cum fuerint recensiti. Hoc autem dabit omnis qui transit ad nomen, dimidium sicle iuxta mensuram Templi: Sicleus viginti obolos habet, media pars sicle offertur Domino. Qui habetur in numero, à viginti annis & supra dabit pretium: Dives non addet ad medium sicle & pauper nihil minuet, susceptamque pecuniam irades in usus tabernaculi testimonij, ut sit monumentum coram Domino, & propitietur animabus eorum.*

Tributum
templo de-
bitum quale
fuerit.

Licet autem videatur lex ista ad tempus tantum imposita, nec facile sit reperire præceptum aliud, quo in posterum Israëlita benigniores terras ingressi, & desiderato tandem solo potiti, tenerentur siclem tributi nomine, pendere: Attamen tradunt Hebræi viguisse perpetuò legem

Lex tribu-
ti Tabernacu-
lo: perfol-
vendi an
perpetua.

hanc apud Iudæos, ut singulis annis, qui vigesimum ætatis annum emerissent, illi dimidium fidei Tabernaculo solueret & in ærarium sacrum ad instaurationem Templi, eiusque suppellectilis, immitterent. Hoc autem officio pietatis perfungebantur in festo Expiationis, quæ decimo die mensis Tisri à sacerdote fiebat; ut totius populi sordes communi sacrificio elueret, & totam Iudæorum nationem vnâ victimâ Deo conciliaret.

Tributum
pr. pter nu-
merationem
populi, pri-
mo in positi-
onem.

Alioquin tributum istud à Deo primum impositum est, propter numerationem populi. Quoties enim populus numeraretur, & si Deo annuente id fieret, attamen opus fuit placatione: Facile quippe erat populum, cum recenseretur, infinitâ sui copiâ ac multitudine in superbiam adduci, seque parem cæteris nationibus obruendis, etiam citra cælorum opem credere: Ac proinde ut sceleratus iste tumor infringere & inanis audacia hebesceret, noluit Deus, ut vnquam ista lustratio nisi inter seruitutis monimenta institueretur, ut spes suas Iudæi non tam è populi frequentia quàm è Religionis & Numinis reuerentia metirentur.

Aliam adducit rationem Oleaster. *Si queras quare propter numerationem contingeret plaga in Israël nisi soluerent, quod hic solui precipitur lege cap. 27. Paralipomenon. Vbi describitur percussio gravis populi propter istam numerationem: & videbis quod promiserat Dominus. Abraham Genes. 45. multiplicaturum se semen eius sicut stellas cæli, & arenam, quæ ad latus maris est absque*

Quare pec-
catum fuit
numerare
populum.

Oleaster.
in cap. 30.
in mod. p. 133

numero, noluit supputari quod sine numero promiserat se multiplicaturum: ideo tam grauem ferebat supputationem Israelitarum, ut in eos sequeretur quoties numerabantur.

Neque verò grande fuit aut immoderatum precium, quod à singulis Deus exigebat, dimidium nempe sicli Sanctuarij: Duplex quippe apud Hebræos, ut ibidem notat Oleaster, erat sclus. Vulgaris, qui secundum Rabbi Solomonem habebat quatuor aureos: alter Sanctuarij, qui duplus erat ad communem & vsualem. Alij dicunt Sechel Sanctuarij habuisse quatuor drachmas, quarum quælibet continebat quinque obolos, quare fiebat ut sclus Templi haberet viginti obolos, Idem dicunt euenisse in Templi talento capiebat enim centum & viginti libras, prophanium verò, sexaginta.

Duplex
Sclus apud
Hebræos, De
Siclo & for-
ma Scli vi-
de doctiss.
Morin. exer-
cit. 2. pag.
101.

Quàm verò Religiosi essent Iudæi in hac pecunia pendenda, hinc maximè patet, quod sparsi per vniuersas terrarum partes & longissimo intervallo ab Hierosolimorum vrbe diffusi, curarent tamen singulis annis, istum capitalem censum, in Urbem Sacram importari, per constitutos huic negotio Quæstores. Vnde manauit in Flaccū crimen illud, quod Cicero *Crimen auri Iudaici* appellat. veruerat enim Flaccus, in inuidiam gentis Iudaicæ, & ne fortasse aduersus populum Romanum pecuniarum copia armaretur, vetuerat inquam, aurum istud Hierosolimam deferri, quod ei rapinæ & latrocinij loco objectum est: cum enim in-

Cicero or-
rat. pro
Flacco.

60 De bonis & possessionibus Ecclesiarum;
quit Cicero, aurum, Iudæorum nomine, quotannis ex
Italia, & ex omnibus vestris Prouincijs Hierosolimam
exportari soleret, Flaccus sanxit edicto ne exportari ex
Asia liceret. Quis est, Iudices, qui hoc non verè laudare
possit, exportari aurum non oportere, quod, saepe antea
Senatus tum me Consule grauissimè iudicauit. Huic
autem Barbaræ superstitioni resistere, seneritatis, mul-
titudinem Iudæorum flagrantem nonnumquam in Con-
cionibus; pro Rep. contemnere grauitatis summæ fuit. De
illo verò auro, quod impensis & sumptibus tem-
pli pendebatur, loqui Ciceronem, satis patet ex
eo quod ait Pompeium, victâ captâque Hiero-
solimâ, ab illius auri, quod in templo seruabatur
congerie, manus & cupiditates continuisse. At
Cneius Pompeius captis Hierosolimis victor ex illo fano
nihil attigit, &c.

Durauit autem hæc annua pensitatio apud
Iudæos, donec Vespasianus ultor nefariæ cædis
aduersus Christum perpetratæ, captis euerisq;
Hierosolimis, & templo in tristissimam ruinam
dissoluto, tributum istud, quod viritim Iudæi
pendebant, Ioui Capitolino eiusque sacris addixit,
vt testatur Dio Xiphilinus in eius vitâ, & Iosephus
de Bello Iudaico lib. 7. cap. 27.

Quamquam verò corruptis legibus & succe-
dente in locum pietatis auaritiâ, Sacerdotes eam
pecuniam in sua commoda traherent, & de Gazo-
phylacio forsân luxuriarentur: attamen eam re-
bus templi componendis ornandisue ab initio
consecratam satis patet ex eo loco Exodi 30. vbi

Dio Xiphil.
Ioseph.
lib. 7. Bell.
Iud. cap.
27.

pro opere tabernaculi conferendam istam pecuniam Deus ipsemet admonet *Susceptamque pecuniam, quæ collata est à filiis Israël trades in usus tabernaculi testimonij, ut sit monumentum coram Domino, & propitiatur animabus eorum.* Erod. 30.

Cæterùm, quoniam hîc de instauratione templi sermo est, non incongruum erit annotare magnâ fuisse apud Iudæos Adis Sacræ obseruatiam, ac præsertim eius partis, quæ Sancta Sanctorum dicebatur, & quam implere Deus credebatur augustæ præsentîæ Maiestatis. Nam siquid in ea sarciendum, purgandumue esset, sic inducebantur fabri atque artifices, ut arcis quibusdam inclusi, nil quidquam videre possent, præter eas partes, quæ aut fractæ aut violatæ eorum operâ arteque indigerent. Sic enim scribitur Midoth. cap. 4. *lectiōne quarta foramina etiam erant aperta in Cœnaculo ad Sanctum Sanctorum, per quæ eatenus dimittebant fabros in arcis, ne eorum oculi nutr. rentur è Sancto Sanctorum.* Eremonia in re-ti-ciendo tem-plo.

At verò præter istam pecuniam, quam capitim templo soluebant Iudæi, plurimâ adhuc votiuâ & sponte oblatâ augebatur ærarium, vnde vis multa pecuniæ & sacræ suppellectilis ingens atque illustis apparatus, quod sæpe multarum gentium avaritiam irritauit, quæ cupiditas nec aris parcit nec sepulchris. His autem pecunijs & vasis ac vestibis præfuit vnus è numero sacerdotum cultos, ut patet ex Nehemiæ 13. *Erat super Elaiſer Sacerdos, qui fuerat præpositus in Gazophylacio domus* Talmud in Midoth. cap. 4.

62 *De bonis & possessionibus Ecclesiarum;*
Dei nostri: fecit ergo sibi Gazophylacium grande & ibi
ante eum reponebant munera.

Sacerdo-
tum anti-
que legis
avaræ sor-
des.

Hieronimi
in cap.
25. Math.
tom. 9. lib.
2.

Matth. 23.

Immo verò cum spurcissima habendi cupido omnia contaminasset, seruirentque Sacerdotes altaribus, magis ut populi munera prensarent, quàm ut diuinos fauores mererentur: augendi istius census nefarias rationes inuenerunt, ac palam publicèque edixerunt, nullum esse pietatis genus, quo citiùs Diuina indignatio miteretur, iustæque cælorum iracundia mulceretur, quàm liberali pecuniarum in arcas sanctiores immissione. Quidquid sumptus in alendos pauperes & subleuandam parentum miseriam fieret, multum abesse, ab illius pietatis merito dicebant, quæ Dei domum illustrando, ipsummet sibi constitueret debitorem: Et ea causa ait Hieronimus Christum Dominum in corruptos sui sæculi sacerdotes inuectum, qui parentum egestati atque inopiæ liberorum officia subriperent, & callidissimo Religionis artificio dicerent nil esse parètib; etiam extremâ calamitate pressis tam commodum ac salutare, quàm si in Corbonam munera mitterentur, quasi miserorum viscera fame angi desinerent, cum frequentibus donis Gazophylacia implebantur. *Quare transgredimini mandatum Dei propter traditionem vestram. Nam Deus dixit Honora Patrem & Matrem, & qui maledixerit Patri aut Matri morte moriatur Vos autem dicitis, quicumque dixerit patri & matri, minus quodcumque est ex me tibi proderit, & non honorabit patrem suum & matrem suam.*

Ecce. Quidquid enim sit de aliorum opinione, qui volunt hoc esse execrationis genus, quo liberi in parentes utebantur (quæ certe sententia quomodo stare potest, quis enim crediderit sacerdotes tam prauos fuisse ut docerent specie pietatis posse liberos parentibus imprecari quidquid) inquam alii lucis afferant huic satis implicato textui. Certe Hieronimus Christi obiurgationem refert ad artem captandi donaria, quâ vasferriini eius ætatis sacerdotes utebantur. *Præceperat* (inquit) *Dominus, vel imbecillitates, vel atates, vel penurias parentum considerans, ut filij honorarent etiam in vitæ necessarijs ministrandis parentes suos: Hanc providentissimam Dei legem volentes Scribæ & Pharisei subvertere; ut impietatem sub nomine pietatis inducerent, docuerunt piissimos filios, ut si quis quæ Deo offerenda sunt, Deo vouere voluerit, qui verus est pater, oblatio Domini præponatur parentum muneribus, vel certè ipsi parentes, quæ Deo consecrata cernebant declinantes, egestate cōficiabantur. Atque ita fiebat ut oblatio liberorum sub oblatione templi & Dei, in sacerdotum lucra cederet. Hac pessima Phariseorum traditio de alia veniebat occasione; Multi habentes obligatos ære alieno & nolentes sibi creditum reddere, delegabant sacerdotibus, ut exacta pecunia, ministerijs templi, & eorum vsibus deseruires. Potest autem & hunc breuiter habere sensum, Compellitis filios ut dicant parentibus suis, quodcumque donum oblaturus eram Deo in tuos vsus cōsumo, & tibi prodest pater ac mater; ut illi timētes accipere, quod Deo mancipatū videant, inopē magis velint vitam ducere, quā comedere consecrata.*

Hinc triplex dolus in Phariseis ad rem suam augendamprehenditur. Primò docebant filios parentibus infestos vouere sua templo, ut hoc modo legi, quæ iubet succurendum parentibus, fucum facerent. Secundò si quis à debitoribus pecuniam exigere non posset, stipulabatur cum Phariseis, & pecuniam sibi debitam ea conditione vouebat, ut ipse aliquam eius partem perciperet. Tertiò docebant liberos, cum parentes aliquid subsidij postulabant, respondere omnes suas facultates Deo erat consecratum. His itaque astutijs crescebat pecunia sacerdotum; & quæ specimen pietatis esse debuerat in oculis Dei, fiebat triste monumentum sceleris: cernebat in pecuniarum congerie, non tam populi largitatem, quam sacerdotis avaritiam.

Quamobrem cum Deus turpes sacerdotum questus longe ante prospiceret, nossetq; Gazophylacia tandem fore sordidæ nundinationis aucupia, ea longissime à Sanctuario summouit, & extratempli pomæria ablegauit. Neque enim putandum, est intra ambitum templi fuisse Gazophylacia: nisi templi nomine totum istud spatium, quod in planitie montis iacebat, velimus intelligi; sæpe enim totus mons, præsertim area ista, quæ à reliqua montis parte sepimento ligneo secernebatur, Téplum vocatur & Sanctuarium.

Sic itaque constructa erant illa pecuniarum & vasorum receptacula, ut atrijs contigua essent, eisque adhærescerent à parte exteriori templi in-

solo.

Totum mōs
pro templo
nouum
quam su-
mum.

solo profano & non sacro. Hoc certe colligi potest ex eo quod Marci cap. 12. v. 14. dicitur, quod Iesus sedens è regione Gazophilacij aspicietur, quod multa turba iactabat æs in Gazophilacium, & multi diuites iactabant multa. At veniã sedendi intra ambitũ Ædis Sacræ seu in atrij nunquam Christus à Pharisæis impetrasset, neque racuissent violatam loci sanctitatem. Etenim lex erat apud Iudæos, ne quis in atrio Templi sederet præter Reges è Davidis familia oriundos. At quamvis Christus ex eo genere esset: nunquam tamen Pharisæi in eo Regiæ familiæ decus agnoverunt. Deinde Thalmudici in Midoth, sectione prima, capite primo, receptaculum oblationum referunt inter ea loca, in quibus pro templi tutela & præsidio Leuitæ excubarent. At nemini dubium est extra atrium Leuitas solitos excubias agere. Tertio potest & hoc argumentum adhiberi, quod nemini olim liceret pecunias secum in templum deferre, saltem quæ linteo essent inuolutæ. Cum ergo pecunias Deus exhorresceret, & quæcumque metalla in hominum perniciem è terræ visceribus eruuntur, probabile, est locum & arcam pecuniarum à Sanctuario fuisse remotam. Hanc verò legem prodit Rabbi Moyses, Ben, Mayemô, in Halac Habbechira. *Nemo in montem templi veniat cum baculo, aut calceamentiis pedum, neque cum mantica aut pecunijs linteo inuolutis.*

Voinah
Gazophyl-
cia.

Præroga-
tia Re-
gum sedere
in atrio.

Non lice-
bat pecu-
nias ferre in
templum.

Ex his constat inanẽ esse & cõmentitiam eam, quam plurimũ in veteris Synagogæ sacerdotibus

somniant paupertatem: neque ad eorum exempla reuocandos esse nostræ legis Antistites. Quomodo enim sine scelere imitari eos possent, qui sacra omnia spurcissima cupiditate diuitiarum contaminauerunt? & cum Cæsaris ac Pompej imagines in templo ferre respuerent, attamen fœdiori prope, licet non ita aperto, scelere, inter media sacra, aras Auaritiæ crexerant & Ambitioni.

CAPVT X.

DE BONIS IMMOBILIBVS

Leuitarum. Leuita appellatione, officio & sedibus distincti. Eorum ordines & classes. Vrbes eis quo situ & quo numero datæ. Plures habuerunt ciuitates quam aliæ tribus. Earum priuilegia & de Asylis notanda quedam.

QVI Clericos & omnem Christi familiam ad studia paupertatis inflammât, seu sinceriore zelo flagrantes, seu inuidia odioque Ecclesiasticæ Maieſtatis vexati, omnes Leuitarum exëpla memoriamq; importunâ declamatione ad nauseam vsque recântant: Et quia Leuitas nihil habuisse proprium arbitrantur, concludunt opertere sacerdotes nouæ legis, non patrimonijs modo, sed villis quoque, prædijs ac ruribus quibuslibet spoliari.

Isto ariete olim Vuiclepsus validissimè Ecclesiam incussit : eodem sæpius Lutherani vsi sunt, & nouissime Spalatensis, pertæsus Maiestatis Ecclesiasticæ, ad cuius apicem prouchi posse desperarat, iisdem machinis Clericorum dorem, sacrosq; prouentus conatus est expugnare.

Quâ in rem vsus est præsertim Hilarij & Hieronimi patrocínio, qui Leuiticæ paupertatis præconium vbique iactant, & sacerdotibus quasi exemplar vitæ modestioris ingerunt. *Renunciandum est* (inquit Hilarius) *sæculo omnibusq; rebus, ut nobis Deus portio sit.* Caterum, si nos ambitio detineat, si cura pecuniæ occupet, si illecebræ libidinum capiant, si negotia rerum familiarum demorentur : portio nobis Dominus non erit, secularium curarum atque vitiorum possessione detentis. *Moyse cum iussu esset portiones incolatus distribuere duodecim gētib; Israël, ita de Tribu Leuitica præceptum est, Filij Leui non erit portio neque sors in medio fratrum suorum, quia Dominus Deus pars eorum est, & rursum scriptum meminimus. Ego Dominus pars eorum : nullam ergo Deo seruientibus lex data, terrenam esse voluit portionem : quia pars eorum Deus esset. Memini & Euangelij prædicator ille Petrus, nullam esse sibi portii nem possessionis humana cum oranti alimoniam, respondit, Aurum & argentum, &c.*

Hilarius in
psal. 118.

Idem vbique fere, cum de Clericorum modestia & continentia ab opum & diuitiarum inanibus studijs agitur, repetit Hieronimus, quasi *Leuita* & sacerdos vino de decimis & altari seruens altaris oblatione sustentor, &c.

Hiero.
Ep. 2. ad
Nepo.

Cum itaque supra ostensum sit à nobis, Leuitas omni genere reddituum abundasse, & immensas pene opes collegisse ex primitiis, decimis, votis, oblationibus. superest modò, vt discutiamus, num illis fuerint agri, villæ, domus & vrbes.

Verbes proprias habuerunt Leuitæ,

Et habuisse quidem sibi proprias, longèq; meliori conditione ac forte possedisse, quàm ceteri è Iudæis manifestum est, ex pluribus locis sacræ scripturæ. Leuit. 25. dicuntur Leuitæ habere ædes, quæ in urbibus sunt, & cum cæteræ domus redimi non possunt, nisi exacto Iubilæo, Leuitarum domus quouis tempore redemptioni patebant, *ædes Leuitarum quæ in urbibus sunt, semper possunt redimi : Si redemptæ non fuerint in iubilæo reuertentur ad dominos, quia domus urbium Leuitarum sunt pro possessionibus inter filios Israel :* Cum ergo Leuitæ, domos & vrbes alienare possent cum emendi vendendique libertatem obtinerēt, signum est eos vrbes possedisse atque obtinuisse non tantùm ratione vsus-fructus, sed etiam titulo dominii.

Ciuitatum suarum proprietarij vt fuerunt Leuitæ,

Præterea Numerorum secundo iubet Deus vt Israëlita dent Leuitis *de possessionibus suis vrbes ad habitandum & suburbana eorum per circuitum.* At vero ne quis dicat eas vrbes aut exiguo admodum numero fuisse, aut incultas ac steriles, aut incommodas & pauperes: excutiamus illarum splendorem, numerum, ornatum, priuilegia. Numerus urbium quæ Leuitis patrimonium cesserunt, describitur Iosue 21. qui locus vt commode

possit ab omnibus intelligi, notandum Leuitas inter se fuisse triplici nota distinctos, primo appellatione, secundo officiis, tertio sedibus & domiciliis.

Appellatione distinguebantur. Alij quippe dicebantur Aaronitæ, alij vero Caathitæ, alij Gersonitæ, alij Meraritæ: cuius quidem appellationis varietatis & dissidentis ratio inde petenda est. Leui, ut constat ex Numerorum tertio capite, tres habuit filios Gerson, Caath & Merari. E Caath orti sunt Amram, Iesau, Hebron & Oziel. Ex Amram vero nati sunt Moyses, Aäron. Itaque cum initium sacerdotii Mosaici cepisset ab Aaron: hinc factum, ut qui ex Caath per Aaron originem ducebant dicerentur Aaronitæ, qui vero ex Caath per reliquos filios, nempe Iesau, Hebron & Oziel erant propagati, illi simpliciter dicebantur Caathitæ. Iam ergo habemus duas Leuitarum classes ex vno Caath, nempe Aaronitarum & Caathitarum, quibus si addas Meraritas & Gersonitas, consurgent omnino quatuor Leuitarum ordines Aaronitæ, Caathitæ, Meraritæ & Gersonitæ.

Iam vero quoad distinctionem officiorum: certum est præstantissimam sacri ministerii partem penes Aaronitas constituisse, & Eleazarum eam dignitatem, ad quam defuncto Aarone prouectus est, ad posteros transmisisse, apud quos sacri apicis splendor continuâ serie permansit: donec ad Heli ventum est, qui non ex Eleazaro, sed ex Ithamare genus ducebat, à cuius subinde familiâ

70 *De bonis & possessionibus Ecclesiarum,*
prædaces filiorum astutiæ hunc honorem abstulerunt: itaut rediret denuo pontificatus ad Eleazari genus, Salomone regnante. Sadoc enim, qui in amoti Abiatharis locum suffectus est, erat ex Eleazari progenie: cæteri ergo præter Aaronitas, inferioris gradus onera, in rebus sacris obibant, & sacerdotibus quodammodo obnoxij, eisdem in suppellectiletabernaculi ornanda, ferenda, explicanda famulabantur. Ita tamen ut Caathitæ, quia propinquitate generis cum sacerdotibus erant coniunctiores, nobiliora etiam officia partesque obtinerent.

OfficiaLeuitarum.

Numer. 3.
& 4. Singulorum verò sortem & munera explicat sacer contextus diserte Numerorum 30. & 40. ubi Gersonitæ siue familiaLebnitica & Semeitica, quæ nomen sumplerant à duobus filiis Gerson Lebni & Semei, adsciscuntur in curam operimenti tabernaculi tentorii, quod trahitur ante fores tecti fœderis cortinarum atrij, &c. Caathitæ præficiuntur ad excubias Sanctuarij, eisdem plaga meridionalis in castrorum situ adsignatur: his commendantur arca, mensa candelabrum, altaria, &c. Meraritis traduntur curandæ tabernaculi tabulæ, vectes, columnæ, bases, columnæ per atrij circuitum, illisque septentrionalis plaga deputatur.

Terrium discrimen quod ad rem nostram plurimum facit, petitur ex variis eorundem Leuitarum sedibus. Ut enim sacerdotium cæteris longe officiiis eminet & ad regiam quodam modo dignitatem accedit: ita prospectum est ne sacerdotum

genus cum cæterarum familiarum sæce misceretur, sed comunes haberet domos vrbesque cum ea tribu, in qua principatus residebat, & quæ singulari Dei beneficio ceteris reges erat paritura. Vnde in sortitione terrarum Aaronitæ seu sacerdotes non sunt per reliquas tribus admisti. Sed vrbes habuerunt in tribu Iuda, Simeon & Benjamin. Egressaque est fors in familia Caath filiorum Aaron sacerdotis magni de tribu Iuda, Simeon & Benjamin ciuitates tredecim.

Aaronitæ
in tribu Iuda
collocantur.

Qui vero his genere erant coniunctiores, proximæ quoque illis sedes eas occuparunt, habueruntque ciuitates in tribu Ephraim Manasse & Dan: reliquis filiorum Caath id est, Leuitis qui supersuerant de tribus Ephraim & Dan dimidia tribus Manasse, ciuitates decem. Hos sequuti sunt Gersonitæ, qui ciuitates acceperunt in tribu Isachar, Aser & Nephtali & dimidia tribu Manasse, quorum ciuitates fuere tredecim. Denique Meraritæ vrbes sortiti sunt in tribu Ruben, Gad & Zabulon, eorumque ciuitates fuerunt duodecim. Ex quibus constat omnes ciuitates Leuitarum fuisse numero 48. Ingēs certe hæreditas, & quæ cæterarum tribuum patrimonialia multis spatiis antecederet; præsertim si cogitemus Leuitas longe minori fuisse numero, quàm reliquas tribus. Nam dum recenseretur populus Numerorum vigesimo sexto, cæteræ familiæ visæ sunt Leuitico genere multo numerosiores. Etenim, cum in tribu Gad numerentur quadraginta millia & quingenti: in tribu Iuda septuaginta sex millia & quingenti, adeoque in cæteris tribubus fre-

Iosue 21. v.

Iosue 21. v.

quens turba & populus infinitus in tribu Leuitica numerantur tantum viginti tria millia.

Iosue 15. &
sequētib;

Et tamen vrbes multo plures iis assignantur quam ylli ex tribubus: nam ad summum alix tribus dicuntur habuisse sexdecim, nouemdecim, vel viginti oppida: nisi forte censeamus Iosue 15. & sequentibus, quo loci enumerantur ciuitates, quæ unicuique tribui contigerunt, non omnes exprimi, sed insigniores tantum: vel certe dicendum est Leuitis, ideo tot vrbes & ciuitates fuisse traditas, quod illis nefas esset habitare ruri & in suarum vrbiū municipiis, pagis, & villis, cominorari.

Præter vrbes vero, quas in vnaquaque tribu clarissimas & opulentissimas habuerunt, etiam vrbibus proxima erant suburbana, quæ vendi aut impignerari nulla conditione poterant, & hac parte ab vrbibus erant distinctæ, quas alienari à Leuitis, iura non vetabant. Spatium vero & ambitum suburbanorū describit textus sacer, Numerorū trigesimo quinto. *Præcipe filiis Israël, ut dent Leuitis de possessionibus suis vrbes ad habitadum & suburbana eorum per circuitum, ut in ipsis oppidis mancant & suburbana sint pecoribus ac iumentis, quæ à muris ciuitatum forinsecus, mille passuum spatio, tendentur, contra Orientem duo millia erunt cubiti, & contra meridiem similiter erunt duo millia: ad mare quoque quod respicit ad Occidentem. Eadem mensura eris & Septentrionalis plaga equali termino continetur.*

Cæterum, inter vrbes, quæ Leuitis in patrimonio
nium

nium cesserunt sex constituit Deus, quæ supplicij metu fugientibus homicidis perfugium essent & asylum: iuxta illud *de ipsis autem oppidis, quæ Leuitis dabitur sex erunt in fugitiuorum auxilia separata, ut* Num. 35. *fugiat ad ea qui fuderit sanguinem.*

Licet autem ius asyli his urbibus præcipuum fuisse & singulare videatur: attamen omnes ciuitates Leuitarum asyla fuisse Hebræi constanter affirmant, ita tamen ut aliquid esset discriminis, inter has sex vrbes & alias, nec vno modo homicidam à pœna & manu insequenti tuerentur.

Nam priores sex, quemuis hominem, qui errore animi & præcipiti iracundia homicidium perpetrarat, ita inuiolatum præstabant, ut in eum sæuire nefas esset: hinc dicuntur præstare euasione à redemptore. Ita enim habet Hebraica lectio, quam intelligere facile poteris si animaduertas eum, qui iusta indignatione commotus homicidam insectabatur, ut eius morte interfecti manes placaret, appellari ab Hebræis, Redemptorem. Ut enim qui pignus pretiumue agri distracti ac diuenditi tradebat, quod agrum aut villam, cognitionis priuilegio reciperet, Redemptor dicebatur: sic qui cognati & propinqui cædenti, interneceione homicidæ expiabat, is propinqui animam redimere videbatur, eiusque redemptor audiebat: Poterat itaque redemptor impune homicidam vlisci ubicūque cōsisteret, nisi intra vrbes refugij etiam si intra istas vrbes peractum esset homicidium.

At verò reliquæ quadraginta duæ Leuitarum

K

Omnes
vrbes Leui-
tarum ali-
qua sacro-
asyla.

74 *De bonis & possessionibus Ecclesiarum,*
 vrbes, erant quidem receptui occisoribus, sed
 cum hoc discrimine, quod ut illum tuerentur de-
 bebat esse iuris & legis peritus, & eò confugisse
 securitatis caussa. Nam si forte iuris foret igna-
 rus, neque eo commigrasset captandæ securitatis
 ergò, carebat prærogatiua asyli. Item qui in asyla
 peculiariter à Deo constituta confugiebat, mer-
 cedem pro cõmoratione patri-familias, ad quem
 diuertisset, soluere non tenebatur: in reliquis verò
 erat certa merces pro tecto & hospitij benignitate
 pendenda.

Ad asyla-
 quæ ciui-
 tates re-
 quiritur.

In asylis
 nefas est
 restes face-
 re.

Addam insuper, quod de istis asylis in patrimo-
 nio Leuitarum patentibus refert Gemara in caput
 secundum tituli Sanhedrim: *Ad asyla non deli-
 gunt castella, neque vrbes magnas, sed oppida mediocria.*
*Constituuntur eadem, non nisi locis aquosis, aut quo aqua
 deduci possit, nec nisi ubi sit copia rerum venalium nec-
 nisi populosis: si populus eorum habitatoresque diminuatur
 noui illi ex sacerdotibus Leuitis Israëlitis caterisque de-
 ducuntur. Non veniunt ibi arma aut venationis instru-
 menta ex sententia R. Neemie quod tamen sapientes per-
 mittunt: in eo tamen consentiunt neque retia istic expandi,
 neque restes fieri, uti ne pes vindicis eò accessum habeat.*

Patet itaque ex hoc capite Leuitas ne quidem
 rerum immobilium possessione caruisse, imò vero
 eorum sortem & conditionem fuisse opulentissi-
 mam; ac, ut vno verbo dicam, minus obnoxias esse
 inuidiæ, quæcumque illustrent Ecclesiam no-
 stram facultates, quam quibus exoleta ista & suis
 extincta sceleribus Synagoga olim intumescēbat.

Nam ut demus immensas esse in Ecclesia facultates & auctas pietate Christianorum, fortunas non modo suppeditare sacerdotibus, quæ necessitati sufficiant, sed quæ deliciis & ambitioni obsequantur! demus præ aris & templis squalere cætera, & paupertate Christi multo splendore obductâ, infamiam Crucis & suppliciorum iam pridem euanuisse. Attamen quis propterea iure inuidere possit? Patent omnibus opes & fortunæ Ecclesiarum: nullus ab aditu sacræ domus arcetur: nō est certis hominibus adscriptum Christi patrimonium, neque Seruatoris empta sanguine bonorum vbertas, intra vnius familiæ aut Tribus cōmoda continetur. Quis ergo fortunis & opibus inuideat, quæ omnium esse possunt? Veniunt vnde quaque ad aras, siue ex palatiis Regum, siue ex mapalibus subulcorum: nullus isto honore indignus est, nisi qui seipsum indignum vitiis & desidia fecerit. Quicumque purum adfert & innocētem animum, in eo virtus nobilitatem supplet, cuius vero illustriq̃ stemmate, longe altius Ecclesia, quam inanibus Maiorum titulis gloria-
tur.

Sacerdotum legis nouæ opes, cum Levitarum facultatibus comparantur.

At Leuitis tantum patebant opes sacri olim patrimonii, qui ex ea tribu nō esset, illi nec per virtutem ac rerum præclarè gestarum gloriam licebat ad sacri honoris fastigium anhelare. Secundò Leuitis erat certum tempus ministerio constitutum, quo exacto, in vrbes & ciuitates secedebant, forte otio atque altissima pace vitam

76 *De bonis & possessionibus Ecclesiarum;*
acturi. At ordo noster inducias nescit. Non amant
altaria Christianorum desultorios & tempora-
neos sacerdotes. Quisquis se titulo vel Ecclesiæ
consecrauit, eius saluti perpetuo uiuat & uigilet
neceſſe est; adeoque, ut idem sol mundum con-
tinuo circuitu lustrat, nec captandæ quieti alte-
rum in vicem sufficit: ita oportet sacerdotem
perpetuis & in se quodâ orbe redeuntibus curis, in
Ecclesia sua tuenda & amplificanda exerceri. Ut
quid ergo leuis annonæ stipendia inuidemus, &
diarium panem ab eorum manibus excutimus?
quorum verbo panis ille diuinior in fœlicem
mentium saginam crescit, & qui cibo tantum vi-
liore donati, carnem Christi pretiosam diuidunt,
qua accepta nefas est quidquam aliud aut amore
prosequi aut inuidere.

Si enim Leuitis ad aliquod tantummodo tem-
pus, in re sacra versantibus, communi ope Tri-
buum omnium victus pendebarur: quanto æ-
quius est Sacerdotes nostros, quorum vita con-
tinua oratio & iuge sacrificium est, ex demenso
publico victitare, & stipendiis eorum terrenis
pasci, quibus immortalis vitæ delicias propinant?

Leuitarū &
Sacerdotū
discrimē in
bonorum
possessione.

Præterea Leuitarum hoc erat priuilegium ut
rerum suarum hæredes filios relinquerent, adeo-
que in eadem semper familiâ sacrarum facul-
tatum possessio, solatiūque tam facilis ac læti
prouentus consistebat. At Sacerdotibus nostris
nefas est alios hæredes scribere quam pauperes:
neque illorum, tantum inopiæ morientes testa-

mento succurrunt: verum & maximam sui census partem, deliciis & voluptati substractam egenorum leuandæ impendunt calamitati. Vnde enim tot Xenodochia, Gerontocomia, Nosodochia, aliæque domus iis parentes, quibus reliquæ clauduntur, quas implent miseri, erronei, morbidī, non gemitu magis quàm corpore, & vbi certiùs quàm in Æsculapij fano reuiuiscunt. Vnde, inquam tot afflictorum perfugia nisi ex studio & impensis Episcoporum creuerunt? qui ea quæ Deo consecrata erant, nunquam sanctiùs arbitratifunt posse collocari, quàm si in remedia pauperum & egentium solatia cederent, sub quorum miseria & detrimento centone, iterum palliata Christi maiestas & oculis hominum subducta delitescit. At nihil tale de Leuitis legimus: quin potius præter collatas decimas, nouâ in pauperum alimoniam pensitatione Iudæi premebantur, quibus etiam anni septimi fructum reseruabant.

Tandem impigneratio, venditio, distractio non erat Leuitis interclusa. At res suas ab Ecclesia alienare Sacerdoti prohibetur, & cum ei augendi census Ecclesiastici facultas, imo (vt videbimus postea) necessitas imposita sit, libertas tamen erepta est minuendi. Non est itaque aduersus Ecclesiæ facultates argumento veteris Synagogæ, vtendum, quæ inter delicias vixit, & molliore nutritu pene ad luxuriam educata.

CAPVT XI.

AN ANTE CONSTANTINI
tempora, Ecclesia opes aliquas habuerit.

Q Vicumque censurâ & rigido vngue dignum
aliquid in Christi Sacerdotibus vestigant, &
querunt materiam stomacho atque indignationi,
nil habent antiquius, quàm vt nos ad maiorum
exempla reuocent Petros, Paulos, aliosque mar-
tyres, qui sanguine Ecclesiam dedicarunt, con-
stantissimè obiectant, quasi ab eorum ingenio,
doctrinâ & moribus iam pridem ipsa defecerit,
nilque de tantâ sanctitate ac religione, per quam
fundata est, aliud præter sterile præconium &
inanem memoriam hac ætate retineat.

Fateamur nil esse tã salutare, quã Auos Ecclesiæ
& Fundatores religiosè intueri: ad horum constan-
tiam ac probitatem, vitæ cursum effingere: hoc
præsertim tempore, quo extinctâ innocentia, &
hominum commercio interclusâ, necesse est ad
mortuorum imaginem sese componere, cùm in-
ter viuos, rarus sit quem tutò possis imitari.

At istud quam religiosum, certè tam stoli-
dum est velle Ecclesiam in eum statum ac condi-
tionem reuocare, quo primis temporibus fuit,
cùm publicâ omniû inuidiâ laboraret, neq; Chri-
stiani aliter quã vulneribus & infamiâ nosceretur.

Qui ferunt patienter, vices annorum & seriem tempestatum; qui non indignantur Vere læto mutari hyemes procellosas, & terram exutis niuibus ac depositâ senili canitie, florum amœnissimo cultu splendere. Qui arbores cernunt humilibus initiis, tandem in æquata nubibus fastigia distendi: qui viles familias è sordibus erumpere, & Sellis subinde Curulibus ornari ac superbire, sine strepitu fellæque patiuntur: illi Ecclesiæ orium suum & quietem invident: eorum iudicio non placent Sacerdotes nisi miseri, squalientes, cito morituri; falsò titulum Petri fert navis, quam procellæ violentiores non allidunt: solus horror naufragij eam à piraticâ classe secernit, denique Christo fœderari Ecclesia non potest, nisi quamdiu hominibus fuerit inimica. Ita sponsæ vocem intercludunt, fallique asserunt, cum iucundiorum secessum sibi pollicetur & suavissimo affatu amicum compellat, iam hiems transiit, imber abiit & recessit.

At abutuntur inquit Sacerdotes & Ministri Ecclesiarum redditibus tam multis & censu tam opimo. Res ita se habeat, volo; quot sunt qui adolescentiam, florem optimum ætatis, in vitia & libidines exhauriunt? quot sunt qui oculis in alimenta vitiorum & incendia voluptatum utuntur? quot sunt, qui melius animo haberent, si miseri languescerent & æternitatis memoriam tristici calamitatum disciplinâ docerentur? ut quid ergo iuvenes natura nos fecit? ut quid non oculis quoti-

80 *De bonis & possessionibus Ecclesiarum,*
die caliginem suffundit? ut quid non pestifera
lue angit miserum corpus, cuius morbis & ruinâ
animæ valetudo certissimè sarciretur.

Apage ergo tam supina argumenta. Qui Ec-
clesiam diuitem nolunt, hi certè nec mendicam
& calamitosam ferrent, & dum Sacerdotum pin-
gues redditus atroci stylo perfodiunt, aliunde Mo-
nachorū piis sordibus obstreperunt & austeræ indi-
gnantur mendicitati. Eo animo fuit Vuiclepsus,
de quo ita scribit Harspfeldius historiæ Vuiclepsia-

Harspfeld.
hist. vuiclep.
c. 2. p. 171.

*næ cap. 2. Qui Monachos, qui possessionibus abundant,
totūque Clerum ob eandem causam asperè inuasit, is nec
fratrum inopiam atque mendicitatem ferre potest, nec men-
dicato eos vivere patitur, tam sibi bene constat, & paulo-
post, fratrum mendicantium nuditati atque mendicitati
inuidet, quos omnes indiscriminatim ad manuum opera
atque laborem, nisi velint aternâ salute excidere, reuo-
cat, omnes inquit de ordine mendicantium sunt hæretici
& dantes eis elemosinam sunt excommunicati.*

Ita insaniebat mendacissimus nouæ hæreseos
antistes, qui Clerum & Monachos nec suo censu
nec precario vivere patiebatur, ac præter famem
atque inopiam nihil eis licere existimabat...

Quia verò sunt nonnulli mali Catholici, qui in
eodem prope errore versantur, quique nihil im-
patientius ferunt, quam opes & quietem Ecclesiæ
& perpetuo gannitu nobis maiorum facta atque
historiam obtrudunt, inquiramus an Ecclesia
primis temporibus sine dote fuerit, atque ita opi-
bus destituta, ut nec prædiis, nec redditibus ullis
foret instructa:

CAPUT

CAPVT XII.

PROBATVR ECCLESIAM BONIS
immobilibus instructam fuisse ante Constantinum. Pro-
feruntur in hanc rem Pontificum Epistola, Constantini
Edicta, Cypriani Testimonia, &c.

AC primum, si Pontificum summorum Episto-
 las consulamus, quamquam illæ, supra Syri-
 cium, suspicione non carent: attamen nobis eam,
 quam huc vsque habuerunt auctoritatem com-
 modabunt, ad probandum, Ecclesiam primis
 temporibus, sine opibus & prædiis non fuisse.

Pius Papa epistola 2. Prædia, inquit, diuinis vsi-
 bus tradita, quidam humanis vsibus applicant, & Deo
 cui tradita sunt, ea subtrahunt, ut suis vsibus inserviant.
 Quod si quisquam præsumpserit, sacrilegus habeatur, &
 sacrilegus iudicetur: ipsos autem qui hoc agunt Cleros &
 Domini Sacerdotes persequi, eosque infamare audiuimus,
 ut malum super malum addant & deteriores fiant, non
 intelligentes quod Ecclesia Domini in Sacerdotibus con-
 sistit & crescit in templum Dei, & sicut, qui Ecclesiam
 Dei vastat, & eius prædia & donaria expoliat & inuadit,
 sit sacrilegus: sic & ille qui eius Sacerdotes insequitur, sa-
 crilegij reus existit & sacrilegus indicatur. Ex quibus
 verbis apparet Pij I. temporibus fuisse quosdam,
 qui Ecclesiæ prædia inuaderent, & eius census ac
 redditus etiã renitente Clero & repugnante occuparet.

Urbanus
Epist. ad
omnes E-
pisc. cap. 1.
& cit. 17. q.
4. Can. at-
tendendum

Citateandem Pij sententiam collectio Cresco-
niana. Huic consentit 'Urbanus I. ad vniuersos
Episcopos: *Attendendum est omnibus & firmiter custo-
diendum, ne pradia vrbibus sacrorum caelestium dedicata,
à quibusdam irrucntibus vexentur, quod si quis fecerit
post debite vlsionis acrimoniam, quæ erga sacrilegos iure
promenda est, perpetuâ damnetur infamiâ, & carceri tra-
datur, aut exilio perpetua deportationis vratur. Quo-
niam (iuxta Apostolum) tradere oportet huiusmo-
di hominem Satana. Memoratis ergo augmentationi-
bus & cultibus in tantum Ecclesiæ, quibus Episcopi præ-
sident Domino adminiculante creuerunt, & tantis maxi-
ma pars eorum abundat rebus, ut nullus sit in eis commu-
nem eligens vitam, indigens, sed omnia necessaria ab Epif-
copo suisque Ministris percipit.*

Ex quo textu liquet anathemate percussos, qui
Ecclesiam suis opibus & facultatibus spoliabant.
Quod si hæc constitutio facta esset pace reditâ Ec-
clesiis, & Principum purpurâ cruci famulante.
Certè eorundem auctoritas inualescentes & raptores
ab Ecclesia peculio continuisset, nec sacrilegium
illud tam frequens aduersus sacra patrimonia
foret perpetratum. Vnde colligo istam Urbani
constitutionem editam, inter Ecclesiæ persecutio-
nes, & ante Constantinum, sub cuius patrocinio
Ecclesia de hostibus suis gloriosissimè triumphaba-
bat, nec tam de ea spolianda quàm de instauran-
da agebatur.

Canon A-
post. 39.

Succedit Canon Apostolorum trigesimus no-
nus: *Præcipimus, ut in postetate sua, Episcopus res Ec-*

electa habeat: si enim anima hominum pretiose illi sunt credita, multò magis oportet eam curam pecuniarum gerere; ita ut potestate eius, indigentibus omnia dispenſentur, per Presbyteros & Diaconos, & cum timore omniſque ſollicitudine miniſtrentur. Ex his autem quibus indiget ad ſuas neceſſitates & ad peregrinorum fratrum uſus, & ipſe percipiat, ut nihil poſſit eis omnino deeſſe: Lex enim Dei præcipit, ut qui altari deſerviunt de altari paſcantur, quia nec miles propriis ſtipendiis contra hoſtes arma ſuſtinet. Qui Canon manifeſtè docet ſacræ pecuniæ fundum, quondam apud Episcopos fuiſſe de poſitum, quorum arbitrio diuidebatur; ita tamen ut Presbyteri & Diaconi Episcopo, in diſpenſandis ſacris redditibus miniſtrarèt, & pauperes viduas cæterâſq; perſonas, quas Eccleſiæ ſua calamitas cõmendabat, piâ ſollicitudine & beneficiâ ſolarentur. Cum verò ex hoc Canone, nõ ſine pecuniâ fuiſſe Eccleſiam conſter, ex alio ſuperiore hoc eſt trigefimo octauo apparet, ſine prædiis & poſſeſſionibus nõ fuiſſe: nam præcipit, ut cùm primum Episcopus ſedem capeſſit & Eccleſiæ præficatur, res eius & bona in commentarium referantur, fiatque deſcriptio & bonorum Eccleſiæ & bonorum Episcopi, ne conſuſo vtriuſque patrimonio aut Eccleſia per hæredes ſpolietur, aut miſeri affines, ac liberi gentilitiis opibus & auito fundo depellantur: ſint autem manifeſta res propriæ Episcopi, ſi tamen habeat proprias & manifeſta Dominica, ut poteſtatem habeat de propriis moriens Episcopus ſicut voluerit, & quibus voluerit relinquere: ne ſub occaſione Eccleſiaſti-

Canon A-
poſt. 18.

carum rerum, quæ Episcopi esse probantur intercidant; fortassis enim, aut uxorem habet, aut filios, aut propinquos, aut seruos: & iustum est hoc apud homines, ut nec Ecclesia patiatur detrimentum propter ignorantiam rerum Pontificis, nec eius propinqui sub obtentu Ecclesiæ proscribantur, & in lites incidant, qui ad eum pertinent, morsque eius injuriis, & mala fama subiaceat.

Licet verò ab Apostolis istos canones minimè conditos verosimillimum sit, & eorum antiquitati officiant plurima, ut quod de Paschate celebrando agitur ante æquinoctium vernali, quod de Episcopatu per fauorem sæcularium non ambiendo, quod de iis, qui seipsum exscindunt, constituitur: quæ omnia sunt Apostolis recentiora: attramen nõ multo post, Apostolorum ætatem compositos fuisse, magni Authores firmissimis argumentis propugnarunt. Vide Baronium ad annum 1102. numero 10. & sequentibus.

Baron. ad
an. 102. nu.
10. & seq.

Sed ne dubiis quidem ac incertis argumentis videamur inniti: certè Ecclesiam bona & possessiones habuisse ante Constantinum, non alio certiori quam Constantini ipsiusmet testimonio probare opus est. Postquam enim sese ad fidem Christianam recepisset & atrocissimæ tempestati, quæ Ecclesiam tandiu vexauerat, fecisset inducias, Edicto constituit, ut abrepta Christianis bona etiam insoluto pretio restituerentur, & iustissime quidem sciebat enim neminem posse in re sacra tutò nundinari. *Istud autem præter cetera nominatim Christianis decernimus, ut loca eorum, in quæ ipsis in more*

Imperato-
rum edictum
Constantini,

positum erat antea conuenire, (de quibus quidem rebus, & Lictum
 litteris superioribus ad tuam sanctimoniam datis, a'ia apud Euseb.
 formulâ a nobis erat definita & præscripta) si qui vel à lib. 10. cap.
 5. hist. Eccl.
 Quæstore nostro, vel ab alio quopiam ea emisse videantur,
 Christianis absque argento, alsque ulla repetitione præ-
 iij, quod in illis emendis collocauerat, sine omni dubitatio-
 ne restituant: aut si qui hæ ipsa loca pro munere fuissent
 adepti, ut ipsis Christianis quàm celerrimè reddant: aut
 si qui ea, aut coemerint, aut dono receperint, aliquid à
 nostra bonitate postulent, Præfectumque, qui regioni, in
 qua habitant, præest, adeant: quo ipsorum etiam à no-
 stra munificentia prouisio & cura suscipiatur Quæ Con-
 stitutio multa illustrat. Primò ante Constantini
 tempora Imperatores Christianis infensos, non
 tantum iniquissimis legibus supplicia & cruces
 denunciassent iis, qui Christum sequebantur, ve-
 rum etiam vniuersa eorum bona & facultates, &
 præsertim ædes sacras, ubi conuentus agebantur,
 fisco addixisse. Quare eueniebat plerumque ut
 Principis fisco Præpositus, siue Quæstor, inuentas
 Christianorum Ecclesias iuberet euerti, locumq;
 siue aream nomine Principis priuatis quibusdam
 personis venderet. Quapropter sic vendita etiam
 à Quæstore Christianorum bona iubet restitui
 Constantinus. Præterea, cum vigeret persecutio,
 Aulici quidam siue Prouinciales Imperatoribus
 gratiosi, impetrabant ab iis nomine donarij ac
 muneris, quæcumque Christiani possiderent,
 agros & Ecclesias: atque ita freti diplomate, nu-
 tuque Principis, qui crudelitate in beneficentiam

86 *De bonis & possessionibus Ecclesiarum,*
 utebatur, grassantes per prouincias, quæcumque
 Christianorum esse dicebantur, temerè arripie-
 bant. Ex horum itaque manibus extrahi quod
 erat ablatum, & Ecclesiæ restitui iubet Constanti-
 nus: ita tamen, ut moneant regionis Præfectum
 sibi ereptos fructus imperatoriæ beneficentiæ, ut,
 si opus sit, Imperator pro bonis Christianorum,
 alia ipsis munera impertiatur. At vix credibile est
 aulicos assentatores Principum, & omnes eos,
 qui caducis hæreditatibus inhiant, postulasse ab
 Imperatoribus Christianorum spolia & in gratiam
 rei benè gestæ ipsorum bona flagitasse, nisi ex
 fuissent opes Christianis, quæ ambitionem alli-
 cere possent, & aulicorum auaras cupiditates
 incitare.

Sed ne quisquam asserat præter Ecclesias nil
 habuisse Christianos, & in sacro tantum solo ac
 templo eorum opes omnes fuisse collocatas. Sub-
 necto reliqua, quæ Constantinus Edicto suo com-
 plectitur. *At quoniam, inquit, Christiani non so-*
lùm ea loca, in quæ conuenire solent, sed alia etiam ha-
buisse cognoscuntur, quæ non priuatim ad singulos, sed
ad totam ipsorum communitatem spectabant, singulis
qui ea possident, mandes, velim, ut omnia per legem
quam supra posuimus, absque ulla controuersia, Chri-
stianis, id est, Societati ipsorum & Conuentui red-
dant. Id ipsum repetit Constantinus in Edicto
quod ad Auelinum dirigitur. Est, inquit, hac nostra
clementiæ ratio & modus, Aueline honoratissime, ut illa
quæ ad alienum ius pertinet, non solum non perturbari,

Edictum
 Imperato-
 rium in fa-
 uorẽ Chri-
 stianorum,
 loco citato.

Edictum
 Auelinum
 missum a-
 pud Euseb.

sed etiam restituere quàm maximè cupiamus. Quare volumus ut simul ac hæc litteras acceperis, si quæ ex his possessionibus, quæ ad Catholicam Christianorum Ecclesiam, in quibusque ciuitatibus aut aliis locis pertinent, etiam adhuc à ciuibus aut ab aliis quibusdam retineantur, eas quamprimum iisdem Ecclesiis facias restitui. Quandoquidem animo instituimus, ut e. quæ Ecclesiæ antea possederunt, ad ipsarum ius denuò reuertantur. Ita Eusebius Ecclesiasticæ historiæ libro decimo, cap. 5. Ex quibus apparet iam ante Constantini tempora Ecclesiam fuisse prædiis & ruribus instructam, nec tantum communes domos aut templa habuisse, in quibus conuentus & synaxes fierent, sed etiam fundos & villas, quarum fructus Episcopi, Presbyteri cæterique e clero caperent, & in viduarum ac pupillarum solatia expenderent. Quod si præter hæc argumenta è gestis Imperatorum petita, alia quoque requiruntur, quibus Ecclesiam & Episcopos illo tempore bonis non caruisse ostendatur: Adeamus Cyprianum, & multa eius antiquitatis vestigia relegamus. Cypriani bona, ut quid tempore persecutionis proscribuntur, si nulla omnino habuit? At id factum narrat ipsemet Cyprianus Epistola sexagesima sexta ad Puppianum de obtrektoribus. *Persecutio*, inquit, *ueniens, te ad summam martyrii sublimitatem prouexit, me autem proscriptionis onere depressit, cum publicè legeretur: Si quis tenet vel possidet de bonis Cæcili Cypriani Christianorum Episcopi, proscribatur, ut etiam, qui non credebant Deo Episcopum constituenti, vel saltem*

bium, hist.
Eccles. lib.
10. cap. 5.

Cyprianus
Ep. 66. ad
Puppianum
de obtrektoribus.

Diabolo crederent, Episcopum proscribenti. At ea bona non fuisse Ecclesiæ, sed Cypriani patrimonium, fortasse aliquis dicet: proindeque non rectè inferri Ecclesiam iis temporibus, censibus & facultatibus fuisse dotatam. Verùm huic opinioni obstitit quod scribit Pontius in eius vita: nimirum Cyprianum, etiam antequam ad Baptismum peruenisset, omnes suas facultates & fortunas exuisse, & alendis pauperibus consecrasse. *Nondum, inquit, secunda natiuitas nouum hominem splendore toto diuinæ lucis induerat, & iam veteres ac pristinas tenebras sola lucis paratara vincebat, &c. cū tota prædia propria dispensaret, duo bona simul iunxit, ut & ambitionem sæculi sperneret, quæ pernitens nihil est, & misericordiam quam Deus etiam sacrificiis suis prætulit, quam nec ille qui legibus omnia mandata seruasse se dixerat, fecit, impleret.*

Vnde verò constabant sportulæ menstruæ, quas viritim Clericis & Presbyteris diuidebat Cyprianus! vnde quotidianus victus & certa pensio, nisi ex ruribus, prædiis, villisque aliquibus, quas Ecclesia possideret. Neque enim ex oblationibus aut collatitiis tantum pecunia poterant ea omnia, quæ ad vitam necessaria erant, comparari. At sportulas solitas dari Clericis per menses singulos, & sportulantium; seu eorum qui sportulis donabantur, certum ac constitutum fuisse numerum docet Cyprianus epistola 27. ad Presbyteros, Diaconos, & plebem Furnis consistentes. *Quæ nunc ratio, inquit, in Clero tenetur, ut qui in Ecclesia Domini ordinatione Clericali promouentur, in nullo ab administratione*

Pontius in
vita Cypri-
ani.

De fratri-
bus sportu-
lantibus Cy-
prianus,
ep. 17.

*ministracione diuinâ auocentur : sed in honore sportulan-
tium fratrum, tanquam decimas ex fructibus accipientes,
ab Altari & sacrificiis non recedant.*

Illas verò sportulas & stipendia, quibus Clerici
Deo militantes fruebantur, Episcopi suo nutu at-
que arbitrio diuidebant: Vberiores ac pinguiores
vni indulgebant, quàm alteri : prout nempe offi-
cij, gradus, ordinis, & rei bene gestæ ratio postula-
ret. Cuius œconomix insigne exemplum extat
apud eundem Cyprianum Epistola 62. in qua Au-
relium & Celerinum propter insignem constan-
tiam, qua Tyrannorum feritati non semel illuse-
rant, a se Presbyteros designasse, iisque interim
pares cum Presbyteris sportulas decreuisse: pro-
pterea, quod in ipsis, virtus ordinem supplebat,
meritoque Sacerdotes censebantur, qui seipso
immolandos generoso consilio deuouerant. Cete-
rùm Presbyterij honorem designasse nos illis iam sciatis, ut
& sportulis iisdem cum Presbyteris honorentur & diui-
siones mensuræ, æquatis quantitatibus partiantur, &c.

Sportulas
diuidunt E-
piscopi.

Cyprianus
Epist. 62.

Earundem sportularum ac stipendiorum me-
minit Epistolâ quinquagesimâ quintâ, vbi quod
sibi obtrigerat stipendiorum, in alendos pauperes,
iubet expendi. *Peregrinis, inquit, si qui sunt indi-
gentes, sumptus suggeratis de quantitate mea propria.*

Cyprianus
Epist. 55.

Ea vero stipendia, quæ stasis diebus, per men-
ses singulos, Clericis dabantur, vnde colligi po-
terant, nisi ex agris, prædiis & possessionibus Eccle-
siarum? Quomodo enim fortuitæ obuentiones
& oblationes fidelium inter sacra mysteria col-

Ecclesiam
in africa a-
gros habuit
& redditus,
probat,

90 *De bonis & possessionibus Ecclesiarum,*
lectæ, tantis sumptibus sufficere potuissent? præ-
sertim eo tempore, quo sine periculo Christiani
conuenire non poterant, cogeabanturque diu ali-
quando à cœtibus habendis abstinere.

Adde quod eâ ætate non modo Ecclesiæ censu
viuebant Clerici, verùm & impensis eiusdem ale-
bantur pauperes: in tutelam Christi ac cliente-
lam Sacerdotij cooptabantur viduæ ac pupilli: de-
nique quos infidelium nefanda crudelitas carce-
ribus & hypogæis conclusisset, eos Diaconi &
Ministri, furtiuo pietatis officio adibant, & ne-
cessariis vitæ subsidiis solabantur. Itaque vt hæc
omnia stato ordine & tempore fierent, necesse
fuit in Ecclesia certos esse redditus, nec omnia ex
casu & fortuitâ obuentione pendere.

Subjungamus aliud argumentum, quo probe-
tur clarissimè Ecclesiam illis temporibus agris &
possessionibus non omnino caruisse. Istud verò
Acta Cypriani martyris subministrant. Cum enim
Beatus Athleta multos dies in exilio transegisset,
tandem reuersus dicitur habitasse in hortis suis.
At horti in quos se recepit Cyprianus, non erant
proprii, gentilitij seu patrimoniales. Nam vt ait
Pontius in eius vita, Christianam disciplinam sic
aggressus est, vt initium duceret ab opum & diui-
tiarum contemptu, suæque omnia in sustentan-
dos pauperes erogaret. Cum ergo patrimonium
Cyprianus, in gratiam pauperum, longè antea di-
straxisset, concludendum hortos, in quibus latuit
Cyprianus, non ipsius fuisse, sed Ecclesiæ.

Acta Cy-
priani mar-
tyris per
Pontium
eius Dia-
conum con-
scripta.

Tandem generosus Martyr in procinctu mortis suæ, aliquid induciarū postulauit à tortoribus, eotantum consilio, vt rebus Ecclesiæ prospiceret & de eius bonis ac facultatibus statueret: erat ergo eius Ecclesia bonis aliquibus instructa. Id autem refert Pontius eius Diaconus hoc pacto. *Dilationem petit in crastinum cum de passionis sententia cogitaretur, postulans vt res suas; die illo quo impettrauerat, ordinaret, &c. Dilationis autem petende ratio de ordinatione rerum & de voluntatis dispositione veniebat. Quæ vero res illi aut quæ voluntas ordinanda, nisi Ecclesiastici status. Summa idcirco accepta dilatio est, vt quidquid circa pauperum fouendorum suprema iudicia disponendum fuerat, ordinaretur, & puto propter nil aliud, imo vero propter hoc tantum, etiam indulgentia ab his qui eiecerant, & qui occisuri erant admissa est, vt præsens & præsentis pauperes nouissime dispensationis extremis, & vt plenius dixerim, totis sumptibus releuaret.*

CAPVT XIII.

Quibus in partibus potissimum Ecclesia primis temporibus possessiones habuerit: In Gallia, Tungris & Treueris opes Ecclesiae quales: Treueris Gallia Cinitas: Prima Decima ubi soluta: Miseria Ecclesia Romana: Locus Theodori Lectoris explicatur: Catibulum quid sit, &c.

NIl certius ac constantius dici potest, quàm Ecclesiam, dum irrigua sanguine Martyrum cresceret, & splendorem suum ab infamia ordiretur, non eodem modo sese in omnibus locis ac regionibus habuisse: Vbi enim Imperatores Romani sedem fixerant, vigebratque maximè sœua eorum auctoritas, ibi periculosius degebat Christiana Religio: illic bonis omnibus & fortunis interclusa, præter tenuem censum & angustos redditus nil habebat, quos, vbi Quæstores Imperiales, seu potiùs prædones publici inuenissent, confestim populabantur.

At vbi pax erat, & fauebant Alcyonia, illic luculentiores erant Ecclesiarum fortunæ: quod in Galliis maximè euenisse comperi. Nam in Treuerensi, Tungrensi, & Coloniensi territorio (quas sedes Deus ad pacem Ecclesiæ secreuerat) altero post Christum sæculo res Christianæ in tantum

florabant, & alta pace fruebantur, ut gradus & ordines Clericorum omnes distincti essent, & seorsim suis muneribus fungerentur. Illic Parœciæ certis erant limitibus definitæ, ciuitates integræ Christum colebant: Adeoque publicè Decimæ & Primitiæ in iis partibus primùm cepere perfolui. Ita enim habet Harigerus Abbas in vita sancti Materni Treuerensis, Tungrensis & Colonienſis Episcopi, (his enim tribus ciuitatibus vnicus primùm præfuit Episcopus.) *Hic, inquit, id est, à parte Materni contra infideles pagana superstitionis, Mystas pugnantis, prodigiorum, signorumque celestium splendor: donec pondere veritatis attrita est ciuitas falsitatis, ut non solum reciperet signa militiæ Christianæ, sed confregerit quoque signa fallacis idololatriæ. Instruebantur Tungrenses iugum Domini ferre, qui consueuerant inferre. Facta est ciuitas Decimis & oblationibus Christo tributaria, quæ tributa provinciarum exegerat temeraria: Et paulò post, Dánatur cultura Jouis, lunonisque ac Veneris, emundantur delubra daemonum, dedicantur Ecclesia Sanctorum, usque ad numerum septuaginta duarum Congregationum. Hæc de Materno, cuius obitus incidit in annum centesimum trigessimum.*

Harigerus
Abbas in
vita S. Materni
cap. 13.

Primæ Decimæ,

Materni
obitus anno
Chr. 130.

Ex quibus patet eo tempore apud Gallias Ecclesiam multis ceptam opibus ornari & latifundiis ditescere. Nam cum tantus Ecclesiarum numerus Christianâ pietate consurgeret, ac de nouo fundaretur, oportuit necessariò concedi Ecclesiæ fortunas non mediocres, quibus Ecclesiarum Clerici alerentur, & sacra Christi familia victita-

94 *De bonis & possessionibus Ecclesiarum,*
ret. Quippe templa & ædes sacras sine dote fundari Ecclesiæ disciplina perpetuo interdixit.

Merito itaque Gallia antiquitatem Religionis Christianæ sibi vendicat, & Primogenitæ prærogatiua gloriatur. Nam ante alias regiones Christum complexa, Ecclesiam insigni opum ac diuitiarum prouentu ornauit, cum ipsa in aliis terrarum partibus vix spirare sineretur.

Gallicanæ
Ecclesiæ
antiquitates.

Irenæus l. 1.
cap. 30.

Hinc primores illi Christianæ Religionis indices scriptis suis Galliarum Ecclesias commendant, & earum authoritate doctrinam Catholicam, hæreticorum contumacia arietatam defendunt.

Irenæus Ecclesiarum quæ apud Gallos sunt meminit lib. 1. cap. 3. aduersus hæreses. *Nam (inquit) & si in mundo loquela dissimiles sunt: sed tamen virtus traditionis una & eadem est: Et neque hæc quæ in Germania fundatæ sunt Ecclesiæ, aliter credunt, aut aliter tradunt, neque hæc quæ in Iberia, neque hæc quæ in Celtis, neque hæc quæ in Oriente. Caterum Tungros & Treueros inter ciuitates Galliæ, Belgicæ, numerant Plinius lib. 31. cap. 2. Cæsar lib. 2. de Bello Galli-*

Plin. lib. 31.
cap. 2. Cæsar
lib. 2. belli
Gallici. Aufonius in
Epigr.

Tertullianus
aduersus Iu-
dæos, c. 3.

co, Aufonius in Epigrammate de Treuiorum vrbe. Ipse etiam Tertullianus, vt Messicæ imperio gentes paruissæ ostendat Galliarum meminit, quæ in Christi fidem iam pridem repudiata superstitione commearant. Etiam, inquit, *Getulorum varietates Maurorum multi fines, Hispaniarum omnes termini & Galliarum diuersæ nationes & Britannorum inaccessa Romanis loca Christo subdita.*

Neque ab hoc studio Christianæ Religionis

prima Gallia seu Diœceses istæ cis Rhenum, descuerant Hieronymi temporibus, nam & illic dies complusculos ipse moratus est, vt constat ex Epistola ad Florentium, in qua refert, se Treueris degentem librum de Synodis ab Hilario confectum descripsisse: Et rursus Epistola ad Suniam & Fretelam, *De Psalmorum interpretatione*, laudat Germanorum studium & contentionem in addiscendâ Hebraica lingua. *Verè, inquit, in vobis Apostolicus sermo completus est, In omnem terram exiit sonus eorum. Quis hoc crederet, vt barbara Cætarum lingua Hebraicam quæreret veritatem, & dormitantibus Grecis, ipsa Germania Spiritus sancti eloquia scrutaretur?* Aduerte autem per Germaniam, tam apud Hieronymum, quàm Irenæum intelligi eam Galliarum partem, quæ cis Rhenum est, quæ diœcesim Treuerensem continet, apud quam etiam Athanasius pulsus Ariano furore, & è sua sede deiectus, constituisse memoratur.

Hieronym.
epist. ad Flo-
rentium.

Hieronym.
ad Suniam
& Fretelam.

Ferunt & in aliis Galliarum partibus Religionem Christianam nobilium studiis ac largitatibus decoratam, Druides à Potentiano ad fidem fuisse traductos, & quidquid in terris habebant apud Carnutas (quam maxime regionem incolebant, teste Cæsare) Ecclesiis illis constructis consecrasse. Item Priscum eius prouinciæ Comitem domino suo in fauorem Ecclesiæ celsisse. De quibus consulantur vita sancti Potentiani & Carnotenses tabulæ, &c.

Lege Par-
theniam
Rouillardi.

Cùm itaque in Galliis, in Africa, cæterisque

96 De bonis & possessionibus Ecclesiarum,
 terrarum partibus Ecclesiæ aliquid pacis & quietis
 spirarent, neque omni ornatu ac subsidio diuitia-
 rum essent destitutæ; sola Romana Ecclesia diu-
 tiissimè tempestatem passa est: nec nisi meliori sy-
 dere Constantini affulgente, ex iis, quibus con-
 tinuè iactabatur fluctibus, emerfit. Interclusa erat
 illi omnis opum ac diuitiarum possessio; in solis
 doloribus & suppliciis patrimonium versabatur.
 Nam si quando Christiani stipendia Clericis &
 dotem Ecclesiis è suo fundo ac patrimonio con-
 stituerent: tum Aulicorum rapacitas fero vngue
 in prædam irruebat, & tenues Sacerdotum redi-
 tus vnà cum eorumdem sanguine exorbebat.
 Quapropter tum opes & facultates Christiano-
 rum, arcessendæ tantummodo & inflammandæ
 Imperatorum crudelitati viles viderentur; hinc
 factum est, vt istis temporibus Romana Ecclesia
 omnes immobilium rerum possessiones respue-
 ret, & quæcumque donarentur venderet, ac col-
 lectum pretium in Clericos partiretur. Eorum tẽ-
 porũ calamitatem respexisse mihi videtur Theo-
 dorus lector collectaneorum Historiæ Sacræ sub
 finem, vbi ait ab immobilium possessione Roma-
 nam Ecclesiam abstinere. Εθος λέγει τῇ Εκκλησίᾳ εἶναι
 τῆς Ρώμης ἀκίνητα μὴ κρατῆν διὰ τοῦ ἀλλὰ εἰ καὶ παρίελθω-
 σιν εὐθὺς πωλεῖσθαι καὶ εἰς μοίρας τρεῖς διαρῆται. Roma-
 na Ecclesiæ mos esse fertur, vt iura non sint immota, sed
 etiam si cuiuspiam contingant statim vendantur, & in tres
 partes diuidantur, ita vt Ecclesiæ vna, Episcopo altera,
 tertia Clero diuidatur. Quilocus de primis tempo-
 ribus

Quare Ro-
 mana Ec-
 clesia im-
 mobilia nō
 habuit.

Theodorus
 lector in
 collectaneis
 Hist. Eccles.

ribus, quibus feruebat persecutio, intelligendus est. Nam si posteriora tempora respicias, certè omnino falsum est Ecclesiam Romanam bona immobilia non habuisse.

Ex illa autem venditione rerum immobilium grandes conflabat pecunias Ecclesia Romana, quas non sibi tantum reseruabat, sed aliis quoque Ecclesiis impertiebatur; prout eas nouerat grauius premi. Ita apud Eusebium libro quarto, cap. vigesimo tertio, legimus Epistolam Dionysij, in qua commendat Ecclesiæ Romanæ charitatem, quæ cæteris largissimè succurrere solita erat, & pecunias in solatia pauperum toto orbe languentium erogare. Sed eam pecuniarum copiam non fuisse constantes, & perpetuos redditus, imò Ecclesiam Romanam quibusdam temporibus inopem ac calamitosam fuisse, probamus hoc argumento. In cæteris Ecclesiis eo tempore pauperes, Clerici, & qui in carceribus fidei causâ languerent, solebant communibus impensis subleuari: ad subitos euentus & solatia miserorum ærarium erat commune. At verò in Romana Ecclesia nullum publicum & commune ærarium fuisse, inde patet quod Marcelli Papæ temporibus, quidam Thrason nomine, de proprio censu ministrabat victum Martyribus omni ope destitutis. In ipso tempore (sic habent gesta Marcelli) erat vir Christianus, nomine Thrason, vir potens, & facultatibus locuples, & vitâ fidelis, hic cum vidisset affligi Christianos fatigatione & labore,

Ecclesia Romana in cæteris libertatibus.
Euseb. lib. 4. cap. 23.

Cyprianus monies iussit Diaconis ut speculatori persolueret viginti aureos stipendij nomine ex ærario Ecclesiastico.

Gesta Marcelli Papæ apud Suriū 16. Ianu. p. 249.

98 *De bonis & possessionibus Ecclesiarum,*
de sua facultate Sanctis Martyribus alimoniam &
viſum miniſtrabat, per viros Chriſtianos Siſinnium
& Cyriacum, Smaragdum & Largum. Hoc au-
diens beatus Marcellus Urbis Romæ Episcopus, gau-
dio repletus eſt: cūque ab illis ad ſe accerſitis rem
omnem didiciſſet, conſecrauit Siſinnium, & Cyria-
cum Diaconos Eccleſiæ Romanæ. Factum eſt autem,
ut una nocte, dum deferrent humeris ſuis Sanctis
Martyribus viſum quem Thraſon miniſtrabat, retenti
sunt à militibus, &c.

Nec mirum quod tanta egeſtate premeretur
 Romana Eccleſia, nec haberet Marcellus, vnde
 Martyres aleret: nam eo tempore aliquid opis
 contuliſſe Chriſtiano, & fundum aliquem aut
 prædium Eccleſiæ donaviſſe piaculum erat: nam ſi
 eadem geſta peruoluamus, apparebit Lucinam
 nobilem Romanam, ea ſola de cauſſa, in exilium
 deportatam, quòd bona ſua Eccleſiæ tradidiſſet.
 Beata Lucina eo tempore fecit donationem de faculta-
 te ſua & ex omnibus qua habuit, Eccleſiæ Catholice.
 Hoc audiens Maximianus Auguſtus indignatus,
 proſcriptione eam damnauit. Imò verò nec Eccle-
 ſias ſuas & Cœmeteria rurò obtinebant Chriſtia-
 ni apud Romanos: nam ſi quando locum con-
 uentus ſacri, Imperatores nanciſcerentur; ve
 rem omnem Chriſtianorum, ludibrio & contu-
 melia inquinarent, ſolebant Eccleſias in ſtabula
 & viliffimarum animantium hoſpitia commuta-
 re: ac ne quid atrocitatis deeſſet, coſuebant ſacra-
 tiſſimos Pontifices, ibi ſordidis gregibus paſcen-

Romanæ
 Eccleſiæ
 penuria
 temporibus
 Marcelli
 Papæ.

dis curandisq; inseruire, vbi sacris apicibus fulgē-
tes paulò antè Deo ministrassent. Itaq; Ecclesias
inuentas coniplanari, & plancis, hoc est, tabulis
ligneis insterni curabant, in dedecus sacræ Reli-
gionis. Hoc est, quod de eodem Marcello refert
Anastasius Bibliothecarius, vbi eum iussu Impe-
ratoris in catabulum detrusum asserit, pro quo
malè Platina scripsit, Cacabulum: est autem κατὰ-
γορά, Suidæ emporium quodlibet & forum rerum
venalium, apud Papiam verò catabulum sic expo-
nitur. *Catabulum clausura animalium vbi desuper ali-
quid iacitur.* Verba autem Anastasij sunt: *Marcellus
semper contemnens & deridens præcepta Maxentiū dam-
natus est in catabulo, qui dum multis diebus seruiret in
catabulo, &c.* Et hoc certè Anastasius expressisse vi-
detur è gestis rebus Marcelli, vbi hæc ita habentur:
*Rogauit Lucina Sanctum Marcellum Episcopum,
ut domum eius Ecclesiam consecraret, quod cum omni de-
uotione fecit Marcellus Episcopus. At vbi frequenter in
eadem ciuitate Missas celebrasset in Via Latina, & au-
diret hoc Maximianus Augustus, iratus præcepit,
ut in eadem Ecclesia plantæ sternerentur, ad anima-
lia stabulanda, & eundem Marcellum Episcopum
ad seruitium animalium deputauit, cum custodia
publica. Sic amor Petri etiam in successoribus
tentatus, diuque atroci suppliciorum serie pro-
batus est, ut Ecclesia Romana non imperan-
do tantum, sed patiendo Princeps existeret,
nec inuidere ipsi quisquam posset eum splen-
dorem, quem nonnisi flammis, cædibus,*

Anastasius
Bibliotheca-
rius in vita
Anastasij.

Suidas in
voce, κατὰ-
γορά.

Papias in
Glossis

Acta Mar-
celli Papæ
vbi supra.

100 *De bonis & possessionibus Ecclesiarum.*
equaleis , & longissima vexatione est con-
sequuta.

CAPVT XIV.

QVAS PRIMVM OPES COMPARA-
rent Christiani. Ecclesia primū emptæornatus. Ecclesia-
rum primis temporibus. Quo loco constructæ. Ecclesia-
rum usus etiam Apostolorum atate, &c.

CVM primum Christiani Antistites atque
Episcopi ad urbem aliquam peruenissent, id
imprimis curabant, vt si quos ad fidem Christi
conuerterent, ex eorum numero Clericos elige-
rent, & Sacerdotes, qui rem sacram obire, & di-
uinis muneribus possent castè defungi.

Greg. Tu-
ron. hist. lib.
2. cap. 29.

Sæuiente namque persecutione, & mortis pe-
riculo vñdequaque imminente, non vltra annos
aliquot duratura erat Religio, nisi Antistites pri-
mi, successuros sibi Sacerdotes prospexissent, qui
post ipsorum mortem rei sacræ præficerentur. Ita
apud Gregorium Turonensem legimus Trophi-
mi, Astremonij, Pauli, Martialis aliorumque,
discipulum quendam, Bituricensem ciuitatem,
aggressum salutare omnium Christum Dominum nun-
tiasse. Ex his Bituricensibus (inquit) pauci admodum
credentes Clerici ordinati, ritum psallendi suscipiunt &
qualiter Ecclesiam construunt, vel omnino potenti Deo
solemnia celebrare debeant, imbuuntur.

Clero itaque composito ac descripto prima
 subinde cura veterum Christianorum erat, vt
 Ecclesiam construerent, ac compararent: vbi ad-
 uertendum, plerumque nō fuisse opus Ecclesiam
 emi. Nam si qui nobiliores & opulentiores
 Christum amplecterentur, illi sacra ambitione
 feruentes, nil amplius optabant, quam vt domus
 sua in Ecclesiam cederet, eamque Christiani Pon-
 tifices legitimis ceremoniis inaugurarent. Argu-
 mentum est, quod de Blandina legimus in actis
 Marcelli, & multa eius generis reperiuntur in
 Sanctorum historiis. Sin vero nullus esset è Chri-
 stianis, cuius domus satis ampla & commoda esset,
 vt Ecclesiæ construendæ sufficeret, etiam à Paga-
 nis & infidelibus emebant, quā fieri poterat pru-
 dentiā. Ita domum Leocadij Senatoris antequam
 Christianus esset, emptam, Ecclesiæ componen-
 dæ gratiā, legimus apud eundem Gregorium li-
 bro primo, capite vigesimo nono. Senatores (in-
 quit) Bituricenses, vel reliqui meliores phanaticis erant
 tunc cultibus obligati: qui vere crediderant, ex pauperibus
 erant, hi vero non obienta à quo petierant domo, Leoca-
 dium quendam & primum Calliarum Senatorem, qui
 de stirpe Vecti Epagati fuit, &c. reppererunt. Cui cum
 petitionem suam & fidem pariter intimaissent, ille respon-
 dit, si domus mea, quam apud Bituricam urbem habeo,
 huic operi digna esset, præstare non abnegarem: illi autem
 audientes, pedibus eius prostrati, oblatis trecentis aureis,
 cum disco argenteo, dicunt eam, huic ministerio esse con-
 gruam, qui acceptis tribus aureis pro benedictione, clemen-

Ecclesiæ
 locū primis
 comparabatur
 Christiani,

Acta Mar-
 celli Papæ
 apud Suriū
 16. Ianu.

Greg. lib. 1,
 cap. 29.

102 *De bonis & possessionibus Ecclesiarum,*
ter indulgens reliqua, cum esset adhuc in errore idololatrię
implicitus, Christianus factus, domum suam fecit Eccle-
siam. Hęc est nunc Ecclesia apud Bituricam urbem pri-
ma, miro opere composita, & primi Martyris Stephani
reliquiis illustrata.

Interdum vero, vbi Ecclesię alibi ædificandę
facultas non esset, eam in loco publico erigebant.
Sic Beatum Clementem audimus, cum ciuitatem
Metensem appulisset, nec aliud potuisset hospi-
tium nancisci, sub arenis theatralibus habitasse,
ibique paruulam Ecclesiam construxisse. Ita Ha-
rigerus Abbas Historiæ Leodiensis cap. 6. Sic
etiam legimus apud Lampridium in vita Alexan-
dri, Christianos in loco publico Ecclesiam consti-
tuisse, ac motam aduersus eos litem à popinariis,
qui sua illic gurgustia, euersis Christianorum ædi-
bus, collocare nitebantur. *Quam Christiani (inquit*
Lamprid.) quendam locum qui publicus fuerat occu-
passent, contra popinarij dicerent, sibi eum debere rescri-
pse melius esse, vt quomodocunque Deus illic colatur
quam popinariis dedatur.

Et si vero communis ea foret consuetudo, vt
Episcopi in vrbes recepti Ecclesias fundarent
ac dedicarent: tamen si quando ab urbibus ar-
cerentur etiam in campis, & sub dio verbum
Dei prædicabant & sacris mysteriis operabantur.
Ita Petrus Venerabilis libro primo, Epistola se-
cunda aduersus Petrobusianos refert Trophi-
nium Arelatensem Episcopum numquam ora-
torium habuisse, *Nunquid apud Arelatem, quam nes*

Harigerus
Abbas hist.
Leodiensis
cap. 6.

Lampridius
in vita
Alexandri.

Petrus Ve-
nerab. lib. 1.
Epist. 2.

dum per Dei gratiam vester sordidus error infecit, Pauli Apostoli discipulus Trophimus de cuius fonte, ut Papa Sofimus scribit, omnes Gallia, fidei riuulos acceperunt, semper in campo aut in foro prædicauit, baptizauit, orauit, & nunquam domum orationis, vel ipse habuit, vel alios haber instituit.

Non est autem, quod quis existimet incuriosos omnino fuisse primores Christianos in construendis ædibus sacris, eorumque Ecclesias tumultuariâ operâ conditas, omni ornatu caruisse. Huic opinioni expugnandæ sufficere posset, quod apud Gregorium Turonensem, de prima Christianorum Ecclesia legimus, cuius structuram ita depingit. Sanctus vero Namarius post obitum Rustici Episcopi, apud Aruernos, in diebus illis octauus erat Episcopus. Hic Ecclesiam qua nunc constat, & veterima intra muros ciuitatis habetur, suo studio fabricauit, habentem in longum pedes centum quinquaginta, in latum pedes sexaginta, in altum infra Capsum usque cameram pedes quinquaginta, in ante absidam rotundam, habens ab utroque latere astellas eleganti opere constructas, totumque ædificium in modum crucis habet expositum. Habet fenestras quadraginta duas, columnas septuaginta, octo ostia, Ex quibus apparet, sub initia fidei Ecclesias Christianorum satis elegantes fuisse, cultumque animi & feruorem pietatis è profundo pectoris, etiam in ædificia templorumque ornatum reddidisse.

Greg. Turonens. lib. 1. cap. 16.

Forfan autem arbitrabitur aliquis, studium istud Ecclesiarum ornandarum apud Gallias tan-

104 *De bonis & possessionibus Ecclesiarum,*
 tum viguiffe, vbi omnia quietiora & magis pacata: At in Italia quoque, & intra Imperij Romani viscera, Christum luculentas & splendidas aedes habuisse satis commonstrant ea, quæ de feritate Diocletiani scribit Theodoretus libro quinto Historiæ Ecclesiasticæ, cap. 38. sub finem, *Quorquor,* inquit, *Imperatores ante Imperium Constantini magni regnarunt, contra Veritatis professores insanâ rabie furere non desierunt. Atque Diocletianus, ipso salutarî Passionis die, cunctas Ecclesias, quæ in toto erant Imperio Romano demolitus est. Verùm, vix novem iam anni intercesserant, cùm & illa ipsa denuo florere & multo maiore amplitudine atque splendore quàm antea enitêre ceperunt. Quæ verba satis ostendunt etiam persecutionis tempore ornatum ab Ecclesia non abfuisse. Quamobrem non possum satis demirari quorundam cæcitatem, qui Ecclesias & templa primis illis temporibus apud Christianos non agnoscunt, eosque temerè ac passim ubique sacra fecisse arbitrantur, ut ab infidelium nefaria superstitione longiùs recederent, quorum templis infami deorum farragine squalentibus, non tam colebatur diuina Maiestas, quàm vilescbat.*

Theodoret.
 lib. 5. Hist.
 Eccles. 38.

Vicecomes
 de ritibus
 Missæ.

Eruditissimus scriptor Vicecomes, de antiquis Missæ ritibus lib. 2. cap. 21. scribit ante Constantini tempora, Christianos Ecclesias non habuisse, nec in iis sacra fecisse. Ac ut eius doctrinæ nil officiam, per quam orbis in dies proficit: videtur contraria sententia non obscuris niti rationibus: nam & Ecclesias habuisse Christianos sub exordia nascentis

centis Ecclesiæ probant sacri codices Actorum vigesimo, conueniunt Apostoli vna Sabbathi ad frangendum panem in commune cœnaculum. Vna autem Sabbathi cùm venissemus ad frangendum panem, Paulus disputabat cum eis, protraxitque sermonem usque in mediam noctem, erant autem lampades multe in cœnaculo, ubi eramus congregati, quid autem aliud frangere panem, quàm synaxim celebrare ex mēte Augustini epistolâ 96. Apud Paulum, Conuenientibus vobis in unum, iam non est Dominicam cœnam manducare, Et postea, an non domos habetis ad manducandum, aut Ecclesiam Dei contemnitis, ubi nomine Ecclesiæ templum significat, in quo peracto Missæ sacrificio Eucharistiam sumebant. Ignatius epistola sexta, iubet omnes ad orandum in eundem locum commigrare. *πάρτες ὅππῃ τὸ αὐτὸ ἐν τῇ ἀγορῇ ἢ αἶμα συνέρχασθε, μία δέσποινα ἔστω χεῖρ, &c.* Epistola vndecima ad Polycarpum, iubet vt sæpius celebretur conuentus: *πυρίοτεροι συναγωγῇ συνεσθῶσαν, ὅς ἐστιν ἡμῶν πατὴρ Ἰησοῦς.* Accedunt his quæ diximus de Edicto Diocletiani, de responso Alexandri, quæ si non faciant satis, audiat Cyprianus de Ecclesia, altari, oblationibus, & toto Missæ negotio disertè loquutus epistola 27. aduersus Victorem, qui contra Canonem Ecclesiæ, Geminium Faustinum Presbyterum testamento tutorem scripserat, Nequē enim, inquit, apud altare Dei meretur nominari in Sacerdotum prece, qui ab altari Sacerdotes suos & ministros Lenitas voluit auocare, & ideo Victor cùm contra formam nuper in concilio à Sacerdotibus datam, Geminium

Act. 20.

Aug. Ep. 96.

1. Cor. 15.

ibidem v. 12.

Ignatius ad Magnesium Ep. 6. §. 11.

Ignatius Ep. ad Polycarpum, p. 32.

Cyprian, Epist. 27.

O.

Faustum ausus sit tutorem constituere, non est quod pro dormitione eius apud vos fiat oblatio, aut deprecatio aliqua nomine eius in Ecclesia frequentetur. Apud eundem Cyprianum, liquet ita constitutas fuisse Ecclesias Christianorum, ut in iis sedes & pulpita altiora eminerent: unde lectores, sacros codices aut memorias Martyrum populo legentes audirentur. Ita de Aurelio & Celerino epistola 62. Hos tamen Lectores interim constitutos sciatis, quia oporteb. t. lucernam super candelabrum poni, & gloriosos vultus in loco altiore constituti, ubi ab omni circumstante fraternitate conspecti, incitamentum glorie videntibus prabeant, & eadem epistola ante verba allata, Quid aliud, inquit, quam super pulpitum, id est, super tribunal Ecclesie oportebat imponi, ut loci altioris celsitate subnixus, & plebi uniuersæ pro honoris sui claritate conspicuus, legat præcepta & Euangelium Domini. Concilium Iliberitanum circa Constantini tempora Ecclesiarum meminit: Placuit picturas & imagines in Ecclesia non esse, ne quod colitur, aut adoratur, in parietibus depingatur. Vbi vetat pingi in parietibus imagines, ne sæuiente barbarie & in Christianorum templa scelerato impetu irrumpente, sacræ effigies polliantur, atq; infideles contaminent quod Christiani colunt. Itaque si quando Christiani authores videantur ab Ecclesia Catholica omnem templorum usum remouere, nil aliud sentiunt, quàm Christianos longissimè ab infidelium stultissima crudelitate recedere, qui Deum nullis finibus aut terminis comprehensum, mundo non parem tantum, sed maiorem

Cyprianus
epist. 62.

Concilium
Iliberitanum
can.

exiguis templorum spatiis existimabant posse contineri, quique virtutis & bonæ mentis parum curiosi, credebant templorum luce atque ornatu longè fœlicius, quàm compositis moribus vitæq; ad sanctitatem efformatâ deos conciliari. Ita Arnobius libro octauo aduersus Gentes: *Putatis nos occultare quod colimus, si delubra & aras non habemus: quod enim simulachrum Deo fingam? cùm, si rectè existimes, sit Dei homo ipse simulachrum, templum quod ei extruam? cùm totus hic mundus eius opere fabricatus eum capere non possit.*

Arnobius
l. 8. aduersus
Gentes.

Patet itaque primas Christianorum opes in comparandis Ecclesiis fuisse collocatas, & fideles sacri patrimonij primitias ad ædium sacrarum ornatum & structuram inter persecutionum æstus dedicasse.

CAPVT XV.

DE VASIS SACRIS. Vasa aurea & argentea primis temporibus. Episcopi, thesauri sacri custodes. Seruant vestes erogandas pauperibus. Calices vitrei & lignei. Impositura Marci hæretici, qui transmutationem vini in sanguinem Christi fingeat.

Compositis Ecclesiis altera ad sacræ suppellectilis comparationem cura pertinebat, falsò
O ij

108 *De bonis & possessionibus Ecclesiarum,*
 enim imaginantur nonnulli aurum argentumq;
 nonnisi postremis temporibus in templa inuictū,
 cum pulsæ pietati & eiectioni, fastus & ambitio suc-
 cessissent. Numquam enim sordibus & squallore
 Religio gloriata est. Imò verò sanctissimi omnium
 veteres Christiani in eo curam omnem colloca-
 bant, ut splenderent templa & speciem quamdam
 referrent cœlestis Hierusalem, cui lapides pretio-
 si pro fundamento substernuntur. Ita legimus
 Pontianum Pontificem, omnia ministeria Eccle-
 siæ fecisse aurea, argenteaque, & præ cæteris vi-
 ginti quinque Patenas argenteas, tanto fortasse
 numero Patenarum, egente Ecclesia, quia tunc
 temporis mos erat, ut oblationes fidelium Pate-
 nis impositæ ad altare deferrentur per manus mi-
 nistrorum.

Vnde cum scirent pagani pretiosa supellectile
 uti Christianos, in re sacra obeunda: non modò in
 corpora sæuiebant, sed priusquam Episcopos aut
 Diaconos trucidarent, cogebant eos vasa sacra &
 ornamenta Ecclesiarum prodere, ut inde turpem
 auaritiam saginarent. Ita in Concilio Cirtensi, cu-
 ius exemplar partim extat apud D. Augustinum
 contra Cresconium, libro 3. cap. 29. partim è Bi-
 bliotheca Pithœana editum est à Baronio, dam-
 nantur Episcopi vasorum sacrorum & librorum
 proditores. Ut autem cõstet quantæ fuerint opes
 in vasis sacris & ornamentis, legendus est indicu-
 lus rerum, quas Paulus Cirtensis Episcopus tradi-
 dit Fœlici Flamini Curatori: *Calices duo aurei, item*

Aug. con-
 tra Cresco-
 nium lib. 3.
 cap. 29

Baronius ad
 annum 303.
 num. 2 &
 seq.

Calices sex argentei, cucurbitillum argenteum, lucernæ argenteæ septem, cereofala duo, candela duæ breues aneæ, cum lucernis suis septem. Item lucernæ aneæ undecim, cum catenis suis; Quibus enumeratis recensentur & plura vestium prophanarum genera, quas Episcopus vna cū reliquo Ecclesiæ thesauro seruabar, vt pro arbitratu, eas pauperibus Christianis erogaret, qui inopia & nuditate premebātur. Tunicæ nempe muliebres 82. maforcea 38. tunicæ viriles 16. caligæ viriles paria 13. caligæ muliebres paria 47. coplæ rusticanæ 19. Legimus etiā apud Optatū Mileuitanū Mensurium Episcopū Carthaginensem cum ex vrbe fugere cogeretur diu anxium & dubium hæsisse cuiam Thesaurum sacrum committeret. Ac tādē Sacerdotibus dedisse relicto eius inuētario aniculæ cuidam, eā lege, vt desinēte persecutione, illud aut sibi restitueret, aut ei, quē populus Episcopū nominaret. Erāt enim, inquit Optatus, Ecclesia, ex auro & argento quamplurima ornamenta, quæ nec defodere terræ, nec secum poterat asportare. Tacerem quæ de Laurentio sacris Ecclesiæ Thesauris præfecto memorātur; propterea, quod satis nota sint, nisi Prudentij lepōres vetarent, qui compta admodum carmine diuitias sacræ suppellectilis expressit.

Optatus
lib. 1. aduers.
Par. p. 41.

*Hunc esse vestris orgiis
Morēque & artem proditum est
Hanc disciplinam fœderis:
Libent vt auro Antistites.*

gyris à Beato Hieronymo conscripta qui grassante fame, & publicâ calamitate Tholosatum regionem vastante, ex sumptibus Ecclesiæ pauperes pascebat, nil sibi retinens præter corpus, & sanguinem Christi, ingentes sane diuitias, quæ nec tempori cedunt, nec raptori. Sanctus Exuperius Tholose Episcopus Viduæ Saepiensis imitator, esuriens, pascit alios, & ore pallente ieiunat, fame torquet, ralicat, omnemque substantiam Christi visceribus erogauit, nil illo ditius qui corpus Domini canistro vimineo, sanguinem portat in vitro. Legatur Concilium Triburiense cap. 18. Radulphus Tungrensis lib. de Canonum obseruantia proposit. 23. Athanasius Apolog. 2. Epiphanius in Panario, Hæresi 34. refert, Marcum quendam Hæreticum & à fide extortem, cum Christianorum ritus imitari vellet & speciem quandam tremendi illius referre mysterij, quo vinum in sanguinem Christi conuertitur, vsum fuisse calice vitreo, in quo affusum vinum albi coloris, post verba quædam à Marco prolata, in modum sanguinis rubescebat: impostore isto & sycophantâ, fraudem oculis subtiliter faciente. Ita enim refert ex Irenæo lib. 1. cap. 9.

Concil.
Trib. c. 18.
Radulph.
Tungrensis
proposit. 23.
Athanas.
apol. 2.

ποτήρια οἷον κίχρα μμῆτα ποτίζοντες ὡς χερσίν, καὶ ὅτι
πλέον ἐκτείνον τὸ λόγον τὸ ὀπίκλησις πορφυρεὰ καὶ ἐρυθρὰ
ἀναφαινεῖται ποιεῖν. *Pocula vino temperata gratiarum
actionem simulans & solemnem precationis formulam,
extendens purpurea rubrâque appareant effecit, celestî-
que gratiam, ad eius inuocationem, suum in illa vasa san-
guinem instillare putes, &c. At speciem sanguinis*

Epiphan.
in Panario
hæresi 34.

exhibere oculis fumentium non poterat, nisi calice vitreo usus fuisset, ut satis constat. E quo, ut obiter dicam, apparet Orthodoxos, transmutationem vini in sanguinem Christi perpetuò credidisse.

CAPVT XV.

DE SEPVLCHRIS ET COEMETERIIS

Et domo Sacerdotum tempore persecutionis. Christiani etiam Imperatores extra Ecclesiam sepulii. Sepultura Christianis prohibita. Quo consilio, numerus Cæmeteriorum ingens. Canones Eleberitani de Cæmeteriis explicantur. Domus Ecclesiæ ad Sacerdotum habitationem. Domus & mansio quomodo differunt

VEteres Christiani Ecclesias in quibus mysteria celebrantur, quas Christi præsentia venerabiles facit, tantâ religione colebant, ut in iis nefas esset quemquam sepeliri: nondum enim eò progressa fuerat hominum ambitio, ut ibi sua condi cadauera vellent, ubi pretiosum Christi corpus ab Angelis colitur, nondum contaminata fæce libidinum viscera iubebant illic reponi, ubi Majestas iudicis sedet, & caro Virginis sanguine concreta, ad hominum salutem immolatur. Nec Imperatoribus quidem, initio Ecclesiæ nascentis ea priuilegia concessa sunt. Nam ante fores & porticus

- Imperatores extra Ecclesiam sepulti.

porticus Ecclesiæ D. Petri, corpus Magni Constantiniani collocatum docet D. Chrysostomus, asseritque, eius filium existimasse, se paternæ gloriæ plurimum consuluisse, si eum, Ianitoris in morem Diui Petri foribus præficeret. Constantinopoli, inquit, Constantinum Magnum ipsius filius honore magno censuit haberi, si pro foribus Piscatoris paternum corpus collocaret, & quod in regibus sunt Ianitores regibus, hoc sunt in monumento Piscatoribus Reges. Theodosium iuniorem vnâ cum auo suo Patre Arcadio, & Matre Eudoxiâ in porticu D. Petri sepultum meminit Nicephorus Historiæ Ecclesiasticæ lib. 15. cap. 58. Theodosius autem postea mox in paterno monumento, Romani lapidis repositus est, in dextrâ sublimi Sanctorum Apostolorum templi porticu, eodémque lapide Pater quoque Arcadius & Mater Eudoxia, nec non Aulus Theodosius siti sunt: In sinistra verò, quæ ex aduerso est porticus eius sacri templi, Iovinianus iacet.

Chrysost.
hom. 66. ad
populum
Antioche-
num.

Niceph.
hist. Eccles.
lib. 15. c. 58.

Omnino verò non licere in templo sepelire corpora docet Concilium Triburienſe cap. 17. Moguntiacum cap. 51. Pelagius 2. vt ex manuscripto docet Garcia. Concil. Braccarenſe primum Canone 18. Placuit vt corpora defunctorum nullo modo in Basilica sanctorum sepeliantur, sed si necesse est, de foris circa murum Basilicæ vsque, adco non abhorret.

Concil.
Tribur. c. 17.
Mogunt. c.
51. Braccar.
1 c. 18.

Ab hac tamen lege postea excepti Pontifices, Abbates & Sacerdotes, personæ Religiosæ & spectatæ virtutis, vt videre est in Triburiensi & Moguntiaco citatis: Immo verò & Imperatoribus concessum postea, vt in Ecclesia sepeliri pos-

Licuit Sa-
cerdotes in
Ecclesia se-
peliri.

Euag. hist.
Ecclesiast.
lib. 4 c. 30.

sent, animaduerte ex Euagrio, Historiæ Ecclesiasticæ lib. 4. cap. 30. ubi ait, commune templum fuisse, in quo Imperatorum simul & Sacerdotum corpora conderentur. *Ab eodem, inquit, Iustiniano adificatum est templum Sanctorum Apostolorum, quod omnium facile primas fert, in quo Imperatores & Sacerdotes sepeliri solent.*

Cum ergo Christianorum corpora in Ecclesiis recondi Religio prohiberet: aliud vero iura civilia iuberent cadauera efferri, & extra urbem condenda deportari, ut idem Canon Braccarensis primæ Synodi, rectissime annotat: hinc post Ecclesias constructas atque ornatas, necessitas incumbere Christianis nouum aliquod prædiū agrumue cœmendi, in quo fidelium cadauera deponerentur. Quippe exhorrescebant plurimum cōmunes habere cum Paganis tumulos, & eorum societatem etiam mortui execrabantur, à quorum superstitione viui sese subtraxerant. Cœmeteriorum verò curam augebat maximè apud veteres Christianos, spes secundæ illius vitæ, quam corpora ad vocem Christi resument; ubi mors in victoria absorbebitur. Quapropter Gentiles, ut gloriosæ isti Christianorum expectationi insultarent, & omnem resurrectionis spem ex animo eorumdem reuellerent, concessam etiam sceleratis sepulturæ humanitatem iis intercludebant: Ita corporum tormentis miserè dissipatorum Reliquias, aut igni absumebant, aut cerre immittebant in flumina. Sic cum grandis tempestas

Quare curam cœmeteriorum tantopere gerebant.

Viennæ & Lugduni aduersus Christianos esset concitata, plurimique fideles cæsi ac trucidati sparsim per vicos iacerent, fœda sæuitiæ monimēta: vetuerunt quēquam ex iis sepeliri. Martyrum corpora, sex dies continuos sub dio iacentia & maximā ignominia affecta, post autem ab impiis illis & facinorosis carnificibus exusta, inque cineres redacta, in Rhodanum fluvium, qui illic in proximo defluit, spargebantur, quò nullæ quidem ipsorum reliquæ amplius super terram restarent. Ista eo consilio patrabant, quò demum se posse viuere & illis regenerationem corporum prorsus eripere arbitrati sunt, quò ne illa quidem, sic enim dicebant, spes resurrectionis illis reliqua fieret, qua freti (inquiunt) non solum peregrinam quandam & nouam nobis induxerunt religionem, verum etiam neglexerunt penitus tormenta, &c. Eusebius lib. 5. cap. 1. sub finem. Imo verò non tantum in corpora recens enecta sæuitum est, iisque tumuli clausi, quibus vita nuper crepta fuerat: verum etiam inualescentibus Paganorum furiis violata est humanitas & effractis sepulchris dissipati Christianorum cineres: vt in persecutione orta Nicomediæ, factum refert Eusebius lib. octauo cap. 6. Cum ergo sepulchrorum religione & sanctitate spem futuræ resurrectionis ali & foueri maximè arbitrarentur, hinc in cœmeteriis erigendis studiosi apprimè fuerunt; adeo vt ingens fuerit eorum locorum numerus, & longè major quàm Ecclesiarum.

Baronius ad annum 226. sub Calixto Papa catalogum rexit Cœmeteriorum Romanæ vrbis, &

Euseb. hist.
Ecclesiast.
lib. 5. c. 1.

Euseb. lib.
8. c. 6. hist.
Ecclesiast.

Baronius
ad ann. 226.

116. *De bonis & possessionibus Ecclesiarum,*
 enumerat quadraginta tria : Cœmeterium Cal-
 listi, Callepodij, Ostianum viâ Salariâ : Cœme-
 terium ad Nymphas, viâ Numentanâ : Soteris,
 haud longè à Cœmeterio Callisti: Zephyrini Cœ-
 meterium : Cyriacæ Matronæ, in agro Verano:
 Lucinæ, viâ Aureliâ: Priscillæ, viâ Salariâ: Thimo-
 thei, viâ Ostiensi: Vbi nunc Basilica sancti Pauli:
 Nouellæ Cœmeterium, viâ Salariâ: Balbinæ seu
 Marci Papæ, inter viam Appiam & Ardeatinam:
 Iulij, viâ Flaminîâ: aliud eiusdem nominis, viâ
 Aureliâ: & tertium eius quoque cognominis, viâ
 Portuensi: Cœmeterium Damasi: Anastasij Pa-
 pæ; Hermetis: Nicomedis, viâ Ardeatinâ: Agne-
 tis, viâ Nomentanâ: Sanctæ Fœlicitatis, viâ Sala-
 riâ: Cœmeterium Iordanorum: Nerei: Felicis, &
 Adaucti: Tiburtij & Valeriani: Sanctorum, Petri
 & Marcellini, viâ Lauicanâ: Marci & Marcelliani:
 Quartî & Quinti: Sanctæ Agathæ, viâ Aurelia:
 Cœmeterium Vrſi: Cardianum Cœmeterium,
 inter duas lauros ad cliuum cucumeris, viâ Salaria:
 Thrasonis ad sanctum Saturninum: Cyriaci, viâ
 Ostiensi: Petronilli: Ianuarij: Simplicij: & Serui-
 liani. E tanto Cœmeteriorum numero, conii-
 cias quæ fuerit Martyrum turba, quibus sepeli-
 dis tot loca vix sufficerent, cùm in amplissimis
 ciuitatibus sex, aut quatuor Cœmeteria morien-
 tibus tumulandis sufficiant.

Cœmete-
 riorum va-
 rix appella-
 tiones.

Conuen-
 tus in Cœ-
 meteriis.

Ea vero fuit erga Cœmeteria veterum pietas, vt
 statos illic conuentus haberent, & noctes aliquan-
 do integras decantandis Martyrum laudibus,

Deoque in eorum memoriam adorando transigerent. Quare cum Imperatores nossent conuentus Christianorum maximè in cœmeteriis agitari, solemnî Edicto prohibuerunt sæpiùs ne cœmeteria à Christianis adirentur. Eusebius lib. 7. Hist. cap. 10. scribit, inter cœtera ab Æmiliano Præfeto Alexandriæ interdictum fuisse Dionysio Episcopo, Fausto, Marcello Chœrœmoni, ne cœmeteria ingrederentur: Sic enim habet sententia in eos prolata: *In hac ciuitate non erit liberum vobis versari: sed eritis relegati in parte Lybiæ in locum videlicet qui Cephro nuncupatur. Neque vsquam omnino vel vobis, vel alijs quibusq; potestas erit aut celebrandi conuentus, aut in ea quæ appellatur cœmeteria ingrediendi.* Ita etiã Tertullianus ereptam Christianis sepulchrorum libertatem queritur, sed eius sæuitiæ ultorem Deum adfuisse, immissã nempe sterilitate. *Doleamus, inquit, necesse est, quod nulla ciuitas impunè larura sit sanguinis nostri effusionem, sicut sub Hilariano Praside, cum de Arcis sepulchrorum nostrarum acclamassent, Arcæ non sint; Arcæ ipsorum non fuerunt, Messes enim suas non egerunt.* Vbi alludit Tertullianus ad nomen Arcæ, quod & locum ubi terantur frumenta, fruges verberantur, & sepulchra etiam Christianorũ significat, cœmeteria enim dicuntur Arcæ, tumbæ, catatumbæ, Cryptæ, Arenariæ, &c.

Euseb. l. 7.
Hist. Eccles.
cap. 10.

Prohibetur
adire cœ-
meteria.

Tertull. ad
scap c. 3.

Mitiores & humaniores Imperatores permiserunt Christianis sepeliendi facultatem ex lege Diocletiani, quæ non prohibet reos sepeliri. Ita apud Eusebium lib. 7. cap. 12. legimus sub Galieno,

Leg. ohno.
Cod. de Rel.
sumpt. fun.

restituto tantisper persecutionis feruore restituta
Episcopis Christianorum & permissa Cœmete-
ria. Aliud porrò illius decretum esse dicitur, quod ad
alios Episcopos dedit, per quod quædam loca, illa quæ cœ-
meteria nominabantur, integram adeundi occupandique
fecit potestatem.

Et si verò in eos, qui cœmeteria colerent, sæpiùs
Imperatorum indignatio eruperit, numquam ta-
men auitæ pietatis studium elanguit. Imò verò
erga Martyres semper Christianorum increuit
reuerentia, donec in superstitionem etiam effun-
deretur. Hinc factum est, vt cùm conciliandis sibi
Martyrum fauoribus, nonnulli faces & lucernas
in cœmeteriis accenderent, putarentque isto pe-
regrino cultu Sanctorum spiritus euocari in suam
opem. Propterea Concilium Iliberitanum sanxit,
ne faces in cœmeteriis die accenderent, nèue illic
conuentus nocturni à mulieribus haberentur: Cœ-
reos per diem placuit in cœmeterio non incendi, inquietan-
di enim spiritus Sanctorum non sunt. Vult enim Ca-
non, prophano hoc ritu, quo etiam hodie vtun-
tur Persæ, Sanctorum spiritus offendi potiùs quàm
honorari: & canone trigesimo quinto, *Placuit
prohiberi, ne fœmina in cœmeterio perugilent, ne sub ob-
tentu orationis, scelera latenter committant.*

Concil Ili-
beritanum,
can 34.

Idē can 35.

Hier incap.
40 Ezech.

Cæterùm, cœmeteriorum figuram & structu-
ram depingit accuratè Hieronymus in caput qua-
dragessimum Ezechielis: *Dum essem Romæ puer, &
à liberalibus studiis erudirer, solebam cum cæteris eiusdē
ætatis & propofiti, diebus Dominicis sepulchra Aposto-
-*

lorum & Martyrum circumire, crebroque Cryptas ingredi, quæ in terrarum profunda defossæ, ex utraque parte ingredientium, per parietes habent corpora sepultorum, & ita obscura sunt omnia, ut propemodum illud propheticum compleatur, descendant in infernum viuentes, &c.

Cœmeteriorum for-
ma & stru-
ctura.

Post Cœmeteria coempta, si quid Ecclesiæ facultates aliquid amplius sinerent, nec inuidia paganorum officeret, quominus Christiani Sacerdotum ac Clericorum quieti consulerent, tum publico sumptu domos illis comparabant, in quibus commodè degerent, ad officij suas partes pie & religiosè obeundas: & hæ domus dicebantur Ecclesiasticæ siue domus Ecclesiarum. Cuius rei insigne vestigium extat apud Eusebium lib. 7. historiæ Ecclesiasticæ cap. 24. Nam cum Paulus Samosatenus ob nefariæ hæreseos crimen, Episcopatu amotus, nollet Ecclesiæ domo abire, eamq; Domino (ita enim vocabatur qui ei successus fuerat) relinquere, interpellatâ à Catholicis, in eâ rem, Aureliani Imperatoris Maiestate, iussu est ab Imperatore, ut is domum possideret, cui Romanus Episcopus decerneret: ἀλλὰ γὰρ μηδαμῶς ἐκσῆναι τὸ Παῦλον, ὃ τῆς ἐκκλησίας οἶκον, θελοῦντες. Βασιλεὺς ἐπέτρεψε Αὐρηλιανὸς αἰσιμαστάτωι πρὸς τὸν πατριάρχην διελθόντι πύργοις ἡμεῖς παρῆσαν τὸ οἶκον, εἰς αὐτὸν οἱ καὶ τὸ ἱεράριον καὶ τὸν Ρωμαίων πόλιν ἐπίσκοποι ὃ δόγματός ἐπιτέλλοιεν. Verum cum Paulus ex Episcopi domo eius Ecclesiæ propria exire nollet, Imperator Aurelianus de ea re rogatus sententiam; sanctissime quid esset agendum decrevit: præcepit enim ut domus Ec-

Euseb. lib.
7. hist. Ec-
clesiast. c. 24

De domo
Ecclesiæ ot-
ta' contro-
uerfia.

120 *Donis & possessionibus Ecclesiarum,*
clesiæ ijs tribueretur, quibus Christiani Italiae & urbis
Romæ Episcopi tribuendam perscriberent. Sicdemum
Paulus de quo docuimus cum summo dedecore,
sæcularis Imperij ac potestatis autoritate ab Ec-
clesia penitus extruditur. Apud Gregorium Tu-
ronensem extat mentio domus Ecclesiasticæ. Vbi
de Urbico sermo est, Aruernorum Episcopo. Cum
enim relicta vxore, vt canones ferebant, conti-
nentiæ daret operam & in Ecclesiastica domo seor-
sim habitaret, tandem misera coniux facibus libi-
dinis incensa, eam domum noctu adit, & mille vsa
lenociniis tandem euicit, vt maritus spurcissimæ
cupiditati obsequeretur, Mulier, inquit, succensa
libidine, operta peccati tenebris, pergit ad domum Eccle-
sia per tenebras noctis, cumque obserata omnia reperisset,
pulsare fores Ecclesiasticæ domus cepit, ac voces eiusmodi
dare, Quousque Sacerdos dormis? quousque clausa
ostianon reseras? &c. Cæterum, animaduertendum
domum Ecclesiæ à manso, siue à mansionē Sacer-
dotali differre. Nam domus Ecclesiæ arcta & exi-
gua, Ecclesiæ parietibus adhærescebat. At verò
crediderim mansionē habuisse ædes laxiores, &
fuisse arctâ, impluuium, hortis & aliis eiusmodi in-
structam, nec ita Ecclesiæ contiguum hæsisse
mansum, quin aliquo spatio ab eius parietibus
abesset. Coniecturæ argumentū præbet, quod re-
fert postea Gregorius Turonensis lib. 2. cap. 21. de
Eparchio eorundem Aruernorum Episcopo, qui
successit Namario. Ait enim eius temporibus au-
ctam & ornatam bonorum accessione, Aruernorum

Gregorius
 Turonensis
 l. 1. cap. 39.

Gregorius
 Tur. l. 3. c. 21

rum Ecclesiam prædiolū habuisse intra urbem, in quo mansionem Sacerdoti suo cōduxerat: *Defuncto*, inquit, apud *Arvernū* Namario Episcopo, Eparchius successit vir sanctissimus, atque religiosus, & quia eo tempore Ecclesia, parvam intra urbis muros possessionem habebat, ipsi Sacerdoti in eo quod modo *Saluatorium* dicitur, in insioerat, atque ad gratias Deo nocturno tempore reddendas ad altarium Ecclesiæ consargebat. De manso verò & Ecclesiæ domo, suo loco prolixius ageretur.

*Saluatorii
locus Eccle-
siasticæ im-
munitatis.*

CAPVT XVII.

DE *ÆRARIO CHRISTIANORVM*,
tempore persecutionis. Pecunie post synaxes data.
Quibus diebus colligerentur. Conuiuia Clericis & Sa-
cerdotibus data à Christianis. Quinam essent arario
Præfecti. Conuersi ad fidem ex eo alebantur. Pax
empta pecunijs à Quæstoribus & Imperatoribus.

TEmpore persecutionis certum habebant æ-
rium Christiani, è quo promebantur com-
munes impensæ, ad Clericorum alimoniam, &
pauperes leuandos, cuius historiam hanc accipe.
Peractâ sacrâ synaxi, Diaconi, qui paulò antè po-
pulum sanctissimo munere Corporis Christi pa-
uerant, ab eodem colligebant quidquid sponta-
neâ charitate libêret in communem fundum, æra-

Q

Iustinus
Marr apol.
2. sub finem

Intelligit
dona sacra,
seu Eucha-
miam.

Testis apo-
logeticus ad-
uers. Gentes.
cap 39.

riumque publicum conferre. Eius rei testis est, secundo sæculo, Iustinus Martyr, Apologia secunda, quam ingeniosè edidit, pro Christianis, *Distributio*, inquit, *communicatioque sit eorum in quibus gratia sunt acta, cuique presenti: absentibus autem per Diaconos mittitur; subinde qui copiosiores sunt, & volunt pro arbitrio quisque suo quod visum est, contri- buunt: καὶ ἡ διάδοσις καὶ ἡ μετέληξις ἀπὸ τῆς εὐχαριστίας ἐκάστα γίνεται, καὶ τοῖς ὁ παρὼσι διὰ τῶν διακόνων πέμπεται. οἱ ὁπρὸντες καὶ βολέωμοι καὶ παραιρεσιν ἕκαστος τῷ ἑαυτοῦ, ὁ βούλεται δίδδοσι.* Tertullianus verò huius pecuniariæ collationis meminit, videturque refellere nequissimam Gentilium calumniam, qui finge- bant Sacerdotes Christianos, sacrorum specie & nouæ religionis aucupio pecunias suorum emun- gere, ac veluti vectigali imposito in eorum fortu- nas grassari: *Si*, inquit, *quod arca genus est, non de on- eraria summa quasi redemptæ Religionis congregatur: mo- dicam unusquisque stipem mensura die, vel cum vellet, & si modò possit, apponit: nam nemo compellitur, sed sponte confert.* Partem verò plurimam eius æris ex symbolis Christianorum collecti, cessisse in com- moda Episcoporum docet nos Cyprianus; à quo præterea discimus moris fuisse in Africa, vt Sacro confecto, plebs suum Episcopum ac Clerum li- beralibus honestisque epulis exciperet. Nam cum perduellis Fortunatius, eam manum, quam sacri- legio incestauerat, veller illotam sacris admouere, & Sacerdotem se gerere Christi, qui modò thura Idolis adolendo, fuerat mancipium diaboli, Cy-

prianus in eius audaciam inuehitur, & temerariam redeundi ad altaria pruriginem non tam fidei & pietati adscribit, quàm libidini & avaritiæ: Aegrè siquidem ferebat Fortunatius sibi lucella excidere; quæ prius è symbolica Christianorum stipe corradebat: dolebat se arcerià conuiuii, in quibus aqualiculo tam incontinenter famulabatur. *Nec mirum*, inquit Cyprianus, *si consilia nostra, aut Domini præcepta nunc abnuunt, qui Dominam negauerunt. Stipes & oblationes & lucra desiderant, quibus prius insatiabiles incubabant, & cœnis atque epulis etiam nunc inhiant, quarum crapulam superstitute in dies cruditate ructabant, nunc manifestissimè comprobantes nec antè se Religioni, sed ueniri potius & quaestui, prophana cupiditate seruasse.* Cæterum, quis huic ærario præfectus esset, & apud quem pecunia deponeretur, indicat Iustinus Martyr loco citato, ubi præpositum, seu *πρωτοπρεσβυτερος*, (quo nomine Episcopum seu Christiani cœtus præsidem intelligit) notat eius esse pecuniæ sequestrum ac dispensatorem, *† συλλεγόμενοι τὰς τῶν πρωτοπρεσβυτερου δαπάνης, &c.* Quod collectum est, inquit, apud præpositum deponitur.

Cyprianus
epist. 26.

Quis præfectus
ærarij
Christianus

Iustinus
Martyr apoc.

Probabile est autem, successu temporis, Episcopos in grandioribus negotiis occupatos, Ecclesiasticæ pecuniæ curam & œconomiam in Diaconos reieciſſe: nam Diaconos sua ætate huic sacro ærario præfectos docet Origenes Homil. 15 in Matth. ubi Christi mercatoribus & nûmulariis, qui templi vestibula occupant, indignantis censuram torquet in Diaconos sacra pecunia abutentes,

Origenes
Homil. 15.
in Matth.

124 De bonis & possessionibus Ecclesiarum;
Diaconi, inquit, qui non bene tractant Ecclesiasticarum pecuniarum mensas, sed semper de ijs fraudant, & ipsas quas dispensant non secundum iustitiam dispensant; & diuites fiunt de rebus pauperum, ipsi sunt nummularij pecuniarum mensas habentes, quas Christus euehit.

In quos usus
 sacrum pa-
 trimonium
 expendeba-
 tur.

In quos verò usus insumerentur communes pecuniæ prælaudati authores satis produnt, qui omnes annotant ex ærario Ecclesiæ nutritos pauperes, defensos orphanos, Martyres in carcerum fœtore iacentes, petitis inde subsidiis leuatos, & eorum, qui ad metalla damnati essent, calamitatem delinitam. Ita enim ait Iustinus apologia citata. *Πρόσβιτος, inquit, inde opitulatur pupillis, viduis, & his, qui propter morbum vel aliam causam egent, quique in vinculis sunt, & peregrè ad alienigenis hospitibus, & ut simpliciter dicam: πασι τῶν ἐν χεῖρῃ οὐκ ἔχοντων ζωῆται; omnium in egestate versantium curator est: Similia habet Tertullianus in apologetico. Hæc, inquit, deposita pietatis sunt, nam inde non epulis, nec potaculis, nec ingratis voracitinis dispensatur, sed egenis alendis, humanisque & pueris ac pupillis re ac parentibus destitutis, atateque domitis senibus: item naufragis, & si qui in metallis, & si qui in insulis, vel in custodiis, dumtaxat ex causa sectæ Dei.*

Iustinus
 apol. 2.

Tertull. in
 apologetico

Imo verò si qui, antequam fidem Christo darent, fœdis artibus victum quærebant, illi tandem in Christi familiam adlecti, cum ab istis artibus nefariis cessare cogerentur, ex publico Ecclesiæ demenso victitabant: ne incommodum suis rebus Christum quærerentur, qui fauentem an-

rea dæmonem erant experti. Ea propter Cyprianus increpat histriionem quendam, qui repudiato theatro, cum Christianus factus fuisset, attamen vicarios ludiones sibi suffecerat, qui eius in locum Comœdias populo darent. nam frustra huic arti spurcissimæ excusationem paupertatis obtendi, ait Cyprianus. Si, inquit, penuriam talis & necessitatem paupertatis obtendit, potest inter ceteros, qui Ecclesiæ alimentis sustententur, huius quoque necessitas adinuari, si tamen sit contentus frugalioribus & innocentibus cibis. Nec putet salario se esse redimendum, ut à peccatis cesset, quando hoc non nobis, sed sibi præstet. Licet vero communis hic riuus Ecclesiasticarum pecuniarum in omnes diffunderet, non tamen æquis portionibus & paribus sportulis, omnes Ecclesiæ pauperes donabantur. Ratio habebatur ab Episcopo, ætatis, conditionis, ac dignitatis. Si quos enim, in odium fidei, Gentilium furor, ex opulenta & illustri fortuna in calamitatem extremam cōpegisset, illis quia liberalius & honestius essent educati, largior quoque & amplior annona pendebatur. Ita etiam senibus ætate aut morbo confectis victus parabatur mitior & delicatior: & hoc est quod diserte docet Origenes Homilia trigima prima in Matthæum. Non enim simpliciter, inquit, de rebus Ecclesiasticis dare oportet, ut unum hoc obieruamus, & ne quæ pauperum sunt deuoremus, aut furtum faciamus, de eis: sed ut prudenter intelligamus indigentium causas, propter quas sunt indigentes, & unusquisque dignitatem, quomodo aduocatus est, quantum ne-

Origenes
hom. 31. in
Matthæum.

cessarium habet, vel propter quam causam indiget. Non ergo similiter agendum est in iis, qui ab infantia duriter sunt educati, & stricte, & in iis qui large & delitiose nutriti sunt, & postea ceciderunt. Nec eadem sunt ministranda viris & mulieribus, aut multum senibus & iuuenibus & debilibus, & qui propterea non possunt sibi acquirere escas, & iis qui vel ex parte possunt sibi succurrere. Requirendum est autem, & si multos habeant natos non negligentes, sed omnia facientes, & non sibi sufficienter occurrentes, & ne plura dicamus multâ sapientiâ opus est ei, qui vult bene dispensare Ecclesiasticos redditus, ut etiam in istis fidelis & prudens dispensator inuentus, beatus efficiatur.

Stipes collatz ad ornatum Ecclesiarum.

Cum itaque feruerent apud veteres Christianos pauperum studia, & in eorum gratiam maxime, ærarium publicum haberetur: aliunde tamen reperio etiam in ornatum & splendorem Ecclesiarum stipes ab eis collatas: ne quod hominum miseræ liberaliter indulgebant, illud diuinis honoribus amplificandis viderentur denegare: Testem cito eius consuetudinis Origenem Homilia decima in Iosue, qui studium ornandarum Ecclesiarum inutile esse Christiano dicitur, nisi præcordia virtutum ornamentis fulgeant & mens studiis rerum optimarum simul exulta, quasi iucundissimum hospitium, diuinæ Majestati, sua amœnitate blandiatur. Si qui, inquit, sunt in nobis, quorum fides hoc tantum modo habet, ut ad Ecclesiam veniant & inclinent caput suum Sacerdotibus, officia exhibeant, seruos Dei honorent, ad ornatum quoque altaris &

Origenes homil. 10. in Iosue.

Ecclesiæ aliquid conferant, non tamen adhibent studium, ut etiam mores suos excolant, &c. sciant sibi partem esse à Iesu Domino cum Gabaonitis tribuendam.

Inuenio & alium sacræ pecuniæ vsum. Nempe cum dira æstualet persecutio, & Christiani scirent iram tyrannorum aliter placari non posse, quàm si eorum avaritiæ litaretur; non nunquam, ut sese ex graui & diuturna iactatione colligerent, & aliquid captarent quietis, solebant tributum & vectigal ex cõmuni ærario pendere sicq; fortunarum dispendio aris & sacris securitatem impetrabant. Id vèro potissimum haurio ex Tertulliano, qui morem hunc quasi illicitum & Christo iniuriosum carpit, quia nimirum eo census genere, infames quoque lèctæ & turpissimorum hominum collegia, solerent artium nefandarum licentiam emereri ac impetrare. *Quid non timiditas persuadebit quasi & fugere scriptura permittat & redimere præcipiat. Parum denique est si vnus aut alius ita eruitur. Massaliter totæ Ecclesiæ tributum sibi irrogauerunt. Nescio dolendum an erubescendum sit? cum matricibus beneficiariorum & curiosorum, inter tabernarios, & lanios, & fures balnearum, & aleones, & lenones, Christiani quoque vectigales continentur. Verum hoc vectigal recens & sua tantum ætate Christianis impositum liquet ex eodem Tertulliano, qui paulo ante ait à nemine vnquam Imperatorũ Christianos factos esse vectigales. Hæ fuerunt opes, hæ æconomia nascentis Ecclesiæ; his iniitiis in eum splendorem euecta est, quem inuidia*

Alius vñs
sacræ pecu-
niæ in pla-
candis ty-
rannis.

De bonis & possessionibus Ecclesiarum,
 sæculi lacēssit, cui etiam boni aliquando, & Religiosi viri obstrepunt: ne si diuitias & opes Ecclesiæ defendant, videantur nata ex iis vitia luxuriam, fastum, contentiones & dissidia propugnare.

Interim vero referamus assidue oculos in maiorum nostrorum imaginem, quibus in tenui fundo, angustâque recula, tanta pauperum vige-
 bat sollicitudo: Erant illi in sordibus generosi, in vulneribus fortes, in penuria liberales. Habuit inuictos athletas, indomitos milites Ecclesia, quamdiu stipendiis caruit, nec sincerioribus votis ulli Christum coluerunt, quam quos ad nobilem militiam sola impellebat suppliciorum expectatio.

Nunc animum nobis mentemque fregere diuitiæ: prodidit seipsum largitate stipendiorum & honorum profusione Imperator noster: deumque pertæsus calamitatis Ecclesiasticæ, otium Clero & quietem indulget, tam illustri munificētia milites suos nō magis opulentos habuit quā vecordes. An nulli sunt, qui inanibus honorum aucupiis delinicti, Christum abjurant, qui amplissimas dignitates, scelere & perfidia sectantur, quas non possunt virtute ac doctrina promereri. Maiorum nos pudeat necesse est: & tamen quid sumus nisi illis succedimus? Quoties Petri, quoties Pauli, quoties Apostolorum nomina reclamamus, si dignitatis nostræ & honoris fundamenta tentantur? Filij sanctorum sumus, reuera filij: sed tamen rebelles, ingrati, contumeliosi, nisi patrum vitam amplectimur, nisi diuitias in pauperes spargimus,
 nisi

nisi ut in dignitate constitutos veneramur : ita in
imis subsellis languescerent erigimus , nisi quos
Sacramentis & Christi corpore pascimus , eos-
dem necessariis vitæ præfidiis instruamus , ne plu-
ris facere pecuniam , quam Christi corpus & ca-
duca fortunæ membra , supra sanguinem Agni
immaculati videamur æstimare.



R



LIBER SECVNDVS.
DE BONIS ET POSSESSIONIBVS
• ECCLESIARVM A TEMPORE
Constantini Magni.

P R Æ F A T I O.

SARTIS hæcenus cum mala fortuna
luctatum : quas enim vires populo-
rum odia & tyrannorum furor huc-
usque in Ecclesiam non armauit ?
quibus artibus dæmonum inuidia
nascentem Christi gloriam non aggressa est ? vicit
tamen patientia Martyrum , dumque Ecclesia
suorum cladibus crescit, dum viuit mortibus , &
per supplicia ac carceres illustratur ; tandem ex-
cussâ frenesi orbis resipiscens adorare cogitur,
quod expugnare non potuit. Quas enim ultra
machinas strueret in Ecclesiæ ruinam , Principum
ingeniosa sæuities ? Quos faceret in posterum in
ea euertenda conatus ? Agnoscant necesse est

sub Constantino fruirur, eius constantiæ ac generosis facinoribus quasi præmium referuasse.

¶ Verùm quid præmij nomine, diuitias, pacem, & oria amœniora complector. Hostes sunt, sed blandioribus machinis armati, qui eò facilius vincunt, quo videntur non tam ad nocendum quàm ad delectandum comparati. Non caret itaque infidijs bona fortuna cum hac quoque pugnandum est: parum est Ecclesiæ infortunati sæculi vicisse tempestatem & iniurias, si in otio & rerum omnium vbertate pereat, si quam odia Principum debilitare non potuerunt, ea amoribus ac beneficentia opprimatur. Spectandæ itaque sunt Ecclesiarum opes, ut patrimonium aliquod sacrum, partum sanguine Christi & Martyrum. Quis vero de doloribus Christi luxuriam suam sine atroci scelere nutriet? quis de contumelia Sanctorum sine sacrilegio insolescat? quis eorum tormenta in delicias mutet? & quod Deo ac Religioni dicatum est, velit impuro facinore vitiis ac libidini consecrare? Olim grande piaculum fuit & monumentum eiuratae impietatis, cum nefarius quidam statuam Herculis ligneam incideret, & eiusdem fragmentis ad rapas coquendas vteretur: creditus est Deum nescire, qui deorum ruinâ prandium sibi componeret, & Herculem tot monsterum victoria superbum sordenti culinæ tam turpiter immolaret.

Quis ergo Christianos esse meritò non dubitet, qui pacem & quietem Ecclesiæ emptam tot cla-

R iij

Athenagoras in legatione pro Christianis.

dibus ac tormentis spurcissimis sceleribus fœdant,
& populorum vota ac pietatem cogunt vitijis ac
impietati subseruire.

Nouerint ergo sacrorum Præsides quid sibi in
rem & dominium Christi liceat, quos in vsus sacræ
opes erogandæ, sic pecunias & redditus Ecclesia-
rum quasi Christi sanguinem curent, quem ne-
fando ritu dæmoni libant, quotquot de altarium
fructibus luxuriantur.

Atque ut olim malitiam Principum & populo-
rum sæuitiam vicit constantia Præsulum; ira de-
eorumdem amicitia, & beneficijs triumphum in-
stituatur moderatio: doceat Ecclesia se nec aduersis
premi, nec secundis intrumescere, quia res suas vel
prosperas vel aduersas, vnius Christi vel iactura vel
possessione meritur. Sic insolens quorundam fu-
ror facilè retunderetur, qui suas opes perpetuò Ec-
clesiæ improperant. Sic Politicorum artes omnes
& machinæ corruent, qui Ecclesiam Imperijs in-
festam & rebus publicis ominosam perpetuò ob-
strepunt, quasi Principum maiestatem prædata, de
Regnorum spoliis, suum ipsa splendorem con-
farcinarit.



LIBER SECVNDVS.
DE BONIS ET POSSESSIONIBVS
ECCLESIA RV M, A TEMPORE
Constantini Magni.

CAPVT PRIMVM.

*Qui Reges & Principes in Ecclesia bona, eorumque
incrementum leges tulerint.*



C ne videamur quidquam dissimulare,
earum rationum, quibus Ecclesiæ pa-
cem ac diuitias incessunt: prodeant in
medium omnes, si fieri potest, Reges
ac Principes, qui Edictis suis prohibuerunt, quo-
minus Ecclesia bonorum accessione cresceret, aut
qui in eius patrimonium manus immisere: videa-
mus quamdiu hæc Edicta durauerint, quibus cau-
sis proclamata, qua ratione abrogata, ac tandem
quibus præmiis cœlitus donati, quæris & templis
dotes conditæ, & sacerdotibus constituta sti-
pendia minuerunt.

ex lege Constantini acceperant, ita demonstrata restitu-
rentur, de his quæ erant à Iuliano exacta, testificari possunt.

Ex quibus patet, Iulianum Ecclesias reperun-
darum postulasse; & vindicasse à Clericis, non solū
ea quæ possidebant ex donatione Constantini,
sed etiam omnes fructus & census anteaactorum
temporum crudeliter exegisse, ad eò vt Ecclesia
cogeretur tantum restituere, quantum perce-
pisset.

Et ne quid opum ac fortunarum Christianis re-
linqueret, illorum libertatem tributo compescuit,
& constituit, ne cui liceret palam esse Christianū,
nisi qui eius nominis licentiam pecuniā emisset
ab Imperatore. Ita Socrates, *Cum sine pecunia bellum
geri nō posse animaduerteret, pecuniā veteratoriē extor-
quere cogitauit. Nam illis, qui sacrificare renuebant, mul-
tā imposuit pecuniariam: ipsaque exactio in verē Chri-
stianos seuera & exquisita fuit, nam quisque pro facultat-
um proportionē tributa pensitauit, &c.* Apud Socratem
libro tertio, cap. 11.

Socrates H.
1. hist. Eccl.
cap. 11
Niceph. lib.
10. c. 4 & 5.

Impius ille Barbari furor cita morte restinctus
est, nec diu permisit cælum desertorem fidei Im-
peratorem, de Christianorum seruitute gloriari.
Successit Iovinianus, qui iura & libertates Eccle-
siæ restituit, & acceptas clades à Iuliano, libera-
liter iuxta ac religiosè instaurauit. Nec quidquam
postea in Ecclesia tentatum: donec avaritiā quo-
rundam è sacerdotali catalogo, passim in simpli-
ciorum opes inhiāte, & mericulosas anus spolian-
te. Valens & Valentinianus largitioni publicæ,

Cod. Theo.
dof lib. 16.
ut al. 20.

qua omnes Ecclesiam certatim ornabant, modum imposuerunt lege latâ, quæ extat in Codice Theodosiano, lib. 16. titulo 2. in qua sic rescribunt Imperatores Valentinianus, Valens, & Gratianus ad Damasum Urbis Romæ Episcopum. *Ecclesiastici, aut ex Ecclesiasticis, vel qui continentium se volunt nomine nuncupari, viduarum ac pupillarum domos non adeant, sed publicis exterminentur iudiciis, si posthac eos ad fines earum, vel propinqui putauerint deferendos: Censemus etiam ut memorati nil de eius mulieris, cui se priuatim sub prætextu Religionis adiunxerunt, liberalitate quacumque, vel extremo iudicio possint adipisci, & omne in tantum inefficax sit, quod alicui horum fuerit relictum, ut nec per subiectam personam valeant aliquid, vel donatione, vel testamento percipere. Quinetiâ, si for-
tè post admonitionem legis nostræ, aliquid iisdem ex femina, vel donatione, vel extremo iudicio putauerint relinquendum, id Fiscus usurpet, & cætera. Lecta in Ecclesiis Romæ 3. Kalend. Augusti. Valentiniano & Valente iij. A. A. Consf.* Qua lege videmus prospectû imbecillitati muliercularum, quæ superstitioso metu vexatæ, Sacerdotes ad speciẽ seueros, muneribus ac congiariis demulcent, & quidquid longâ serie curarum & annorum simul congegesserunt, id illis liberalissimæ impertiuntur, dummodo velint anxium & nutantem earum animum certa expectatione æternitatis delinire. Tales erant quidam Valentiniani temporibus, hæreditatum aucupes mulierum (vt ita dicam) pædagogi, quibus inferiorum horror metusque pro fundo erant, qui ve-

Iurinito cum Numine pacto, æternitatem vendebant, & cælum, quod gratis fuso sanguine vniuersis quæsitum est, turpi nundinatione mercabantur.

Non ergo in aras & in templa lex lata est, sed in auaritiâ & sordes, in præstigias quorundam, sub specie pietatis, turpissima lucra sectantium, qui fabulosi instar Mercuri animas pro libidine orco immergunt aut excitant, Deum aut placant aut incendunt, & quasi fulminum arbitri, simulque serenitatis diribitores, pacem cælorum & fauorem pretio distrahunt: denique simplicissimis mentibus facillimè persuadent Deum iis non posse irasci, quos amice appellant, & benignè complectuntur. In eos verò scriptam hanc legem docet Hieronymus ad Nepotianum: *Pudet dicere, Sacerdotes idolorum Aurige, Mimi, & scorta hæreditates capiunt: Solis Clericis id lege prohibetur: & prohibetur non à persecutoribus, sed à Principibus Christianis: nec de lege conqueror, sed doleo cur meruimus hanc legem: Cauterium bonum est, sed quo mihi vulnus, ut indigeam cauterio: & tamē nec sic franatur auaritia: per fidei commissa, legibus iudicamus, &c.* Addit subinde artes sordidas, quibus plerique Clericorum viduas & simplices matronas æruscarent & hæreditates aucuparentur. *Audio præterea in senes & anus absque liberis, quorundam turpe seruitium: ipsi apponunt matulam, obsident lectum, purulentiam stomachi, & phlegmata pulmonis manu propria suscipiunt, pauent ad introitum Medici, tremensibusque labijs an commodius habeant sciscitantur,*

Hieron. ep.
ad Nepot.

140 *De bonis & possessionibus Ecclesiarum,*
& si paulum senex vegetior fuerit, periclitantur, simulâ-
taque latitiâ mens intrinsecus auara torquetur, timent
enim ne perdant ministerium. Vnde apparet Patres
non tam Imperatoribus, quàm nequitiae suorum
temporum indignatos, quibus & Monachi &
Clerici Christianæ simplicitatis immemores diui-
tias sub Christo captabant, quas in sæculo non
habuissent. Et certè Ambrosius, vbi istius legis
meminit, non tam iniustitiæ damnat, quàm eâ-
dem vitur ad refellendas Gentilium querelas
qui alimenta publica suis eripi sacerdotibus impa-
tientissimè vociferabantur. Sacerdotibus quoque suis
queruntur alimenta publica non præberi: quantus hinc
verborum tumultus increpuit? At contra nobis etiam
privata successionis emolumenta recentibus legibus dene-
gantur, & nemo conqueritur: non enim putamus iniu-
riam quia dispendium non dolemus.

Ambrosius
 duert Sym
 machum.

An vero ultra fœminarum testamenta legis vi-
 gor extendatur, dubium esse potest. Nam vbique
 dum vetant leges, aliquid Ecclesiæ testamento
 legari, loquuntur tantummodo de testamentis
 fœminarum, quarum facilitati Imperatores
 fræna iniecerunt. Dum enim religiosis per-
 sonis omnia temere profundunt, religionem
 qua posteris iubentur consulere, violant: & dum
 pietati student, in pietatem, qua vniuersos na-
 tura informauit videntur peccare. Et certe lex
 27. de testamentis fœminarum tantummodo men-
 tionem facit. Nulla nisi emensis sexaginta annis, cui
 uxorina domi proles sit, secundum præceptum Apostoli ad

Cod Theo-
 dof. lib. 16.
 tit. 2 l 27.

Diaconissarum consortium transferatur : tum filiis suis (si id atas poscit) curatore petito, bona sua idoncis sedula religione gerenda committat, ipsa tantum prædiorum suorum redditus consequatur, &c. Nihil de monilibus & suppellectili, nil de auro, argento, cæterisque clara domus insignibus, sub religionis defensione consumat, sed uniuerfa integra in liberos proximos, vel in quoscunque alios, arbitrij sui existimatione transcribat : si quando diem obierit, nullam Ecclesiam, nullum Clericum, nullum pauperem scribat hæredes. Lata est lex ista à Valentiniano, Theodosio & Arcadio vñdecimo Calend. Iul. Mediolani Valentiniano Aug. 1111. & Neotherio Consul.

An vero lex ista diu viguerit, an contraria consuetudine populi indignantis pietati suæ fræna iniici, sit abrogata, nescitur. Certum est tamen eas leges non fuisse in Codice Iustiniani comprehensas, sed reuulsas, quasi Ecclesiæ, cuius gloriæ boni Principes seruiunt, ignominiam adferrēt: E contra vero Iustinianus sanctissimo Edicto, quod habetur lege quadragesima sexta Codice de Episcopis & Clericis, constituit ratas esse eorum voluntates, qui supremo & ultimo mandato Ecclesiæ, aut Xenodochio, aut omnino religiosis domibus aliquid reliquissent. *Sanctumus si quis moriens, piam fecerit dispositionem, vel per institutionis modum, vel per legatum, aut fidei commissum, aut mortis causa donationem, vel alium quemcumque modum legitimum, siue iniunxerit Episcopo curam gerere ut impleantur, quæ ipse voluit, siue hoc reticuerit, siue etiam*

L. 46. Cod.
de Episc. &
Clericis.

Lex ista
habetur in
recès excu-
sis codici-
bus non ali-
be desideræ-
tur.

142 *De bonis & possessionibus Ecclesiarum
in contrarium prohibueris, necessitatem habere heredem
facere, & adimplere omni modo, &c.*

Qui Iustiniani gradum locum uenerunt suc-
cessores, non omnes pietatem sunt assequuti. Ex
his enim, complures Ecclesiam atrocibus edictis
vexarunt, eiusque diuitias ac facultates quasi cri-
men & piaculum sunt execrati.

Anno 717.

Leo Iconomachus non mitior in Ecclesiæ bona
fuit, quam in imagines: has enim euertit, illa ve-
ro tributo annuo oppressit; constituit quippe,
ut omnia patrimonia Ecclesiarum Romanæ ciuitatis,
& maxime Sanctorum Apostolorum Petri & Pau-
li vestigialis nomine talia tria cum dimidio, fisco
importarent. Τα δὲ λεγόμενα, παρ' ἑμῶν, τῶν ἐν Ρώμῃ
ταῶν τῶν ἀγίων καὶ κυριότατων ἀποστόλων ἐκ παλαιὰ τέλη μενα
πύλαντα βία καὶ ἡμῶν τοῦ δημοσίου λόγῳ τελεῖσθαι προσέτα-
ξαν. Ut est apud Bonifidii pag. 3. Post hunc Nice-
phorus Primus, anno 801. tributum vniuersis Ec-
clesiarum domibus ac prædiis imposuit, quod
κάπνον dictum est, seu fumarium, quia per fuma-
ria pendebatur. Idem quoque religiosi domi-
bus cruento diplomate bona vniuersa ade-
mit, mali certe exēpli Imperator. Cui successit in
feritate & Imperio Theophilus, qui disciplinæ
Ecclesiasticæ contemptor, Monasteria solitudini,
ac silētio dicata cōuberniis sæculariū ac prophane
turbe commercio inquinauit, anno circiter 814.

Sequentibus annis non inuenio modum esse
impositum piæ testatorum dispositioni, nec pro-
hibitum Ecclesias hæredes, scribere, ante tēpo-
ra Nicephori Phocæ. Is enim circa annum 963

Niceph.
Phoc. circ.
963.

ab orru Christi, constitutionem eddidit, ne cui religiosas domos liceret de nouo condere, aut antea conditas bonorum incrementis locupletare : si quas vero eiusmodi domos iniuria temporum afflixisset, permisit instaurari, & suffecta ad Monachorum, aut Clericorum alimoniam dote ornari : Qua autem ratione pressus, publicam largitatē à Monasteriis & sacris domibus auerterit, ipse explicat dicta nouella, quæ extat apud Leunclauium, lib. 2. Iuris Orientalis, pag 114. & seq.

Quum, inquit, Monasteriorum sacrarumque pietatis officinarum manifestissimum morbum intueor : morbum enim appello, hanc insatiabilitatem, quod huic malo remedium excogitem, nescio, quæue ratione modi excessum coercerem. Quibus enim patribus obsequentes, aut unde nacti occasiones, ad tantam superfluitatem & vanam insaniam, ut cum Dauide loquar, exorbitarunt : dum infinitæ terræ ingera, structuras ambitiosas, greges equorum, bonæ, camelorum, iumentorum, aliorum innumerabilium, singulis horis acquirere student, totamque animi curam in hac intendunt : adeo ut ista studia Monastica, nihil à vita mundanâ, multisque sollicitudinibus æstuante differant. Queritur itaque Imperator turgere bonis Monasteria avaritiæ cupiditatibus religiosos abripi, fucum fieri consilio Christi, dum relictis pauperibus, quos fames premit, latifundia iis erogantur, qui iam pridem diuitiis & omni bonorum genere superfluunt. Vnde ita concludit ὥς ἀπο τῶν αὐτῶν μηδενὶ ὀφείτω μὴ ἀφ' οὗ μὴ ὅπως, μοῖ ἀσχετοῖς ἢ γηρωκαμέοις ἢ ξεινώσιν ὁπωσοῦν πωρὰ πίμπωι, ἀλλ' ὁσὲν μὴ ῥοπολεσιν ἢ ὅστις κοπιόις,

Leunclau.
u. ius. rom. 1
lib. 2. Iuris
Orient alis
pag. 114.

ὁ δὲ καὶ ὁ δὲ ἐν ἰσχυροῖς λυσίτελέῃ. Itaque ab hoc tempore ne-
 mini liceat, nec fundos agro sue, nec loca Monasteriis aut
 Gerocomiis, aut Xenonibus quocunque modo transmittere,
 adeoque nec alicui metropoli, vel Episcopatu, nec enim hac
 illis quid conducunt. Cæterum euanuit citissime du-
 ra ista Phocæ Imperatoris constitutio. Nam à tem-
 pore istius legis, res Imperatorum pessimè ire ce-
 perunt: indignata seueritati Principum bona for-
 tuna auolauit. Successere calamitates, morbi, cla-
 des & miseriarum omne genus, quas ut auerteret
 Basilii qui Porphyrogonetes est appellatus, &
 iram Numinis sedaret, ignominiosam hanc Clero
 & Monachis legem meliore sanctione abrogauit.
 In hac imprimis agnoscit constitutionem Nice-
 phori Phocæ fontem & originem malorum exti-
 tisse, quibus ab eo tempore res Imperij vexata est.
 Diuinitus, inquit, constituta Maiestas, quæ & à Mona-
 chis quorum testata pietas, & ab alijs multis cogno-
 uerit legem à Domino Nicephoro usurpatore Imperij de
 Ecclesijs Dei Religiosisq; domibus latam, tum præsentium
 malorum, tum uniuersalis huius subuersionis, atque con-
 fusionis causam extitisse, veluti, non ad injuriam contu-
 meliamque dumtaxat Ecclesiarum & Religiosarum do-
 mum, sed ipsius quoque Dei conditam. αὐτὴ μὴ τοῦ εἰς ἀδι-
 χίαν καὶ ὑβρίν τ' ἐκκλησιασίων μοίον καὶ τ' εὐαγγελιστικῶν, διὰ καὶ αὐτὴ
 τοῦ θεοῦ γενομένη, &c. de eodem quoque Nicephori
 Edicto, & contraria Basilij constitutione vide
 Balsamonem in Canonem primum Synodi Con-
 stantinopolitanæ. Cæterum in Græcia non re-
 perio Principum deinceps odiis laborasse Eccle-
 sias.

Basilii
 Porphyro.
 apud Lenu-
 cla, p. 117.
 tom. 1. l. 2.
 Intr. Orient.

siam antequam Saracenorum infami iugo subderetur. Nisi quod apud Innocentium III. lib. 3. Epistolarum, Epistola 110. legimus quendam Ottonem de Roca, Dominum Athenarum, aliosque milites & Barones Imperii, atroci Edicto vetuisse, ne quis de possessionibus suis in vita sua Ecclesiæ quidquam conferret, vel in ultimo consilio testamento relinqueret. Fâ causâ mandat Innocentius Archiepiscopo Thebano, Daualiensi & Synodiensi Episcopis, vt compellant præfatos nobiles Edicta sua reuocare, alioquin Ecclesiasticam censuram in eosdem exerceant.

CAPVT II.

DE LEGIBVS FRANCIAE, BELGII,
Angliae, Hungariae circa bona Ecclesiæ.

QUod verò ad alias regiones pertinet, certè nemini prohibitum est vnquam Ecclesiam hæredem testamento scribere: nam si Galliam adcamus, iam ante tempora Clodouei, opibus abundasse Ecclesias in Gallia, satis produnt ea quæ passim à Gregorio Turonensi referuntur. Cap. 23. libri secundi refert potestatem bonorum Ecclesiæ fuisse, Sidonio Auernorum Episcopo ablatam malis artibus & calumniis quorundam Presbyterorum, qui eius innocentiam rapinæ & avaritiæ

In Gallia
oper habuit
Ecclesiæ ante
Clodoueam.

T

146 *De bonis & possessionibus Ecclesiarum,*
falsis accusationibus laceſcebant, Surrexerunt, in-
quit, contra eum duo Presbyteri, & ablata omni potesta-
te de rebus Ecclesie, arcum ei victum & tenuem relin-
quentes, ad summam eum contumeliâ redegerunt. Ex quo
patet res Ecclesie alicuius fuisse nominis & mo-
menti. Quis enim in paupere fundo rapinam ex-
erceret? Cap. 7. lib. eiusdem, refert exercitum
Clodouei in Ecclesias irruisse & multa ex eis vasa
pretiosa abstulisse: at nisi Ecclesie apud Gallos
diuites extitisset, non fuissent tanta multitudine
pretiosæ suppellectilis instructæ, quæ ad irritan-
dam militum rapacitatem sufficeret. Eo tempore
multæ Ecclesie ab exercitu Clodouei depredatæ sunt: quia
erat ille adhuc fanaticis erroribus inuolutus. Igitur de
quadam Ecclesia vrceum miræ magnitudinis ac pulchri-
tudinis hostes abstulerant cum reliquis Ecclesiastici mini-
sterij ornamentis, &c.

E testamento verò D. Remigij liquet complu-
res per Galliam Ecclesias bonis ac fortunis non
mediocribus ornatas fuisse: quippe illic D. Re-
migius profitetur se, dum Clodoueus adhuc cæcâ
perfidia laboraret, nil quidquam voluisse de eius
beneficentia in proprium commodum vertere,
aut Ecclesie suæ vindicare, donec vniuersis Gal-
liarum Ecclesiis, quæcumque fuerant ablata resti-
tuerentur. Et quia, inquit, ex omnibus Episcopis Gal-
liarum, proſide & conuocatione Francorum potissimum
me laborare cognouit, dedit mihi Deus tantam gratiam
in conspectu eius, virtusque diuina, quæ per Spiritum
sanctum me peccatorem plurima signa ad salutem prefatæ

Greg. Tur.
lib. 2. c. 23.

Gentis operari fecit, ut non solum ablata omnibus Ecclesiis regni Francorum restitueret, sed etiam de proprio, gratia bonitate plurimas ditaret Ecclesias. Neque prius de Regno eius, quantum passus est pedis Ecclesiæ Remorum iungere volui, donec ut hoc omnibus Ecclesiis adimpleret, obtinui.

Recepto tandem in familiam Christi Clodouco, constat ipsum non modo non prohibuisse, quominus Ecclesiæ testamento aliquid caperent, aut donatione ad pias causas ditarentur. Imò verum apparet ipsum met exemplum præbuisse populis piæ largitionis: nam ut constat eodem testamento D. Remigij apud Flodoardum multa Ecclesiæ prædia, multa sacra ornamenta donauit, quibus æternitati pietatem suam consignaret. Ita & Ecclesiam Arelatensem à B. Hilario legimus numerosis hæreditatibus à populo receptis ampliatam.

Flodoardus

Prosper de
vita contē-
plar lib. 2. c.
9. & refert
ita quod i. cā.
expedit.

Licet verò passim omnibus liceret apud Francos patrimonium in Ecclesias profunderē, & pietatem largitate restari: attamen quod prophanas possessiones Ecclesia capere possit, id inter beneficia & concessiones Principis enumerat Faber ad leg. quoties, de rei vindicatione, qui cū legem eam apud Francos vigere asserat, ne Ecclesia absque priuilegio, laicorum donis augeatur: attramen Legis & Edicti istius caput non citat: sed allegat Legem Sacra loca, ff. de rerum diuisione, de qua suo loco dicemus.

Igitur primis illis temporibus, in Gallia nil ten-

148 *De bonis & possessionibus Ecclesiarum,*
 ratum est, quod bonis & facultatibus Ecclesiarum
 officeret, ante Decretum Clotarii, qui Clodoueo
 successit. Is fortè rerum angustis pressus, & ino-
 pia pecuniarum, in qua vires Imperij maxima ex
 parte versantur, indixerat vt omnes Ecclesiæ Re-
 gni sui, tertiam partē fructuum Fisco dissoluerēt;
 illud verò licet inuiti omnes Episcopi cōsensissent,
 atq; subscripsissent, Attamen *Beatus Iniuriosus sus-
 piciens subscribere deditgnatus est, dicens, Si volueris res
 Dei tollere, Deus regnum tuum velociter auferet, quia
 iniquum est, vt pauperes, quos tuo debes alere horreo, ab
 eorum stipe tua horrea repleantur: Et iratus contra Re-
 gem nec valedicens abscessit. Tunc commotus Rex, timens
 etiam virtutem beati Martini, misit post eum cum mu-
 neribus veniā precans, & hoc quod fecerat, damnavit, si-
 mulque rogauit, vt pro se virtutem Beati imploraret. Post
 Clotarium, Chilpericus vetuit, ne testamento fas
 esset aliquid Ecclesiæ relinquere. At ea lex citò ex-
 tincta per Guntranum, qui cū Clericis & Sacer-
 ddotibus impensè fauisset, res sacræ in tuto
 fuerunt ad ætatem vsque Caroli Martelli, quem
 primum in Ecclesiæ patrimonium vngues immi-
 sisse omnes ferè antiqui auctores conqueruntur.
 Quippe inter æstus bellorum cū ærarium Prin-
 cipis militaribus impensis non sufficeret, coactus
 est ex Ecclesiæ redditibus stipendia militibus & tri-
 bunis petere, iisdemque decimas in congiarium
 & beneficium impertiri. Eam ob rem laceratur
 eius nomen: nec vllus est tam infœlix stylus, quo
 non pungatur eius memoria, adeo vt ipsum istius*

Clotarii E-
 dictū apud
 Greg. Tur.
 lib. 4 cap. 1.

sceleris pœnas dare apud inferos prædicent, & flammæ voraces pascere, qui incontinenti voracitate Ecclesiarum facultates exedit: Magnum Chronicon Belgicum, *Sanctus Eucherius, quem idem Carelus in exilium miserat, & qui in Monasterio sancti Trudonis requiescit, in oratione positus & ad alterum sæculum raptus, inter cetera, quæ Domino ostendente conspexit, vidit ipsum Carolum in inferno torqueri: Cui causam interroganti, responsum fuit ab Angelo ductore, Sanctorum iudicio, quorum res abstulit vel diussit, ante illud iudicium anima & corpore sempiternis suppliciis fuisse deputatum. Nec factò tantùm suo Ecclesiam vexavit Martellus, verùm etiam reliqui optimates, qui faciliùs vitia Principum imitantur, quàm virtutes colunt, ad eius exemplum res Ecclesiarum auferrebant, & leui stipendio Sacerdotibus relicto, opimiores eius census ac redditus absumebant. Vnde Carolus magnus, vt Ecclesiæ spoliatae inuidiam à se repelleret, & nefariam hanc bonorum Ecclesiasticorum partitionem intercluderet, vetuit in posterum res Ecclesiæ diuidi & militibus assignari. Ita enim habetur titulus cap. 83. lib. 2. Capitularium:*

Anno Dominicæ Incarnationis D. CC. LXXIX. Indictione xij. anno xxi. regni nostri actum est huius legationis Edictum, in Aquisgran Palatio publicè, data est hæc xiiij. die Kal. April. tempore Adriani Papa, & Caroli Magni Imperatoris, quando Paulinus Episcopus tenuit vices Apostolicæ Sedis, in Aquis fuit factum Capitulum, propter hoc, quia Laici homines solebant diuide-

Magnum
Chronicon
Belgicum

Eam narra-
tionem cõ-
tinet Epist.
Episcoporum
Franciæ ad
Ludovicu

De Ecclesi-
asticorum præ-
diorum li-
bertate, cap:
83 lib. 2.

gena librarum millia mense Maio anno 1521. quod diploma Regis lectum fuit & probatum in suprema Curia Parisiensi anno 1523. leguntur & plurima eiusmodi in tabulis & scrinijs Cameræ rationum, de quibus dicendum nobis erit alio loco.

Cum ergo in Galliâ nil decretum sit, quod Ecclesiarum ornamento & fortunis communibus officeret, priuatim tamen cautum est, ne aliqua collegia haberent facultatem coemendi Laicorû prædia & possessiones. Sic à supremo Senatu olim statutum est, ne liceret passim Cartusianis & Celestinis venalia rura & fundos mercari: forsan ne in vnus aut alterius domus comodum, omnium opes transirent, & earum frugalitas publicæ luxuriæ spoliis opimioribus ditaretur. Ita refert Papius in sylloge Arrestorum, titulo 7. Arresto. 3.

Quod verò ad alias nationes pertinet. video paucelætissima florentes Ecclesias bonis omnibus ad maiestatem vsque & pompam abundasse. In Anglia vix quisquam per censere possit Abbatiarum multitudinem, opes, priuilegia, quæ omnia intacta permanserunt vsq; ad Eduardum I. an. 1292. Is enim, suadente Guillelmo Marchiano, belli violentiâ pressus, sacras pecunias templis extulit, & militaribus impensis addixit, mediam quoque partem Ecclesiasticorum reddituum occupauit: annuentibus tamen Prælatiis, qui ab eo in fauorem Ecclesiæ, ius manus mortuæ postularunt.

In Belgio vero Carolus V. constitutione editâ anno 1548. x. Kalend. Martias edixit, ne liceret in

De bonis & possessionibus Ecclesiarum,
 posterum Sacerdotum Collegiis prophanas emere possessiones, alioquin si emerentur, aliter retineri non possent, quàm iure manus mortuæ à Principe impetrato.

Ante hoc tempus, nil duri molitum in Ecclesiam, nisi quod refert Meyerus Arnulphum comitem, si credatur Monasteriorum Chronicis, multa Cœnobijs detraxisse, quæ suæ diuisit nobilitati, ut in Cœnobio Gandensi, in pago Curtracensi Elisachiam Aldenghen, & Holthen, &c. Referunt Marsanienses ablatas sibi apud Baianas ab Arnulpho possessiones suas, quas eo defuncto, mox intercessione Emmie Regina, à Lothario receperunt. Eandem ferre Bertiniani canunt cantilenam, quanquam illis penè omnia ante obitum restituerit.

Meyerus
 1. annalium
 Flandrizæ
 ann. 956.
 pag. 18.

Ut verò apud eas nationes, quæ idolorum frenesi maturè excussâ, Christum primis temporibus agnouerūt, Ecclesiarum opibus & latefundis ornandarū feruor incaluit. Ut Principes illi Constantinus, Clodoueus, alique ignominiosam sibi purpurâ duxerūt, quâdiu Sacerdotes Christi & sacræ legis Interpretes, in squallore & sordibus versarentur. Ita qui tardiùs Euangeliū amplexi sunt, ad eorum exempla vitam instituentes, nil habuerunt antiquius, quàm Maiestatem Christi illustri loco ponere, per quam regnare, & in cuius vicē populis dominari se faterentur. Pudebat eos maiestatis suæ, quamdiu Christus inopiâ marcesceret, & verebantur ne magnitudine opum suarū cum Religionis tenuitate comparatâ, non tam potentes

potentes in homines viderentur, quàm erga Deum ingrati.

Hac mente Stephanus, qui prophanum & insolentem cultum, nefariamque polytheiam ex Hungaria amandauit, sanctissimis legibus coli Sacerdotes & Religionum Præsides edixit, eorùmque dotes permisit, collatis prædiis & vniuerso bonorum genere amplificari. Ita enim habet decreti sui capite tertio, in quo capite filium hortatur ad reuerentiam & cultum gradus Sacerdotalis,

Regum, inquit, solum ornat ordo Pontificum, ac per hoc in Regali dignitate tertium possident locum Pontifices. Charissime fili, seniores illos ita custodias sicut oculorum pupillas: si illorum beneuolentiam habes, neminem aduersariorum timebis. Illis quidē te obseruantibus, eris securus in omnibus, illorum præcatio commendabit te omnipotenti Deo. Illos enim Deus constituit Divini generis custodes, fecitque speculatores animarum, ac totius Ecclesiasticæ dignitatis, ac divini Sacramenti dispositores, & datores. Sine illis nec constituuntur reges nec principantur.

Stephanus
Hungariæ
Rex, Decretum
lib. 1. c. 3.

Regio certè digna pectore iudicia: quomodo enim populi principibus pareant, qui Deum nesciunt, aut quomodo vectigal pendunt homini, qui se Deo vectigalem esse negat, & natiuis coloribus exaratam eius imaginem in sacerdote non veneratur. Omne sub regno potiore regnum est & Regum timendorum in proprios greges, Reges in ipsos imperium est Iouis. Inde est, quod idem Stephanus, lib. secundo Decreti, scrutatorem ac defensorem rerum Ecclesiasticarum profite-

Stephanus
Rex Hun-
garie l. 2 de
creti cap. 1.

tur. Quisquis fastu superbiæ elatus domum Dei ducit contemptibilem & possessiones Deo consecratas, atque ad honorem Dei, sub Regiæ immunitatis defensione constitutas, inhonestè tractarit, vel infringere præsumpserit, quasi inuasor & violator domus Dei excommunicetur. Decet enim ut indignationem ipsius Domini Regis sentiat, cuius benevolentie contemptor, & constitutionis præuicator extitit. Et capite quarto libri eiusdem concedit omnibus facultatem donandi, & alienandi quam voluerint bonorum suorum partem, etiam in fauorem Ecclesiarum. Decernimus Regali nostrâ potentiâ ut unusquisque habeat facultatem sua diuidendi, tribuendi, uxori, filiis, filiabusque, atque parentibus, siue ecclesiæ, nec post eius obitum quis hoc destruere audeat. Cum itaque Stephanus, qui postea sanctorum Catalogum auxit, multa Ecclesiæ contulisset, posterius eius & nepotes, ne à maiorum pietate deficerent, sed regni simul ac virtutum hæredes viderentur, Aui sui largitatem, magnis in Clerum effusis opibus cumularunt. Inde cum ex iure fisci multa in Ecclesiam transcripta fuissent, Regiumque domanium maximâ ex parte immiutum, Colomannus Rex, tam immensas largitiones castigauit receptis sibi, & vindicatis quibusdam iuribus piscinarum & lacuum, quæ monasteriis antea concessa fuerant. Quamobrè reuocauit omnes donationes factas in fauorem Monachorum, præter donationem sancti Stephani. Id vero elicitur ex eiusdem Decreto. Nam capite primo confirmat donationem Stephani. Placuit Regi & communi concilio, ut doses

cuiuslibet possessionis, seu Ecclesiis à Beato Stephano dispositæ inconuulsa remaneant. Et cap. decimo quinto eiusdem Decreti, irrita decernit quæcumque ab alio quàm à Beato Stephano essent donata Monasteriis. Quia communis videtur valere curia, quominus suppetant necessaria, ne nostra abundantia in eius superfluat penuria, placuit omnes piscinas, præter quas Stephanus donauerit, summæ regali reddere. Quia indignum erat nobis recedentibus curialem nobiscum honorem recedere, ubi præstat nos & venientes copiam honoris inuenire. Similiter decreuimus piscinas monasteriis, vel Ecclesiis datas, alias quidem reddere, sed necessarias quotidiano fratrum vsui relinquere: nullas vero nisi superfluas auferre.

Hic locus
corruptus
est.

Licet vero Colomannus multa ab Ecclesiis receperit præsertim lacus & piscinas, quæ fortè maximum erant, & præcipuum fisci ornamentum: at tamen sanctissime edixit, vt res Ecclesiæ immunes essent ab omni Comitum & militum violentia, qui vt plurimum rapinis & litibus Ecclesias vexat, & incrimen Clerum metu atq; auctoritate adoriuntur: & cum in hominum opes ac fortunas freti bellorum licentiâ grassari non possunt, Deum in pace prædantur: Nullus (inquit) Comitum in Ecclesia presumat sibi vindicare potestatem, præter solum Episcopum.

Post Colomannum Ecclesiam illustrioribus privilegiis quam antea ornauit Andreas eius nominis secundus, qui vixit & imperauit circa annum 1205. Is enim nobilibus Imperij sui indulgit singulari Decreto, vt si filios non haberent, quorum

156 De bonis & possessionibus Ecclesiarum
commodis paterna pietas iuberet prospicere. pos-
sent ecclesiam, & monasteria vocare ad hæredita-
tem, illisque fundos & villas relinquere.

At Andreæ Regis beneficentiam, & singula-
rem, in Ecclesias affectum repressit Lodoicus pri-
mus anno 1551. Is enim quæcumque priuilegia no-
bilitati concessa fuerant, nouo diplomate com-
probauit. Et hoc vnum abrogauit quod ad Eccle-
siarum emolumentum, & splendorem pertinebat

Confirmatio Ludouici probantis Decretum Andreæ anno 1551.
Prædictus (inquit) litteras ipsius Domini Andreæ secun-
di Regis Aui, & prædecessoris nostri charissimi, aureâ
suâ bulla roboratas, &c. Accepimus, excepto solummo-
do vno articulo prænotato, de eodem priuilegio: excluso vi-
delicet quod nobiles homines, sine hærede decedentes pos-
sint, & queant Ecclesiis, vel aliquibus aliis quibus volunt
in vitâ, vel in morte dare & legare, possessiones eorum, ven-
dere, vel alienare. Imo ad ista omnia facienda, nullâ omni-
no habeant facultatem: sed in fratres, proximos, & in ge-
nerationes ipsorum possessiones eorundem de iure, & legiti-
time, pure & simpliciter, absque aliquali contradictione
denoluantur.

Idem verò decreto singulari constituit, ne pos-
sent Abbates & Episcopi aliquid nouarum posses-
sionum adipisci absque Regis, aut Regina pri-
uilegio; Episcopi quoque Capitula, Abbates, Præpositi, &
ceteræ possessionatæ personæ Ecclesiasticæ, possessiones nec
requirere, nec retinere possunt, nisi cum litteris priuilegia-
libus Regiis, vel Reginalibus, aut iudicum vicem geren-
tium Regiæ maiestatis.

Hæc sunt, maximâ ex parte, quæ de bonis ac

facultatibus Ecclesiarum Principes censuerunt, hæc Edicta quibus eius fundum opesque popu-
lorum pietate crescentes præcliderunt; E quibus, si
monimenta historiarum consulamus, constabit
eos demum fuisse inuictissimos ac fortunatissimos
Principes qui in Ecclesiæ patrimonio defendendo,
auctoritatis suæ nervos ac Imperij vires collocandas
esse duxerunt: Vnde enim Carlomanorum familia
splendorem suum exorsa est? Vnde tot triumpho-
rum sumpsit exordia, nisi ex Pipini in Ecclesiam
Romanam affectu, ac propensione. Huius causâ
Galliam deserit, & ingenti exercitu è regni sui fi-
nibus educto, Astulphum Longobardorum Re-
gem sedis Romanæ iura violantem compressit,
adeoque Papiæ inclusum coegit fidem suam de
non laceffendo amplius S. Põrifice datis quadra-
ginta obsidibus obstringere. Quis non opes, for-
tunam, & felicitatem huic Principi spondeat, qui
initia Imperij simul ac militiæ, in Vicario Christi
propugnando, ac defendendo collocat, per quem
felicitati nobis aditus patet. Nec semel verò hoc
officio defunctus est. Iterum Astulphum res Ita-
liæ turbantem, & noui aliquid aduersus Romanæ
sedis priuilegia molientem aggressus est, & persi-
do ac rebeli superato, Exarchatum Rauennæ, S.
Pontifici, vti decebat, victoriæ suæ fructum conse-
cravit. *Rauennam* (inquit Otho Frisingensis) *cum*
aliis plurimis vrbibus Italia Beato Petro designauit.

Otho Frisingens. lib.
5. cap. 25.
Abbas Vi-
pergensis in
Chronico.
Sigonius
de regno
Italiæ.

Otho Frisingens.
lib. 5. cap. 25.
citato.

Nec religiosum minus, aut constantem in Ec-
clesiæ defensione Carolum Magnum Leo subin-

de Pontifex expertus est, qui ad iniuriam & contumeliâ Christianæ genti in suo Præsule exoculato inflictam animatus & in Italiam profectus, & locum & dignitatem pulso atque exuli reddidit, ac tandem lætus de obsequio Religioni notis tam illustribus consignato, Galliam reuertitur: Lætiortamen fururus si vt dignitatem Leoni, ita oculos quoque suos reddere potuisset.

Iam verò Capetiorum familia, quibus initiis æternitatem famæ atque Imperii, quam eis spondent fata, auspicata est, nisi in rebus Ecclesiæ componendis, in cogendis militibus ac Imperii Processibus, ad restituendum Sacerdotii patrimonium. Comitatus, Marchionatus, cæteraque honorum insignia, quæ infulas illustant, prima sunt Capetiorum in Ecclesiam beneficia. Taceo tot profectiones bello sacro aduersus impios Christi hostes institutas, cæteraque eiusmodi propensioris in Ecclesiam animi monimenta: quibus esset vltra addendum nihil, nisi inuictissimus nepos *LVDOVICVS decimus tertius*, auorū pietatem & victorias simul vincisset, & hæresim pace daturus insolentem, multitudine copiarum superbam, exterarum gentium fœderibus, ac patrocinio exultantem, suis quibus ipsa incubuerat rupibus ac præsiidiis, Magnanimo consiliorum Duce *RICH-LEO* adiuvante, eiecisset. Sic optimi semper Reges Ecclesiam ornandam iuuandamque censuerunt, sic existimarūt annitendum esse bono Principi, vt res sacræ in tuto sint, neque cuiusquam prædaci, &

sacrilegâ manu spolientur. Ea causâ Dagobertus referente Trithemio cum meminisset res Ecclesiâ à se quondam turbatas, ut damnum, fortasse iuuenili ardore & tumultu militari inflictum sarciret, monasteria plurima construxit, & inter cetera Vassenburgese. In cuius foundationis diploma, ipse se diuino iudicio per visionem adfuisse memorat, & ob violatas Ecclesias grauissime correptum Merito itaque Gunthranus videns omnia sibi præter spem ac desiderium contingere, atque exercitus suos sæpius pulsos, aduersa semper fortunâ vexari: tandem pœnitundine ductus, & rerum præteritarum memoriam refricans, calamitatis suæ causam, Ecclesiarum cladibus ac ruinis per milites suos allatis, adscribit: atque ita duces suos alloquitur.

Trithem.
lib. 1. Com-
pendij An-
nalsium.

Qualiter nos hoc tempore victoriam obtinere possumus, quia, quæ patres nostri consecuti sunt, non custodimus. Illi vero Ecclesias ædificantes, in Deum spem omnem ponentes, Martyres honorantes, Sacerdotes venerantes victorias obtinuerunt, gentesque aduersas diuino opitulante adiutorio in ense, & per arma sæpius subdiderunt. Nos verò, non solum Deum non metuimus, verumetiam sacra eius vastamus, ministros interficimus. Ipsa quoque sanctorum pignora, in ridiculo discerpimus ac vastamus, non enim potest obtineri victoria, ubi talia perpetrantur. Ideo manus nostræ inualide sunt, Ensis hebescit, nec Clypeus nos, ut erat solitus, defendit.

apud Greg.
Turonens.
lib. 8. cap. 30.

Iustissima certè Principis indignatio, qui res suas vitio militum, & insolentiâ Tribunorum cer-

160 *De bonis & possessionibus Ecclesiarum.*
nebat afflictas. Vnde merito Rex Gothorū Theodoricus, vt suis consulat fortunis iubet Ecclesiarum fortunas restitui, & Narbonensem Ecclesiam suis prædiis spoliata, instaurari. *Præsenti tibi auctoritate precipimus, possessiones Narbonensis Ecclesie secundum præcelsæ recordationis Alarici præcepta, à quibuslibet peruasoribus occupatæ teneantur, æquitatis facias contemplatione restitui. Quoniam versari nolumus in Ecclesie dispendio præsumptiones illicitas, dum nostra deceat tempora sedare confusa.* Apud Cassiodorum lib. 4. Epistol. 17.

CAPVT III.

De diuisione bonorū Ecclesie. Diuisio bonorum in mobilia & immobilia. Quanam sunt mobilia, aut immobilia Ecclesiarum. Vasa Ecclesie, in quo bonorum ordine numerentur.

Diuisio bonorum in mobilia & immobilia.

QVoniam omnis de re qualibet disputatio debet esse, certis cancellis ac limitibus circumscripta, nihilque est, doctrinæ tam incommodum quam vaga & incondita rerum multitudo, sine iudicio, & ratione glomerata; ideo bonorum Ecclesie meditationem adeunti placet vti methodo & à diuisione bonorum auspicari. Vniuersim ergo præmittendum bona in genere diuidi in mobilia, & immobilia. Immobiles res sunt, quæ

quæ moueri omnino non possunt, & talia sunt res soli, de quibus Vlpianus l. à Diuo Pio. §. in venditione. ff. de re Iudicata. Non solum autem quæ nullatenus moueri possunt, siue solum ipsum: verum etiam quæ solo adhærescunt, & destinantur vt ei perpetuo inseruiant, ea immobilium nomine censentur. Ita coloni, domus, casæ, mancipia rustica ad res immobiles spectant. Authentica de non alienandis rebus Eccles. §. vult enim. Nam eiusmodi mancipia prædium sequuntur, prædio vendito, venduntur, retento retinentur. Ita Valent. Valens, Grat. A.A.A. rescripserunt, l. quemadmodum. C. de agricol. & censitis: Ideoque Valentinianus & Valens scripserunt, factâ donatione seruorum fundi, per Principem, videri & fûdum donatum. l. quisquis. C. eodem tit. Adeoque is cui facta est donatio seruorum prædij, tenetur ad pensitationes fiscales, quibus prædium est obnoxium. Fructus etiam, quandiu adhuc hærent solo, inter immobilia reputantur. l. fructus pendentes. ff. de rei vindicatione. l. arboribus. §. Julianus. ff. de usufructu: Item vsusfructus ex re immobili percipiendus, est ex numero immobilium, quia est ius in corpore, & sublato corpore tollitur. l. Est enim. ff. de usufructu, & propterea pensiones quæ ad longum tempus pendi debent Ecclesiæ, inter immobilia reputatur, item annonæ à Principibus concessæ, & iura similia, cap. querela de electionibus. Mobiles autem res illæ sunt proprie, quæ facile à loco moueri possunt, tradi & transferri de manu

Vlpianus
lib. 42. lege
15. tit. 2.

Authentica
de non alie-
nand. rebus
Ecclesiæ §.
vult enim.

L. quemad-
modum C.
de agricolis
& censitis,
lib. 12. tit. 49.

L. quisquis
Cod. de agri-
col. & cen-
sit.

L. Est
enim. ff. de
usufruct. lib.
7. tit. 1.

162 De bonis & possessionibus Ecclesiarum;
in manum, etsi seipsas non moueant.

Sūt & alia apud Iurisperitos dubiæ cuiusdā naturæ, quæ nec mobilia, nec immobilia sunt, cuiusmodi vocātur, nomina debitorū, seu debita ipsamet: nā si debita sint rerū immobiliū, immobilibus adscribūtur, secus mobilia iudicantur. Rursus inter mobilia, quæ ad Ecclesiā pertinet: quædā sunt, quæ faciunt partem dotis Ecclesiasticæ, quædam verò

Mobilia Ecclesiarum quodupliciter sunt generis.

Infinianus Nouella 7. de non alienandis, aut permittit. reb. Eccl.

1. Estimatz. ff. soluto matrimo-
gie.

Vasa Ecclesiarum sunt res immobiles.

1. fundo legato. ff. de appellatione. legatā, lib. 31. q. 10.

non. Partē dotis faciunt vasa sacra & ornamenta, quorum omnium venditio, & alienatio non est in potestate Episcopi, aut Ecclesiarum iudicio, nisi in casibus à Iure memoratis, puta ad subleuandam pauperum inopiam, ad redemptionem Captiuorum. Vnde si quid olim earum rerum incuriā Episcopi, aut certē auaritiā deperiret, ex rebus Episcopi propriis, indemnis præstatur Ecclesiæ, eo fere pacto, quo res quædam mobiles quæ partem dotis vxoriæ faciunt, si distraherentur à marito, tenentur hæredes alias eiusdem quantitatis & qualitatis reddere. l. res in dotem. ff. de iure dotum. Imo vero si panni in dotem dati æstimati sunt, & mulier eos consumpserit, ad æstimationem maritus tenetur, quia res mobiles in dotem datæ periculo mariti deteriores fiunt.

Quin potius vasa & ornamenta ecclesiarum videntur efficere partem immobilium Nam etsi instrumenta rustica partem prædij & fundi non faciant, adeoque legato fundo suppellex rustica non censeatur legata: l. fundo legato. ff. de suppellectile legata: attamen longè dispar est ratio sacræ suppel-

lectilis: siquidem videtur ecclesiæ tradita, ut illic perpetuo maneat: at, quæ sic prædio aut fundo insunt, ut perpetuo mansura sint, faciunt partem prædij, ut colligere est ex antedictis, & ex l. si fundus legatus. ff. de legatis 7. fideicommissis.

Alia verò mobilia quæ non sunt dotalia, nec dantur ecclesiæ, ut illic perpetuo insint. sunt ea quæ à fidelibus offeruntur sacerdoti, sacra facienti, nempe oblationes quæ fiunt inter Missarum sollemnia, aut quæ dantur intuitu alicuius officij sacri & religiosi, ut intuitu funeris, matrimonij &c. quarum rerum, potestas mera & summa, est penes sacerdotem; Alienare enim, & uti iis rebus ad arbitrium potest, detractâ Clericorum sorte, & pauperum ut infra dicitur, rerum enim mobilium vilis & abiecta æstimatur possessio. l. si rem mobilem. ff. de acquirenda possessione.

Itaque hîc tractationem de bonis Ecclesiæ instituere possemus, ut initio ducto à speculatione rerum immobilium ad mobilia fieret progressio.

Verum libet alio itinere progredi, & eum ordinem sequi, quo bona in Ecclesiarum nomen, & potestatem transcripta sunt. Vno verbo ordinem sequemur acquirendi, non conditionem rei possessæ. Ita autem acquiruntur bona Ecclesiæ, ut vel ex primâ constitutione & fundatione Ecclesiæ siue ædis sacræ, ad eam pertineant, vel post fundatam Ecclesiam parita sint, & comparata: Quæ competunt Ecclesiæ ab initio, & à prima illius origine,

Alia diuisio
bonorum
Ecclesiæ.

164 *De bonis & possessionibus Ecclesiarum,*
sunt ea quæ dotem eius conficiunt, ut Ecclesiæ
ædificium sacrum, mansus Ecclesiasticus, cum ser-
uis, colonis & mancipiis: redditus & obventiones
ad luminaria & sumptus sacrorum. Quæ verò
post constructâ Ecclesiam de nouo acquiruntur,
vel ex oblationibus sacris constant, vel ex votiuis
donationibus: vel certe sunt sportulæ Clericales,
& stipendia quæ ministris conferuntur ratione mu-
neris alicuius Sacri. Ministri autem, alij maiores,
ut Episcopi & Parochi, alij minores, ut Diaconi,
Clerici. De quorum omnium Iuribus, & stipen-
diis quacunque ex causa, nobis erit ordine, &
methodo pertractandum.

CAPVT IV.

*De origine oratoriorum. Quid differant prophanum,
sanctum, sacrum. Oratoria apud Hebræos. Thera-
phim in oratoriis condita. Quo ritu fierent Thera-
phim. Oratoria Persarum, & veterum Christiano-
rum. Constitutiones Iustiniani, & Leonis de ora-
toriis.*

LOca omnia in Iure, vel sancta sunt, vel propa-
na, vel sacra ac Religiosa. Sancta dicuntur, quæ
Sanctione quadam subnixa sunt, adeoque violare
nefas est. Hinc muri Ciuitatis sancti sunt, quia ne-
que pertransilire licet, nec perfodere, nec ædifi-

cium coniungere, nec tignum immittere, *l. sacra loca. ff. de rerum diuisione.* Pari modo personæ sanctæ dicuntur, quibus nefas est iniuriam facere, ut legati. Sacra autem plus habent Religionis, & venerationis quàm sancta. Nam ea proprie sacra dicuntur, quæ certis ceremoniis vel à Principe, vel à Sacerdotibus sunt consecrata, *l. eadem tit. cod.*

Sacrum ergo nemo sibi voluntate propriâ constituit, quia cum Religio vinculum sit societatis publicæ, debet quoque manifestis, & probatis publico suffragio ceremoniis peragi. Cum ergo loca sacra triplicis generis apud Christianos veteres reperiantur, nempe Oratoria, Basilicæ, & Ecclesiæ: Oratoria dicuntur, quæ intra priuatos parietes extruuntur sacella, causâ pietatis & orationis. Basilicas appellant maiores Ecclesias antequam consecrentur. Peracta vero consecratione dicuntur Ecclesiæ. Quia eò libere confluere, ac coire possit populus, & sub vno pastore, ac præside Religionem profiteri.

Quid Sacrum & quomodo sit.

*Hæc distinctio-
tionem
affert Glos-
sa in cap.
Nunc au-
tem. De
Religionis
domibus.*

Oratoriorum vero antiquitas si altius repetatur, patebit eum priuata sacella condendi prurium, non tam profuisse pietati quam nocuisse. Etsi enim clauso ostio moneat Christus orandum Patrem, cui, inter serras, & ferrea domorum muni-
mèta pectus patet, & animi penetralia panduntur. Attamen sæpissime in superstitionem abiit libera illa, & quæ testes non admittit, religio, præsertim si ultra orationem excurrit, & in Numine aliis ceremoniis, quam pura sinceraque prece deliniendo

Oratoria
antiquissi-
ma.

occupantur. Propterea putauerim oratoria manasse primum, ab insita libertatis cupidine, quâ homines ita aguntur, ut nil nisi quod suum est existiment, dominatum etiam in Religione auerferentur, & eam non ament pietatis formam, nisi quam de proprio cerebro sibi confinxerunt. Nam ut historiam edamus. Primum oratorium nunquid fluxit à supersticioso cultu idolorum, quo Hebræorum primi & maiores, veram sinceramque de Deo noticiam infecerant? Nunquid Theraphim, quibus seruiebat Laban, domi colebatur, eratq; illis facellū extructum in effossi parietis sinu. Sic de Theraphim scribit Elias Thesbi-

Elias Thes-
bites in le-
xico. pag. 173.

tes in Lexico, pag. 173. Maſtabant hominē primogenitum, cuius caput torquendo præſcindebant, quod poſtea ſale & aromatibus condiebāt, ſcrib. bantque ſuper laminam auream nomen ſpiritus immundi, qua ſuppoſita capiti eius, ponebant illud in pariete, incendentes coram eo candelas, & adorantes coram eo.

Cedrenitra-
ditio, & ora-
torio Thare.

Imo vero Thare, pater Abraham ſuperſtitioſum cuiusmodi oratorium habuit, ſi credimus Cedreno, qui è veterum monumentis reſſert Abrahamum, cum natus eſſet annos ſexaginta, ſæpius de abdicandis idolis patrem interpellafſet, tandem eius Larario incendium immiſiſſe, quo conflagrante, cum Aram eius frater ſimulachra vellet flammis liberare, igni abſumptum interiſſe. Ritushic colendorum priuatim Theraphinorum confirmari poteſt, ex eo quod legimus Iudicum decimo ſeptimo de Michâ; *Quæ ſunt du-*

Iudicum
17. v. 4. & 5.

centos argenteos, & dedit eos argentario, ut faceret ex eis sculpsile, atque conflatile: quod fuit in domo Michæ, qua adiculam quoque in ea Deo separavit, & fecit Ephod, & Tharaphim, id est vestem Sacerdotale & idole, &c. Apud exteras gentes fuerunt, & priuatæ eiusmodi ædiculæ. Apud Persas singulæ fere domus sua habebat *πυγίλη*, in quibus æternum ignem seruabant, quem nonnisi extincto Rege fas erat emori. Testis Strabo lib. 15. vbi loca illa appellat *σινγυλæ*, Socrates in domo Regis Sacrarium ignis æterni agnoscit Historiæ Ecclesiast. lib. 7. cap. 8. Apud Romanos licebat priuato cuique suum habere lararium, vbi Deorum & illustrium virorum, quos maxime colebant, imagines seruabantur, ideoque in Larario quorundam Imperatorum, Christi effigiem fuisse reperimus, ut de Alexandro Seuero prodit *Ælius Lampridius*. Si non cum uxore cubuisset matutinis horis in Larario suo, in quo Diuos Principes, sed optimos electos, & animas sanctiores in quibus, & Apollonium, & quantum scriptor suorum temporum dixit Christum, Abraham, & Orpheum, & huiusmodi Deos habebat ac maiorum effigies, rem diuinam faciebat. Omnino vero locus ille priuatus, quem sibi quisque domi struebat, videtur Delubrum ab initio dictum. Nam licet delubrum nonnulli lignum siue hastile interpretentur, delibratum, ac cortice exutum, quod Græci *ἑοράριον* dicunt, ut annotat Scaliger, in notis ad Festum attamē vero similis Delubrum locum dici, vbi Deus ponitur, ut à candela candelabrum.

Strabo lib.
15. Geo-
graph.

Ælius Lampridius in
vita Ale-
xandri Se-
ueri.

Scaliger in
notis ad Fe-
stum.

Apud Christianos vero quamdiu publice precari, & Synaxes agere nefas erat, certe oratoria domestica in usu fuisse quis inficiabitur? Et si locus est coniecturæ: quādo sacrum Christi corpus domum comportabant fideles, nunquid illud certo loco ceteris multo religiosiore condebant? ubi etiam Dominicum, id est velum, quo sacra pignora à sacerdote excipiebant, mulieres solebant reponere.

Plato priuata sacra prohibet.

Quidquid sit de antiquo ritu; certe sublatâ necessitate nullus videtur priuatis oratoriis locus relinquendus. Ideoque Plato domesticam Religionē, & priuatas ceremonias damnauit, ut est apud Clementē Alexandrinum lib. 5. Stromatum. Plato inquit, *ὅς ἀπέδειξεν χεῖρον τῆς πόλεως, ἵνα ἔμαθον ἀνακαίθαι αὐτοῖς τὰ εἰδωλά, ἰδίᾳ δὲ ἀπίπναι μηδὲν κακῆσαι θεῶν ἀγάλματα.* Ciuibus ostendit vnum locum ciuitatis ubi eis essent reponenda simulachra: priuatim autem prohibuit, ut nemo haberet Deorum simulachra.

Clementis Alexander, lib. 5. Stromatum.

Ad eoque cum sanctissimi Imperatores animaduertent domestici oratorij priuilegio plurimos à sacris ædibus abduci; & sacram hanc Societatem, cui cæmentandæ Christus sanguinem impendit, priuatæ pietatis specie dissipari, sanctissime edixerunt, ne quis domesticum oratorium sibi construeret, eoque ad sacra mysteria celebranda vteretur. Omnibus interdiximus magnæ huius ciuitatis habitatoribus, magis autem etiam totius nostræ ditionis, in domibus suis habere quasdam quasi orationum domos, &c. Permittit tamen ibidem Iustinianus, haberi loca eiusmodi religiosa: modo illic, præter orationem nihil

Iustinian. nouellâ 57. alias 58.

co-

corū ageretur quæ ad sacra mysteria pertinerent, quam suam voluntatem longe solemnioribus, licet breuioribus verbis expressit nouella centesima trigesima primâ §. *si quis. Si quis* (inquit) *domi sue, aut in suburbio; prædicatione Ecclesiasticum celebrare ministerium præsumpserit, aut alijs celebrandum nisi clericis Religiosiss. locorum Episcopo subditis concesserit: Iubemus, ut ea domus aut suburbium aut prædium, ubi tale aliquid admissum fuerit, sacrosanctæ eius loci Ecclesiæ per Dei amantiſſ. Episcopum, & æconomum eius civilèque magistratum, vindicetur. Qua in parte quæ pœnam indicit differt nouella 131. à nouella 58. aliàs 57. Nam in priore hac denunciat fore, ut domus in qua sacra mysteria priuatim celebrata sunt, deducatur in fiscum & ærarium Principis; posteriore verò, vult ea prædia domosue cedere in commodum & compendium Episcopi locorum, in quibus scelus priuatæ Religionis fuerit admissum.*

Iustinianus
nouell. 131.

Cum ergo priuata sacra his legibus cohibuisset Iustinianus, neque vllam reliquisset facultatem in domestico sacratio mysterijs operam dandi, nisi vocatis in eam rem Clericis Ecclesiæ maioris Constantinopolitanæ, aut alterius Ecclesiæ in cuius Diocesi Oratorij locus versaretur, contingebat ut potètiores solum Patricii, Nobiles & Senatores, qui sumptus & impensas sacrorum ferre poterant & sportulas in Clericos erogare domi sacella sibi construerent & clandestinæ precationis ac sacrifici-

Y

cii beneficio fruerentur : tenuioris vero fortunæ homines plerumque sacris abstinere cogerentur siue quod sumptibus in Clericorum stipendia præstandis pares non essent, siue quod Clerici Diocesani alibi mysteriis obeundis essent occupati. Atque ita fiebat, ut memoria defunctorum plerumque cessaret, nec ad clementiam Numinis pro eorumdem salute interpellanda, oblationes institui possent, propter defectum Sacerdotis: cum tamen mos vellet defunctorum memorias, maxime in domesticis oratoriis & sacellis celebrari. Itaque his rationibus motus Leo Imperator, non modo unicuique, priuatim sibi lararium extruendi, facultatē dedit: verum etiam quos vellent Clericos ad mysteria obeunda euocandi. *Verisimile est (inquit) nonnunquam defunctorum memoriā instanti, præsentis memoriæ diem nullo facto sacrificio elabi, ut inde, & qui hic viuunt, & quos altera vita tenet, utrisque non exiguum damnum obuēniat. Statuimus igitur, ut non solum generalis Ecclesiæ Sacerdotes, sed etiam qui ad quācumque aliam Sacerdotum domū pertinent quibuscumque cuiuscumque domus dominis accersitis, accessum ad sacrorum & sacrarum rerum functionem dare volueris, in quibuslibet adibus sacrificandi, Deique arcana enarrandi facultatem. Ac ne quid libertati aut potius licentiæ sacrorum domi peragendorū deficeret, idem Imperator nouella 15. constituit, ut sacrum fontem liceret, etiam in oratoriis domesticis habere, & baptismum in illis celebrare. Statuimus igitur quemadmodum de sacrificijs sic quoque de salutifero baptismo ut*

Leo Imperator
Cōst.
4.

ipsum in quolibet sacro oratorio quibuscumque peragere licitum sit, &c. An vero potuerit Imperator unicuique privati sacri facultatem indulgere, viderint eruditi & probi omnes. Quid enim est aliud domesticis ceremoniis frænum laxare, nisi Religionem quam in scrinio pectoris Pontifices gestare oportet arbitrio inconsultissimæ plebis, & inanibus superstitionum commentis sacra optima corrumpentis permittere. Sic pietas quæ ad animos civium colligandos plurimum valet in discordiarum ac rixarum semen vertitur: dum quisque ritibus suis præsidium querit, & mavult suâ sententiâ falli, quam alienâ sapere. Imo vero quis tam pure ac innocentius sacris domesticis, quam publicis interest? Audiunt ne domi declamantem in vitia sacerdotem, & suos mores duro vngue carpentem? Clericos quasi servos admittunt, nec honestiùs plerumque tractant quam artifices qui ad opera conducenda spe mercedis inuitantur. Adulari Sacerdotes insolenti & incompolitæ familiæ necesse est, & eodem ore quo Christi corpus conficiunt, lasciviam & perulantiam Matronarum fractis oculis libidinem & insanos plerumque amores meditantium collaudare. Hæc sunt aliquando in privatis sacellis tremendorum mysteriorum initia, his ceremoniis Clerici utriusque notæ compositi, ad aras temere profiliunt, precantur virtutem, & mentis sanitatem illis, quorum vitiis fauent, veniamque iis dari tacitâ prece à Deo supplicant, quos non audent in tanta scelerum licentia, peccatores nominare.

Sic ad infame seruitium descendunt, quos sua dignitas supra Angelorum sortem euexit. Vbi domum venerunt, & Dominas saluant: quid aliud animo versant, quam ut earundem gratiam fœda adulatione mereantur. Si res cutis, matronæ sanitatem, si speciosus rubor iuuentutis florem, si flagrantia oculorum noctis quietem, & molles tranquillioris somni inducias prodit: continuo ingeniosis acclamationibus risuque meditato bonæ valetudini applaudunt; laudant colorem floridum, sub cuius fallacibus inuolucris vitia, delitescunt, & mens arrosa vitiis, ac scelerum sentinâ putrescens, callidissime cælatur. Ita Clericorum domestica ista liturgia, in ordinis contumeliam cedit: dum eorum obsequiis laïcorum superbia inflatur, qui vilissimo stipendio Sacerdotum adulatione cementes, iam incipiunt eos inter vilissima mancipia numerare, quibus æquum est etiam coronata capita famulari. Iam vero quid honoris, & gloriæ priuatis eiusmodi sacris Deo quæritur? Tumultuariâ Religione, præceps familia relictis ægre operibus; ad puluinar priuatû confluit. Illic indecenti cultu glomerata palpitantibus buccis, ore tremulo, nescio quid incogitatum balburit, & si quid silentij, si quid pietatis ac reuerentiæ afferatur, illud ancillares animæ, non tam Deo quam Dominis reddunt, quorum vultus, & frontem longe curiosius ac religiosius quam sacra mysteria tremantes serui respiciunt: & de eorum beneuolentia quam de Numinis pace perplexioribus curis augurantur.

Inde verò scrao peracto, scena mutatur, & complicatis aulæis longe aliud à Religione cogitatur. Illic plerumque, vbi Deus stabat rerum humanarum arbiter, theatrum lasciuiz, & vanitati confurgit: Christi altaria inuadit Dæmon, vbi Angelorum Hymni insonuerunt, ibi insolens ludio, aut lyrista delicatus molle carmen incinit, & quo loco negligenter Religionem exceperant, illic mancipia vitiis, & sceleribus Dominorū studiosissime famulantur. Taceo cætera. Nam & pauca ista, quæ sæculi corruptelam notant, iustus dolor extorsit, omnino vero nihil sanctius Deo que gratius quam homines ad pietatis officia colligi, & in templa commeari, vbi Imperium erexit, vbi Majestatis insignibus lucet, vbi æmulis feruoribus Religionis studia incalescunt, vbi sanctioribus admixti peccatores, facilius cælum exorant, & qui innocenter viuunt iunctis precibus, maiora, & ampliora beneficia promerentur.

Merito itaque quasi speciem schismatis priuatos conuentus antiquitas exhorruit, & sine Episcopo in lucernarium quidem, vespertinas horas celebrare permittitur. Nec tamen omnino interdicta priuata oratoria agnoscit Balsamon ad Canonem trigessimum primum Trullanz Synodi. Nam & Antimensiorum vsū institutum ad priuata solummodo oratoria refert, non enim in maioribus Ecclesiis opus erat Antimensio. Cum earum altaria essent solemni ritu inaugurata. Est autem Antimensium panni genus, quod altari

Concil.
Tolet. 2.
Can. 9.

De Anti-
menſio, vide
Manuelis
ſolutiones
ad dubia
quædam apud
Leuclaium
Tomo 1. lib.
3 p. 239.

non conſecrato ſolebat imponi, cuius conſcien-
di ritum habent in Græcorum Euchologiæ: nempe
cum Pontifex Templum dedicaffet pannum hu-
mi ſtratum, & menſæ circumuolutum in partes
diſcindebat. Sacerdotibusque diſtribuebat, vt co-
ſacras menſas tegerent inter ſacrificandum: quan-
doquidem abſque eo panno nefas erat in locis, &
altaribus minime dedicatis ſacrum celebrare.

CAP V.

*De dote Oratoriorum. Oratoria duplicis generis publi-
ca, & priuata. Oratoria à magnatibus neſuerat
ſine dote conſtrui. Quibus in oratoriis, erant, vel non
erant reliquiæ ſanctorum. De Oratoriis & Capel-
lis Monachorum.*

DVbium eſſe poteſt, an oratoria ad res, & bo-
na Eccleſiæ pertineant, & an ante condita
oratoria, neceſſarium fuerit iis dotem condicere.
Quod vt innotſcat, aduertendum oratorij nomen
ſumi duobus modis, vel pro priuato ſacrario, de
quo antea locuti ſumus, vel pro publico, nempe
extrà ædium ſepta, quò vniuerſis liceret còfluere
Oratorium priuatum inter res Eccleſiæ numerari
non poteſt: non enim proprie eſt res ſacra neque
rite dedicata à Pontifice, & vt ait Iuriſconſultus
aliud eſt eſſe ſacrum locum, aliud ſacrarium: ſacer

Diſtinctione
ſacri, & ſa-
crarij.

locus, est locus cōsecratus. Sacrarium, est locus in quo sacra reponuntur quod etiam in ædificio privato esse potest, l. *sacra loca* §. *de rerum diuisione*. Itaque ad hoc oratorium construendum nulla dote opus erat, sed si quando in eam domum ad sacra faciūda Clerici aduocarētur, necesse erat stipendia, & sumptus à Domino domus præstari, vt ex Nouella Leonis quarta apparet, & ex Nouella Iustiniani.

Oratorium vero publicum, vel à potentioribus, & magnatibus erigebatur: vel certe à tenuioris fortunæ hominibus. Oratoria magnates extruebant ambitionis plerumque causâ, & nominis conciliandi ergo, vt in ædibus etiam sacris nobilitatis suæ notas, & vestigia insculperent. Solebant autem ea oratoria cōdere, vel in vrbibus, vel extra vrbes, in prædiis nempe, ac villis: quocumque vero loco placeret magnatibus oratorium extruere, compellebantur ab Episcopis ad dotem condicendam. De isto oratoriorum genere intelligendus est Canon trigessimus tertius Concilij Aurlanensis quarti. *Si quis in agro suo, aut habet, aut possidet habere Diocesim, primum & terras ei deputet sufficienter, & Clericos qui ibidem sua officia impleant, vt sacris locis reuerentia condigna tribuatur. Nā Diocesis nomine intelligit oratoriū, cui certus Clericorū numerus adscriptus est. quamobrem Gregorius Magnus, lib. 2. Epistola 9 ad Ariminensem Episcopum præcipit, vt ab Hemothea illustri fœmina, quæ oratorium condidit dotem congruentem*

Oratoria publica à magnatibus condita dote indigent.

Concil. Aurlan. & can. 33 anno 54.

tes & passim in prædiis constituti longius plerumque à parochiâ ab essent nec possent nisi longis itineribus & magno labore ad æd é maiorem & communem proficisci, indulgentia Episcoporum cõdebantur in prædiis oratoria sine vllius dotis constitutione, quoniam nulli in illis manebant Clerici. Ideoque cum ad alimoniam & annonam Clericorum maximè dos Ecclesiastica inuēta sit, in qua æde Clerici non erant, eam non erat necesse bonis dotalibus exornari De hac oratoriorum forma intelligendus videntur Canon. vigesimus primus Concilij Agathensis. *Si quis extra parochias in quibus legitimus est ordinariusue conuentus, oratorium in agro habere voluerit reliquis festiuitatibus. Vt ibi missas teneat propter fatigationem familie, iustâ ordinatione permittimus: Pascha vero, Natale Domini Epiphania, Ascensionem Domini, Pentecosten & Natalem Sancti Ioannis Baptiste, vel si qui maxime dies in festiuitatibus habentur, non nisi in ciuitatibus aut in Parochijs teneant. Clerici vero si qui in festiuitatibus quas supra diximus, in oratorijs nisi iubente aut permittente Episcopo Missas facere, aut tenere voluerint à communione pellantur.* Hic etenim canon loquitur de oratorijs non dotatis, ad quæ nimirum minoribus festis & diebus Dominicis veniebant Clerici ex proximâ parochiâ ad missas celebrandas, vnde animaduertendum quod ista oratoria, quæ erant sine dote & carebant proprijs Sacerdotibus nullas plerumque habebant martyrum reliquias, nisi forte tam vicina essent parochiæ vt ex ea facile commigrantes Clerici

Concil. Agath. anno 106. sub Clodoueo can. 21.

Concilium
Epaonenſe,
can. 2.

Reliquiarū
veneratio,

poſſent in oratorio frequenti pſalmodiā defungi:
nam martyrum reliquias ſine honore & Hymnis
quotidianis alicubi iacere nefas erat. Hoc totum
preclare docet Canon. 25. Concilij Epaonenſis, vbi
tota hæc diſtinctio oratoriorum quæ proprios ha-
bebant Clericos & aliorum quæ aduentitios
tantum ſole clarior eluceſcit. *Sanctorum reli-
quie in oratorijs villaribus non ponantur, niſi forſitan Cle-
ricos cuiuſcumque parochiæ vicinos eſſe contingat, qui ſa-
cris cineribus pſallendi frequentiā famulentur. Quod ſi
illi defuerint, non ante proprij ordinentur, quam eis compe-
ſens victus & veſtitus ſubſtantia deputetur. Et certe
tantam fuiſſe reliquiarum apud veteres reueren-
tiam animaduerto, vt vel Pſalmos vel miſſas, ſi fieri
poſſet, coram illis quotidie peragi ac decantari pa-
tres antiqui decernerent.*

Greg. p. 18.
lib. 3.

Quamobrè Greg. Mag. cum Mauro Abbati Ec-
cleſiæ Sancti Pancratij tradidiſſet, cuiuſque obu-
entiones ac redditus Monachorū cōmodis ac poſſeſ-
ſionibus adſcripſiſſet, ſerio eum monet vt Pācratij
reliquiæ honeſtiſſime tractentur, & ante eas quo-
tidie opus Dei peragatur, vbi per opus Dei intelli-
gendum arbitror ſacram Miſſæ Liturgiam. *Præ
omnibus (inquit) tibi curæ ſit vt ibidem antea ſacra-
tiſſimum corpus Beati Pancratij, quotidie opus Dei proculan-
do peragatur.*

Superiora iſta ex penetralibus antiqui iuris de-
prompta ſunt. Quod ad iuris noui diſpoſitionem
pertinet, nemini intercluſum eſt orationis cauſſa
domi ſibi ſacrarium erigere: modo piè & religioſè

se id fiat, non ad fastum & inanem pietatis ostensionem, quæ plerumque tota è pectoribus, in suppellectilem effunditur: adeo vt plurimorum hominum parietes plus Deo placeant quam animi. Ita Glossa extrauaganti *ad conditorem* ad §. *oratorijs*. Nec tamen oratorium istud priuatum inter religiosa loca censetur, nam religiosus locus sine docte & auctoritate Pontificis non fit.

Animaduertendum insuper oratoria iure se- De orato-
rijs Mona-
chorum
quiori appellari Monachorum ædes sacras, quæ cum Ecclesiarum nomine non censeantur, dicuntur tantummodo Capellæ siue Oratoria Vnde titulus de Capellis Monachorum: ista autem oratoria quæ ad vsus Regularium condita sunt, non censentur loca publicis vsibus dedicata, sed tantum Monachorum & Regularium, quorum fortasse habitatione publica sunt, seu quatenus comparantur cum domibus laicorum. Vnde caret monumentis & insignibus locorum publicorum seu Ecclesiarum: cuiusmodi monumenta & insignia sunt campanæ ad conuocandum populum. Ita Celestinus tertius Abulensi Episcopo. *Patentibus* (inquit) *licetis* Cap. Patentibus de pri-
uilegijs.
certificari desideras, utrum Templarijs & Hospitalarijs, & alijs oratoria in domibus suis habentibus liceat campanas in eis ponere publicèque pulsare. Respondemus autem consultationi tuæ, quod non licet eis hoc agere, quin potius per censuram Ecclesiasticam appellatione remota coercendi sunt, ut ita sint suo iure contenti, quod iustitiam non impedias aliorum. Vbi glossa annotat quod excedentes metas priuilegiorum priuilegio excidunt & pos-

182 *De bonis & possessionibus Ecclesiarum,*
sunt reprimi. Id ipsum de oratoriis & ædibus sacris
mendicantium rescripsit Ioannes 22. in extraua-
gante *Qui cunctos. De officio custodis hoc edicto perpetuo*
ordinamus quod Religiosi dictorum ordinum mendican-
tium, in nullo Conuentu suo, seu loco plures campanas ha-
beant sine sedis Apostolicæ licentiâ speciali, sed una tan-
tummodo pro loco quolibet sint contenti. Nec tamen ab-
nuit summus Pontifex, quin si plures campanas in
vſus duntaxat proprios iidem Religiosi sine lite,
& contradicente nemine habuerint, possint iis in
posterum vti §. *ceterum*. Animaduertenda insuper
Monachorum in Græcia consuetudo; Nam cum
in reliquis Ecclesiis soleret populus conuocari vni-
co tantum signo: monachi tribus signis seu cam-
panarum pulsationibus utebantur. Quorum pri-
mum exile erat: secundum paulo altius: tertium
fortissimum. Accusabantur autem eâ causâ, no-
uitatis monachi. Hos defendit Balsamon dicens
primum signum notam esse antiqui testamenti;
quod obscurum est: secundum Euangelii quod
clarius: tertium vltimi iudicii, apud Leunclauium
lib. 7. pag. 476. Hæc vero oratoria siue Ca-
Capellas Religiosi etiam exempti non possunt ex-
truere in loco non exempto, sine consensu & li-
centia Prælatorum: in exempto vero sine venia
summi Pontificis. Ita Alexander. 4. rescripsit cap.
auctoritate de priuilegijs Plura de Ecclesiis Mona-
chorum suo loco dicemus, nunc ad Ecclesiarum &
Basilicarum structuram doremque contendimus.

Ioann. 22.
extra quia
cunctos de
officij cu-
stodis,

Leuncl. l. 7
Iuris Orient.
p. 476.

CAPVT VI.

De Ecclesiarum & Basilicarum erectione. Ritus seruandus ab eo qui Ecclesiam condere vellet. Insinuationes seu inuocationes duplicis generis. Insinuationum codices olim habuerunt Clerici. Intra quod tempus necesse esset oratorium aut Xenodochium erigi. Falcidia ex legatis ad pias causas non detrahitur. Locus & spatium adis sacre quod & quantum. Romanorum ritus circa fines templorum, &c.

IN construendis ædibus sacris prima Religiosæ munificentiae ac liberalitatis initia laici olim constituebant, nec laici tantum sed Episcopi & Sacerdotes qui nonnunquam in sua, nonnunquam in aliena Diœcesi (vt patebit in progressu) sacras domos, Monasteria & Basilicas exerunt.

In constructione autem ædium sacrarum hæc potissimum spectanda: pecunia ad sumptus operis, locus seu arca, cui domū sacram inextrui oportet, consecratio, dos, dedicatio, & ius Patrocinij, quod vulgo ius Patronatus vocant. Dicamus hoc capite de pecunia, loco, consecratione & extru-

Græci vocant
ἐκκλησίαν
ἐκκλησίαν

Quod ad pecuniam pertinet: animaduertendum ædes sacras solitas construi, vel munificentia

& sumptibus viuentium, vel impensis eorum, qui vitâ functi ædem sacram extrui vltimo iudicio, & testamento mandassent.

Ritus seruã-
di in extru-
da Ecclesia,
aut Xenodo-
chio.

Quibus erat animus Ecclesiæ, Xenodochij, & domus sacræ extruendæ, illi voluntatis suæ monimentum, & testificationem consignari publicis tabulis curabant: profitebantur se donare hoc, aut illud prædium, hanc aut illam pecuniæ summam, vel Martyri, vel Prophetæ, vel Angelo, vt oratorium sub eius nomine, ac titulo extruatur: sibi esse in animo, quatuor pluresve illis Clericos constitui, & propterea se dotis nomine, tantum in agris, mancipiis pecuniisue, relinquere. Pari ferè formâ scribebant, qui testamento iubeant de suo ære Religiosas domos construui.

Insinuationes donaticæ
num.

Viuentiũ autem, & defunctorum donationes necesse erat insinuari, vt perenne earum vestigium extaret. Nec vlla temporis iniuria deleretur. Nam si donationes propter nuptias insinuantur apud acta, siue in publicum proferuntur, vt amisso forte donationis instrumento principali, fides peti possit ex publicis instrumentis: multo cautius prospiciendum ne donationis ad pias causas memoria exoleseat, & curandum, vt Ecclesia amissa fortasse carrâ donationis, aut testamento, ex publicis actis documentum rei sibi traditæ possit repetere.

ἐμπερίστα
quid sint.

Dicuntur autem Insinuationum Codices, ac Commentarij Græcis, τὰ ἐμπερίστα, quod est publicatoria suæ declaratorix. Cuiusmodi (ne error

fortasse subrepat nominum similitudine) animaduerto fuisse duo genera: quædam enim sunt, *ἐμφαντικά*, Clericorū, & eorum qui Ecclesiæ deferuebant, quæ nil aliud sunt, quam codex, seu Catalogus in quem referebantur Clericorum nomina, qui stipendia, diaria, siue sportulas ab Ecclesia, sumebant. Solebat enim eorum fieri descriptio. Alia fuerunt *ἐμψαντικά*, siue insinuatia donationum, & oblationum sacrarum, item testamentorum, de quibus nobis est sermo.

Ex antiquo itaq; ritu ipsimet Clerici, itē defensores ecclesiarū, habebāt apud se insinuatia donationū & oblationū. Apud eos publicabantur testamenta; Sed ne abducerentur ab obsequiis Ecclesiæ debitīs, & turbarentur officia, constituit Iustinianus, ut in posterū Insinuationes testamentorum fierent apud Magistrum census: *Repetita promulgatione, non solum indices quorumlibet tribunalium verum etiam defensores Ecclesiarum, apud quos turpissimum intimationis genus irrepsit præmonendos censemus, ne rem attingant, quæ nemini prorsus omnium secundum cōstitutionum præcepta, quam census Magistro competit: Absurdum, namque est si promiscuis actibus rerum turbentur officia, & alij creditum alius subtrahat, ac præcipue Clericis, quibus opprobrium est, si se peritos rerum forensium velint ostendere, l. Constituta Cod. de testament.* Erat autem Magister census, is apud quem publicari, & insinuari solebant, quæcumque opus erat publico testimonio confirmari, ut annotat Cuiacius ad dictam, l. Constituta.

L. Constituta
Cod. de
testamentis,

Lib. 6. tit. 23
l. 23.

Ex quo donatio fuerat insinuata, & instrumentum insinuationis facte, quod Græci *δωρετικόν*, appellant receptum, nemini fas est consilium mutare, & rem donatam Martyri, vel Angelo impio genere pœnitudinis sibi retinere. Nolunt enim leges religiosa vota humana leuitate infringi, & quæ fidem hominibus seruari constituunt, sanctissimè prohibent, ne Deus vanis mortalium pollicitationibus illudatur. Itaque cum neminem, in opere religionis causâ inchoato pœnitere oporteat. Zeno Imperator edixit, vt cogi possent ad perficiendum qui Ecclesiam inchoassent, aut qui tantummodo se ædificaturos promississent, & insinuassent donationem prædij alicuius, aut Iuris. Si quis

Constitut.
Znon l. si
quis Cod.
de Sacro-
sanct. Eccles.

donauerit rem aliquam mobilem, vel immobilem, vel se mouentem, iuribus aliquod personæ Martyris, aut Prophetæ, aut Angelis, tanquàm ipsi postea oratorium ædificaturus, & donationem insinuauerit, apud quos necesse est cogitur. Opus quamuis nondum inchoatum fuerit perficere, per se, vel hæredes, l. si quis C. de Sacrosanctis Ecclesiis.

Et certe Ecclesiarum prærogatiua non minor esse debuit, quam operis alicuius prophani, quod vel ornamento ciuitatis, vel commodo populi cedere debet. At opera eiusmodi si quis olim vouisset, aut inchoasset, perficere tenebatur. Quod si per negligentiam hæredum staret, quominus opus publicum testamento legatum compleretur, & ad vmbilicum duceretur, cogebantur hæredes, ex edicto prætoris, sex primis mensibus vsuras leuiiores persolvere Reipublicæ, & in posterum

rum exactis nempe sex mensibus vsuras tremis-
ses. Ita Vlpianus l. si legatum ff. de operibus publicis, &
l. si pollicitus. ff. de pollicitationibus. Cœpisse autem di-
citur, opus publicum, qui fundamenta iecit, qui
locum purgavit, qui apparatus siue impensam in
publico posuit dictâ lege si pollicitus §. cœpisse ff. co-
dem titulo. Pœna autem non caruit negligentia
eorum, qui sacro operi extruendo segnus incum-
bebant. & animas defûctorum subsidio religionis
frustrabantur: Nam si quis venerabile Oratorium, aut
Xenonem, aut Ptochium, aut Orphanotrophium, aut No-
socomium, aut aliam venerabilem domum extrui, in ulti-
ma voluntate disposuerit, iubemus ut oratorium, intra
quinque annos, perficiatur providentiâ locorum Episcopi,
& Civilis magistratus: Xenon vero aut Ptochium, aut
alia venerabilis domus, intra annum unum extruatur: si
intra annum hæredes Xenonem, aut quamque venerabi-
lem domum, quam testator extrui disposuit, non fecerint:
iubemus ut id domum vel emant, vel conducant, ubi iussa
queant exequi, tantisper dum eiusmodi venerabilis domus
absoluatur. Nouella 131. §. si quis. Ex qua lege appa-
ret in Hospitalibus, seu Xenodochiis erigendis,
Imperatorem plus seueritatis adhibuisse, quam in
Oratoriis. Nâ Oratoriorû extructio potest differri
in annos quinque: at Xenodochium debet com-
pleri intra annû; Si enim ultra differatur Xenodo-
chiorum cōstructio, legatis sibi subditis fraudan-
tur pauperes, & complures languor, atque ino-
pia conficit, qui malis suis accalamitatibus reme-
dium aliquod, & finem inuenissent, si eis Xeno-

Nouella est
§. si quis.

De Oratoriis
& Xenodo-
chiis con-
struendis,
quod tem-
pus ab Im-
peratore
præfixum.

dochij alicuius, aut Nosocomij asylum patuisset. Ex dilata vero Oratoriorum extruptione id incommodi non sequitur: nam possunt in aliis ædibus precari fideles, nec desunt templa, in quibus pietatis officia commode exequantur. Ea causa constitutionem edidit Manuel Imperator mense Martio Indiæ 14. quâ vetat ne, si quis pauperibus seu Christo sub eorumdem miseria ac sordibus latenti, bona sua diuidi supremo iudicio, & testamento instituerit, eius voluntatem Curatores exequi differant, & moram faciant piissimis votis, per litium ambages, & dilationes solitas iudiciorum. Idcirco censet in iis causas, quæ pauperum commoda spectant, non oportere ordinem Iuris & Ceremonias seruari, sed quanta fieri potest celeritate finiri. *Hinc enim euenit* (ait Imperator.) *Ut morientium anima detrimento afficiantur, & quæ propter bonum, & Uniuersi utilitatem lata sunt leges, in contrarium conuertantur.* Apud Photij Scholiastem Balsamonem, tit. 2. de Fide. Quamobrem si Xenodochio extruendo moram facerent hæredes, tunc Episcopus domum aliquam pro arbitrio locabat sumptibus hæredum, in qua hospites, & peregrini excipi possent, aut morbo languentes, religiosè curari.

Constitut.
Manuel.
Indiæ. 14.

Cæterum, ne quid impedimento esset, quominus sacra vota defunctorum possent ad exitum perducì, non licebat hæredibus, ante operis sacri, & voti complementum, quidquã ex defuncti bonis præcerpere, vel detrahere Falcidiã, hoc

est, quartam hæreditatis partem, quam aliter Trebellianicam appellant. Nam etsi tota hæreditas foret in sumptus, vel Oratorij, vel Xenodochij exhaurienda, adire tamen hæreditatem cogeantur vellent nollent, qui scripti erant hæredes, & votis, ac voluntati testatoris satisfacere. Nemini enim graue ac durum esse debet, quod religionis causâ institutum est, adeoque turpe est hæredes, ac liberos, de parentum, aut agnatorum pietate conqueri, & dum mortuorum opibus avarâ cupiditate inhiant, eorundem salutem, ac quietem inuidere.

Et certe si militum testamenta Falcidia lege non continentur, & inuiti hæredes militum coguntur adire hæreditatem, etsi Falcidiam seu quartam portionem minime lucrentur; quanto magis hac prærogatiuâ niti oportet testamenta eorum, qui si Reipublicæ non militarunt, sua tamen omnia pietati, qua Respublica viget, ac florescit religiosè mancipant.

Interea monendum non prius licuisse aggredi domus sacræ constructionem, quam impetratâ veniâ ab Episcopo, cuius erat locum benedicere, Crucem figere, quos ritus in transcurso attingemus, vbi de monasteriorum erectione agitur.

Iraque viso inspectoque testamento, liberam dabat extruendi facultatem Episcopus, relicta tamen conditionibus, & clausulis, si quas testamentum contineret, quæ sacris Canonibus & lu-

Aa ij

L. miles. ff.
ad legem
falcidiam.
lib. 35. tit. 2.
vltimâ.

ribus Episcoporum officerent, neque enim potest testator, aut quivis alius adigere Ecclesiam ad conditiones iniquas, & illius libertatem, aut disciplinam quasi ære condicto nundinari. Ita Balsamon notat consistere non posse conditiones Antistitibus iniurias, ut si testator scripserit se cā lege fundare Monasterium, ut in eorum bonis locorum Antistites nullam omnino partem habeant. Similiter, inquit, Episcopi non possent fundare Monasterium. His conditionibus, ut eorum successores in ea nihil habeant iuris. διυπό-
 σταται. ὅτι τὰ ἐν τοῖς τυτικαῖς γραφομένοις καὶ τῶν κτηνῶν, χάριν ἔχει μὴ μετέχειν ἑλως τοῖς ἐκ χειρὸς ἀρχιερεῖς εἰς τὰ παρ' αὐτῶν κειζόμενα μοναστήρια, ὡσαύτως καὶ τὰ τῶν ἀρχιερέων ὑποσημίματα, τὰ ἀφ' ἡμετέρων μὴ μετέχειν εἰς τὰ μοναστήρια τὴς μετ' αὐτοῦ ἐπισκόπου. Pergamus ad locum, siue Arcem ædificando templo destinata. Primum quidem oportet fundū, cui ædis sacra inextruenda est, ab omni hominum iure & dominio exauctorari, ut totum in Numinis potestatem transeat, cum quo mortales non habent commune diuidendum. Itaque ea causa forsan locum sacrum extrui non licebat olim, nisi cum assensu Principis, l. *Sacraloca. ff. de rerum diuisione*. Quamobrem locus & fundus, qui sub conditione legatus est, & ad prophanam naturam redire potest, non valet à quoquam religiosus fieri, l. *Si locus sub conditione. ff. De Religiosis & sumptibus funerum*. Vnde antequam inextruatur Ecclesia, locus est ab omni prophana ditione eximendus: ita ut

Balsamon
in Nomo-
canem so-
tij, tit. 2.
pag. 45.

etiam Princeps nullam in eo sibi retineat potestatem. Vnde legimus apud Ordericum Vitalem quod cum locus extruendo Monasterio Vticensi, seu Ecclesie sancti Ebrulfi, electus esset, Nobiles Normannie omne ius quod sibi in eum locum titulo dominij vindicare poterant, ciurarunt in fauorem religionis, vnico sibi orationum monasticarum censu referuato, quam eorum voluntatem Dux Normannie probauit, & libertatem loci solenni diplomate confirmauit. *Locum, inquit, nominatum, communi consensu ita liberum tradiderunt eius tutela, ut nec sibi, nec alijs quibuslibet, aliquam adfuetudinem, aut redditum, prater beneficia orationum, à Monachis liceret, vel hominibus eorum exigere: Dux, autem bonæ voluntati eorum gratanter acquieuit, & testamentum de rebus, quas optimates sui sancto Ebrulpho dabant, confirmauit.* Cæterum principes nullam amplius retinere in sacras ædes potestatem, sed eas omni humanâ potestate exemptas esse, satis probat infracta illa, & illustris Constantia Ambrosij, quâ aduersus auctoritatem Imperatorum, & vim militum prohibuit, ne Basilicæ ex mandato Principis, Arrianæ factionis Sacerdotibus traderentur. *Noli, inquit, te granare Imperator, ut putes te in ea quæ diuina sunt Imperiale aliquod ius habere, noli te extollere, sed si vis diutius imperare, esto Deo subditus. Scriptum est, quæ Dei Deo, quæ Caesaris Cesari. Ad Imperatorē palatia pertinent, ad Sacerdotem Ecclesia: publicorum tibi manium ius commissum est, non sacrorum.* Epistola 14. lib. 2. An autem quis fun-

Ordericus
Vitalis, lib. 3
Hist. Eccle-
siasticæ.

192 *De bonis & possessionibus Ecclesiarum,*
 dum suum vendere teneatur, si quando commo-
 dus visus sit Ecclesie extruendæ, non satis conue-
 niunt Iuris interpretes. Mihi quidem cedendum
 Religioni videtur, adeoque cogi posse Domi-
 nos fundi existimo, ut iusto pretio accepto, il-
 lum distrahant: nam si vicinus per suum præ-
 dium cogi potest viam ad sepulchrum dare. l. si
 quis sepulchrum. ff. de Religiosis & sumptibus funerum.
 Ex rescripto Antonini. Si communem servum
 manumittere volens compellit eum, cum quo
 communis est, pretium servi capere, ut ex integro
 servus manumittatur, ex rescripto Severi & An-
 tonini, l. in Communes servos, C. de communi servo
 manumisso. Denique si ob causam publicam tene-
 tur quis res suas distrahere moderato pretio: ut
 de agro militibus assignato habetur. l. item si ver-
 beratū S. item si forte. ff. de rei vindicatione. Et l. Lucius.
 ff. de Evictionibus, Si inquam hæc ita se habent;
 Quanto æquius est, ut quis sui fundi iustum præ-
 tium recipere cogatur, quando id religio postu-
 lat, & sacrorum veneratio. Nec vero societatem
 viventium tantummodo religiosæ ædes refu-
 giunt, sed etiam timent mortuorum contubernio violari. Vnde ædes sacras nefas erat olim
 construi, ubi mortuorum cadavera iacerent. Insi-
 gnis locus in Trecentium extat Annalibus, in vi-
 ta sancti Frodoberti, per Nicolaum Camuzatium,
 è manuscripto edita. Nam cum Beatus Antistes
 Prudentius, rogaretur ædem extruere in loco, ubi
 corpora defunctorum iacebant, ante consecratio-

Antiquita-
 tes Trecenti-
 um in vita
 sancti Fro-
 doberti.

nem iussit ea crui, & exportari. *Js ad prædictæ Basilicæ consecrationem à fratribus euocatus diligentius per-
cunctatur, utrum inter sacros parietes sepulta aliquo-
rum cadauera tegerentur. Cūque comperisset inesse quam
plurima, uniuersa prius de templo eliminanda præcepit,
contestans se non aliter consecrationis officium susce-
pturum.*

Ita diuus Gregorius Epistola 22. libri primi ad Surrentinum Episcopum, mandat consecrari Greg. ep. 22.
l. 1. & ep. 94.
Monasterium sancti Stephani, eâ conditione: si
nempe eo loco constructum sit, vbi nullum cor-
pus fuerit humatum. Eandem conditionem ap-
ponit in consecratione oratorij per Hemotheam
Matronam conditi, libro secundo Epistolâ nonâ.
quibus quidem gestis conformis est ferè sanctio
Regia Capitul. lib. 5. tit. 48. nisi quod de solis in-
fidelium corporibus loquitur. *Ecclesiam, in quam mor-
tuorum cadauera infidelium sepeliuntur sanctificare non
licet: Sed si apta videtur ad consecrandum inde euulsis
corporibus & rasis, vel lotis lignis, eius readifice-
tur. &c.* Capit. l. 5. tit.
48.

Quinetiam si locus ille fuisset commercio Hæ-
reticorum inquinatus, nefas erat illic extrui sa-
cram ædem, quasi sordes istæ, infandi conuentus
receptione contractæ, adeo tenaciter hærent, Concil.
Epaon. c. 33.
Anno 51
vt nullâ possent purgatione ablui. Ita Concilium
Epaonense, Can. 33. *Basilicas Hæreticorum, quas tan-
ta execratione habemus exosas ut pellutionem earum
purgabilem non putemus, sanctis vsibus applicare despi-
cimus, sane quas per violentiam nostris tulerant possumus
reuocare.*

Spatium vero, vel maius, vel minus pro ædium ratione metabatur. Omnino vero animaduertendum possessionem Ecclesiasticam muris, & ambitu ædis sacræ non finiri, sed libera semper olim fuisse quoquouersum spatia quædam, quæ sacra, & religiosa haberentur. Hæc autem spatia vel atrio, vel scholis inserviebant. Vnde priuilegium immunitatis Ecclesiasticæ, ad 30. passus in circuitu dicitur extendi, intra quos sacrilegium committitur si quid ablatum raptumue fuerit, ut scribit Ioannes 8. Can. *quisquis* 17. q. 4. Nec præterire possum, quod auctores finium regundorum de terminis ædium sacrarum à veteribus præfixis, & designatis referunt. Si quidem ut ambitum loci sacri definirent, quatuor aras, à quatuor mundi partibus, humi defodiebant: ut si templi limites quærerentur, hi termini proderent, quousque religio pertineret. Ita enim habet Dolabella. *Fines templares sic queri debent, ut si in quadrifinio est positus, & quatuor possessionibus finem faciet, & quatuor aras quæris, & ædes quatuor ingressus habet, ideoque, ut ad sacrificium quisque per agrum suum intraret. Quod si desertum fuerit templum, aras sic quæris: longe à templo quæris pedibus xv. & inuenis vilia fundamenta aliqua quod si inter tres, tres ingressus habet, inter duos, duos ingressus habet templum.*

Dolabella de
finibus apud
Aggenum &
alios.

Vnde patet fines templorum aris fuisse designatos in interuallo pedum quindecim, & totidem ingressus fuisse quot aræ & confinia.

Amplitudinem

Amplitudinem verò ædium sacrarū describit
Nicolaus Papa II. Epistolâ ad omnes Episcopos.

Nic. ol. 2. &
habetur 17
q. 4. C. sic ut

*Sicut antiquitus à Sanctis Patribus statutum est statui-
mus, ut maior Ecclesia per circuitum 40. passus habeat
Capella vero vel minores Ecclesie 30. &c. Ita etiâ Con-
cilium Toletanum duodecimum canone deci-
mo ius immunitatis Ecclesiastici intra spatium
triginta pedum circa ambitum ædis sacræ definit,
intra quod nefas erat cuiquā confugienti vim
inferre. His ipsis qui Ecclesiam petunt, per omnia lici-
tum in 30. passibus ab Ecclesiæ ianuis progredi, in quibus
triginta passibus uniuscuiusque Ecclesiæ, in toto circuitu
defendetur: sic tamen, ut qui ad eam confugiunt, in ex-
traneis, vel longe separatis ab Ecclesiâ domibus nullo
modo obcellantur.*

CAPVT VII.

*De dote Ecclesiarum, & ritibus antiquis donationum, &
cartarum. Qui fuerint Cartarum scriptores. Stylus
Cartarum. Carta dotis Ecclesiasticæ aris imposita.
Denuntiatio anathematis à donatoribus usitata. Quid
traditio per herbam & cespitem, per ostium, & anat-
cula. Scotationis ritus, &c.*

Ecclesias & Basilicas sine reliquiis Martyrum
nefas erat construi. Vnde Concilium Africa-
num capite quinto, dirui iubet Ecclesias, quæ sa-

Bb

Refertur de
consecrat.
dist. i. cap.
26.

cris martyrum pignoribus carēt. *Placuit ut altaria quæ passim per agros, & villas tanquam memoria martyrum construuntur, in quibus nullum corpus, aut reliquie martyrum conlata probātur ab Episcopis qui locis eisdem præsumt, si fieri potest, evertantur: si autem hoc propter tumultus populares non finitur, plebes tamen admoneantur, ne illa loca frequentent. Quia ergo Basilicas omnes oportet venerandis martyrum exuviis, ornari. Ideo ne sine cultu, & reuerentia, tam illūstres reliquie iacerent, ne quorū animus in cælo triumphat, eorum cineres hominum fastidio, atque incuriā læderentur: Clericos, & Sacerdotes necesse fuit adscisci, qui martyrum reliquiis assiduo famulatu deseruirent, & in ornādis ædibus sacris, ac Ecclesiis, siue luminibus (quibus martyrum memoria perpetur coluit antiquitas) componendis versarentur.*

Itaque Clericos fædus aliquod & coniugij speciem cum Ecclesia ineūtes, nomine dotis, aliquid bonorum, & reddituum habere oportuit, quibus seipsos alere possent, & congruentem ædibus sacris cultum, atque ornatum comparare. Hinc verant patres Episcopos ædem consecrare, nisi prius dotem à laicis acceperint, Canon quintus Concilij Braccarenfis. *Vnusquisque Episcoporum meminerit, ut non prius dedicer Ecclesiam nisi antea dotem Basilicæ, & obsequium ipsius per donationem Cartula confirmatum accipias. Nam non levis est ista temeritas, si sine luminarijs, & vel sine sustentatione eorum, qui ibidem seruituri sunt tanquam domus priuata, ita consecretur Ecclesia.*

Vnde Gelasius Papa; Senecioni alias Senonensi Episcopo consecrari posse sancti Viti Ecclesiam scribit, si modo authenticum, & firmum acceperit dotationis instrumentum. *Pia mentis amplectenda deuotio est, qua s. Julius nobis, in re Juliana sui iuris fundasse perhibetur Ecclesiam, quam in honorem sancti Viti Confessoris eius nomine cupit consecrari: hanc igitur (frater charissime) si ad tuam Diocesim pertinere non ambigis, ex more conuenit dedicari collata primæus donatione solemnī quam ministris Ecclesię destinasti se præfati muneris testatur oblatæ, &c. Licet vero Ecclesia ceremoniis iuris non teneatur, & habeat possessionem sine rei traditione, l. x. inter. Cod. de Sacrosanctis Ecclesiis: tamen reperiuntur ritus quidam, & solemnitates, quibus interpositis necesse erat Ecclesię dotem, aut donationem quamlibet contradi. Imprimis vero animaduertendum dotem dari solitā antequam Ecclesia ædificaretur, non enim sinebat extrui Episcopus, nisi dotis condita instrumenta accepisset: vt constat ex iis, quę de Emphanisticis siue Insinuariis scripsimus, item de oratoriis quę magnatum, seu pietate, seu desiderio extruebantur, quę omnia hinc non libet repetere. Addamus tantum ex Capitularibus Caroli Magni, cap. 229. Nemo (inquit) Ecclesiam ædificet antequam ciuitatis Episcopus veniat, & ibidem crucem figat publice, & ante præfinit qui ædificare vult, quod ad luminaria, & ad custodiam, & stipendia custodum sufficiat: & sic factā donatione, domum ædificet.*

Licet vero dotis instrumenta ante extructionem confecta essent: tamen & de iam constitutâ, & ad fastigium perducta, cum Ecclesiæ fundatores Episcopum ad consecrationis munus inuitarent, solebant donationem confirmare, & addere ceremonias, quibus etiam utebantur ij, qui postea aliqua parte suorum prædiorum veilent Ecclesiam augere. Cæremoniæ autem istæ fuerunt potissimum apud Gallos nostrates, & Germanos.

In legibus Baiuuariorum edicitur, vt cui in animo est, aliquid ex facultatibus suis Ecclesiæ tradere, ille Cartam donationis conficiat, manu sua, si fieri potest, inscribat, adhibeat testes idoneos. Testes autem illi debuerunt esse homines liberi & ingenui: deinde Cartam donationis ita confectam præsentem Episcopo, aut Sacerdote in altari deponat. *Si quis liber personæ voluerit, & uiderit res suas ad Ecclesiam pro redemptione animæ suæ, licentiam habeat de portione suâ, postquam cum filiis suis partiuit, nullus eum prohibeat, non Rex, non Dux, nec ulla persona habeat potestatem prohibendi, & quidquid donauerit, villas, terram, mancipia, vel aliquam pecuniam, omnia quæcumque donauerit pro redemptione animæ suæ, hoc per Epistolam confirmei propria manu sua ipse, & testes adhibeat sex vel amplius, si voluerit imponat manus in Epistola, & nomina eorum notentur ibi, quos ipse rogauerit, & tunc ipsam Epistolam ponat super altare, & sic tradat ipsam pecuniam coram sacerdote qui ibidem seruit, &c.*

Innumera Cartarum eiusmodi exempla ex-

cant in Annalibus Fuldensium, & in Antiquitatibus Alemanicis. ex quibus liquet Cartarum scriptores, ut plurimum fuisse, vel Clericos, vel Monachos, qui soli priscis illis temporibus, scribendi peritia callebant. Cartas vero & instrumenta, Latino idiomate concinnabant, stylo breui, atque ut plurimum sordido, cui passim admixta sunt Barbaræ, & Germanica vocabula, etiam in Cartis quæ in Franciâ, & sub Regibus nostris scriptæ sunt, nam linguæ Germanicæ usum durasse apud Francos, ad Ludouici Pij tempora, inde constat quod idem Ludouicus, inter mortis certamina, nescio quo spectro pressus, & territus, dicitur eam vocem emisisse *huz, huz*, quod Germanica lingua est interpretatum Foras. In his vero Cartarum scriptoribus, & notarijs numeratur præcipuè Madalfredus, qui Monachus fuit sancti Galli, cuius cartæ plurimæ reperiuntur circa annum 847. Albunius Clericus qui scripsit anno 770. Præ ceteris vero Iso quidam Monachus, & magister sancti Galli scripsit Instrumenta non pauca circa annum Christi 913. imo & formulas quibus cartæ scriberentur composuit, quæ dicuntur formulæ Isonis.

In cartis vero donationum primum exprimitur nomen Donatoris, deinde quâ causâ donaretur, 3. quam rem donet, quod prædiû, quæ mancipia, apponuntur testes quorum nomina scribebat manu sua, qui cartam conficiebât: vnusquisque vero testium signum, & characterem suum iuxta nomen suum apponebat. 4. Nomen suum adhi-

Author vitæ
Lud. Pij, a.
pud Pirho-
cum, pag. 10.
6. qd. vitæ

200 D bonis & possessionibus Ecclesiarum.
bebat auctor cartæ : ac denique nomen Comitiss,
vel Regis, & annum regni, ac Imperij .

Illud interim animaduertendum fuisse in liber-
tate donatorum , vt certam pœnam multamue
irrogarent hæredibus suis , aut aliis quibuscum-
que, qui donationem rescindere tentarent, & ausu
nefario vindicare prædium, aut mancipium semel
Deo religiose consecratum. Adeoque in hac par-
te priuatus quilibet iudicem agebat, quia in defé-
sione rei sacræ magistratus auctoritatē nemo est,
qui non possit sibi adscribere. *EXEMPLAR* vero eiusce-
modi donationum, vt lectori alibi requirendi la-
borem , & fastidium submoueam hîc adtexo.

*EXEMPLAR DONATIONIS EX/
SYLVESTRO DIACONO.*

*In nomine Christi. Ego Riulfus cogitavi Dei intuitum,
vel diuinam retributionem, vel peccatorum meorum ve-
niam promerere. Propterea vernaculam Iuris mei terram
eam in loco nuncupanti quod dicitur Petinuillare, quan-
tum mihi Deus donauit, & parentes mei, in hæreditate
dimiserunt, trado, seruum Allidulfum, cum omnia mea,
cum agris, cum pradis, cum campis, cum aquis, cum siluis,
cum pumiferis, trado de meo Jure sancto Galloni ad possi-
dendū, & postea quidquid exinde facere volueris vèdendi,
donandi, possedendi, liberam in omnibus habeas potesta-
tem faciendi. Si quis vero, quod fieri non credo, si ego ipse,
aut ullus de hæredibus meis, vel ulla opposita persona, qui
contra hanc donationem venire, aut agere tentauerit, in
primis Dei iram incurrat, & à communione corporis, vel*

Sacerdotum extraneus sit, & in fisco soluat auri libras duas, & argenti pondera quinque, & quod petit, vendicare non valeat, sed præsens hæc carta omni tempore firma permaneat cum stipulatione subnixæ. Actum præsentibus, quorum signacula continentur. Sign. Riuolfi qui hanc donationem fieri rogauit, Sign. Ruodolfi, Sign. Ascari, Sign. Audonis, Sign. Friedualdi, Sign. Ariberti, Sign. Suabonis, Sign. Ludualdi, Sign. Suzcini, Sign. Odpadi, Sign. Efriegi, Sig. Acconis, Sig. Zilonis, Sig. Ruodcoz. Notauit quod feci in mense Junio. V. Id. Iulias, in anno quinto decimo, regnante Domino nostro Theodorico, Rege supra Carulim maiorem domus. Ego quanquam peccator Siluester descripsi, in Dei nomine. Amen.

Ex quo patet comminationes excommunicationum, & Censurarum, non tantum à S. Pontificibus (quibus est Ius pellendi sacris perduelles & sceleratos) verum etiam à priuatis quibuscumque fuisse usurpatas.

Côminatio-
nes excom-
municatio-
num etiam
laicis usurpæ.

Quanquam verò cartis & instrumentis rei traditio, ac donatio firmaretur: attamen, & aliis ceremoniis utebatur Ecclesia in adeunda possessione. Aliter enim in domus & casæ, aliter in prædij, aut agri possessionem mittebatur. Si enim aliquis Casam, vel domum Ecclesiæ legasset, & donasset: tum nomine Ecclesiæ, Sacerdos Monachus vel Aduocatus Ecclesiæ, vnà cum donatore domum illam adibat, & per traditionem ostij, & anaticulorum domus, in Ecclesiam rei dominium transferebat, ita elicimus ex Marculphi formula 154. Quid sit autem tradere domum per ostium, & Anaticula

Ritus tradi-
tionis per
Anaticula.
Marculphus
formula 154

202 *De bonis & possessionibus Ecclesiarum;*
 meo, quidam iudicio non est difficile augurari.
 Nam cum possessionem tradi scripserint Iurif-
 consulti, non cogitatione sola, sed corporali ap-
 prehensione, probabile est eos qui se dominos,
 & possessores domus factos de nouo, significa-
 bant, ostij contactu, cardinum, & pessulorum
 ea possessione initiatos. Anaticula autem sunt car-
 dines domus ab ἀνατελλω, id est orior, conuerto, in-
 de ἀνάπλαι, dicuntur Cardines cœli.

Quid anati-
 cula, & inde
 appellata.

Qui autem prædium agrumue Ecclesiæ trade-
 bat, is gramen siue cespitem, ex eadem terra re-
 uellebat; & reuulsum tradebat Aduocato Eccle-
 siæ, vel Clerico, qui nomine Ecclesiæ possessionem
 prædij adibat. Eius rei insigne exemplum habe-
 mus in Chronico Vindefemiensi, l. i. cap. 17. *Discre-*
tus etiam, & prudens Cuius Zuuollensis Gosuinus
Tyacen octo iugera terra cum dimidio dedit Monasterio,
simpliciter, & pure propter Deum, in anima sua, & pro-
genitorum suorum salutem, hereditario iure a parentibus
ad se deuoluta, realiter & legaliter resignans ea, coram no-
tario & testibus, cum stramine de terra suscepto, & priori
tributo legitime abrenuntiando.

Chronicum
 Vindefemi-
 se, cap. 17. p.
 p. 74.

Innocentius
 i. Capit. ex
 litteris de
 Consuetu-
 din.

Paulo aliter hunc ritum explicat Innocent. III.
 in cap. *Ex litteris de consuetudine.* ad Archiepisco-
 pum, & Capitulum Londensem (vbi male, Vulgo
 scribitur Lugdunensem.) Nam consuetudinem ef-
 fe ait, ut qui agrum & terram Ecclesiæ donat; eius
 glebam seu portionem aliquam togæ sinu inuol-
 uat, quam deinde coram Antistite, in altari depo-
 nit: Si vero quis possessiones aliquas claustris, vel aliis
 religiosi

religiosis locis, in bona valetudine, vel ultima voluntate pro suorum vultu remedio peccatorum conferre. Hæc conferendi formam esse proponitis quod in eiusmodi donationibus modicum terræ in manu consuevit accipere, vel in extremitate pellicij quod manu prelati Ecclesiæ sustinetur, aut super altare ponendum sub testimonio videntium, & audientium sub dictâ formâ, vae Scotatio vulgariter appellatur, &c. Alias donationum formulas antiqui Codices subministrat Codex manu exaratus, tabulario è Apſiensis Monasterij in Diœcesi Pictonum formam donationis continet quâ, Matrona quædam illustri instrumentum donationis confirmat, per traditionem flocci capillorum.

Quid sit
Scotatio.

In eodem Codice Nobilis quidam morbo decumbens donat Ecclesiæ iura quædam, & prædia, & confirmat donationem traditione Calicis in quo communionem sumpsit.

In Archiuis ecclesiæ sancti Hilarij Pictaviensis, donatio suburbani prædij confirmatur à Comite Pictaviensi, per traditionem Cinguli & impositionem eiusdem super altare. Hæc itaque sunt solemniore donationum formulæ.

Quod vero ad foundationum, & donationum Cartas pertinet, de quibus hoc caput præcipue institutum est, nihil habent singulare, nisi quod in illis nomen scribebatur episcopi, qui Basilicam consecrasset: & si forsan episcopus Diœcesanus non posset consecrationem perficere, mentio fiebat in Carta, licentiæ ab eo impetratæ, alterius episcopi ad consecrandam Basilicam iuuantem.

204 De bonis & possessionibus Ecclesiarum,
di. Secundo loco fiebat accurata totius dotis des-
criptio, 3. loco scribebatur quot Clerici, vel Sacer-
dotes essent in eadem Basilica sacris rebus mini-
straturi. Exemplar dotationis, & foundationis ex
scribo, ex antiquitatibus Alemanicis.

EXEMPLAR DOTATIONIS.

*Quoniam ex varietate rerum mortalium, & tempo-
rum continuata prolixitate, & humani generis debilitate,
memoria rerum gestarum obliuionis irreptione extrudi-
tur. Ideo prudens industria hominum id quod posteritati
voluit esse certum, sepiissime reliquit successoribus suis,
testamētis confirmatum. In nomine ergo Sanctæ & Indi-
uiduæ Trinitatis, notum sit omnibus, tam futuris, quam
presentibus, quod ego Notpertus Monachorum S. Galli
Ecclesiæ Abbas in nouali loco, qui Abbacella nuncupatur,
in conualle circumpositorum montium sito, Basilicam ad
seruitutem Dei condidi, quam & adificatam à Thietma-
ro Curiensi Episcopo cum licentia, & rogatu Rimaldi
Constantiensis Ecclesiæ presulis, per legitimā consecratio-
nem loci illius in colis ad oratoriū stabilii. Denique hanc
eandem Ecclesiam præbēda pueri unius de claustro nostro,
& una Vvaspenda, & beneficio unius mansus, & omni
post subscriptæ decimationis determinatione dotaui, à
uonte Hersberch, ab alpe Solim, à Maggilsalpa, à
Barental, à Portaris alpa, à Chranperch, à riuulo Buchen-
bach, ab ostio fluiuioli Rota, usque dum fluit in Sitterum,
usque ad originem; ita ut procliuitas circumpositorum
montium ad eandem cellam secundum liquentiam niuis*

imminet apertissime determinavi. Hanc etiā dotationem Sacerdoti ibidem Deo seruianti, banno Rumaldi Constantiensis Episcopi consensu Fratrum nostrorum perpetuo iure stabiliv. Facta sunt hac anno ab Incarnatione Domini M L X I. indictione 9. regnante Rege nostro Hainrico Romanorum Imp. Anno 4. Signa testium Vuitone Aduocato, Opreth, Atzo, Tietpreht, Vodalrich, Liebo, Regenolt, Eppo, Heilman, Vuolfpreth, & ceteri complures.

Ad cuius cartæ notitiam quædam vocabula explicanda. Noualem itaque locum, in quo Basilica extructa est, intellige locum prius infertilem, recēs vero excultum. Vastpenda autem qua dotatur ea Basilica, nihil aliud est, quam vestiaria pensio Monachis præstari solita ab Abbate. Nam apud Germanos Vuatr, vestem significat, & Varmam dicitur qui pannos vendit, Spenda vero annonam significat.

Restant duo tantum ritus explicandi. Primus, quomodo Ecclesiæ potestati Episcopo traderent. Secundus, qua ratione Episcopi in Ecclesiâ recens conditâ Clericos instituerent, seu vt vulgo dicunt inuestirent.

Et quod ad primum pertinet: Episcopi, priusquam Ecclesiæ *weihepewon*, seu consecrationem aggrederentur, sollicitè inquirebant à fundatoribus, quibus conditionibus vellent eam dotare, ac si conditiones proponerent Ecclesiæ iniuriosas, & à sacrorum Canonum auctoritate discrepantes, puta si nollent Ecclesiam fundatam cognitioni & potestati Episcoporum subiacere, tum præsules

facri, consecrationem adoriri renuebant, ne operis religiosi prætextu Religio ipsa læderetur. Si vero fundatores omnino se Canonum potestati summitterent, Episcopus consecratione peracta, coram sacris altaribus Ecclesiæ dominium, & gubernationem à fudatore accipiebat: Tradebat autem fundator potestatem Ecclesiæ P E R P A L L I V M altaris, ut vocant. Hoc est sumebat in manus altaris pallium, & Episcopo tradebat, qua cerimonia significabatur Ecclesiam in ditione Episcopi, quantum ad omnia iura esse constitutam.

Traditio
per pallium
altaris.

Notitia
donationū
Ecclesiæ
Salisburgē-
sis, cap. 9.
apud Canis.
tom. 6.

Illustre monumentum huius rei habes, in notitia donationum Ecclesiæ Salisburgensis cap. 9. apud Canisium, Tomo 6. antiquarum lectionum, ubi de Guntherio Comite sermo est, *Conuocauit, (loquitur de Guntherio) illuc sanctum Virgilium Episcopum eodem anno quo ad Episcopum ordinabatur, dixitque ei se velle ibi Monachos congregare, & Abbatem constituere & tunc Virgilius Episcopus requisivit ab eo in cuius dominio voluisset, ut Abbas ille esset, & Monachi quos illic congregasset: & ille ei primum hoc dicere noluit, dixitque ei Episcopus, Neque ego tibi Ecclesiam consecro, nec Monasterium, neque Abbatem, nisi secundum Canones sciam ad quem, locorum illorum rectitudo, & donatio constare debeat, & voluis inde abire. Denique idem Comes Guntherius diuino compunctus amore, cognouit quod Episcopus secundum Canonum statuta incedere vellet, & promisit se hoc ipsum quod ibi constructum habuit, ad monasterium perficere velle, & cum omni proprietate suā eandem Ecclesiam, si consecrasset, ad*

Salzburgensem sedem Episcopatus, & ad illam dominationem pleniter per omnia, secundum Canones tradere velle, & per omnia inde ita facere sicut Virgilius Episcopus illum doceret, & tunc demum consensit Virgilius Episcopus, & consecrauit ipsam Basilicam, in honore sancti Stephani, & omnem locum hunc. Quo facto Guntherius tradidit per Pallium altaris Virgilio Episcopo ipsam Ecclesiã, cum omnibus quæ ibidem antea perdonauit tradere.

Ex his patet quem animum attulerint veteres illi Episcopi in dignitate sui nominis propugnandâ, qui nolebant vlla in suâ Diœcesi Monasteria construi, nisi quæ Episcopi ditione, & auctoritate continerentur.

Alterum vero quod ad inuestituram Ecclesiæ pertinet. Solebant Clerici, vel Monachi post solemnem consecrationem Basilicæ benedici ab Episcopo, & accepto ab eodem rerum Ecclesiasticarum inuentario de mysteriis rite peragendis admoneri. Idipsum in Monachis fiebat quos religiosa veste, si eam de nouo assumerent, idem Episcopus induebat, vt constat ex Chronico Vindelemiensi citato. cap. 13.

simul & Lectores & Ostiarios: ad hæc adis sumptum adieciſſe: præterea peculiares redditus, qui inſtituto huic ſuo ſatis eſſent, neque multitudinem aliquam adiectam, cui exinde competens ſolutio fieri non poſſit. Vnde animaduertendum Oratoriis & Aediculis, ad priuatæ pietatis ſolummodo monimentum & ſignificationem grati erga Deum animi conſtructis, dote non opus fuiſſe tam lautâ, quàm Parochiæ aut Monafterio.

Et certe in oratoriis habebatur ratio Clericorum qui illicerant inſtituendi. Nam ſi forent è ſacerdotû numero, redditu opimiorè dotabâtur, quâ ſi in inferiori gradu conſisterent, puta in Diaconorum, aut Oſtiariorû ordine. His enim ſufficiebant mediocres ſportulæ: quippe quibus nil incumberet oneris, præterquam ædem ſacram purgare & candelis ac luminibus moderari. Ita definitum in Concilio Toletano ſub Recaredo Rege Era DCXXXV. *Placuit Dei ſacerdotibus, ne quiſquâ infra ſuam parocciâ Dei aulam inquirat, & munificus ille qui ſanctam Dei ædificauerit Eccleſiam, quod ibidem pio ſuo hærede largitus eſt, eodem loco preſbyter ſecundum priorum Canonum inſtituta deſeruens habeat. Et ſi preſbyterum ea facultas habere non permittit, vel diaconus inſtituatur. Certe ſi minor eſt cenſus, oſtiarius à ſacerdote ſit electus, qui nitorem infra ſinus ſanctæ Eccleſiæ faciat, qui & ſanctarum Reliquiarû luminaria omni ſubſequenti nocte accendat.*

Oratoria
quam dotè
poſtularent.

Concilium
Toletanum
ſub Recare-
do cap. 3.

Ex eo fortasſe quod aliquæ res fundatæ eſſent, vt aliorum ordinû, præterquam Oſtiariorum mi-

quod monasterij subit appellationem, & aliorum, scilicet pretiosorum vasorum, quæ ad ceremoniæ Dei, & cultum Balsamon
ad Canonē
16. Trullanæ
synodæ.
137. & existentis felicitatis reputationem pertinent, non deesse facultatem. Eum ergo qui monasterium consecrare velit adgredi citra, prohibitionem, eo usque ad minimum oportebit ad eius consecrationem impendere.

Quòd vero fundator Monasterij non tribus tantum monachis domum victumque, sed sibi quoque debeat prospicere, caussa est: quoniam iubent Canones, ut si ædium sacrarum fundatores, in calamitatem incidant, atque ad inopiam redigantur, victus & habitatio illis ex fundo censuue Ecclesiæ suppetat, ne beneficium se perdidisse lugeant, in ingratos conferendo.

Cæterum non omittendum apud Episcopum fuisse Codicem rerum Ecclesiasticarum, in quem referebantur ea, quæ quis, seu dotis nomine, seu alio quouis donationis genere contulisset, & in arbitrio stabat Episcopi ut pro dote Ecclesiæ hæc aut illa prædia admitteret vel respueret. Nam si prædia utilitatis aliquid essent allatura admittebat Episcopus, si vero non commodo, sed oneri futura repudiabat. Codicis interim Ecclesiastici neminit Synodus Constantinopolitana quæ dicitur prima & secunda, Canone primo. Nam postquam damnauit scelestum facinus aliquorum, qui ut pietatis famam aucupentur, monasteria construunt, & postquam ambitioni fecere satis, res Deo sacratas repetunt, & infami postliminio sibi vendicant: tandem ut huic morbo medeatur, definit, ut ne-

Synodus
Constant.
p. prima
secunda
Canonet.

mini liceat monasterium ædificare absque Episcopi sententia, & consilio, illo sciente & permittente, & eam qui indebet orationem peragente, ut ab antiquis pie ac religiose cautum est, monasterium quidem ædificetur, omnia autem quæ ad ipsam pertinent cum illo in ipso breui inscribantur, & in Episcopis archiepis reponantur, &c. *μὲν πρῶτον ὃ τῇ αὐτῇ ἀποστολῇ σὺν αὐτῇ ἐκείνῃ βρεβίον ἐκκαταχέσθαι καὶ τοῖς ἐπισκοπικοῖς ἀρχαίοις εἶναι πόλιν.* Vbi nota. τὸ βρεβίον esse Cartam, seu Indiculum donationis. Quæ vero hoc Canone appellantur *ἀρχαῖα ἐπισκοπικὰ*, alibi ad Canonem 17. Trullanæ Synodi, Balsamon vocat, *ἐκκλησιαστικὸν κώδικα* appellat. Hic autem Codex postremis temporibus à Cartophylace seruabatur, apud quæ fundator Monasterij indiculum edebat earum rerû, quas vellet in sumptus noui ædificij, & Monachorum annonam contradere; Quod si dotem eam competentem Cartophylax iudicaret, tum Crucis figendæ, hoc est inchoandi monasterij facultatem impertiebatur. Et hunc esse morem seu temporis testatur Balsamon loco citato. In urbem quidē Regina; ab huius temporis Cartophylace crucis fixæ extra urbem non datur templum excitare volenti, nisi in scriptis deposuerit iuxta Canonem primum. 1. & 2. Synodi se omnia attulisse quæ ad eius perfectionem pertinent, & ea minutatim confirmauerit in Codice Ecclesiastico. Nec mirum Cartophylacis veniā opus fuisse, ad extruendum Monasterium, quippe qui Balsamonis temporibus, in tantum dignitatis gradum conscendisset, ut Episcoporum iure, & honoribus fru-

Balsamon
ad Can. 17.
Trull. Synod.

retur. Ita idem Balsamon ad Canone 7. septimæ Synodi, ἀφορίζεται τῷ σικρέτῳ τῷ καρποφυλακίῳ τῷ ἐπισκοπικῷ δίκαιῳ, καὶ ὁ κτ' καιροῖς καρποφυλάξ ἐκρίναι ἀκάθαρτα καὶ κτ' καιροῖς ἀνωτάτη πατερὰρχῷ, πάντα τα πύτω αἰνήσεια, ὡς ἐπισκόπων. ἀφορίζει γὰρ, διορθοῦται τὰ ψυχικὰ σφάλματα, ἀγκύνας καὶ ἱερῆς ἐπιτέπει χρονοεισ-
αδαι, τὰ τῶν ἱεροτελεσιῶν πινάκια ἐκτίθεται καὶ δὴλα τοιοῦ-
τα ἵνα, καλῶς ἐπισκοπεῖον κλητήσται τὸ καρποφυλακίῳ.
Cartophylaciū autem seu tabulariū secreto, seorsim deputata sunt iura Episcopalia, et qui hoc tempore est Cartophylax sanctissimi huius temporis Patriarcha, iure omnia quæ ad eum pertinent exercet, ut Episcopus. Etenim excommunicat, animæ delicta corrigit, Diaconos et Sacerdotes ordinari permittit, sacrorum ministeriorum tabulas, seu indices exponit, et quadam eiusmodi alia. Cartophylacium recte Episcopatus dicitur. Vnde non mirum si insignibus honoris, tam egregiis donatus fuerit Cartophylax. Alexius Comenus iubet eum προκαθίσαι τῷ Ἀρχιεπίσκω, sedere ante Episcopos. Si quando oportet eos conuenire, antequam admittantur ad Patriarcham, cui nemo inconsulto Cartophylace loquebatur. Apud eundem Balsamonem ad Canonem 18. Nicænæ Synodi Cartophylacem in equo patriarchali albo linreamine instrato equitasse in festo notariorum, & tiara uti solitum idem refert in Nomocanone Photij tit. 8. de Parochiis.

Balsamon
ad Canon
num 7.
Synodi.

Balsamon
ad Can. 18.
Nicænæ
Synodi.
Fuit festum
notariorum
ludicrum,
puerile in
quo pue-
ri agebant
Episcopos.

CAPVT IX:

De paræciarum origine & progressu. Paræcię etymon. Quinam parochi apud Romanos. Species quedam parochiarum apud infideles. Initia parochiarum etiam rusticarum Apostolorum temporibus. Parochiarum in urbibus distinguendarum causa. Euaristus parochiarum auctor non Dyonisius. Declaratum fermentum quid. Parochiarum rusticarum distinctio & limites, à quibus positi. In Hispania parochia ante Concilium Jliberitanum. Domus Nobilium primę parochia, &c.

NIl est sanctū & inuiolatum quod aliquando temporis longinquitate non corrumpatur. Societas nostra non tam est subsidiorum quàm vitiorum turpe commercium, nam mutuo affricu suas quisque sordes alteri allinit, & priuatę libidinis licentiam, atque impunitatem assequitur, alterius cupiditatibus indulgendo.

Hinc morum pestilentia sæuius per vrbes, quàm per oppida grassatur. Nam qui ciuitates incolunt, non tam humanitate cultuque virtutum, quàm vitiis, & sceleribus rusticitatem excutunt, & eò se politiores existimant, quò magis fuerunt in nequitia fingendis ingeniosi.

Atque vt ex tabidis corporibus lues maligna in aërem effunditur, vt nitentibus speculis anus

putridæ squalidas nubes inducunt; Ita & hominum ingenia vitiorum halitus infestos etiam in sacra solent transfundere. Quamobrem sanctitatem sacrorum vrbes primum corruerunt, dumque innocentes Deos, Faunum, Pana, Cererem, simplicissimi agricolæ fistula & arundine colunt, Senatus, Floras & Veneres Deas esse iubet, infami meretricatu cælum polluit, facitque hominum fœlicitatem, scortorum societatem. Nec præteriti temporis mala lugendi locus est, dum nostræ nos calamitates vexât: Non finit instituta de parochiis disputatio à querelis abstinere. Nam cum omnia tēporis progressu in Ecclesia, adoleuerint, Episcoporum splendor, dignitas, Monasteriorum amplitudo, numerus, prærogatiua: sola parochiarum disciplina ita exoleuit, vt nisi mediocres villæ, & pagearum vestigia quædam retinuissent. vix sciremus parochias extitisse. Nam quotusquisque est hodiernâ die, qui in parochia Missarum solemnibus sacris intersit? quotus quisque oblationibus Deum placat? Quotusquisque monenti Pastori aurem patientem, & docilem præbet? Ista omnia veritatis accusantur. ingenij famam, nouitatum studio omnes ambiunt, & nisi cælum meliorem nobis mentem immittat, periculum est, ne sacrum Euangelij fœdus in antiquitatis infamiam incurrat, & lex Christiana, eâ quâ maximè est commendabilis longæuitate rideatur. At rei Christianæ splendorem parum minuit, inquiet aliquis, ista pa-

D d iij

D bonis & possessionibus Ecclesiarum,
 rochiarum dissipatio. Itane vero; turbari Diœceses, Parochias confundi, Episcopatus permisceri, nunquid perinde est, ac orbem istum ad antiquam redire *ἀρχαίαν*. Delirarunt itaque Martyres generosi, Prælati illustres, qui hunc ordinem quem sæculi nostri vecors sapientia, & falsa sagacitas contumaciter evertit, tantis conatibus compegerunt Inter flammæ, & incendia seuientium & furietum Imperatorum, quid aliud egerunt Pontifices quàm vt Ecclesiam ordinarent, parochias conderent, & certis finibus Ministrorū curam definirent. Si libertate opus erat maxime iis temporibus quo cælare pietatem cgebantur, quo impiæ tyrannorum leges Christianorum patientiam satis exercebant, etsi Ecclesiastica disciplina nil ultra oneris addidisset. Sed ne conducti ad lessum planctumue parochiarum videamur, prouehamus stylum in earum antiquitatem, dotem, & foundationem.

Parochi & Parochiarum nomen antiquum, sed non tam illustri significatione. Quippe parochus antiquis idem fere ac diuersorij dominus, qui nimirum peregrinantes parte com meatus iuuabat, maxime cum Reip. causâ esset iter institutum. Ita Porphyrio ad Satyræ, & Horatij lib. primo sermonum, *Parochi* (inquit) *copiarj dicuntur* *ὅτι τὸ ἀπεχεῖν* id est *ab exhibendo*. Hodie autē à copiarjjs præstantur hæc, nimirum lignum & sal, *ijs qui Reip. causâ iter faciunt*, nec tantum lignum & sal, sed etiam gratuitam & honorariam euectionem præbebant gentium

Porphyrio
 ad Satyræ
 S. Horatij
 lib. 1.

exterarum legatis. Nonius Marcellus. *Parochios à* Nonius
Græco tractum est nomen quod vehicula præbeat, &c. Marcellus
 Acron ad Horatij Satyræ 8. lib. 2. *Parochi dicuntur* in voce pa-
qui hospitibus publice exhibent necessaria. Idem appel- rochos.
lantur Xenoparochi l. munerum, ff. de mun. ribus, Acron ad
 videtur autem multum differre parochia & pa- Satyræ 8
 roecia. Est enim parochia præbitio seu spatium, lib. 1.
 intra quod veteres illi parochi tenebantur pere- l. Munerum
 grinantibus lauria suppeditare: at vero *παροικία* est ff. de mune-
 plurium domorum vicinia & conglobatio. Paro- ribus.
 chias vero Diœceses integras quibus Episcopi præ- Parochia &
 siderent, appellarunt veteres. Ita Canon. 14. Apost. paroecia
 verat ne Episcopi à paroecia in paroeciam trans- qui disce-
 liant. Ita apud Eusebium vocatur paroecia Ale- rant.
 xandrina paroecia Ephesina pro Diœcesibus. Ta- Canon.
 ceo innumera eiusmodi, & titulum totum apud Apost. l. 14.
 Photium de parochiis. Euseb. lib. 3.
 & 31. hist. cap. 25.

Parochiarum vero imaginem quandam habuit antiquitas. Nam cum ciuitas in tribus nouemdecim Vrbanas, & vnaquæque tribus in decem Curias foret distincta: nemo nescit unicuique Curiae suum fuisse templum & suum sacerdotem. Marcus Varro, *Curia*, inquit, *duorum generum & ubi curarent sacerdotes res diuinas ut Curia veteres: & ubi Senatus humanas ut Curia hostilia quam primus edificauit Hostilius Rex ante rostra, &c.*

In municipiis vero sui quoque fuere sacerdotes, nam & alia habebant à Romanis sacra, & alios ritus: vnde cum è municipiis in urbem commigrarent, sacris municipalibus cgebantur renun-

ta Iouis magni, medio iacet Insula Ponto centum
vrbes habitāt magnas. Vt itaque alio argumen-
to. Paulus Romanorum decimo sexto commen-
dat Phœben, quæ erat in ministerio Ecclesiæ, quæ
est in Cenchris: erat ergo Ecclesia quædam Cen-
chris instituta. At ea Ecclesia non erat Metropolis,
nec Episcopum habebat. Nam Cenchris non est
ciuitas, sed pagus tantum insignis Corinthi: ita an-
notauit Theodoretus in caput 16. Pauli, *Cenchree*,
inquit, *erat pagus maximus Corinthiæ*, At in pagis
nūquam constituebantur Episcopi. Deinde Cen-
chris nūquam inter Episcopatus Corinthiæ me-
tropoleas nominatur: subsunt enim Corintho tres
Diœceses Damala, Argiuus, Monēbasia. Ibidem
Paulus Aquilæ domesticam Ecclesiam salutatur. At
illa domestica Ecclesia sine presbytero non erat.
Ergo speciem habebat parochiæ.

Veniamus ad subsequētia tempora. Paro-
chiarum, quæ apud Christianos postea institutæ
sunt, non eadem origo. Namque aliquas earum
constat ab ipsis fidei incunabulis constitutas, cum
Episcopi prima Religionis Christianæ semina in
prouinciis spargerent: aliquas vero liquet poste-
rioribus sæculis natas, cum domini prædiorum
peterent ab Episcopis extruendæ parochiæ licen-
tiam, ne familia & municipes sui, propter itinē-
rum incommoda parcius sacris interessent. Paro-
chias & in vrbibus & in agris primis sæculis condi-
tas quis ignorat? In vrbibus parochias fecit neces-
sitas & populi frequentia. Nam cum insignes ci-

uitates, quas solas Episcoporum sedibus assignant Canones, vnius sacerdotis cura regere non posset, neque immensum populum vnius ædis spatia concludere, visum est Episcopis in legiones & Centurias populum partiri, & regiones ciuitatis certis limitibus describere, vt unicuique earum suus sacerdos & Curio præficeretur Roma ipsa parochiarum initia videtur debere sancto Clementi, qui regiones diuisit septem notariis qui gesta martyrum describerent. Nam si notarij quidam erant regionarij, instituti ad scribendam memoriam martyrum, probabile est etiam fuisse diaconos & presbyteros regionarios, qui martyres ad constantiam hortarentur, & eosdem carceribus conclusos inuiferent. Quod si hæc coniectura fallitur, certum est quod post Clementem, Euaristus dicitur titulos in vrbe Roma diuisisse presbyteris apud Anastasium Bibliothecarium. Titulus autem quid aliud quàm Basilica titulo crucis insignita. Nam & vt Imperatores prædiis fiscalibus solebant titulos præfigere, quibus lectis, territi nominum auctoritate milites aut prædones ab inuasionem abstinerent: ita in ædibus, seu domibus, ad peragenda mysteria consecratis, venerandum religionis nostræ characterem inscribebant, vt constaret deum hic adesse præsentem, discerentque locum cultu impensiore venerari. Sic Pius Papa titulum appellat, domum Euprepiae, quam ipsa dederat Ecclesiæ vt solemnes in eâ synaxes agerentur.

Ac ne parochiarum ista in ciuitatibus diuisio,

Anastasius
Biblioth. in
Euaristo.

I. si quando
C. de Bon.
vacant.

1. Epistola
ad Episcop.
Vienne.

quidquam vnitati Christianæ noereret, quam vñ apicem perfectionis prima sæcula coluerunt, neque qui presbyterorum regionalium curæ credebantur, viderentur esse ab Episcoporum potestate reuulsi, hac ceremonia utebantur. Quoties sacra mysteria Romanus Pontifex obibat, toties fermentum sacrum per omnes Ecclesias mittebat, vt vnus panis ab Episcopo profecti esu & comestione, omnes profiterentur se vni Episcopo tanquam patri adhærescere, & se plures quidem habere pædagogos, sed vnum patrem, vt monet Paulus. Et hoc est, quod de Melchiade narrat Anastasius, *Hic fecit vt oblationes consecrata per Ecclesias ex consecrata Episcopi dirigerentur quod declaratur fermentum,* Anastasi-
vita Mel-
chi dicit
Innocen-
tium. verum hunc morem elegantius exprimit Innocentius epistola ad Decentium Eugubinum I piscopum, *De fermento vero quod die Dominica per titulos mittimus superflue nos consulere voluisti, cum omnes Ecclesie nostræ intra ciuitatem sint constitutæ quarum presbyteri, quia die ipsa propter plebem sibi creditam nobiscum conuenire non possunt, idcirco fermentum à nobis confectum per Acolythos accipiunt vt se à nostra communione maxime illa die non iudicent separatos.* Concilij Laodicensi temporibus durasse adhuc hunc morem coniectamus, nam Canone 14 constituit, *Sanctas oblationes ad vicem Eulogiarum per festiuitatem Paschalem ad alias parochias minime mitti oportere.*

Itaque ad exemplar Romanæ Ecclesiæ maiores quæque ciuitates, vt Alexandrina, ab Episcopis fuerunt in parochias distributæ. Idipsū de Luterianâ

Ec ij

222 De bonis & possessionibus Ecclesiarum,
eruditè admodum annotauit Doctissimus Filla-
cius.

Hæc ergo sunt initia parochiarum in ciuitatibus
quarum minores & angustiores parochias non ha-
buerunt. Dicamus de parochiis rusticanis. Non du-
bium est, quin facilius fuerit ciuitatum parochiis
terminos præscribere, quam Rusticis & Villari-
bus; siue quia ciuitatum regiones a politicis magi-
stratibus iam descriptæ reperiiebantur, siue quia
facilius esset urbem partiri quàm prouinciam, neq
possent Episcopi rebus grauioribus impediti ad
hanc disciplinæ partem curas appellere. Imo vero
in Episcopatibus quorum sunt angusti fines, nul-
læ primis temporibus erant Rusticane parocciæ,
vt de Episcopatu Romano liquet ex epistola Inno-
centij ad Decentium. Nam facile è proximis ma-
palibus, si qui essent Christiani, in urbem consue-
bāt. Quo ergo tempore distinctæ sunt & terminis
ac limitibus descriptæ, dubium maximū. Nonnulli
ab Anacleti temporibus earum initia deducunt,
qui Episcopos per maiores ciuitates, presbyteros
vero per villas & oppida iubet constitui. *Episcopi,*
inquit, Domini Apostolorum, presbyteri quoque 70.
discipulorum locum tenent. Episcopi autem non in Castel-
lis, aut modicis ciuitatibus debent constitui, sed presby-
teri per Castella & modicas ciuitates, atque villas debent
ab Episcopis ordinari, & poni, singuli tamen per singulos
titulos suos. Vixit autem Anacletus circa annum
Christi 103.

Villarum
parochiæ
quando il-
lustratæ &
descriptæ.

Anacletus
epist. ad oēs
Episcop. to.
1. Concil.

Alij Dionysij Papæ epistolam proferunt, quem

etiam volunt quidem initium titulis, & parochiis in vrbe Roma dedisse. Is enim Seuero Episcopo Cordubensi sciscitanti, quâ ratione Cordubensem Diocesim regeret, & parochias per eam constitueret, sic respondit. *De Ecclesiis verò parochianis unde Apostolicam sedem consulere voluisti, qualiter custodiende per Cordubensem Prouinciâ, & diuidende Sacerdotibus, nil tuæ charitati melius nobis videtur intimare, quam ut sequaris quod nos in Romanâ Ecclesia nuper egisse cognoscitur. Ecclesias vero singulas singulis Presbyteris dedimus, Parochias, & cæmeteria diuisimus, & unicuique ius proprium habere statuimus, &c.*

Dionysij
Epist. ad
Seuerum
episc. Cor-
dubensem.

Initia pa-
rochiarum
Rusticarum
in Hispania.

Quis enim dubitat hoc accepto responso Seu-
erinum totam Diocesim parochianis Presbyteris
partitum, ac proinde his saltem auspiciis paro-
chias in Hispania incepisse.

At nemo nescit Epistolarum, & Anacleti, &
Dionysij fidem nutare, neque ante Syricium Pa-
pam vllas summorum Episcoporum tabulas sus-
picionem carere.

Ne ergo ruituris Atlantibus innitatur, dica-
mus Presbyterorum antiquissimam esse origi-
nem: Presbyteri autem, & parochi iidem fere,
nam sine titulo, & cura presbyteros facere ignora-
uit antiquitas A discipulis, itaque Domini fluxere
parochi, qui Apostolorum curis, & sollicitudinibus
succenturiati, partem muneris obibant, & quò
Apostoli commigrare non possent, eo se confere-
bant. Ita Fulbertus Carnotens. Episcopus Epistola
2 Anacletus & pistola. 2. ad Episcopos Italix. Mon-

Discipulis
Christi suc-
cesserunt
parochi
Fulbert.
Carnot. ep
2. Anaclet.
epist. 2. ad
Episc. Italix.

Ignatius ad
Trallianos
Epist. col. 5.

tantus episcopus Toletanus, Epist. ad Episcopos
Territorii Placentini, quæ habetur post Concil.
Tolet. 2. licet Ignatius, Epist. ad Trallieneses, Epis-
copos Christo, presbyteros vero Apostolis succes-
sisse iudicet, cum ait, *ἡμεῖς ὡς ἀποστόλοις Ἰησοῦ Κριστοῦ*.

Licet itaque non constet quandonam limites
fuerint parochiis præfiniti, certum est tamen
Episcopos semper fuisse vfos operâ Presbytero-
rum, eosque in regiones, villas, & oppida misisse
Euangelij disseminandi causâ, quæ pæcto se erga
discipulos gesserant Apostoli.

Atque ut ipsimet Episcopi non tantum in am-
plis ciuitatibus, verum etiam in villis, & pagis
Euangelium prædicabant, ita si villarum dominos
propitios habuissent ac fauentes, in illorum certe
prædiis & Castellis Ecclesias consecrabant, quibus
quando erant discessuri Presbyterum præficie-
bant. Sic existimarim antiquissimam in agro Pari-
sienfi paræciam esse Christolium, in qua Altinus,
& Eodoldus à Sauiniano Aureliam missi, viros
clarissimos, eius loci Dominos, ad fidem conuer-
terunt Agoardum videlicet, & Aglibertum vnâ
cum ingenti turba populi. Hoc enim factò euerfis
idolorum simulachris Ecclesiam illic construxe-
runt, & Presbyterum instituerunt, ut ex moni-
mentis illius loci facile liquet. Pari quoque exem-
plo Harigerus Abbas scribit Beatum Maternum,
multas per Coloniensem Diœcesim Ecclesias in-
stituisse. *Fundauit, inquit, per Diœcesim Coloniensem*

multas sanctorum diuersorum Ecclesias, primo destructis idololatriæ templis, & multos Nobiles signis, & miraculis ad Christi Fidem conuertit. Sic ergo primæ parochiæ rusticantiæ fuerunt in Castellis & domibus Nobilium, quos Apostolorum successores ad fidem conuertebant.

Progressu vero temporis plures in pagis parœccias fidelium numerus effecit, quorum nomen Presbyteri parœcciani assumebāt. Ita in Concilio Iliberitano, hi subscripsisse reperiuntur. Restitutus Presbyter de Elepel. Natalis Presbyter de Orfuna. Barbatus presbyter de Aduingi, hæc autem nomina fuere oppidorum, & pagorum quibus præerant. Adde Eucharium à Municipio qui huic ipsi Concilio subscripsit: At in municipiis nulli erant Episcopi. Ne vero sine exemplo simus Antiquissimam parochianæ Ecclesiæ ideam videre est, apud Palladium in Historia Lausiaca capite sexto, ubi de parochia Monachorum, qui in Nitriæ solitudinibus pietati operam dabant. *Veniunt, inquit, ad Ecclesiam Sabbato solum, & Dominico: sunt autē octo Presbyteri, qui præsunt huic Ecclesiæ in qua quandiu viuit primus Presbyter eius Ecclesiæ, nullus alius offert, nec iudicat, nec habet sermonem, sed solum cum eo sedent. Initia autem eius parochiæ, quæ pæne cum Monachorum Republica inchoata est, longe sunt Constantini temporibus antiquiora.*

Nec tantum in desertis & solitudinibus, sed etiam in pagis illustribus parochias video. Seuerus dialogo primo, scribit Bethleem esse parochiam

Subscrip-
tiones Conc.
Iliberitani,
apud Gar-
ciam 1041-
iam

Palladius
hist. Lausi-
acæ cap. 3.

Hierosolimitani Episcopi, atque huic præfuisse Hieronymum quendam Presbyterum. *fgitur inde digressus Bethleem oppidum petij, quod ab Hierosolymis sex millibus disparatur. Ab Alexandria autem sedecim mansionibus abest, Ecclesiam loci illius Hieronymus Presbyter regit. Nam Parochia est Episcopi, qui Hierosolymam tenet.*

CAPVT X.

De dote, & foundationibus paroeciarum. Presbyterinon tenentur manibus victum querere. Ipsi debentur stipendia à populo. Liberalius stipendium Presbyteri olim capiebant quam Diaconi. Episcoporum auctoritas in res Ecclesie. Distributio & partitio antiqua oblationum ex Clemente. Partitio oblationum recentior. Quomodo tertiam decimarum Episcopi remiserunt, &c.

DVm communi gentium inuidiâ laboraret Christianum nomen, dum pietatis, ac honestatis vindices Prælati, pro scelerum magistris haberentur; quid erant aliud stipendia Clericorum dotes Presbyterorum, honores Episcoporum, nisi cruces, tormenta, equulei, verum Christi patrimonium: cuius participatione, eius filij agnoscimur, qui nullo magis quam patientiæ miraculo voluit illustrari.

Ne

Ne quæramus ergo fundos, prædia, villas in primâ Christianæ rei adolescentia: tenues admodum erant redditus Episcoporum: tenuiores Presbyterorum.

Hoc tamen sciendum, primo Presbyteros ex oblationibus, & votiuus fidelium muneribus victi-
 tasse. Licet enim Paulus sibi manibus victū para-
 uerit, ius tamen habuit stipendia poscendi ab iis,
 quorum saluti militabat: nemo enim propriis sti-
 pendiiis, nequidem in Dei causâ militat. Nec est
 quod in ergastulum velit aliquis Presbyteros
 compingere, & cogere eosdem, ut manibus la-
 borent. Nam etsi honestis artibus victum quære-
 re possint Clerici, & eas artes tractare quæ à di-
 gnitate Ecclesiastica minime abhorreant, ut scri-
 bit Epiphanius, τὰς τέχνας τῆς ἐκκλησιαστικῆς 'Φεγι-
 νίδος συμπεπυσσας, attamen ius habent petendi
 à populis necessaria vitæ subsidia, quatenus sunt
 eorum pastores. *Quam eandem ob causam*, inquit,
 (Epiphanius) *pro incredibili ipsorum in gubernandis po-*
pulis occupatione, atque Ecclesiastica procuratione admi-
nistrandique labore perpetuo. Divinum hoc oraculum edi-
cit. Quis gregem pascit, & illius lacte non abitur? Quis
plantat vineam, & eius fructu non vescitur? Deinde ope-
ram inquit nauantem agricolam ante omnes, par est fru-
ctus edere, ut ne presbyterum, vel Episcopum quotidiano
cibo indigentem constituat. Ob id populos hortatur, ut quæ
ad alendos Sacerdotes necessaria sunt, instisimis suis la-
boribus quasita suppedirent. Et paulo post de Sacer-
dotibus loquitur in hunc modum Epiphanius:

Epiphanius
 hæresi 80.
 lib. 3. tom. 2.

1. Corinth. 9.

† Epiphani.
hæret. 80.
lib. 3. tom. 2

Nulla, inquit, ad manibus laborandum necessitate dam-
nati coactique sunt, sed cum iustissimos alios labores, &
Ecclesiasticas occupationes habeant pro eo atque æquum
est aliâ identitatem debent.

Itaque primi illi præfules victum suis Presby-
teris largiebantur è populorum oblationibus.
Paulus eos qui bene præsunt Presbyteri duplici
honore dignos indicat, at duplicem honorem ge-
minum stipendium omnes terræ interpretantur.

Cyprianus
p. 62.

Cyprianus liberaliores sportulas Presbytero-
rum ordini, quam ceteris inferioris notæ Clericis
indulgebat, ut constat ex Epistolâ sexagesimâ se-
cundâ, in qua aperte sportulas Presbyterorum à
sportulis Lectorum distinguit, & vult Aurelium
honore sportularum presbyteralium gaudere, li-
cet in lectorum numero adhuc consisteret. Quid
vero & quantum habuerint presbyteri parochia-
rum, postquam ceperunt constitui, non est difficile
explicare. Imprimis vero agnoscendū est, Episco-
pos eorum omnium Ecclesiasticarum dominos, ac
dispensatores perpetuo extitisse, neque Clericos &
presbyteros è facultatibus Ecclesiæ, quidquam po-
tuisse consequi, nisi ex beneficio, & consensu Epif-
copi, cuius erat & animis hominum, & opibus Ec-
clesiarum moderari. Apostolorum Canon 38.

Canon, A
post. 38.

παντων τῆς ἐκκλησιαστικῆς ὁ ἐπίσκοπος ἐχέτω τὴν
φροντίδα καὶ διοικεῖται αὐτὴ ὡς θεοῦ ἐφορῶντος. Omnium
rerum Ecclesiasticarum curam gerat Episcopus, & admi-
nistret tanquam Deo insuente. Et Canone 41. ὁροσασ-
σόμεν τῇς ἐπισκοπῆς ἐξουσίαν ἐχέειν τῇς ἐκκλησίας

Canon, A
post. 41.

ἐπαρκεῖται. Jubeamus Episcopum rerum Ecclesiæ potestatem habere, si enim pretiosæ hominum animæ eis sunt credenda, multò magis ei sunt committendæ pecuniæ, ut in eius sit facultate omnia administrare, & ijs qui egent, per Presbyteros & Diaconos subministrare, &c. Idem habet Concilium Antiochenum, Concil. Antiochenum, Can. 25.
 Canone 25:

Eam Episcoporum in Ecclesia maiestatem sic antiqua coluit Ecclesia, ut nemini è Clericorum Catalogo licere arbitraretur oblationes fidelium admittere, nisi cum Episcopi consensu, adeoque Anathemate feriebantur, qui inconsulto Episcopo darent, & aut reciperent. Concilium Gangrense Nemini licet oblata recipere nisi Episcopo Canone 7. Si quis oblationes Ecclesiæ extra Ecclesiam recipere, vel dare voluerit præter conscientiam Episcopi, vel eius cui eiuscemodi officia cōmissa sunt ne cum eius voluerit agere consilio Anathema sit. Et Canone 8. Si quis dederit, vel acceperit oblata præter Episcopum, vel eum qui constitutus est ab eo, ad dispensandam pauperibus misericordiam, & qui dat, & qui accipit Anathema sit. Cuius Canonis ratio nulla esse potest, nisi quod eius est oblationes suscipere qui Dei partes in terris sustinet, qui cum è cœlo saluberrima hominum generi beneficia eliciat, debet etiam hominum vota, & largitiones Deo commendare.

Cum itaque res Ecclesiarum in potestate Episcoporum versarentur, liceretque ei pro arbitrio dispensare, sequitur dotem parochiarum primis temporibus ex nutu Episcopi fuisse constitutam. Unde in plurimis hodie Episcopatibus decimæ onus;

Ff ij

In Episcopatu Albiensi, & alijs Narbonensis Promacæ id sit.

nes, & quidquid obventionum parochiis aduenit, id totum cedit lucro & conimodo Episcoporum, qui annuas tantum pensiones Parochis, & Sacerdotibus præstant, cæteris fructibus sibi vèdicatis. Id autem non ita frequens fuit, & locum tantum habuit, vbi Episcoporum redditus proprii tenues erant, & angusti. Ideoque partem fructum, & oblationum Presbyteris tribui, solemnisi, & publica propè fuit consuetudo.

Antiquissimus scriptor Clemens Romanus, lib. 2. Constitutionum, cap. 32. modum describit, quo Presbyteris Diaconis, Clericis, & Episcopis certa portio conferretur in Agapis siue conuiuistiis Christianorum, *Sepenatur*, inquit, *in conuiuio quod pastori consuetum est dari, dico autem id quod ad primitias pertinet veluti Sacerdoti, etiam si conuiuio non adsit, idque in honorem Dei, qui ei Sacerdotium commisit. Quantum autem unicuique Presbyterorum datur, eius duplum detur Diaconis in honorem Christi. Presbyteris vero, ut qui laborant in verbo doctrina duplex seponatur pars ingratiam Apostolorum Domini, cuius locum sustinent tanquam consiliarij Episcoporum, & Ecclesia corona: sunt enim ij Senatus confessus Ecclesiæ. Si Lector sit, capiat partem vnā in honorem Prophetarum eodem modo. Cantor & Ostiarius. Ex quo loco colligendum Episcopo etiam à conuiuistiis absenti partem vnā sepositam fuisse nomine primitiarum, quas capit vice Dei, cuius in terris dignitatem sustinet, Presbyteros vero quadruplum fere Diaconorum accepisse. Nam septem Diaconi (tot enim erant in ciuitate*

Clemens Romanus lib. 2. constit. cap. 32.

Portiones Episcopo, Sacerdoti, Diac. Lect.

iis temporibus) tantundem sumebant, quantum duo Presbyteri. Diaconos vero liquet ex eodem

Concil.
Neoces.
cap. 14.

textu duplum habuisse Lectorū, & Ostiariorum. Quod vero dicit dari duplum Diaconis in honorem Christi, illud meo iudicio ad eius humilitatem spectat, qui cum omnium Dominus esset, factus est minister, & maiestatem velavit ignominia tristissimæ seruitutis. Vel ad officium Diaconorum referre oportet, qui Christi Euāgelium in Ecclesia legebant. Ita enim lectoribus partē tribuendam censet in honorem Prophetarum, quod ad eorum officium spectat: Lectores quippe è suggestu publice Prophetas legebant. Ceterum ex Clementis verbis apparet Clericis, & Sacerdotibus ad Agapas solennes vocatis, liberum fuisse partes

Agaparum
consuetudo.

quasdam & symbola è conuiujs auferre, ac domū asportare. At eam consuetudinem velut sordidam, & Clericorum nomini iniuriosam tolli iubet Concilium Laodicenum, Canone vigesimo septimo. *Non oportet, inquit, ministros altaris, vel quoslibet Clericos, aut laicos, ad Agapen vocatos partes tollere propter iniuriam, quæ ex hac occasione Ecclesiastico ordini possit deputari.*

Concil.
Laodicenū
can. 27.

Licet vero ex præfato Clementis loco liqueat presbyteros in oblationibus sacris potiorē longē Diaconis partem habuisse: non tamen constat, quid in Ecclesiarum redditibus iis permiserint Episcopi: nisi ex Siluestri Canonibus repetamus totam ecclesiasticarum facultatū molem, in quatuor partes distributam, quarum prima episcopo

Canones
Syluestri
Papæ.

cedebat, secunda Presbyteris, Diaconis, & Clero, tertia Templorum, & Ecclesiarum fabricæ, quarta pauperibus. *Commoneo, inquit, vobis omnibus mihi confortibus monimentum hoc, ut de redditibus Ecclesiæ quatuor partes fiant, quarum una cedat Pontifici ad sui sustentationem. Altera Presbyteris & Diaconis, & omni Clero: tertia Templorum, & Ecclesiarum reparationi, quarta pauperibus, & peregrinis.*

Quomodo
Episcopi
tertiâ obla-
tionum &
decimarum
relaxarint.

Duravit hæc partitio Bonorum Ecclesiasticorum aliquandiu & Episcopi pro consuetudine regionum tertiam vel quartâ decimarum & obuentio- num omnium partem è parochianis Ecclesiis recipiebant, donec Ecclesiæ auctæ sunt plurima rerum immobilium accessione. Nam postquam ex prædiis & villis satis habuerunt Episcopi, vnde tueri dignitatem possent, tertiam illam obuentio- num partem remiserunt tumque ceperunt bona Ecclesiarum & oblationes in tres tantum partes diuidi, quarum una ad Presbyterum, secunda ad pauperes, tertia ad fabricam Ecclesiarum pertinebat. Et tamen tertia ista, quæ ad Ecclesiæ facta tecta spectabat, seorsim seruabatur & Episcopo parochias lustranti tradebatur, ut prospiceret ruinis ædium sacrarum sarcinendis, si opus esset. Totam hanc disciplinam eximie illustrat Canon decimus quintus Concil. Aurel. primi, *De his quæ Parochiis in terris, vineis, mancipiis, atque peculis quicunque fideles obtulerint antiquorum Canonum statuta seruentur, ut omnia in Episcopi potestate consistent: de his tamen quæ in altario accesserint, tertia fideliter Episcopis deferatur.*

Concil.
Aurel. 1. can.
15.

Ex quo Canone, vides omnia immobilia serua-
ta Episcopo, tertiam vero oblationum ideo illi tra-
ditam, quòd onus sacræ domus instaurandæ atque
ornandæ in se reciperet. Cum vero ædes sacræ sine
labe essent, & nullos sumptus earum refectio po-
stularer, liberum erat Episcopis, vel tertiam istam
Ecclesiæ eiusque sacerdotibus relinquere, vel in
aliarum Ecclesiarum lacunas supplendas impen-
dere. Ita definitum in Concilio Toletano 9. can. 6.

Concil. To-
let. 9. ca. 6.

*Cum præteritis sanctionibus notissimum habeatur, quæ de
rebus parochialium Ecclesiarum pars Episcopo conferra-
tur, opportune duximus decernendum, ut si Episcopus ter-
tiam quam de rebus eisdem sanctione Paterna sibi debi-
tam nonit, aut ipsi Ecclesiæ, cuius res esse patescit, aut al-
teri Ecclesiæ, cui elegerit conferre, decreuerit, & licitum
maneant, & irrevocabile robur eius sententia habeat.*

Episcopus
sumendo
tertiam re-
netur ad re-
parandas
Ecclesias.

Postea vero cum sordes & avaritia meliora con-
silia corrumperet, neque tam ædibus sacris ornan-
dis quam propriis rebus augendis studerent Epif-
coporû nonnulli, decretum est in Concilio Eme-
ritensi, ne in posterum tertiam istam portionem
Præsules sibi vendicarent, neque ædium sacrarum
cura apud ipsos refideret, sed parochorum vnus-
quisque suæ Ecclesiæ reficiendæ incumberet: se-
cus vero ab Episcopo coerceretur. *Placuit huic*

Concil. To-
let. 12.

*sancto Concilio, ut nullus prouinciæ Lusitaniæ Episcopus
sententiæ huius terminum excedat, nec à qualibet parochi-
anâ Ecclesiæ tertiam auferre præsumat, sed quidquid in-
de consequi potuerat, totum in reparationem ipsarum Ba-
silicarum proficiat. Omnes supradicti presbyteri qui vir-*

Episcopis
tertiam ab
lata.

234 De bonis & possessionibus Ecclesiarum,
tutem habuerint, Episcopo suo placitum faciant ut repa-
rare Ecclesias suas intendant. Quod si facere distulerint ab
Episcopo suo districti Ecclesias sibi creditas, ut ratio per-
mittit, digne reparent: Ecclesie tamen, quae mundiales res
nullas habent, sollicitudine, intentione, & dispositione Epif-
copali, ut ratio permiserit, habeant reparationem.

Subinde vero cum parochiani presbyteri in
eandem sacrarum ædium farciendarum incuriam
incidissent, & avaritiæ malo laborare viderentur,
Concilium Toletanum decimum sextum tertiam
partem obventionum sacrarum Episcopis resti-
tuit una cum onere & debito, instaurandarum Eccle-
siarum. Ita enim Canone 5. Unio nostræ adunationis
decernit atque instituit, ut tertias quas antiqui Canones
de parochiis suis habendas Episcopis censuerunt, si eas exi-
gendas crediderint, ab ipsis Episcopis disruptæ Ecclesie re-
parentur, si vero eas maluerint cedere ab earundem Eccle-
siarum cultoribus, sub curâ & sollicitudine sui Pontificis
reparatio eisdem adhibenda est Basilicis, &c.

Concil. To-
let. 16. can. 5.

Tertia Epif-
copis resti-
tuta.

Nec vero satis visum est Episcopis parochianos
Sacerdotes fortuitis obventionibus sacrarum obia-
tionum dotare, vel etiam primitias & decimas illis
in solidum contradere: verum ad munificentiae
cumulum, ne quid sibi deesse parochi quereren-
tur, villas ipsiit & prædia Ecclesiarum utenda fruenda
commendabant. Quod liquet ex innumeris præne
Canonibus, quibus permittitur Episcopo, partem
aliquam prædiorum Ecclesiasticorum, Clericis ce-
dere, Agathensis Concilij Can. 7. Aurelian. 3. can. 17.
Lugdunens. 2. cap. 5. Aurel. 4. c. 36. Epaonensis c. 14.

Sed

Sed maxime & clarissime apparet ex Agathensi canone vigesimo secundo. Vbi de parochianis presbyteris expressa fit mentio. *Ciuitatenses, siue Diocesani presbyteri vel clerici, saluo iure Ecclesie, rem Ecclesie, sicut permiserunt Episcopi teneant: vendere autem aut donare penitus non presumant, &c.*

Nec mirum Episcopos primæ ætatis de parochorum commodo & stipendiis fuisse sollicitos. Agnoscebant quippe illorum studiis & laboribus præsulum vices suppleri, neque aliud esse parochos magnis alioquin, sed sine honore laboribus occupatos, tristius super egestatis sarcinâ obruere, quàm oculum quo visurus sis effodere, & manum amputare, quæ ad operis alicuius molitionem tibi necesse est vti.

Quis vnquam pater vndique rerum omnium copia circumfusus sinat liberos seruili constantiâ cum fame atque inopia luctari? quis ferat tributum, aut ducem cupediis ac voluptatibus solui, dum miles etiam gregarius vix siliquis & sicco gramine vescitur. At Episcoporum filij sunt sacerdotes: quod si non filij, saltem milites & amici paulo dignitate inferiores. Merito ergo in eorum rem & commodum inuigilant, sine quibus Episcopi esse non possunt, & quorum ordine summo, necesse est præsules è suæ dignitatis fastigio ad vltima sacræ hierarchiæ officia descendere.

Excitabat itaque Episcoporum prisce illius ætatis prouidentiam & affectum erga presbyteros necessaria eorum opera: sed maxime pietas & cha-

216 De bonis & possessionibus Ecclesiarum,
ritas, in quam peccat, quisquis sacerdotem squalore & fordibus plectit longè scēdiùs, quam olim ab infidelibus & inimicis Christianæ fidei ad metalladamnarentur. Sacram hanc non voluntatum modo, sed opum & fortunarum societatem inter clericos, suadebant Apostoli, è quorum Canonibus hoc Anathema in fratrum despectores erumpit. *Si quis Episcopus vel presbyter, cum sit aliquis ex clericis egenus, ea que sunt necessaria ei non suppetat, segregetur, sin autem perseveret deponatur, ut qui fratrem suum interfecerit.*

Can. Apost.
c. 59.

Itaque occisi Deo sacerdotis reus est, qui egen-
tem non pascit, & qui calamitatibus pressum &
inopia squalentem cogit turpi mendicitate ho-
norem Ecclesiastici gradus Angelis verendum,
prodere, & principem Christi dignitatem proca-
cibus laceffentium sannionum contumeliis ob-
iectare.

CAPVT XI.

*De novarum paræciarum extruptione, & dote. Tres
Causse novis paræciis initium dederunt. Qua neces-
sitate cogente fierent de novo paræcia. Nobilium an-
tiqua in parochos superbia. Archidiaconorum fa-
cilitas in diuidendis parochiis.*

REbus Christianorum feliciter compositis, &
Diocæses iam suos limites habentibus no-

uas parochias extruendi, tres potissimum caussæ extiterunt. Prima necessitas rusticorum. Secunda ambitio Magnatum & nobilium, Tertia lucrum, atque utilitas Prælatorum.

Necessitate rusticorum compulsi Præfules nonnumquam parochias diuidebant, & nouas erigebant. Quâdo nempe, seu inaccessa montium iuga, seu torrentes hibernis imbris, & niuium liquatione collecti, seu lacu, aut stagna prohiberent, quominus ex diffitis locis, & inapalibus, rustici in Ecclesiam maximâ anni parte commearêt, adeoque cogerentur sacrorum mysteriorum fructibus, & præsidio diutissime defraudari. Ita in Capitulari Tolosano edito à Rege Carolo Caluo, anno 834. Capitulo septimo. Vbi diu pensandum ait Episcopo, de nouarum parochiarum erectione, nec temere querelis popularium indulgendum. Ac si necessitati, eorumdem, oratorij (quod Galli modo Succursum vocant) constructione subueniri commodè possit, abstinendum esse docet à nouarum Parochiarum erectione. Si necessitas populi exegerit, ut plures fiant Ecclesiæ, aut statuatur altaria, cum ratione & auctoritate hoc faciant. Scilicet ut si longitudo, aut periculum aquæ, aut siluæ, aut alicuius certa rationis, vel necessitatis causa poposcerit, ut populus, & sexus infirmior mulierum videlicet, aut infantium, aut etiam debiliū imbecillitas ad Ecclesiam principalem nō possit occurrere, &c. Statuatur altare, & si ita populo complacet, & commodum fuerit, ne sine ratione scandalizetur, & parochia maneat indiuisa.

Capit. Tolosano. sub Carolo Caluo, anno 834.

Quæ causa ronas parochias erigi opus sit.

Sin vero ne oratorium quidem sufficiat, & tantum absint villæ ab Ecclesia, & domo presbyteri, ut ad Missas peragendas eò venire nequeat, ac rustici inorbo periclitantes, non possint Sacerdotem accersere, qui sacro viatico confirmet morituros: tum certe censet nouam parochiam in villarum confinio collocandam quando nempe sic longe est villa, ut presbyter illuc sine periculo ad tempus, & congrue non possit venire. *Sin præfatæ causæ postulauerunt, & populus non conductus, neque cupiditate, vel inuidiâ excitatus, sed rationabiliter acclamauerit, ut Ecclesia illis fieri, & Presbyter debeat ordinari: hoc Episcopaliter teste Deo in conscientia puritate cum ratione, & auctoritate sine intentione turpis lucri, mature, Consilio Canonico tractent, & utilitati, ac salutis subiectas plebis quæque agenda sunt pergeant.*

Ambitione
nobilium
parociani
numerus
creuit.

Secunda nouarum parochiarum erigendarum causa petitur ex ambitione, aut certe pietate nobilium. Nobiles plerumque longitudo itineris vexabat, & impediēbat, quominus frequentissime sacris interessent, nonnunquam etiam in agro alieni iuris dominij ad Ecclesiam ventitare agebantur. Nam honorum & sessionum prærogatiuam Dominis locorum cedere cogebantur, quod durum semper, & molestum fuit huic hominū generi qui fastum exuere etiam presente Deo nesciunt: Adde quod non poterant pro arbitrio Clericos alieni territorij regere, & horas sacrorum pro suo & familiæ commodo moderari. Ea enim

ambitio Sacerdotibus imperandi, Nobiliū pietatē
semper inestavit fecitque, ut dum sacra adeunt
non tam videantur Christo famulari, quā eius-
dem ministris, ac Sacerdotibus, arroganter insul-
tare, nec tam Regionem profiteri quam Impe-
rium.

Itaque his causis & rationibus pressi Nobiles
parochias erigebant suis sumptibus, & noua dote
condicta, hinc Concilium Aurelianense 4. *Si quis*
in agro postulas habere Diocesim primum ei terras de-
putet sufficienter. Hinc parocciæ istæ dicuntur con-
stitutæ in domibus potentum eodem Aurel. 4.
can. 36. Hinc earundem Ecclesiarum dominium,
tam contumaciter olim sibi vendicarunt Nobiles,
quasi nil esset discriminis inter gratiā patrociniij,
& ius dominiij quod videbimus agendo de iure
patronatus. Hinc Ecclesias munitionibus & vallo
cingebant, quod incastellare dicunt veteres Cartæ
lex Ducis Monfortij anno 1212. *Ecclesias à laicis in-*
castellari prohibemus, & in seruitutem redigi, imo etiam
incastellatas dirui præcipimus vel seruari arbitrio Episco-
porum. Sed in Castris & in villis aliorum dominorum
Episcopi non possunt retinere tales munitiones.

Concil. Au-
rel. 4. Can.

Concil. Au-
rel. 4. can. 36

Ecclesie in-
castellatæ à
Nobilibus.

Tertiatandem & vltima causa nouas erigendi
parochias, fuit facilitas seu indulgentia Prælato-
rum & Archidiaconorū, qui & rusticorū precibus
& suo interim cómodo ducti, vnam parochiam in
duas partiebantur. Nam cum vnusquisque pres-
byter diurnum com meatum & præterea stipen-
dium aliquod Circatici nomine, Archidiaconis de-

beret. Imo vero Episcopis cum Synodum proficiscuntur quot plures erant parochi, eò lucra & obuentiones Prælatorum & Archidiaconorū erant opiniore. Quapropter si habendi cupiditate, qua degeneres animi premuntur, nonnunquam Præsules infelicissime laborarent, facile sinebant se Magnatum aut etiam villanorū precibus inflecti, vt nouarum parochiarum erigendarum facultatem impertirentur. Vnde Hincmarus Remensis eam auaritiam & facilitatem coercendam monet capitulo 7. ad Archidiaconos presbyteros. *Expresse inquit vobis in nomine Christi præcipio, vt rusticanas parochias pro alicuius amicitia vel petitione, aut pro aliquo præmio non præsumatis confundere, nec diuidere, neque Ecclesias illas, quæ ex antiquo presbyteros habere solite fuerunt, alijs Ecclesijs, quasi loco Capellarum non subijciatis: neque Capellas de illis Ecclesijs quibus antea subiectæ fuerunt: vt per omne ministerium vestrum vnusquisque vestrū describat omnes Ecclesias & titulos, quæ antiquitus presbyteros habuerunt & Capellas illis antiquitus subiectas, & mihi renuntiate.*

Hincmarus
Remensis,
cap. 7.

Capitulare
Tolosanū.

Vnde Capitulare Tolosanum supra citatum, monet vt Episcopi, si quādo parochias diuidunt, id faciant sine intentione turpis lucri. Addit vero vt quia diuisione facta redditus antiquioris parocciæ minuuntur, minuantur quoque sumptus & expensæ, quas presbyteri eius Ecclesiæ in receptandis Episcopis & Archidiaconis faciunt, & annuas præstationes leuiiores ac moderatiores exhibeant: *Secūdam quod subtraxerint cuiuslibet presbytero de parochia*

Et dispensa quoque debita ab illo minus accipiant, Et alteri qui, quod diuiditur à parochia suscipit, sub hac eadem mensura onerantur.

Hæ ergo rationes constituendarum de noue parocciarum fuerant cum autem fundarentur, primum illud obseruandum fuit, nō minus quam decē villæ & mancipia parochio vbi subderentur. Nam vt Episcopos in pagis, ita quoque in domibus priuatis esse parochias Canones prohibuerūt. Oportuit ergo congruam esse multitudinem, quæ populus dici & esse posset Tolet. decimum sextum capite quinto. *Ecclesia quæ vsque ad decem habuerit mancipia super se habeat sacerdotem, quæ vero minus decem mancipia habuerit alijs coniungatur Ecclesijs.* In dotandis vero parochiis decimarum, & oblationum obuentiones non suffecerunt, nisi præterea mansus adderetur. *Sancitum est vt unicuique Ecclesiæ vnus mansus integer absq; alio seruitio attribuat* Et presbyteri in eis constituti non de decimis, neque de oblationibus fidelium, non de domibus, neque de atrijs vel hortis iuxta Ecclesiam positis neque de præscripto manso aliquod seruitium faciant præter Ecclesiasticum Concilium Vvormariense can. 5. Itaquoque Troscianum can. 6. & in capitularibus Caroli magni lib. 1. c. 91. ita etiam Concilium Meldense canone 63.

Sanctus Stephanus Rex Hungariæ dotē parochialis Ecclesiæ sic constituit, *Decem villa Ecclesiam ædificant quæ nobis mansis malè legitur, apud Bonifiniū duabus mēsis, totidēq; mācipiis dotent equo & iumento, sex bobus & duobus vaccis, triginta quatuor minu-*

Quæ villis opus est ad parochiam fundandam.

Anacletus epist. ad oēs Episcopos de Patriarchis, Primatib. & Episcop.

Concil. Tolet. 16 cap. 5

Cōci. Vuormariense can. 5.

Troscianū. c. 6. c. 1. c. 91. Conc. Mel. deſecan. 63

Decretum Stephani lib. 2. tit. 34

nus bestis vestimenta vero & corporalia & coopertoria Rex provideat, presbyterum & libros Episcopus. Vbi animaduerte singularem Regis pietatem, qui ornamdi altaris sibi curam retinuit, quasi aliâ quàm regiâ manu dedeceret Christi thalamum insterni. Vectigalem ergo Coronam Sacrosanctis altaribus opigneravit, qui sciebat summum Imperium in Dei seruitute versari. Huius exemplum secutus Ladislaus Ecclesiis vastatis voluit ornamenta ex arario Regio suppeditari lib. 1. Decretorum cap. 7.

Reges Calices & vestimenta altaris donant.

Ladislaus Decretis lib. 1. cap. 7.

Ecclesias propter seditionem desolatas aut combustas iussu Regis parochiani restaurent, calices & vestimenta ex sumptu Regis dentur, libros Episcopus provideat.

Colonica vestita.

Quod vero mansum alij passim canones appellant, id Concilium Valentinum Colonicam appellat. Nam vult pro dote Ecclesiæ, tradi à fundatoribus Colonicam vestitam, id est mansum vestitum & instructum mancipiis, bobus, armentis, totoque instrumento rustico, ut clarius patebit agendo de mansis. Itaque sic dotem Ecclesiasticam paroeciarum singularum præfinit. *Saculares & fideles laici si condere Basilicas voluerint in pradiis suis sicut edictum piissimorum Augustorum continet unam Colonicam vestitam cum tribus mancipiis donationis gratia eis conferant, moxque Episcoporum iuri & sanctæ Mariæ Ecclesiæ eandem Basilicam submittant.*

Concilium Valentinum Canone 9.

Sanctissime vero prospectum est, ne mansus aut redditus ecclesiarum parochialium vlllo onere premerentur, neve ex earum dote & facultatibus vlllum censum laici præcerperent, quod tamen sibi

sibi temere arrogabant ecclesiarum fundatores
Concilium Trosleianum can. 6. Metense can. 2.

Colonienſe canone 4. Valentinum can. 9. Item
quia parochiales preſbyteri indigne à ſecularibus pre-
muntur, nullaque reuerentia ſacerdotali gradu ab ali-
quibus ſeruatur, & quia poſſeſſiuncule vel dotes, Baſi-
licis collata irreuerenter auferuntur &c. placuit ut ipſi
Preſbyteri ſub Epiſcopis quibus adiutores ſunt, maneat:
& ſub matre Eccleſia libere, & quiete officium Eccleſi-
ſticum exequantur: dotes vero à fidelibus deſignata Baſili-
cis, ad hoc quod ſtatutum eſt ab eis vindicentur, nullaque
reſtitutio cenſus inde à quolibet ſeculari exigatur.

Concil.
Trosleian.
Can. 6.
Metenſe
Can. 2. Coſ-
lonienſe,
Can. 4.

Concil. Val-
lent. Can. 9.

Ut vero parœciarum redditus, vel tenues eſſent,
vel opimitia oportebat parœcos, ſibi plures aut
pauciores Clericos in conſortium adſciſcere. Itaque
nonnumquam Parœci, Sacerdotes alios apud ſe
habebant, qui vicariam operam præſtarent, non-
nunquam Diaconos, nonnunquam Clericos. De nu-
mero Clericorum (quo nomine etiam Sacerdotes
poſſunt intelligi) loquitur Canon Emeritenſis
Concilij decimus octauus quo ſtatuitur, ut Pa-
rochitani Preſbyteri pro facultatum ſuarum modu-
lo, certum apud ſe alant Clericorum numerum.
Inſtituit hæc ſancta Synodus, ut omnes parochitani pre-
byteri, iuxta ut in rebus ſibi à Deo creditis ſentiunt habe-
re virtutem, de Eccleſie ſue familia Clericos ſibi faciant,
quos per bonam voluntatem ita nutrant, ut & officium
ſanctum digne peragant, & ad ſeruitium ſuum aptos
eos habeant. Hi etiam victum & veſtitum diſpenſatione
Preſbyteri merentur, & Preſbytero ſuo, atque utilitati

Concilium
Emeritenſe
Can. 18.

Hh

244 *De bonis & possessionibus Ecclesiarum.*
Ecclesia fideles esse debent, &c.

Concil.
Vasense
secundum
Can. 2.
anno 519.

Diaconos vero aliquando secum habebant Presbyteri parochitani. Et si quando morbo fontico laborantes Dominico die sacra facere non possent, ac sermonem habere ad populum, Diaconi in eorum vicem suffecti, non quidem concionabantur, sed sanctorum Patrum Homilias recitabant. Liquet ex Canone secundo Concilij Vasensis secundi, ex quo etiam conuicere est parochitanos Presbyteros non semper habuisse potestatem concionandi. Hoc etiam pro aedificatione omnium Ecclesiarum, & pro utilitate totius populi nobis placuit, ut non solum in ciuitatibus, sed etiam in omnibus parochiis verbum faciendi daremus Presbyteris potestatem: ita ut si Presbyter aliqua infirmitate prohibente per seipsum non potuerit predicare, sanctorum Patrum Homilie à Diaconibus recitentur.

Concil.
Vasense.
Can. 1.

De onere vero alendorum in familia lectorum, & aliorum inferioris subsellij Clericorum idem Concilium Vasense, Canone primo. Omnes Presbyteri, qui sunt in Parochiis constituti, secundum consuetudinem quam per totam Italiam satis salubriter teneri cognouimus, Iuniores Lectores quantoscumque sine uxore habuerint, secum in domo, ubi ipsi habitare videntur recipiant: & eos, quomodo boni patres, spiritualiter nutriendos Psalmos parare, diuinis Lectionibus insistere, & in lege Domini erudire contendant, &c.

Hoc autem animaduertendum, quod licet parochitanis Presbyteris, aut parochiam relinquere, atque ad aliam migrare nefas esset, ut Canones

Apostolorum prohibent, adeoque non prius alicui titulo possent inseri, quam stabilitatem promississent, ut habetur lib. 5. cap. 108. Attamen aliquando legimus eos è parochiis suis excitos, & euocatos fuisse iussu Episcopi, in urbem matricem, ut illorum studio, & industria in sacris obeundis, ac componenda diœcesi commodius vterentur. Tum non amplius Parochiani, sed Cathedrales dicebantur. Neque vero propterea iure, & prærogatiuâ percipiendorum in parochiis fructuum carebant, sed constituto illic Presbytero annuum dabant stipendium, reliquis interim obuentionibus sibi referuatis. Quæ consuetudo maxime locum habuit in Hispaniæ regionibus, nam in Concilio Emeritensi. *Elegit unanimitas nostra, ut omnes Episcopos Prouinciæ nostræ, si voluerint de parochianis Presbyteris, atque Diaconibus cathedralem sibi in principali Ecclesia facere, maneat per omnia licentia. Hi tamen qui fuerint traducti, humilitatem digne Episcopo suo teneant, & eo honore ac reuerentia habeantur, & venerentur in Cathedrali Ecclesia, sicut hi quos constat fuisse ordinatos in eâ. Et quamuis ab Episcopo suo stipendiij causa aliquid per bonam obedientiam accipiant: ab Ecclesiis tamen in quibus consecrati sunt, vel à rebus earum extranei non maneant, sed Pontificali electione, Presbyteri ipsius ordinatione Presbyter alius instituatur, qui sanctum officium peragat, & discretionem prioris Presbyteri victum & vestitum rationabiliter illi ministretur.*

Cap. lib. 5.
cap. 108.

Quinam
nam Pres-
byteri Ca-
thedrales.

Concil.
Emeritense,
Can. 12.

Vtrum vero vni, & eidem Presbytero liceret plures parochias obtinere, aut eandem parochiam

à pluribus presbyteris regi, non est huius loci disceptare. Illud obiter dicam, cum tenues essent Ecclesiarum redditus, permissum olim vni presbytero, plures Ecclesias habere, & diebus Dominicis, in singulis illarum sacrificium offerre, vt patet ex Emeritensi Canone 19. Postea vero Concilium Toletanum decimum sextum sanxit, ne plures Ecclesiæ vni presbytero subderentur, sed quæ sufficienti dote instructæ essent, Sacerdotem proprium haberent, sin minus aliis conjungerentur Ecclesiis. Eodem modo decreuerunt Reges nostri primo Capitularium, cap. 92. & in tertia additione Ludouici, capit 96.

Concilium
Emeritense,
can. 19.

Concil. To-
let. 16. can. 5.

Capit. hb. 1.
cap. 92.

CAPVT XII.

De paræciis Constantinopolitanis. Tria paræciarum genera extra urbem. Quid Monæcia, & Presbyteri. Quinam fuerint per totam urbem. Protopapas quod officium apud Græcos. Paræcia Urbana quomodo administrari solita, &c.

PRÆter eas, quæ in vrbe essent paræcias, tria extra urbem earumdem generareperio. Quam diuisionem sic censeo instituendam. Paræcias, vel vnius domus ac villæ angustiis conclusas, vel pluriū villarū finibus ac terminis circūscriptas Orientalis Ecclesia habuit. Quæ vnicâ tantum domo fi-

dicbatur parœciæ illæ Monœciæ dicuntur, siue v t Qui sunt Monœcia.
 Photius πα-μοιικία. Vbi enim parochiarum mentionē facit, earumque possessionem ait tricennali præscriptione acquiri, ius istud ad parœcias non tantum μοιικία dictas, sed etiam ad parœcias, quas ἐγγείους appellat, ait extendi ὡς ἐστὶν οὖν κατέχουσιν ἀμείνων τοὺς ἐπισκόπους τὰς ἐπὶ τετρακοσιετία νημισθείσας καὶ αὐτῶν ἐνορίας ἀδιάσας, καὶ ἀγροικίας ὡσὶν, ἥτις μικραὶ αἱ καὶ μοιικία λέγονται, καὶ ἐγγεώσιοι ἥτις πολλοὺς κατέχουσιν. Decretum est ut Episcopi citra controversiam obtineant regiones à se triginta annis possessas, siue sint rurales seu parue, quæ etiam μοιικία, hoc est unam tantum domum habentes dicuntur siue ἐγγεώσιοι, id est multos habitatores habentes, &c. Vbi apparet eas parœcias, quæ raros haberent accolæ dictas Monœcia. Vel certe quemadmodum in Gallia ita & in Oriente domus erant, quæ parochiarum iure & prerogatiua utebantur.

Quæ vero parœciæ plures familias comple- De parœ-
 bantur, vel in suburbiis, vel in pagis extra urbem cius, quæ
 erāt cōstitutæ parœcis vero omnib⁹ μεζωτέοις fieri plures ha-
 nefas erat, vbi aduerte quod qui præerāt domibus bent paro-
 magnatum illi κοινοτέροις dicebātur, qui autem ru- chitanos.
 sticis suburbiis præerant, erantque velut capita in- Septima
 colarum ad res eorum tractandas, illi μεζώτεροι, hoc Synodus
 est maiores dicebantur. Eam vero curam vetat can. 10.
 Clericos obire Synodus Septima. Nam cum De maiori-
 animaduertenter Patres, Clericorum complures bus regionū
 splendore, & pompâ ciuitatis illectos migrare ē vide Sym-
 suis paroeciis, & eas desertas relinquere, ac Con- machi rela-
 tationem de
 rebus per
 Eulaliū
 Romæ ge-
 nem.

248 De bonis & possessionibus Ecclesiarum,
 stantinopoli Oratoriis sese addicere Magnatum,
 aduersus eiusmodi transfugas edidit hunc Ca-
 nonem, Quoniam nonnulli Clerici Canonicas consti-
 tutiones circumscribentes, sua relicta parochia in alias
 excurrunt, ut plurimum autem in hac à Deo custodita
 & imperiali urbe, etiam sese apud Principes locant, & in
 eorum oratoriis missas faciunt eos, sine proprio Episcopo &
 Constantinopolitano non licet in quauis aede ut Ecclesia re-
 cipi. Si quis autem hoc fecerit si persueret deponatur, &c.
 si quis autem eorum qui dicuntur maiores (τῶν λεγόμενων
 μαιζωτέρων) curationi (id est) domesticā curam familie
 magnatum) obtinere deprehensus fuerit vel cesset, vel
 deponatur, potius autem ad docendos pueros & seruos
 accedat legens eis diuinas scripturas. Ad hoc enim etiam
 sacerdotum sortius est.

Cesset aut
 deponatur.

Balsa mō ad
 Can. 10
 7. Synodi.

Et quo Canone patet eos, qui μαιζώτερος siue
 maiores se facerent è sacerdotum Catalogo fuisse,
 sublatos nā illa verba cesset aut deponatur παυσάμενος
 ἢ καὶ θαιρείσθω, censurā in Ecclesiasticos homines fer-
 ri solitā significant. Omnino vero nominis istius
 significationē prodit Balsamon μαιζώτεροι μίτοι λέ-
 γονται οἱ κρείττορες τῶν ἀγροικικῶν παραγείων. Maiores
 dicuntur curatores agrestium, quæ in suburbis sunt.

Concilium
 Ancyranū
 Can. 13.

Quæ in villis aut in pagis erant Ecclesiæ sim-
 plici vocabulo dicuntur ἐγχεῖοι siue ἐπιχωριοί.
 Ita Concilium Ancyranum ἐπιχωρίως προσεβούτερος
 appellat. Illorum autem inter presbyteros pos-
 tremum locum fuisse, docēt sacri Canones. Nam
 neque præsente Episcopo, neq; præsentibus pres-

byteris ciuitatis poterant sacrum facere, & mysteria celebrare in ciuitate, siue vtrai Concilium An-
cyranum ἐν τῷ κεντρικῇ τῆς πόλεως παροίῳ, &
citatur à Zacharia epistola nona ad Pipinum Ma-
iorem domus. Erant vero inter presbyteros vica-
nos, qui singulari dignitate pollerēt, & propterea
quod primum locum in eorum numero occupa-
bant, dicti sunt Protopapades. Ad exemplum for-
te vrbis Constantinopolitanae, in qua erat Proto-
papas, qui præerat toti cōmuniū sacerdotum or-
dini. de quo Codmus in sexta Pentáde officiorum
Ecclesiasticorum, & eruditus eius Interpres Gre-
ferus, ad idem caput. Hunc vero Protopapadem
vsurpasse licentiam dandi epistolas pacificas siue
communicatorias patet ex scholiis Balsamonis ad
Canonem octauum Antiochenæ synodi.

Zacharias
Papa, epist.
9. ad Pipinū
maiores
domus.

Codmus in
sexta pēdate
off. Ecclesia-
sticorum.
Grethferus
Codnum.

Balsamon
ad can. 8.
Antioch.
Synodi.

De parochiis vero intra urbem Constantino-
polim sitis non multa, nec rara ad dicendum oc-
currunt.

Vnum hoc sese offert, nempe in vrbe duo fuisse genera Parœciarum; Quædam enim regimini
& administrationi maioris Ecclesiæ suberant, ac
per eius Canonicos, seu Clericos regebantur.
Quædam vero sui erant iuris, nec alio nomine
Ecclesiam maiorem colebant, quam eo, quo
Diœcesas matricem ac fontem venerari cæteræ
tenentur parochiæ.

Duo genera
parochiarū
in Ecclesia
Constanti-
nopol.

Quas parochias administrabant clerici maio-
ris Ecclesiæ, illæ proprios sacerdotes ac parochos
non habuerunt. Sed in eas Ecclesias suo ordine

250 De bonis & possessionibus Ecclesiarum.
 suisque vicibus commigrabant singuli Canon-
 corum, iisque defungebantur officiis, quæ ad cu-
 ram, & salutem animarum pertinet. Itaque neque
 dotem propriam habebant istæ paræciæ, sed ea-
 rum facultates ac redditus, erant cum redditibus ma-
 ioris Ecclesiæ confusi. Eius generis, & condi-
 tionis erat Constantinopoli Ecclesia sanctæ Ma-
 riæ, quasi Verrina extruxerat, & Ecclesia sancti
 martyris Theodori, de quibus sermo est Nouel-
 lâ 3. *Ut determinatus sit numerus, &c.*

Iustinianus
 Nouella 3. vt
 determina-
 rit.

Et sane Reuerendiſſ. Clericorum sacro-sanctæ maio-
 ris Ecclesiæ regiæ urbis nostræ mensura certis finibus des-
 cripta, & in actum admodum contracta erat, quo tẽpore
 sola adhuc erat Sacrosanctæ maior Ecclesiæ. Postquam
 vero, & veneranda domus sanctæ, & glorioſe virginis
 Deique genitricis Mariæ, in vicinia Sacrosanctæ maioris
 Ecclesiæ posita, ab ipsa pia memoria Verina cœpit exstrui,
 item religiosa domus sancti martyris Theodori à Sphra-
 cio glorioſe memoria consecrata, & veneranda domus
 sanctæ Frenes, Sacrosanctæ maiori Ecclesiæ copulata
 fuit, redigere plane numerum ad veterem formam impos-
 sibile est. Neque enim tot simul Ecclesiis pauci quidam
 sufficere possint, quandoquidem nulla harum trium adium
 peculiares Clericos habeat, sed pro communibus, utatur
 ijs, qui ad Sacrosanctam maiorem Ecclesiam pertinent
 qui omnes eas ordine, & veluti in orbem obeuntes sacra
 in eis officia concelebrant.

Iustinianus
 Nouel. 3.

Aliæ erant parochiæ in vrbe Constantinopoli-
 tana, quæ proprios Sacerdotes, ac priuatos redi-
 tus habuerunt: de quibus eadem Nouella 3. Sic lo-
 quitur

quitur Iustinianus. Sed neque in alijs Ecclesijs que alimenta, & sumptus ex Sacrosancta Maiore Ecclesia non habent, conueniens est ut ordinandorum in ipsis multitudo intromittatur, aut mensura initio in illis statuta transcendatur.

CAPVT XII.

De Episcopatum origine, dote ac fundatione. Locus Episcopatus infulis idoneus quis sit. Vuamba Regis Hispania irritus conatus in nouis Episcopatibus fingendis. De Episcopo Cephæ Castelli Arabum consuetudo, & Scytharum circa Episcopatus. In una ciuitate non sint plures Episcopi. Explicantur subscriptiones conciliorum Hispaniæ. Et de pluribus in eadem sede Episcopis. Ægydij Remensis in Episcopatu Dunensi fundando audacia. Laudunum Clauatum quomodo Episcopatus.

INtegro volumine opus esset ad Episcopatum origines sigillatim recludendas: tam illustre negotium hîc non aggredimur, quod operæ longioris, & prolixioris studij est quam trimestris. Si quando vota Illustrissimorum Galliæ Præsulum fauerint & reclusis tabulariis licuerit antiquitatis lustrare monimenta, stylum tam heroïco argumento sacrabimus, in quo, etiam conatus gloriam sperat, in quo habet ubi se exerceat pietas, eorum

152 *De bonis & possessionibus Ecclesiarum*
puluerem ac cineres libando, qui Galliarum Ecclesias suo sanguine, ac sudore olim cementarunt.

Nunc dicendum nobis quis locus fundando Episcopatu commodus, quæ dos congrua Episcopalibus infulis, quæ conuersiones & mutationes Episcopatum, quibus causis factæ, unde Dioceses nonnullæ extinctæ, aliæ de nouo creatæ. De loco dicere adoriamur. Elegantes picturæ, & simulachra multo studio ingenioque elaborata, tenebras fugiunt Partem optimam formæ ac pulchritudinis natura in oculis posuit quod ea pars præ cæteris, aut similitudine, aut occultis ac latentibus illecebris aliorum ad se oculos trahit, adeoque ambiguum & incertum relinquunt, facti ne sint ut videant, an ut videantur.

Quia ergo nemo lucernam ponit sub modio, sed suprà candelabrum. Ideo dignitatum Ecclesiasticarum principem, lucem humani generis, faciem Religionis ac pietatis Episcopalem honorem oportuit loco nobili, excelso & illustri consistere.

Ideo Episcopos poni nefas esse duxerunt veteres nisi in amplis, & spatiofis ciuitatibus: ne locorum ignobilitate dignitas tanta vilesceret: & ut loci maiestate informati docerentur homines, de Episcoporum gradu, ac infulis magnifice semper cogitare.

Anacletus
Epistolâ ad
Patriarchas
Primiti.

Pseudo Anacletus in Epistolâ, ad omnes Episcopos, de Patriarchis primatibus & reliquis vetat

in pagis illis & Castellis hære Episcopos, sed in maioribus tantum, ac primariis ciuitatibus, sue dignitatis thronum collocare.

Hanc Anacleri constitutionem, Patres & Concilia confirmarunt, fæci præsertim Apostolicis Pauli vocibus, qui quidem iubet Titum Episcopos instituere, non quidem per oppida & vicos, sed per ciuitates. Concilium Sardicense Canone sexto, hanc legem censet non posse sine detrimento tantæ dignitatis violari. *Licentia vero danda non est, ordinandi Episcopum, aut in vico aliquo; aut in modica aliqua Ciuitate cui sufficiat vnus Presbyter, quia non est necesse Episcopum fieri, ne vilescat nomen & Episcopi authoritas: Concilium Laodicenum Canone 56 Concil. Africanum Canone 42. Eleganter in hanc sententiam dixit Leo magnus, Epistola 87. Episcopalia gubernacula non nisi maioribus populis, & frequentioribus ciuitatibus oportet præsidere: ne quod Sanctorum Patrum diuinitus inspirata decreta vetuerant, viculis & possessionibus, vel obscuris, & solitarijs municipijs tribuatur Sacerdotale fastigium: & honor cui debent excellentiora committi, ipse sui numerositate vilescat.*

Quamobrem cum Stephanus olim Emeritenfis Episcopus, iussu & flagitatione Vuambæ Regis Hispaniæ impulsus, in Suburbio Tolerano in Ecclesia Prætorienti sanctorum Petri & Pauli, Episcopum, præter morem & consuetudinem Ecclesiæ instituisset, ipse eius facti pœnitundine ductus patres Concilij Tolerani duodecimi cum lachrymis adortus est, veniamque labefactatæ disci-

Paulus A.
post. ad ut.
1. v. 5.

Concil. Sardicense,
can. 6.

Concil.
Laodicenū
can. 56.
African.
Can. 42.
Leo magnus, epist.
87

Concil. Tolet.
12. Ca.
nonc 12.

plinae precatus. Quod factum omnes Episcopi concilio collecti improbarunt, ac summouendos censuerunt Episcopos, non modo ab eo suburbio, sed ab aliis quoque obscuris ac ignobilibus villis, in quibus per voluntatem Vuambæ Regis fuerant instituti. Dixit enim ita Concilium de Stephano loquitur, se violentia principali impulsus fuisse, ut in monasterio Villulæ Aquis, in qua venerabile corpus sancti Pimenij Confessoris debito quiescit honore, nouam Episcopalis honoris ordinationem efficeret. Et ideo quia indiscreto, & facillimo assensu iniustis Vuambæ Principis iniuriis parens, nouam & iniustam illic Pontificalis sedis praelectionem induxerit, ubi Canonica institutio id fieri omnimodo ratione refellit, praedictus idem vir prostratus humo medicamine nostri praecepti, & sibi dari veniam petit, & quid potissimum oporteret fieri de persona eius, qui illic ordinatus fuerat nostri oris sententia decernendum poposcit. Et quibusdam verbis interiectis, quibus proferuntur in medium veterum Patrum, ac Conciliorum sententiae, de maiestate & nobilitate sedis Episcopalis, tandem Patres ita concludunt. Ut in locum Villulæ supradictæ Aquis. Deinceps sedes Episcopalis non maneat, neque Episcopus illic ultra constituendus existat: hic tamen Cuniulduus qui contra maiorum decreta illic videtur institutus fuisse Episcopus, nullis canonum erit ad condemnationem sui sententijs, ultiscendus: quia non ambitione, sed Principis impulsione illic constitit ordinatus. Et ideo hoc illi remedium humanitatis concedimus, ut in sede alia decedentis cuiuslibet Episcopi transducatur, & praedictus locus sub monastica deinceps

Can. 4. Concil.
cil. Tolet. 12.
pag. 593.

cep institutione m. n. s. u. r. u. s. , n. o. n. E. p. i. s. c. o. p. a. l. i. u. l. t. r. a. p. r. i. u. i. l. e. g. i. o. f. r. e. t. u. s. , s. e. d. s. u. b. A. b. l. a. t. i. s. r. e. g. i. m. i. n. e. s. i. c. u. t. b. u. c. u. s. q. u. e. f. u. i. t. , e. r. i. t. m. o. d. i. s. o. m. n. i. b. u. s. m. n. e. p. a. n. d. u. s. .

Eiusdem generis & conditionis fuit decretum, quod factum est in Concilio Parisiensi quarto aduersus Promotum quendam Presbyterum. Eum enim summi gradus insolenti cupiditate flagrantem, & maiorum infularum desiderio pressum Ægidius Episcopus Remensis in Castro Dunensi, qui vicus est in Diœcesi Carnotina Episcopum ordinauerat, & in facultatis Ecclesiasticæ possessionem miserat. Cuius facti monitus Episcopus Carnotensis, nomine Pappolus querelam edidit apud Patres Concilij Parisiensis quarti, qui omnes expellendum castro Dunensi Promotum Presbyterum censuerunt, & omni officio ac functione Episcopalis ordinis interdicendum. Ita vero loquuntur patres Concilij Parisiensis ad Ægidium Dominus Pappolus Episcopus, mediocritati nostræ detulit in querelam, in castro Dunensi, paræcia denique Carnotina, quod castrum nec ad territorium ciuitatis vestræ, nec ad vestram Prouinciā manifestum est pertinere, à vobis contra omnem rationem, & contra canonicam disciplinam Episcopum consecratum. Et licet secundum præfata beatissimorum Patrum Decreta potuit huiusmodi excessus in vestra iniuria acerbius coerceri: sed nos caritatis iura seruantes beatitudini vestræ indicamus, ut Presbyterum ipsum nomine Promotū, qui omīssa seueritate canonica à vobis dicitur tam temere consecratus, ut iuste debeat de gradus ipsius dignitate deponi, sicut Canonum constituta

Concil. Parisiense quartum ad er-
sus Promotum.

Epistola Episcoporum
Concil. Parisiensi.
tom. 1. p. 351. ad
Ægidium Remensem.

De bonis & possessionibus Ecclesiarum, sanxerunt, ad vos euocetis, vel vobiscum retineatis, ut iniuriam nec Ecclesie, nec Sacerdoti suo ulterius debeat inrogare.

Quare Lau-
duno Castro
Episcopus
præfatus
est.

Flodoardus
Hist. Re-
mens. lib. 1.
cap. 14.

Hincmarus
Remensis
Opusculo
55. Capitulum.

Codex Ca-
nonum Eccle-
siae Africanae.
Can. 98.

Itaque singulare priuilegium fuit Castri Lau-
dunensis, cum in eo loco, cui splendor nomenque
Ciuitatis decrat, Beatus Remigius Episcopum in-
stituit. Vt vero hoc præstaret, Beatissimum Antisti-
tem duo potissimum impulerunt. Primo inquit
hominum unicuique, amor soli natalis, & deside-
rium honestandi, ac illustrandi eius loci in quo
fuerat educatus: nam primores annos, ac rudem
infantiam Lauduni transegisse Remigium, testis
est Flodoardus Historiæ Remensis, libro primo
capite decimo quarto. Secundo incitabat eum, ad
hoc opus, Diocesis suæ amplitudo, cui regendæ
atque lustrandæ vix vnus sufficere poterat Episco-
pus. Idcirco fretus auctoritate Concilij Africani,
vt ait Hincmarus Remensis in Opusculo 55. Capi-
tulum ad Hincmarum Laudunensem, illic Epif-
copum instituit. Quæ vero fuerit auctoritas Con-
cilij Africani, quâ vsus Remigius Laudunen-
si Castro Episcopum præfecit non video. Nisi
quod in Codice Canonum Ecclesiæ Africanæ,
ex Concilio Carthaginensi sub Honorio & Theo-
dosio refertur Canon de plebibus, quæ nunquam
Episcopos habuerunt. Quo Canone licentia datur
nouos Episcopos instituendi, vbi nunquam fue-
runt, cum Decreto Concilij plenarij, vniuersiusque
Prouinciæ, & Primatis, atque consensu eius, ad cu-

ius Diœcesim eadem Ecclesia pertinebat, ἡρεσκεν
κακεῖνο ἵνα οἱ ὀχλοὶ οἱ μηδέποτε ἰδίους ἐφημέριους ἐπισκόπους
εἰ μὴ ἐκ πάσης τῆς συνόδου ἐκαστὸς ἐπαρχίας, καὶ τὰ παρ-
τευόντες ψήφισμα εἰρηται, καὶ καὶ συναίνεσιν ἐκείνης, οὗ ὕψος ὡς
τὴν διοίκειν καθίστατο ἡ αὐτὴ ἐκκλησία, μηδαμῶς δέξονται.
*Placuit illud, ut plebes quæ nunquam Episcopos proprios
habuerunt nisi ex Concilio plenario uniuscuiusque Pro-
uincia, & Primatis atque consensu eius, ad cuius Diœ-
cesim eadem Ecclesia pertinebat decretum fuerit, minime
accipiant. Itaque si Hincmaro credamus probabile
est non ante Dium Remigium Episcopum Lau-
duni posuisse, quàm Episcoporum comprouincia-
lium suffragio res ea probata fuisset.*

Quod vero fuerit istud Concilium, nulla anti-
quitatis vestigia produnt. Sigibertus Gemblacen-
sis noui illius Episcopatus exordia & Genebau-
di primi Laudunensium Episcopi consecrationem
refert ad annum quingentesimum, hoc est fere
decem annis ante Concilium Aurelianense pri-
mū. Quantum vero loci conditio Episcopatum
illustret, & quàm ceteris longe ignobiliore essent
hi minorum gentium Episcopi, satis prodit scōma
ab Hincmaro Remensi coniectum in Laudu-
nensem Episcopum, quem à loci tenuitate quasi
per fastidium & contemptum appellat, Episco-
pum Oppidanum, *Assè uidetur excreuisti de pusillo
magnus apud te oppidanus Episcopus.*

Sigibertus
Gemblacē-
sis in Chroni-
co.

Hincmarus
Opusculo
præfato.

Licet vero in Castris minoribus non fierent
Episcopi, tamen castella quædam olim fuerunt
quæ essent veluti capita regionum, & prouincia-

Concilium
Calcedonen-
se parte 1.
Act. 2.

rum, in quibus & piscope sedere poterant. Huius-
modi Castri mentio est in subscriptionibus Con-
cilij Calcedonensis, parte secundâ, actione tertiâ,
ad cuius calcem subscripsit quidam Noe Episco-
pus *Cephæ Cast.lli*. quid autem Cephæ Castellum
nisi maius aliquod, atque insignius castrum, sub
quo plura alia consistunt, cuius generis plura sunt
apud Tectosages.

Sosomenus
lib. 7. Histo-
riæ Ecclesia-
sticæ cap. 19.

Sosomenus
lib. 6. cap. 22.

Neque tamen asserendum tam rigidam fuisse
hanc legem & disciplinam ecclesiæ. ut nunquam
omnino in minoribus pagis & piscope ponerentur.
Plerumque enim legem hanc infregit privata Re-
gionum, ac Prouinciatarum consuetudo. Quot in
Oriente & piscopatibus in exiguis vicis, quorum me-
moriam neque apud recentiores, neque apud anti-
quos geographiæ scriptores reperitur. Res ipsa
patebit percurrenti Conciliorum subscriptiones,
quæ in græcia habita sunt. Imo vero solemnem
fuisse apud Arabes, & Cyprios morem refert So-
somenus Historiæ ecclesiasticæ lib. 7. cap. 19. ut in
villis ac pagis omnibus & piscope instituantur: cum
è contrario in Scythia, vnus tantum per vniuersas
ciuitates præsideat & piscopus qui in vrbe Tomen-
si sedem habet, ut refert idem Sosomenus, lib. 6.
cap. 22. Quinetiam in Occidente obscuri nominis
pagi ac villæ ignobiles, & piscepos habuerunt
quot exiguæ Diœceses sub Romano Pontifice?
aut quis putet ostia Tiberina olim florentem, &
locupletem fuisse ciuitatem?

In Concilio Arelatensi primo subscripsit
gregorius

Gregorius quidam¹ Episcopus de loco qui est in porru Romæ. Locum verò istum sine nomine fuisse ciuitatem nobilem & superbam nemo cogitabit.

Concil. Arelatenſe primum.

Vt autem ad maiestatem Episcopalis fastigij retinendam, prospexerunt patres, ne in locis obscuris ac tenuibus pagis, Episcopi crearentur ita & sanctissime edixerunt, ne in quauis ciuitate duo Episcopi esse possent, quia vt orbis duos soles non patitur, ita vna diœcesis duos Episcopos non admittit: vnde si qui Episcopali titulo insignes ex hæretica prauitate ad rectam & Catholicam doctrinam commearent, illi titulo Episcopali deposito in Chorepiscoporum ordinem descendebant liquet ex Concilio Regiensi canone 3. *Quod ergo in quibusdam schismaticis magis, quam hereticis recipiendis Nicanum Concilium statuit à singulis per territoria sua, hoc etiam presens conuentus in hoc statuit ab omnibus debere seruari. Id est vt cuiumque de fratribus tale aliquid caritatis consilia distauerint, liceat ei vnā parochiarum suarum Ecclesiam cedere, in qua aut Chorepiscopi nomine, vt idem canon loquitur, aut peregrina, vt aiunt, communionē foueatur. Ac ne antiquæ dignitatis iura retinere viderentur aut diœcesis appareret in geminos Episcopatus scissa, eodem concilio decretum est. Ne vnquam in ciuitatibus, vel sub Episcoporum absentia, offerre presumat, nec ordinare vel vltimum Clericum, nec in ea quidem Ecclesia, qua illi cuiuscunque misericordia fuerit attributa. Nec ulli Episcoporum,*

Concil. Regiense anno 43. canon. 3.

KK

260 De bonis & possessionibus Ecclesiarum,
 vel succedente ætate assumpto, in rudimentis suis huic
 in aliquo, quasi pro ætatis reuerentia, cedere liceat.
 Nec usquam ipsi quidquam de Episcopalibus officiis usur-
 pare, præterquam in Ecclesia, quam cuiusquam miseri-
 cordia fuerit indeptus: In qua ei solum Neophytos con-
 firmare, & ante presbyteros offerre conceditur.

Conc. To-
 let. 3.^o

Neufila.
 num. 16.

Cùm ergo in vna Ciuitate duo Episcopi esse
 non possint, sitque hæc dignitas societatis ini-
 patiens, videndum qua ratione soluantur dubia
 duo, quæ ex Conciliis Hispanicis occurrunt. Primū
 est de Ouedo quæ dicitur Ciuitas Episcoporum.
 Secundum de pluribus Episcopis eiusdem diœ-
 ceses ac ciuitatis, qui quidem in Concilio To-
 letano tertio simul subscripsisse reperiuntur. Quip-
 pe in subscriptionibus illius Concilij reperi-
 as plures in eadem Ciuitate Episcopos, numero de-
 cimo sexto subscribit Neufila Tudensis Ecclesiæ
 Episcopus & alius numero quadragesimo nono
 eiusdem Ecclesiæ Episcopus subscribit cui nomen
 Gardingus. Similiter Pantardus Ecclesiæ Bracca-
 rensis Episcopus, refert se subscribere tam suo
 nomine, quàm pro fratre suo Nigisio Episcopo
 de Ciuitate Luci, & tamen eiusdem Lucensis Ci-
 uitatis alius reperitur subscripsisse nomine Bec-
 cilla numero quadragesimo septimo. Item duo
 reperiuntur Dertosanæ Ecclesiæ Episcopi, Iulianus
 & Froisclus numero 43. & quadragesimo quarto.
 Præterea duo reperiuntur Episcopi Portulacen-
 ses, Constantius qui vigesimo septimo loco sub-
 scripsit, & Argiouitus qui quinquagesimo primo.

Cui dubitationi illustrandæ multa proferri possunt, primum est fieri potuisse ut ætate fessi & vulneribus fidei causâ acceptis debilitati, præfules alios sibi adsciuerint in subsidium, quibus nominis sui ac dignitatis partem aliquam indulgerent. Secundum est, plures esse posse eiusdem nominis Ciuitates, ac proinde eos qui prima fronte vni & eidem vrbi præfuisse videntur duas reuera distinctas ac discrepantes rexisse diœceses. Ita in Lucensi Nitgesio & Beccila Lucensi nominum fallit similitudo. Duæ quippe sunt Ciuitates Lucum nomine, vna in Galæcia sub metropoli Braccarensi cui præfuit Nitigisius, qui propterea eodem textu subscripsit, cum Pantardo Ecclesiæ Braccarensis metropolita. Altera Ciuitas Lucensis sita est apud Astures, cui præfuit Beccila.

Tertio addi potest quod ex Roderico Toletano elicitur lib. secundo de Rebus Hispaniæ cap. quarto, nempe Leouigildium Hispaniæ Regem Arriane infectum, & Catholici nominis ac fidei odio furentem Catholicos omnes Episcopos suis sedibus eiecisse, atque ibidem in eorum locum Arrianæ perfidiæ insanos vindices suffecisse. Verum cum eius facti pœnitudo subiisset, moriens filio mandauit ut Episcopos ab exilio reduceret, & suis iterum sedibus ac dignitatibus postliminio instauraret. Itaque Recaredus & Religionis memor & paterni mandati, Catholicos præfules ad sua gubernacula reuocauit, iussitque omnes Arrianos fidem Catholicam profiteri. Cum ergo plurimi ex Arrianis Epi-

Rodericus
Toletanus
lib. 2. de re-
bus Hispaniæ
cap. 4.

scopis, suæ perfidiæ renunciassent, ne dignitatis suæ iacturam paterentur, æquum visum est Ecclesiæ illis nomen & gradum Episcoporum relinquere, ac vnā & eandem Diocēsim duobus simul prælatis committere. Huic verò coniecturæ, quin potius historiæ lucem adfert sollemnis abiuratio Arianismi, quam ediderunt Episcopi eiusce factionis in Concilio Toletano tertio: in hac enim abiuratione plures reperiuntur ex iis, qui vnā & eandem sedem occuparunt, Gardingus Tudenſis Episcopus, Froisclus Dertosanæ Ciuitatis Episcopus, Beccila Lucenſis Episcopus, qui cum Arrium eiusque frenesim eiurassent, retento Episcoporum nomine, Concilio Toletano postea subscripserunt. De Recaredi Fide ac Pietate qua in eodem Concilio ipse Arrianismum execratus est, lege Rodericum Santium Historiæ Hispanicæ cap. vigesimo parte secunda.

Rodericus
Santius hist.
Hisp. cap.
20. part. 2.

Quod ad Ouetum, siue Ouedum pertinet, quæ dicitur ciuitas Episcoporum, leuis est difficultas Non enim idcirco Episcoporum ciuitas est appellata, quod eius gubernaculis plures olim Episcopi præfuerint, sed quod ipsa olim asylum fuerit ac receptaculum Episcoporum Nam cum Asturiarum partem Arabes expugnassent, & Episcopos suis eiecissent sedibus, illi miseri atque exules Ouetum sese conferebant & territorium Ouetense inter se partiebantur, cuius partem vnusquisque sibi regendam assumebat, hoc autem contigisse refert Rodericus Toletanus circa tempora Adelfonſi Regis.

De Episcopatum progressu ac mutatione.

C A P V T XIII.

Rerum earum quæ naturæ ambitu continentur imperitia laborantes, & qui animi defide ignorantia feriantes, solis omnia oculis metiuntur, illi vana rerum specie ac imagine delusi, syderum frontes vultusque mutari autumant, & stellas, quibus cum inconstantia mortalium, nihil est commune, nisi quod testes sunt leuitatis humanæ, in mille colores transformari.

Ita imaginantur solem modo iracundo rubore suffundi, modo senescenti pallore albescere, modo scintillis purioribus ardere, modo concepto penitus igne inflammari. Et tamen errores sunt oculorum non mutationes syderum: adeo inconstantia morbo laboramus, vt hanc etiam labem æternis rebus humana cogitatio inspiret, & quæ sua sorte & prærogatiua verti ac immutari nesciunt, ea nostro vitio fatiscac senectuti summittuntur.

Consimili prope ingenio sunt, qui ecclesiam, qua nil firmitus ac constantius fingi potest, & parem fere est cum auctore suo sortita æternitatem, rerum humanarum vicibus agi ac volutari existimant, & Imperia ac Respublicas suam in sacra ac mysteria leuitatem transfundere.

Ideoque propagines Episcopatum, prærogati-

Kk ij

264 *De bonis et possessionibus Ecclesiarum;*
uas sedium, ordinem & honorem Cathedrarum,
non in alium fontem quam in urbium maiestatem
& amplitudinem referunt, quasi verò Deus non
alia quam hominum luce splendeat, & quam Pon-
tificum suorum infulis maiestatem Christus impres-
sit, eam à sæculi quam fastidiuit opulentia & vanis-
simo ambitu coactus sit mendicare.

Ne vero dissimulare quidquam hac in parte vi-
deamur, exponamus quæ sit Politicorum & aliorum,
qui his aduersantur opinio, circa incrementa, pro-
gressus, dignitates ac conexiones sedium & Cathe-
drarum maxime circa Metropoles, Primatias & E-
piscopatus, nam ceteros gradus libens prætermitto:
ut ex rationum utriusque partis inspectione decer-
nat lector, quid sibi hac in contentione credendum.

Qui ergo Ecclesiam imperiorum fati seruire di-
cunt, illi sedium omnium & Cathedrarum digni-
tatem è ciuitatum luce, & magistratuum in illis re-
sidentium honore metiuntur. nam Patriarchatus
ideo Antiochiæ constitutus quod illic sedem ha-
beret præfectus Prætorio Orientis. Ideo Carthago
in Africæ metropolim euecta quod sedes esset præ-
fecti Prætorio Africæ. Ideo Alexandria Patriarcha
collocatus, quod ibi præfectus Ægypti seu Augu-
stalis moraretur. Olim inquit Firmium caput erat
Ecclesiarum Illyrici, at postquam præfectus Præto-
rio Illyrici inde sedem mouit & Thessalonicam
profectus est, in eam quoque ciuitatem maiestas Ec-
clesiæ pristina sede abdicata commeauit. Ita Iusti-
nianus Nouella 11. collat. 2. tit. 6. *Postea autem At-*

tilanis temporibus eiusdem locis deuastatis Appannius præfectus Prætorio de Firmiana ciuitate in Theſſaloniam profugus venerat, tum ipſam præfecturam & Sacerdotalis honor ſecutus eſt: Et Theſſalonienſis Epiſcopus, non ſua auctoritate, ſed ſub umbra præfecturæ meruit aliquam prærogatiuam.

Addunt præterea Arelatenſem urbem, quam ideo ſortitam volunt Primatum Galliarum, quod in ea reſideret præfectus Prætorio Galliarū. His accedit exemplum honoræ ſedis Conſtantinopolitaneæ; quæ non alio titulo eam, in quator ſæculis floruit maieltatem adepta eſt, quam quod Imperatoris throno fulgeret, & ex ea nurus ac oracula Principū in cæteras Orientis partes funderentur. Atramē notandum Arelatenſi Epiſcopo Narbonenſē & Vienneſē Prouincias ablatas fuiſſe, & ſuos Metropolitæ, ſuccedentibus ſæculis habuiſſe, vt Eccleſiarū regimen, ad natiuam ciuiliſ adminiſtrationis legem formaretur, & deſineret Arelas eſſe caput Eccleſiarum poſtquam deſiit eſſe caput ciuitatum.

Et certe omnino ex arbitrio & voluntate Principum ſæcularium pendere ſedium gradus ac dignitates iā olim videtur Decretum: Nam cū Baſilæi Madytorumque ciuitates ſuis eſſent Epiſcopis orbatæ, velletque Metropoliſ Heracleenſis Madytorum Epiſcopum conſecrare, quia Madytorum ciuitas erat intra Metropolim Heracleenſem, & vnus ex eius Epiſcopatibus, ſimiliterque Metropoliſ Ancyranus conſecrationem ſibi vendicaret Baſileenſis: niterentur amplius Canone duodeciſimo Con-

266 *Dehori & possessionibus Ecclesiarum;*
 ciliij Calcedonenfis, Decretum est ab Imperatore
 Alexio Comeno. *Præfente Synodo communique suffra-*
gio decernente, ut Imperatori permissum sit præfiden-
tia thronum Ecclesiis largiri & tam Episcopatus, quam
Archiepiscopatus in Metropoles erigere, quæque perti-
nent ad electiones in his faciundas ceteraque recte con-
stituenda pro libitu suo disponere citra ullum Canonis
illius impedimentum. Ita refert Balsamon apud Leun-
 clauium tomo primo Iuris Orientalis libro secundo
 Nouellarum Imperatoriarum.

Balsamon
 apud Leun-
 clauium
 tom. 1. Iuris
 Orientalis
 lib. 1. p. 137.

Quis vero nescit postremis illis temporibus soli-
 tos Græciæ episcopos adire Imperatorem & apud
 cum Metropoleon iura & prærogatiuas exambire,
 ut hoc pacto soli Constantinopolitano Episcopo
 subessent, & ab eodem consecrarentur. Vnde in
 pluribus nomen nudum & inane Metropolitaram
 hærebat, cum nullas haberent Dioceses sibi man-
 cipatas.

Quam ambitionem repressit idem Comenus,
 adiecitque, ne in posterum cuiquam liceret Metro-
 politam se profiteri nisi quem Imperator citra pre-
 ces & proprio motu talem nominasset.

Eam opinionem, quæ politicæ dispositioni Ec-
 clesiam obnoxiam facit, fauet prouinciarum & Dioc-
 eseon partitio. Nam in Gallia septemdecim Pro-
 uinciæ tot conficiebant Metropoles. Verum reuul-
 sis ex vasto illo & illustri Gallorum Imperio non-
 nullis Germaniæ partibus; imminutus quoque fuit
 Metropoleon numerus, & tandem aliquarum po-
 stea accessione auctus ac locupletatus. Eam disposi-
 tionem

tionem Ecclesiarum iuxta urbium dignitatem & politicam Prouinciarum distributionem probat exacte Canon decimus sextus Calcedonenſis Synodi cuius verba ſunt. *Si qualibet ciuitas per auctoritatem Imperialem renouata eſt aut ſi renouetur impoſitum ciuilibus & publicis ordinationibus etiam Eccleſiarum ſequatur ordinatio.* Adde Canonem 2. Taurinenſis Synodi de controuerſia inter Arelat. & Viennenſem, vbi decernitur quod epiſcopatus Prouincias ſequentur.

Ex his omnino concluditur Diœceſon propagationem & ordinem ac ſeriem, ex Politici ſtatus inſtitutione eſſe repetendam. Quam ſententiam confirmant ea quæ Anacletus, ſeu quis alius recentior eius nomine perſonatus, de ſedium differentiâ conſcripſit: nepe ſedes pro Iudiciorum & tribunalium maiestate ac ſplendore diſtributas. Vbi enim ſupremi Iudices erant ad quos ab inferioribus ſententiis erat prouocatio, illic Primates cenſet conſtitutos: in iis vero urbibus, vbi erant minores iudices ibi ſediſſe Metropolitans, tandem, vbi Comites reſiderent illic Epiſcopos fuiſſe ordinatos.

Anacletus
epiſc. de Pri-
matibus Pa-
triarchis,

Inuenio & alia ratione cauſſaque ordinem & ſeriem Epiſcopatuum adornatam: Quippe Harpſfeldius ex Chronicis Thomæ Ruidburni refert quod Dunuallo Molincus 16. Britonum Rex recepta Religione Chriſtiana, vniuerſos ſuperſtitio- num antiſtites ſuis ſedibus eiecit, & in eorum locum Epiſcopos atque Archiepiſcopos ſuffecit: quibus omnes iſtorum aſſignauit facultates, cum hoc ta-

Chronicon
Thomæ
Ruidburni,

men discrimine, vt vbi fuerant Archiflamines illic Archiepiscopos esse iuberet: at vero Episcopos eas sedes occupare, vbi antea Flamines constitissent: atque ita factum ab initio refert Harpsfeldius ex eodem Ruidburno, vt tres Archiepiscopi in Anglia starentur Londinensis, Eboracensis, Legionensis, eo quod nempe eas vrbes sub Gentilium infami Polytheia totidem Archiflamines rexissent.

Quas opiniones etsi fortasse præter animum lædendæ, Ecclesiæ editas aliqui putant, non esse difficile, & arduum expugnare. Si enim Principum sedes atque Imperiorum vrbes præcipuæ, in Ecclesiastici ordinis capita euectæ sunt, vt quid lex ea in Galliis tanto tempore violata? Nam si rerum & temporum seriem explicemus, vrbes omnes quæ Regum ac Principum domicilio floruerunt, maioribus semper atque altioribus infulis parueret. Sub prima Regum nostrorum propagine quis nescit Parisios, Sueffionas, Aureliam, siue Genabum, sedes fuisse Imperii potissimas, ac Clodouci filios & nepotes diuiso patrimonio in istis ciuitatibus sedem elegisse. At Aurelia, Sueffionum ciuitas, vrbs Parisiorum non sunt Metropoles. In Hispania estne Madritum, aut Seuilla, sedes insignis & Metropolitana? In Anglia nunquid Cantuariensis Episcopus cæteris eminet & tamen nunquam illic Rex Angliarum thronum collocauit. Sub secunda Carlomanorum stirpe aliquis granum, ciuitas Metæsis fuere Regum nostrorum hospitio ac domicilio celebres. Idem de Theodonis Villa dici potest, & tamen ad funimam Ec-

clesiarum dignitatem nunquam vrbes illæ sese eue-
xerunt.

Parem huic nostro argumēto rationem opponit
Gelafius I. ambitioni græcorū de Constantinopo-
litana sedis Maiestate superbientiū. *Risimus*, inquit,
quod prærogatiuā nolunt Acacio comparari, quia Episco-
pus fuerit Regiæ ciuitatis. Nunquid apud Rauennā Me-
diolanum Syrmium, apud Treuiros multis temporibus nō
constitit Imperator? Nunquid harum urbium Sacerdotes
ultra mensuram sibi met antiquitus deputatam quidpiam
 suis dignitatibus usurparant?

Gelafius
primus ad
Episcopos
Dardaniæ,

Quod si non è maiorum nostrorum volunta-
te, sed ex antiquiore Romanorum politia peten-
dam istam distributionem aliquis respondeat, huic
ego vnum oppono. Præfectus Prætorio Galliarum
non modo Galliarum septemdecim Prouincias re-
gebat, sed etiam Angliam vniuersam, & Hispa-
niam. Si ergo Episcopus Arelatensis sacram suam,
& Ecclesiasticam authoritatem cognitione & po-
testate præfecti Prætorio metiebatur, sequitur E-
piscopum illum non modo sub sua Primatia gallias
conclusisse, verum etiam Angliam, Hispaniā, alias-
que regiones, quod est inauditum.

Amplius vero expendamus, an Diœcesan parti-
tio Prouinciarum dispositioni omnino respon-
deat. Atque vt cæteras omittamus prouincias, gallia
ipsa, cuius Diœceses summam cum politica & ciuili
Regionum distributione affinitatem habuit: satis
tamen ostendit Ecclesiam non semper suas digni-
tates ac prærogatiuas ab urbium amplitudine ac
maiestate desumpsisse.

Ll ij

Ac si vetustior aliceret rimari, nonne olim, etiam ante Augusti tempora, Ædui, Lingones, Carnutes populorum erant Antesignani & ciuitates istę totis Regionibus nomen suum impresserant. Atqui nec ciuitas Aeduorum, nec Lingonum, nec Carnurum Metropoles fuerunt. Contra vero Lugdunensium populorum rara mentio hisce temporibus, & tamen Metropoleas nomen & pręrogatiuam subinde ciuitas Lugdunum est assecuta.

Sed his prętermisissis ad recentiorem Imperii notitią veniamus. Fatendum certe plurimam esse Ecclesiasticę dignitatis & Politicę cõsensionę in vrbibus ac ciuitatibus galliarũ: attamen non omnia eadem. nam Tũgtrorum ciuitas subest Agrippinensi in notitią galliarum, & tamen certum est Episcopatum prius Tũgris hęsisse, quàm Agrippinę aut Treueris. Et certe Beatus Maternus eiusque successores non Agrippinę, aut Treueris sed Tũgris pręcipuą sedem posuerant. Magunciacum quandonam sedes facta est Archiepiscoporum? nisi tempore bonifacii. Imo ipse bonifacius diu solum nudumque tulit nomen episcopi, nec prius Metropolita seu Archiepiscopus effectus est, quam potestatem accepisset à Gregoriõ tertio nouos episcopatus fundandi, atque erigendi, vt constat ex epistola prima eiusdem toin. 1. Concil. Gallię. Et tamen Magunciacum in Notitią Gallię prima inter Germanię ciuitates numeratur. Arelaten, quam Galliarum omnium Metropolim ab initio extitisse sciunt omnes, nonne Prouincię Viennensis ciuitas fuit & tatum abest, vt Metro-

Greg. 1. to. 1.
Concil.
Gallię.

lis fuerit, quin potius in notitia Prouinciæ Viennensis penultima recensetur. Et tamen Arelatensem Episcopum alios ordinasse per Prouinciā Viennensem & Narbonensem, constat ex epistola quarta Zosimi Papæ ad Hilarium Episcopum Narbonensem.

Idem argumentum ex antiquâ Massiliæ Primatiâ potest deduci. Nam cum sanctus Proculus vindicaret sibi Primatum in Ecclesias omnes & episcopatus Prouinciæ secundæ Narbonensis, eo quod nempe omnes istas Ecclesias instituisset, primusque in iis Regionibus per discipulos fidem propagasset, obstitere eius conatibus Prouinciæ secundæ Narbonensis Episcopi dicentes, non debere se ab alterius Prouinciæ Episcopo (nam Massilia est ciuitas, Viennensis) ordinari. Concilium Taurinense litrem secundum Proculum diremit, eique Primatiam super Episcopos secundæ Narbonensis assignauit. *Id iudicatum est à sancta Synodo contemplatione pacis atque concordie, ut non tam ciuitati eius quæ in altera Prouincia sita est, cuius magnitudinem penitus nesciremus quam ipsi potissimum deferretur, ut tanquam pater filij, honore Primatus assisteret.* Duo tamen addo: Vnum Primatum hunc cito defuisse, nec ultra viginti annos durasse. Nam Zosimus Papa Narbonensem secundam Arelatensi restituit. Alterum est quod vbi confusæ erant & obscuræ Ecclesiarum origines, hoc est cum nesciretur quænam ecclesia ab alia originem traxisset, ecclesia ordinem ciuilis distributionis sequuta est. Imo vero cum nimis

272 *De bonis & possessionibus Ecclesiarum,*
plures vni Episcopo Diœceses subderentur, neque
posset his obeundis ac lustrandis sufficere Ecclesia,
ad ciuilem & politicam amissim Metropolitaram
fines ac terminos præfigebat, & ea fortasse caussa
Narbonensis Prouinciæ Diœceses Arelatenſi fue-
runt subtractæ, à Bonifacio allegante hanc in rem
Canonem sextum Nicenæ Synodi, quo decernitur
vt episcopatus seriem atque ordinem Prouincia-
rum sequantur.

Faciunt itaque contra aduersarios non leues con-
iecturæ. Absurdum est ad mobilitatem necessita-
tum mundanarum Dei ecclesiam commutari, ho-
noresque & diuisiones perpeti, quas pro suis caussis
faciendas duxerit Imperator, vt recte monuit In-
nocentius primus epist. 18. ad Alexandrum Antio-
chenum.

et certe ne quidem nouæ Diœceses erigendę
facultatem Regibus atque Imperatoribus Ecclesia
siue fonticis rationibus condonauit superiori capite
remorum vidimus ab Episcopatu cum, quę Vuam-
ba Rex Hispaniarum in ecclesia Prætorienſi collo-
carat. In Gallia nostra, cum Rex Childebertus Mele-
duni seu Mecledone, quæ Parochia est Senonenſis
Diœcesis Episcoporum instituere vellet, obstitit no-
uitati eiuscemodi Leo episcopus Senonenſis, ve-
tuitque, indicto ordinantibus & ordinatis Anathe-
mate, ne in vrbe ista sui iuris & imperii nouus Præ-
sul crearetur. eadem ratione cum Theodoricus &
Theodebertus in partibus Franciæ, quæ Episcopo
Taurinenſi Parochiarum nomine & titulo subie-

Apud Syt-
mondum
tom. 1. Con-
cil. Galliar.

ætæ erant novos episcopos instituisſent; eos remoueri mandauit Gregorius Papa, vt constat ex eiusdem epist. 120. lib. 7. Si ergo Regibus olim non licebat nouas sedes pro arbitrio fingere, neq; etiam licitum fuit dignitates, earundem ordinem, ac iura pro rerum suarum commodo immutare.

Greg. epist.
120. lib. 7.

Fatendum tamen non ita aduersam fuisse Regum consiliis ac meditationibus Ecclesiam, quin eorundem studiis ac desideriis inclinata, Diœceseon formam & structuram permutarit. Ita nouissimo hoc sæculo datum est LVDOVICI inuictissimi Regis felicitati ac magnitudini, vt ciuitas Parisiësis in Metropolim tolleretur. Existimauit etenim Romanus Põtifex non decere summum virtutibus ac victoriis Principẽ nisi summis quoque Præsulibus summitti.

Vnde vero factum sit, vt maximæ & luculentissimæ sedes in amplissimis quoque ciuitatibus fuerint collocatæ, non est operosum imaginari. Si quidem primi fundatores Ecclesiarum ac Christi præcones, quærebant vrbium frequentiam & populi cœtum: nam facile est è numerosa turba aliquem nancisci cui persuadeas. Deinde commodiùs latebant in magnis ciuitatibus quam in vicis. Tandem propositum erat Apostolis Reges adoriri, atque Imperatores, atque ab istorum victoria tam illustres ac florentestriumphos auspicari. Vnde monebat Christus, *Cum steteritis ante Reges & Principes nolite cogitare quid loquamini.* De Primatu vero Arclatenſi singularem inuenio rationem. Nam Arclatenſium ciuitas præcipuo erat & priuato fœdere cū

274 *De bonis & possessionibus Ecclesiarum;*
Romanis connexa: Antiqui eam Romam Gallulā
vocabant, ibi Latini idiomatis vsus & exercitatio:
Itaque qui Roma missi sunt, eam primum urbem
appulerunt; quod linguæ, gentis ac Imperii com-
mercio & necessitudine faciliorem ad flectendos
populorum animos rationem inuenirent.

Certum est itaque episcopatus & Diœceses fuisse
descriptas habita ratione disciplinæ ac institutio-
nis. Ut enim Roma, è qua totus orbis rerum creden-
darum legem depromit, caput est, & mater Eccle-
siarum: ita reliquæ Diœceses Metropolitæ nomen
& dignitatem sibi pepererunt, alias edocendo, & ad
Chrilti cultum perducendo.

Apud Syr-
mondum
rom. 1. Cœc.
pag. 89. sub
ann. 450.

Eo respexisse videntur episcopi Prouincię in li-
bello, quem Leoni Papæ obtulerunt de renouando
Ecclesiæ Arelatensis priuilegio. Si quidem ad resti-
tuendos ei honores antiqui Primatus, Leonem hor-
tantur non ab urbis magnitudine aut claritate
ducto argumento, sed ex eo quod ipsa inter omnes
Gallię ciuitates, luce Euangelij prima fulserit, quam
deinde cæteris ciuitatibus sit impertita. *Omnibus,*
inquiunt, Gallicanis Regionibus notum est, sed nec Sa-
cro sanctæ Romanæ Ecclesiæ habetur incognitum, quod
prima intra Gallias Arelatensis ciuitas missum à bea-
tissimo Petro Apostolo sanctum Trophimum habere
meruit Sacerdotem & exinde alijs paulatim regionibus
Galliarum bonum fidei, & Religionis infusum, priusque
alia loca ab hoc viro fidei quem ad nos Apostolica institu-
tionis fluentia miserunt, meruisse manifestum est Sacerdo-
tes, quam Viennensem ciuitatem, quæ nunc impudenter

ac

ac notabiliter Primatus exposcit indebitos. Vnde apparet eiusce temporis Episcopos ignorasse sedium prærogatiuas esse ab urbium dignitate & maiestate repetendas. Namque non erant nescij Viennam Metropolim esse Viennensium, Arelatem verò huic esse politica lege subiectam, proindeque fieri non posse, vt Primatus dignitas Viennæ negaretur, si modo constans erat Episcoporum gradus & prærogatiuas locorum mutatione conuerti.

His addendum, Episcopatum in Anglia dignitatem non ab alio fonte, quàm ab ordine Euangelij recepti promanasse. Etenim postquam Euangelici verbi facibus iterum illustrata est Anglia, Cantuaria Primatum consequuta est, quod illic Augustinus ad fidem prædicandam missus à Gregorio sedem habuisset, & hanc sequitur Episcopatus Rocestrensis, licet urbis nomine, censuque tenuis, quandoquidem eodem fere tempore Rocestrenses cum Cantuariensibus ad fidem venerunt, vt est apud Harpsfeldium pag. 67.

In hac ergo contentione dubiis hinc inde rationibus atque argumentis, concludi, vt arbitror legitime posset, in summas, atque amplissimas ciuitates Ecclesiam summos quoque atque eximios honores contulisse, non quod ciuilis dignitas sola, suam in Episcopos lucem transfundat, & non alio quam urbium suarum nomine Patriarchæ aut Metropolitanis gloriantur: sed quod fere vbique contigerit, vt in egregiis urbibus ac Metropolitanis seu Apostolicis seu Apostolici viri constiterint, ac inde salutes E-

276 *De bonis & possessionibus Ecclesiarum,*
uangelii riuos reliquæ ciuitates hauserint. Ita noui-
mus Alexandrinum & Antiochenum Patriarchas
honorem suum è Petri, qui illic sedit, merito deriuas-
se. Sic apud Tertullianum Apostolicæ Ecclesiæ le-
guntur fuisse in iis præsertim urbibus quæ capita
Prouinciarum essent. Age, inquit, qui uoles curiosita-
tem melius exercere in negotio salutis suæ, percurrere Ec-
clesias Apostolicas, apud quas ipse adhuc Cathedra, A-
postolorum suis locis præsidentur, apud quas autentica
littera eorum recitantur, sonantes vocem, represen-
tantes faciem. Proxima est tibi Achaia? habes Corin-
thum. Si non longe es à Macedonia? habes Philippos.
Si potes in Asiam tendere? habes Ephesum: si autem Ita-
liæ adieceris, habes Romanam, unde nobis quoque au-
thoritas præsto est statuta.

Tertullian.
de præscrip-
tionibus.

*De dote & fundatione Episcopatum. Episcopis amplæ
facultates prouise. Familia Episcoporum Gallie pri-
mis temporibus non inculta. Episcopatum cum aliis
Ecclesiis uniones propter reddituum tenuitatem.*

C A P V T XIV.

SVb prima Christianæ Religionis initia dos &
erectio episcopatum, non ex opibus ac censu
pendebat nec nutu aut flagitatione Principū insti-
tuebantur. In magnis atque amplis ciuitatibus ubi
messes plurimam sperabant Apostoli illic thro-
num non auro, argentoque fulgentem sed sangui-

ne ad vulneribus clarum collocabant. Pro dote erat populorum pietas, pro censu Religio, pro stipendio charitas: Neque tamen inficiari quisquam audeat summam rerum omnium, etiam quæ opes ac fortunas spectant, penes Episcopum resedisse; nec oblationes aut vota fidelium alia quam Episcopi manu ac voluntate licuisse regi. Id fuisse à nobis & tractando de Parochiis, & de primæva Ecclesiæ politia expositum, non potest, sine nausea recoqui. Concludendum ergo dotem antiquorum Episcopatum fuisse prædia & res pene omnes immobiles tertiam Decimarum & Oblationum apud Hispanos, apud Gallos & Italos quartam. Deinde iura quædam & obuentiones, Cathedriticum, Circatas Synodaticum Eulogias, & alia quæ Deo dante exponemus, libro secundo, partis secundæ.

Quod ergo hic occurrit difficultatis, in nouorum Episcopatu erectione & dote est. Ac illud imprimis animaduertendum antiquos patres perpetuo notoriæ splendori Episcoporum consuluisse, prouideque prospexisse, ne ea dignitas nimio squallore ac paupertate mortalibus, qui vniuersa cultu ornatuque metiuntur, sordesceret. Licet enim obiciant nobis, olim Episcopos sine familia fuisse, quod probare contendunt ex eo quod etiam Constantini temporibus duobus Episcopis & Chresto Siracusæ Metropolitæ tres tantum famuli assignentur, qui Arelatem proficentibus in via ministrent: atque ex eo conijciant tenuem fuisse eo tempore & modestum Episcopis famulatum. Attamen etiam inter

Epist. Constant. Augusti ad Christum Episcopum Syracusanum tom. 1. Conc. Gall. p. 3.

Mm ij

278 *De bonis & possessionibus Ecclesiarum,*
 initia nascentis Ecclesiæ apud Gallos non ita fuisse
 tenues & angustos redditus Episcoporum quin fa-
 miliam haberent in certas classes atque ordines di-
 stinctam, produnt Historici. Brixius qui proxime
 Beato Martino successit in Episcopatu Turonensi
 dicitur habuisse seruos Cubicularios apud Grego-
 rium Turonensem lib. 12. cap. 1. *Mulier, inquit, ad*
quam eius cubicularij vestimenta deferrebant ablucenda,
quæ sub specie Religionis erat veste mutata, concepit &
peperit, &c. Ex testamento Remigij liquet ipsum
 non mediocrem, nec incultam habuisse familiam,
 vasa apud ipsum fuisse aurea atque argentea, item
 vim pecuniæ non exiguam, quippe qui Sparnacum
 villam dicat se emisse ab Eulogio quinque millibus
 librarum argenti.

Greg. Tu-
 ronens. lib.
 2. cap. 1.

Comitatum vero Episcopis semper illustré fuisse
 etiam ex decreto mandatoq; Principû, liquet ex eo-
 dé Gregorio, vbi Comitatus describit Cautino Ar-
 chidiacono assignatum, cum ad occupandû episco-
 patum Aruernæ ciuitatis profecturus esset. *Tunc ex*
inssu Regis, nempe Theodoualdi, traditis & clericis &
omnibus, quæ hi de rebus Ecclesiæ exhibuerant ordinatis-
que qui cum eo pergere deberent Episcopis Camerarijs
Arverno eum direxerunt. Vbi vides Comites datos
 Cautino Clericos, Episcopos Camerarios. Gre-
 gorius magnus lib. tertii, epistola quadragesima
 quarta agnoscit in Episcopis sui temporis familiam
 satis numerosam, in qua nil reprehensione dignum
 animaduertit, nisi quod suadet, vt abiecto famula-
 tu laico, Clericis seruis & ministris vtantur: Paulus

inter virtutes episcopales hospitalitatem recenset. At hospitibus esse non possunt benefici & liberales, qui vix habent sibi vnde famem arceant. Itaque Gregorius in responsione ad primam interrogationem Augustini Anglorum Episcopi, largiorem Episcopis portionem in opibus Ecclesiæ decerni constituit, ut & suæ familiæ & hospitibus suppetant necessaria. *Mose est, inquit, Apostolica sedis ordinatis Presbyteris præceptum tradere, ut de omni stipendio quod accidit, quatuor fiant portiones, una videlicet Episcopo & familie eius propter hospitalitatem & susceptionem, alia Clero, tertia verò pauperibus, quarta Ecclesiis reparandis.*

Cum ergo cura fuerit Ecclesiæ, ne paupertate & inopia summa dignitas angeretur, hinc est factum ut lapsis Episcopatuum facultatibus, & ciuitate in qua sedebant Episcopi in extremam calamitatem adducta, insignia quoque Præfulatus ab ea recesserint, & vel è duabus Ecclesiis, una sedes facta sit, vel ab vrbe diruta, locus episcopii in florentem & insignem ciuitatem translatus. Cuius rei extant apud Gregorium exempla quam plurima. Quippe cum Ecclesia Formiensis paupertate laboraret, ipsi Ecclesiam Menturiensem clero plebeque, fato temporum destitutam adiungit, & omnia ipsius iura ac redditus assignat lib. 2. epist. 8. Ita Regitano episcopatu Carinensem Ecclesiam coniungit lib. 3. epistola nona. *Postquam, inquit, Ecclesia Carinensis defuncto eius antistite alium ordinari nec loci desertio, nec sint imminutio personarum, maiori cura con-*

Greg. Magn.
lib. 1. epist. 8.

Greg. lib. 3.
epist. 9.

280 De bonis & possessionibus Ecclesiarum,
 strigimur, &c. De translationibus vero episco-
 patuum propter bellicam cladem, insignis est locus
 Lib. 2. epi. 11. apud eundem epistola vndecima libri secundi, vbi
 Velitrensem episcopatum transfert in locum qui
 dicitur Harenata. Temporis, inquit, qualitas admonet
 Episcoporum sedes antiquitas certis ciuitatibus constitu-
 tas ad alia quæ securiora putamus eiusdem Diœceseos
 loca transponere, quo & habitatores nunc degere & bar-
 baricum possit periculum facilius declinari, propterea te
 Joannem fratrem coepiscopumque nostrum Velitrensis
 ciuitatis sedemque tuam in locum, qui dicitur Harena-
 ta, ad sanctum Andream Apostolum precipimus exinde
 transmigrari.

Quamobrem cum opum ac fortunarum dissipatio plurimum semper de luce & splendore episcoporum detraxerit, quid mirum si ne pietatis quidem specie res episcopij minui deterique patres siuerint. Vnde in Synodo Constantinopolitana coercentur episcopi, qui Monasteria extruentes redditus sedium suarum consumunt. Multos Episcopatus ruere, & perpetuo exitio tradi videmus, quod qui eis præsumunt omnem de iis curam & sollicitudinem in recentes Monasteriorum extruções conferunt, & eos diuidentes ac distrabentes, & ut ad se pertineant redditus molientes, ut ipsa augeantur laborant: Hoc ergo statuit sancta Synodus nulli licere Episcopo priuatum Monasterium ad proprii Episcopatus perniciem recens excogitare.

Cum ergo caute prospectum sit à Patribus, ne antiqui Episcopatus fortunis suis & auito fundo

Synodus
 Constanti-
 nopoli. can.
 7.

pellierentur, multò prudentius constitutum, ne Episcopatus noui sine dote congrua crescerent. Quia in re dicendum primo Episcopatus non temere nec sine causa scissos ac diuifos: Multitudo populi, amplitudo Diœcesis, aut noua gentium quarundam ad fidem accessio, expulsioue barbarorum occasionem dedere nouis sedibus erigendis.

Propter amplitudinem ac spatia immensa Diœcesen scissos Episcopatus liquet ex Synodo Carthaginensi sub Honorio Canone 60. Vbi decernitur cum Episcopum, qui ab alio traditam sibi Diœcesen a partem regendam acceperit, eas tantum obtinere Parœcias, quæ ex alterius consensu sibi obtigerint. expulsioue vero barbarorum nouos Episcopatus institutos docent Hispaniarum historia. Compostella in Episcopatum euecta est, depulsis Gothis & Barbaris: eius Episcopus diu retinuit nomen Iriensis, cui successerat. Tandem ex concessione Urbani II. nomen Iriense prorsus obliteratum, & Compostella exempta à Metropolitâ Braccarenfis ditione, in Metropolim euecta: Gadibus nouus factus est Episcopus. Granatum facta est quoque ciuitas Metropolitana, extincto fortasse Episcopatu Eliberitano iussu. Mondonedo sublato Ribadeorum Episcopatu Cathedram excepit, Zamora quoque in hunc honorem elata, Lerium in Portu. Gallia non procul à Conimbrica à Paulo III. S. Pontifice infulis donata est. Quantum vero de dote constituenda solliciti fuerint Reges Hispaniarum, liquet ex indice & catalogo Episcoporum, quem te-

Synod. Carthaginens. sub Honorio can. 60

Ioannes Vascius.

Damianus
à Goetz.

xuit Damianus à Goetz, ex quo apparet omnes illos Episcopos, etiam recentioris instituti, optimis esse facultatibus instructos. Archiepiscopo Granatensi assignantur decem millia aureorum ducatorum pro annuo reditu, Episcopo Zamorense duodecim millia, Episcopo Leriensi quinque millia.

Nec minor aliarum nationum, earum etiam quę vicinia ferarum gentium laborabant, in Episcopatus fundandis, dotandis liberalitas fuit ac deuotio. Postquam enim ad Vagiros & Obortitos Euangelij verbum peruenit, Aldenburg ciuitas sub Othone magno facta est sedes Episcopi, cui defuturum aliquid arbitratus est optimus Princeps, nisi ad dignitatis tantę Religionem, opes quoque immensas adijceret, quibus se aduersus barbariem tueretur, & Infidelium atrocitatem largitione munerum demulceret. Ita Hemoldus Presbyter libro primo Chronici Sclauorum. *Fuerunt, inquit, Aldenburgenses Pontifices admodum honorabiles erga Regulos Sclauorum, & quod munificentia Magni Principis Ottonis cumulatı essent rerum temporalium affluentia, unde possent copiose largiri & fauorem sibi populi consciscere.*

Hemoldus
Presbyter
Chronici
Sclauorum
cap. 12.

Sub inde porro cum Aldenburgensis ecclesia diuisa fuisset, atque intra eius terminos duę de nouo Dioceses efformatę, nempe Mekilnburgensis & Racesburgensis: His quoque dos amplissima prouisa est, vt ex eodem Chronico liquet. Nam capite 78. de dote Racesburgensis ecclesię hæc habet Hemoldus. *Ordinatus est in Racesburg Episcopus Dominus Euermordus prapostus de Magdeburg, deditque ei*

Hemoldus
lib. 1. cap. 78.

Comes

Comes Polabrorum Henricus insulam ad habitandum, prope Castrum. Præterea trecentos Manfos resignauit duci dandos in dotem Episcopij. Cuius munificentiae exemplo pellectus Comes Oborritorum seu Slauorum Odolphus trecentos similiter manfos dedit Episcopo Aldenburghensi, præter antiquum patrimonium: vnde apparet non mediocres fuisse Episcoporum opes, nam quisque mansus continet duodecim iugera seu buannaria. Vnde dos in terris & prædiis fuit trium millium & sexcentorum iugerum terræ, præter alias obuentiones.

Tandem cum sedes Aldenburghensis Lubecam translata fuisset, tum primum quoque de dote & patrimonio Ecclesiæ cogitatum, ne Clerici illic consistentes ac Episcopi assessores sine fundo essent, vt est apud eundem Helmoldum lib. i. cap. 90. In Gallia quoque propter amplitudinem & spatia Diocæseon noui aliquando Episcopatus erecti, siquidem Nomenoius Turonensis Antistes, Britanniam Aremoricam nouis Episcopatibus illustrauit, thronis ac sedibus in Monasterio Briocensi, Dolensi, & Trecorensi, (quod sancti Rabatuali Monasterium dicebatur) constitutis ac fundatis: Vnde cum ius Metropolitæ & Archiepiscopi dignitatem Dolensi cecidisset, conati sunt postea Aremoriorum Prælati subducere sese cognitioni & auctoritati Turonensis Metropolitæ, quasi reuulsi ab eius ditione. Quamobrem in Synodo Tullensi re ista in examen adducta, scribendam censuerunt Patres, Epistolam ad Episcopos Britonum eo nomine. *V*

Synod. Tul-
lensis apud
Syrmondū
in capitulis
Caroli Cal-
ui.

Bulla Inno-
centii III.
quæ incipit
doleat Do-
lensis.

*ad Metropolim suam redeant, eique debito iure se
subdant, nec à Canonica & Episcopali communione se
segregent. Ut videre est apud Syrmondum in capi-
tulis Caroli Calui. Verum huic contentioni ac mo-
litioni finem non fecit Synodus Tullensis, nam du-
rabat ista Metropolitanarum conflictatio Innocentij
III. temporibus, qui totam hanc litem in fauo-
rem Turonensis Episcopi diremit, sacro diplomate,
cui initium est. Doleat Dolensis, gaudeat Turonensis Ec-
clesia: Alij censent Dolensi idcirco factam occa-
sionem viamque apertam ad vindicanda Metro-
poleas iura, quod in ea Ecclesia primum sedit
Beatus Samson Archiepiscopus Hibernia pulsus,
qui quamdiu vixit, ius pallij ad specimen & me-
moriam retinuit antiquæ dignitatis, quod ius pallij
etiam successores sumpserunt, vnde nata opinio
Metropoleas.*

In Diœcesi Pictonum, nouæ sedes in Lucionensi
& Maleacensi ciuitatibus erectæ, ex Monasteriis.
Bonifacius VIII. Apameam Narbonensis Prouin-
cia ciuitatem Cathedra ornauit. Ioannes 22. in
singendis Episcopatibus nouis plurimus fuit. Tho-
losanam Ecclesiam pallio illustratam, iussit præesse
sex Episcopatibus de nouo institutis Montisalbano
D. Papuli, Lombariensi, Riuenfi, Vaurenfi, Mira-
picensi. Idem Limosam quæ postea Monasterium
effecta est, & D. Pontium fecit episcopatus, ita Al-
bionum ciuitas in duos Episcopatus scissa est Ca-
strensi nimirum sede intra eius fines collocata. Sic
Agensensis, ex se hoc est ex sua amplitudine Codo-

menſem Cathedram peperit, Lemouica Tutelenſem, Ruthena Vaurenſem.

Nouiſſimo vero ſæculo nouæ Diœceſes in Belgio erectæ, poſtulante Philippo Hiſpaniarum Rege. Iſenim per Franciſcum Sonnum flagitauit à Pontifice Paulo I V. vt quia Epiſcoporum penuria laborabat Belgium, atque iſ terræ tractus tam vaſtus, ac cultus paucorum admodum Prælatorum ſollicitudine regeretur, liberet ſummo Pontifici nouos in Belgio Epiſcopatus condere, & eos qui iam fundatierant ab extraneorum Præſulū auctori- tate liberare. Pontifex poſtulationem Principis ſep- tem commiſit Cardinalibus examinandam, qui ty- pis & figuris Regionum ac Prouinciarum diligen- ter inſpectis, ad Sacrum Senatum, quid circa id ne- gotii gerendum ſibi videretur, retulerunt. Itaque ſummus Pontifex cum conſilio ſacri Purpurato- rum Senatus ita decreuit: nempe conformiter. Ex- trauaganti Ioannis 22. quæ incipit *Saluator noſter de Præbendis ac dignitatibus*, diuiſit ac diuulſit Ec- cleſias Cameracenſem, Traiectenſem, Attrebaten- ſem & Tornacenſem antiquas Belgii Cathedras, à Prouincijs Remenſi & Colonienſi Diuiſit etiā qua- tuordecim inſignia oppida videlicet Mechlinienſe, Antuerpienſe, Harlemenſe, Dauentrienſe, Leouar- dièſe, Groeningenſe, Middelburgèſe, Buſcoducèſe, Ruræmondenſe, Namurcenſe, Audomarenſe, Iprè- ſe, Gandauenſe & Brugenſe, à ſuis Diœceſibus vi- delicet Cameracenſi, Traiectenſi, Leodienſi, Mo- rinenſi & Tornacenſi, erexitque in ciuitates & Ca-

286 *De bonis & possessionibus Ecclesiarum,*
 rhedrales Ecclesias, tres vero fecit Archiepiscopatus
 Cameracensem, Vltraiectensem, & Mechlinien-
 sem nouam Diocesim. De dote vero & patrimo-
 nio eorum Episcopatum sic constituit Pontifex:
 nempe vt nuncius Apostolicus, visis ac lustratis Re-
 gionibus & Monasteriis ac Ecclesiis intra fines cu-
 iusque Dioceseas conditis, assignaret Archiepis-
 copo Mechliniensi quinque millia Ducatorum au-
 ri de Camera, vnicuique vero episcoporum tria
 millia pro annuis redditibus, sumendis ex certis de-
 cimis & obuentionibus ecclesiasticis. Interim vero
 dum ista agi & perfici possent, Rex Hispaniarum
 ministraret Archiepiscopo mechliniensi tria millia
 ducatorum auri de Camera, & vnicuique Episcopo
 mille & quingentos ducatos annui certique redi-
 tus, verba Bullæ subtexo. *Archiepiscopali Mechli-
 niensi quinque millium & cuilibet ex episcopalibus men-
 sis huiusmodi 3. millium ducatorum auri de Camera
 annuos redditus ex certis Decimis bonis & fructibus re-
 ditibus ac prouentibus Ecclesiasticis per dictum nuncium
 specificandis ac repartiendis ex nunc prout ex tunc, & è
 contra postquam specificati, ac repartiti fuerint. Ac in-
 terim donec specificatio & repartitio huiusmodi facta
 & effectum sortita sint, & non ultra Mechliniensi 3.
 millium ac cuilibet ex episcopalibus mensis predictis mil-
 le & quingentorum ducatorum similium annuos redi-
 tus, per ipsum Philippum Regē ex redditibus & prouen-
 tibus, quos ex dicta Regione percipit assignandos & Ar-
 chiepiscopo Mechliniensi ac singulis Episcopis pro tem-
 pore existentibus singulis annis, quousque specificatio &*

Bulla Pauli
 4. de cre-
 tioneno-
 uorum E-
 piscopatū
 in Belgio
 quæ incipit
 super vni-
 uersū anno
 1559. Pontif.
 anno 4.

repartitio prædictæ, ac pro ea tantum parte, quâ plenarium suum effectum minus sortita fuerint, & non ultra integre & proportionaliter persolvendos pro earum dote, pari consilio eadem autoritate etiam perpetuo applicamus & approbamus.

Ex quibus patet de dote Episcoporum semper Romanos Pontifices fuisse non mediocriter sollicitos; quippe qui non ignorabant ad sordidas artes ad fœdam Principum & Magnatum adulationem, Clericos non alio magis consilio quam eluctandæ ac amoliendæ paupertatis adduci.

Hinc exosi fuerint Antiquitati præfules illi atque Episcopi, qui, ad similitudinem eorum qui otiosi cinguli honore præcincti, vacantes olim dicebantur. Vacantiui sunt appellati; quippe qui sine certa sede & Cathedra oberrantes, eò se conferrent, quocumque vocaret quæstus & sordidissimi lucri cupiditas, de quibus insignis est locus apud Synesium epistola 67. ad Theotimum.

Synecpist.
67. ad theot.
imum

Περὶ τοῦ σὶ Ἰνὲς βακάν-
τιβοι πρὸς ἡμῶν ἀνέξῃ γὰρ μὲν μικροῦ ὑποβαρβαρίζαντες ἵνα
ἀλλὰ τὸ σιωπῶντες τῇ πολιτείᾳ φωνῆς τὸ ἐνὶ ὧν κακίαν ἐμ-
φαικάζοντες πᾶσι γινώσκουσι ὅτι καθέσθαι μὲν ἀποδιδυγμέ-
νῳ ἔχειν ἢ βούλονται· οἱ γὰρ τὸ οὔσαι ἀπολελείπασι, οὐ καὶ
συμφορῇ, ἀλλ' ἀποδαίρετοι μεταβάσαι ἡρώδῃ, καρποῦνται
τὸ πᾶς ἡμᾶς ἐκεῖ πειροσυνῶντες ὅπου κερδαλέωτερον.
Oberrant nonnulli apud nos Bacantibi; Sines enim me
barbara dictione uti, ut per nomen usitatus in Repu-
blica nonnullorum improbitatem significantius expri-
mam. Ij nolunt habere sedem ratam & constitutam &
reliquerunt Ecclesiam suam, non calamitate, sed ut vo-

288 De bonis & possessionibus Ecclesiarum,
luntarij erronei fruuntur honoribus illuc oberrantes, ubi
maior quaestus.

Concil. Ca-
bilo. 2. can.
43.

Erant apud Gallos eiusdem fere conditionis episcopi, qui se Scotos dicebant. Illi sine sede & cathedra palabundi cum certos ac constitutos redditus non haberent, omnem suam spem in praecipiti ac temeraria Presbyterorum atque Diaconorum ordinatione collocabant, aduersus quos Concilii Cabilonensis editus est Canon 43. *Sunt in quibusdam locis Scoti, qui se dicunt Episcopos esse & multos negligentes absque licentia dominorum suorum siue Magistrorum Presbyteros & Diaconos ordinant, quorum ordinationem, quia plerumque in simoniacam incidit haeresim & multis erroribus subiacet, modis omnibus irritam fieri debere, omnes uno consensu decernimus.*

En ergo Lector humanissime, quae ad ecclesiarum omnium Capellarum oratoriorum, Parochiarum, Monasteriorum, Episcopatuum originem ac fundationem pertinent.

COROLLARIUM HUIUS LIBRI.

Plures adhuc sunt Beneficiorum & sacrarum ædium tituli de quibus, nisi res eas in alium locum referendas censerem, hoc libro esset per tractandum. Ex monasteriis enim pullularunt prioratus quos à Monachorum cellis antiquioribus initium duxisse crediderim. Cum enim è Monasteriorum cœtu & frequentia in solitudinem ac tranquilliorē secessum exercitatiores & Philosophiæ magis dediti commearent, cellas plerumque in desertis & inaccessis locis conditas petebant, cum Abbatum nempe consensu, unde antiquis dicti sunt καλλιῶται. Sunt & lauræ ac para-lauria appendices & propaggines & furecul Monasteriorum de quibus frequens mentio apud Palladium & in Codice Iuris Orientalis.

Ista vero remotiora à ciuitatibus loca, nunc subseruiunt deriuandis Monachorum coloniis si quando nimia turba & frequentia maius Monasterium turgat, aut si quos oportet solitudine ac disciplina austeriorē corrigi. Pleræque vero cellæ nunc in simplicis tonsuræ Prioratus cesserunt quia olim in istis cellis nulli erant Presbyteri, aut Abbates quemadmodum in aliis Monasteriis.

Hic quoque de Xenodochiis leprosariis dici posset quarum institutio ex Concilio Aurelianensi quinto repetenda verum materia ista nimis ampla

290 *De bonis & possessionibus Ecclesiarum,*
est, ut possit hoc volumine contineri. Ista exponemus cum ad administrationem bonorum ecclesiasticorum noster se prouehet stylus: illic, quæcumque in gratiam pauperum excogitauit ecclesia narrabimus: è quibus patebit in bonis Ecclesiasticis summum perpetuo præsidium pauperes habuisse, proindeque illis indignari nihil aliud esse quam inuidere solatia miseris & calamitatibus æternitatem precari.

LIBER



LIBER TERTIVS.

DE BONIS ECCLESIARVM

*in specie, nempe de mansis, prædijs, seruis,
Colonis, libertis.*

POTSQVAM communem quandam bonorum Ecclesiæ picturam oculis subiecimus, nunc doctrinæ ratio postulat, ut singulas fructuum, ac obuentio-
num species aggrediamur quibus, Ecclesia eos alit quise pro Imperij salute, & Reipublicæ splen-
dore sacris altaribus deuouerunt. Neque miretur aliquis tot tubis ac canalibus in Ecclesiam opes confluxisse, nec quidquam antiquius, aut iucundius populos Regesue habuisse, quam ut æmulis largitionibus Sacerdotum stipendia augerent. & extra inopiæ metum, & calamitatum discrimen, seu Clericorum, seu Monachorum Sodalitiam collocarent. Indignum est humanis casibus ac miseriis premi, qui miseras quantum possunt, iugi obsecratione ab hominum ceruicibus arcent, & cœli sapissime nostris sceleribus indignantis, vindices flammæ, suffuso lachrymarum imbre restingunt! Certe quidquid Politici aculeatis inuiduæ mordacis scommatibus obstrepant, sordescat

O o

in paupertate Religio, reuerentiam in sordibus amittit. Situ isto & squallore, quē illi nostris rebus tā impatienter optant, non tam sui amorem mortalibus allatura esset quam fastidiū. Quis vnquam in harris & mapalibus subulcorum sacra patiatur celebrari? quem non afficiunt templorum ruinae, labes, & rudera. Quis non irascitur incultis altaribus & neglectis? Quod si hęc mortua & inanimata religionū adminicula, nefas est non lucere purius ac niterē elegantius, quā cetera quę prophanas domos instruunt: quis nisi inuidiæ dirā frenesi vexatus, velit ad extremam inopiam Sacerdotes adigere, & perpetuò cum calamitate luctari, quos supra templorum, atque altarium reuerentiā sanctiores ceremoniæ consecrarunt. Videmus, ergo quid populis & regibus Religio debeat, & suavi commemoratione beneficiorum, eorum votis, ac generosis largitionibus gratulemur. Bona itaque Ecclesiæ, de quibus in hoc libro acturi sumus, sunt mansi, seu prædia, alodia, feudi, serui, mancipia, coloni, tabularij.

CAPVT I.

De mansis Ecclesiarum. Variæ agrorum conditiones apud Romanos, Limitati, assignati, redditu, locati, vestigiales. Mansorum diuisio in apsos & vestitos. Mansus presbyteralis quos Bunnuarii constat.

AGRI omnes & prædia ab initio libera sunt, seruitutes & dominia hominum voluntas induxit: imposuit vincula terris & maribus hominum ambitio & exile istud punctum, quo res nostræ concluduntur in portiones ac sortes, societatis impatiens dominatio dissecuit. Inde bella, cædes, nequitia, prodiciones, & quidquid scelerum, Numen irritat: & nostram incusat amentiam qui animam, quâ nihil homini esse charius potest, terrâ viliozem fecimus, & dum agrorum fines ferro bellisque protende nitimur, terminos alioquin satis angustæ minuimus vitæ.

Cum ergo natura agros liberos fecerit; quas illis, gentium iura seruitutes imposuerint videamus. Nec enim aliter mansorum & prædiorum, quibus à Principibus Ecclesia donata est, poterit intelligi, quàm fragorum conditiones omnes breui imagine comprehensas oculis subiiciamus.

Seruitutes agrorum è victoriis populi Romani natae sunt, ita enim Siculus Flaccus lib. de Condi-

Variæ conditiones agrorum.

Flaccus lib.
de condit.
agrorum.
Titulus 21.
tit. 1.

tionibus agrorum. *Causam diuidendorum agrorum bella fecerunt. Captus enim ager ex hoste varie diuisus est. Diuisionis modum tradit Liuius lib. 3. sub fin.*

Agros, inquit, ita captos alios in victorem populum particiebantur, alios vendebant, alios militibus assignabant, alios locabant; aliis certum vectigal sine stipendium imponebant. Qui agri militibus dabatur in præmium rei bene gestæ & solatium senectutis l. Lucius ff. de Euctionibus, illi dicebantur Limitati, apud Aggeum & Flaccum: quorum alii erant assignati qui de nouo militibus dabantur, alii redditii, quos nempe ex permutatione consequiebantur, ut continuam haberent possessionem, quemadmodum docet Sculus Flaccus loco citato. Venditi agri seu hastæ subiecti fuerunt, quos populus Romanus vendi curabat, & eorum pretium ærario inferabatur l. in agris. De acquirendorum dominio: l. idem dicuntur Quæstorij apud Sculum Flaccum. Quos ex hoste Captos populus Romanus per Quæstores vendidit.

l. Lucius ff.
de Euctionibus
lib. 2 tit. 1.

l. in agris ff.
de acquirendo rerum
dominio l. 4.
tit. 1.

Locati agri & vectigales hi sunt proprie, è quibus seruitutes prædiorum & feuda originem traxerunt. Nam cum pars agrorum vendita, pars militibus assignata foret: quod reliquum erat id in usu & possessione Reipublicæ manebat, hique agri apud Aggeum Urbicum dicuntur subseciui. Hos autem agros aliquando populus Romanus locabat, vel ad longum tempus, vel ad lustra singula, & constituebat per prouincias publicanos, ac redemptores; qui publicorum prædiorum redi-

rus colligebant. Aliquando vero non locabat agros populus Romanus, sed vtendos fruendos dabat certis conditionibus, siue cum onere vectigalis per singulos annos pendendi, vnde agrorum censualium conditio manauit. Hoc autem vectigal, vel ex quintâ parte vel ex decimâ fructuum constabat.

Locati agri & vectigales qui fuerint.

Ceterum quid inter agros locatos & vectigales interfit, facile apparet. Nam agri locati tam possessio quam proprietas erat populi Romani. At vero agri vectigalis proprietatem quidem habebat populus, non autem possessionem, dicunturque agri ciuitatum, non possessiones, l. *questio ff. de verborum significationibus* : & qui eos agros colunt, licet fruendos in perpetuum acceperint non tamen propterea proprietatem habebant, sed vsum tantum & possessionem l. *agri ciuitatum §. qui in perpetuum, ff. si ager vectigalis.*

l. questio ff. de verbo. significat. lib. 50. tit. 16.

l. agri ciuitatum §. qui in perpetuum ff. si ager vectigalis.

Præter istas agrorum condiciones, duæ quoque supersunt. Nam aliquando populus & Imperator fundum & agrum veteri possessori restituebat, quorumdam, inquit Flaccus, dignitas, gratia, aut amicitia victorem ducem mouit, vt eis concederet agros. Vnde eorû agrorum limites his notis impressi reperiuntur R. V. P. *redditum veteri possessori.* Aliquando tributis & stipendiis onerabant. Vnde dicuntur prædia tributaria & stipendiaria: de quibus §. *per traditionem instit. de rerum diuisione.* Theophilus vult Imperatores orbe subactis, quasdam prouincias populo dedisse, quæ stipendiariæ dictæ

Flaccus de Cond. agrorum.

§. per traditionem instit. de rerum diuisione.

Theophilus
instit. de ro-
rum diui-
sione.

sunt, quasdam sibi retinuisse quæ tributariæ sunt appellatæ ἐπιδη τελοῦ τὸν ἐστὶ τὸ βαρὺ τέλος ὅπερ, ἐπιβάλλει τοῖς οἰκείοις ἐπαρχώταις ὁ βασιλεὺς, ὡς πολλὰ δαπανῶν κτλ. τὴν τῶν στρατιωτῶν ἀποτρέφει. *Tributum est graue vest. g. l.*, quod Rex imponit propriis prouinciabilibus quæ multas impensas facit in alendo exercitu.

Prima mā-
forum di-
uisio.
Index Do-
nat. Ecclesie
Salisburgē.
apud Canis.
tomo 6.

Istis ex iure antiquo, cum venia sacrorum iuris Antistitum prælibatis, varias mansorum & prædiorum Ecclesiasticorum species expendemus, ac primo Mansi alij dicuntur Apfi, alij vestiti: alij inter aplos & vestitos, quæ diuisio petitur ex indice donationum Ecclesiæ Salisburgensis apud Canisium tomo sexto antiquæ lectionis.

Quid sit
Mansapfus.

Mansus apfus nil aliud significat, quam prædiū nudum & inueste, sine instrumento rustico: at è contra mansus vestitus est prædium rustica sup-
pellectile, instructum, mancipiis nempe colonis armentis, quæ ad terram colendam sunt necessaria.

Concil Va-
lentinum 3.
cap. 4.

Vnde in Concilio Valentino alio nomine dicitur *Colonica vestita*, veteres Latini fundum instructum appellarunt: quæ sint fundi instrumenta docet Vlpianus l. *instrumento ff. de instructo vel instru-mento legato* ex libris Sabini ad Vitellium. Nempe homines, qui agrum colunt, & qui cum exercent, præpositiue sunt his: quorum in numero sunt villici, monitores, qui nempe cessantes & pigros monent, boues domiti, & pecora stercoreandi causa parata, vasa quæ vtilia culturæ sunt, aratrum, ligones, sarcula, &c.

Instrumenta
ff. de instru-
do instructo

Ceterum qui mansus in Ecclesiæ parochialis,

aut alterius dotem dabatur, is debuit habere duas conditiones. Primo oportuit esse mansum vestitum seu instructum. Instrumentum autem in tribus mancipiis collocat Concilium Valentinum tertium can. nono. Decretum, Hungaricum in duobus mancipiis equo, iumento, sex bobus, duabus vaccis, & triginta quatuor minutis bestiis. Secundo mansus Ecclesiasticus siue parochialis debuit esse integer hoc est iustis terræ mēsuris completus: completur autem mansus & fit integer quando continet duodecim iugera terræ, quæ iugera modo *Buunnaria* dicuntur modo *Hoba* modo *Acre* in antiquis monimentis. Mansi integri mentio fit. in Isacii Lingonensis præfatione ad suos Canones, & in Capitulis herardi Turonensis. cap. 40. Nominatim vero māsorum integrorum spatia & mensuram præfiniunt leges Longobardorum autore Carolo Imperatore libro tertio lege quadragesima sexta, de Ecclesiis Emendandis volumus, ut ita obseruetur, ut in Capitulari nostro continetur, quod ad Olonam fecimus, & si in uno loco plures Ecclesie sint, quàm necesse sit destruantur. Quod si forte in alio loco Ecclesia sit constructa quæ tamen necessaria sit & nihil dotis habuerit, volumus ut secundum iussione[m] domini ac genitoris nostri unus mansus cum duodecim Buunnariis de terra arabili detur, & mancipia duo, à liberis hominibus qui in eadem Ecclesia officium audire debent, ut sacerdotes ibi possint esse, & diuinus cultus fieri, quod si hoc populus facere noluerit destruat[ur].

Decretum
Stephani
Regis Hun-
garicæ. 34

Isaici Lin-
gonensis
Canones,
Capitula
Herardi Tu-
ronensis. c.
40.

Leges Lon-
gobardorū
lib. 3. l. 46.
tit. 1.

Capitula
Hincmari
Remensis
to. 1. Concil.
Gallie.

Et certe tanta religione tenebantur veteres erga parochiarum sacerdotes, vt nefas esse ducerent quidquam de integritate mansi prædij Ecclesiastici deficere. Vnde Archidiaconi Ecclesias lustrantes solebant imprimis sacerdotum commodis prospicere, & percontari, num mansum integrum & iustam terræ portionem obtinerent. Quod si quid deesset, tum certe parochianos ad supple- dum iustæ mensuræ congruentis cumulum adige- bant. Pater ex Capitulis Hincmari Remensis, in quibus Archidiaconis imperant, vt inquirant de manso Ecclesiæ. *Si presbyter habeat mansum habentem Buunniaria duodecim præter cimiterium & cortem ubi Ecclesia & domus ipsius continetur, aut si habeat mancipia quatuor.*

CAPVT II.

Quo abierunt mansi presbyterales. Calamitas Ecclesiarum sub Carolo Simplici, Ecclesiæ venditæ mansi Monasteriis dati, &c.

CVM itaque parochiarum Ecclesiis, tam caute, ac religiose veteres prospexerint: vt nullam illarum sinerent, sine competenti terrarum & agrorum dote ædificari, dubium valde & incertum quo res istæ abierint, & quæ tam infelices harpyæ villarum parochos & sacerdotes suis opibus

omnibus misere spoliatos extrema paupertate ma-
ctauerint.

Certe quod in ea re comperi paucis aperiam. In
eo ætatis flexu, quo post longas iactationes &
motus periculosos, res Galliarum in Hugonis Ca-
peti domum & potestatem transierunt, Caroli
magni leges una cum stirpe videntur maiestatem
& reuerentiam amisisse.

Namque ut vitæ nostræ spatia morbi difficiles,
quasi termini quidā ac limites discernunt, nec sine
violenta corporis iactatione ab una ætate in aliam
datur transitus. Ita Imperiorum conuersiones
seu fortunatas seu lugubres Catastrophas, præ
fatalis legum atque ordinum omnium commu-
tatio. Cæcos mortales & quasi insana vertigine
laborantes, diuina prouidentia ad eum quem desti-
nauit scopum solet deducere.

Itaque expirantibus Carlomannorum rebus,
senescere eorum prudentia, nec amplius imperij
molem ferre valentibus magni Imperatoris nepo-
tibus, res Ecclesiarum mirum in modum sunt de-
formatæ. Nam & nobiles quibus pro Rege erat
Libido, & pro lege Cupiditas sacrum patrimoniū
inuasunt: seque Ecclesiarum dominos faciendo,
quidquid pauperes parochi prædiorum, & agro-
rum habuere, impia rapacitate subtraxerunt. Ut
enim Reges eo tempore Abbatis & Episcopus
Ducibus ac Comitibus regni, ut sibi in bello deser-
uirent solebant mancipare. Ita nobiles inferioris
gradus, aut parochiarum bona sibi assumebant,

Calamitas
Ecclesiarum sub
finem stirpis
Carloman-
norum.

Aimoini
continuatores
lib. 5. cap. 36.

Ioannes;
Nonus in
Cōcil. Rau.

Guillelmus
Gemicēsis
lib. 2. cap. 5.
Historiæ
Normaniæ.

Odericus Vi-
talis Histo-
riæ Eccle-
siæ lib. 3. ad
annum 678.
pagina 458.

aut diuidebant militibus De Abbatiis & villis Ecclesiarum datis regni Magnatibus, diserte Aimoinus, ubi initia Imperij Ludouici Balbi describit, *Ludouicus, inquit, accepto nuntio in Andriaca villa, de morte patris sui Caroli, quos potuit sibi conciliauit, dando eis Abbatis, & Comitatus & villas, secundum vniuscuiusque postulationem. De paræciis vero militibus assignatis loquitur Ioannes Nonus in Concilio Rauēnatenſi. Plebes, inquit, Ecclesia (id est paræcia) nullatenus, aut Comitibus, aut Episcoporum vasallis, aut vllis laicis in beneficia tribuantur.*

Auxit illis temporibus Ecclesiarum calamitatem violenta Normanorum irruptio, qui cum cultum veri Dei nescirent, sed idolo cuidam seruirent, quem Thur vocabant, eique humanum sanguinem libarent, ut refert Guillelmus Gemicēsis Historiæ Normaniæ libro 2. cap. 5. idcirco in odium Christianæ Religionis passim in Ecclesias sæuebant, & diris cruciatibus Sacerdotes encabant. Inde nata Ecclesiarum strages & dissipatio. Odericus Vitalis quem debemus viro Antiquitatis peritissimo, & de litteratis omnibus bene merito, Andreæ du Chesnè, sic de rei Christianæ statu in Gallia loquitur. *Postquam, inquit, regnum Francorum fauente Deo valde super vicinas gentes sublimatus est, & frequentibus triumphis Regum suorum Pipini, Caroli Magni, & Ludouici Pij dilatatum est: Nimia cupiditas & superbia, atque libido proceres, atque mediocres, atque infimos inuasērunt, & in nequitiarum laqueos precipitantes, contra salutis suæ auctore,*

ne ei fideliter obedirent, duxerunt: Prædictis cladibus omnis ordo Clericorum, & Laïcorum, pulsatus à pristino robore corruit: Et paulo post tempore Caroli Regis Francorum, qui Simplex cognominatus est, Brido cognomento Costa Ferrea filius Lobroci Danorum Regis, &c. in Galliam intrauit, & oppida vrbesque cum Sanctorum cœnobiis concremauit, & per triginta annos super Christianos cum suis complicibus insatiabiliter furuit.

Certe à temporibus Caroli Simplicis, ad annum millesimum atrocissime vexatas fuisse & dilaceratas res Ecclesiarum hinc maxime coniecere est, quod sub annum millesimum per totam Galliam omnes Ecclesiæ de nouo fuerunt instauratæ.

Glaber Rodolphus, lib. 3. cap. 4.

Igitur infra supra dictum millesimum, tertio iam fere imminente anno, contigit in uniuerso pene terrarum orbe, præcipue tamen in Italia, & in Galliis innouari Ecclesiarum Basilicas, licet pleræque decenter locatæ minime indiguissent. Emulabatur quæq; gēs Christicolarum aduersus alteram decentiore frui. Erat enim instar ac si mundus ipse excutiendo semel reiecta vetustate, possim candidam Ecclesiarum vestem indueret: Tunc denique Episcopaliū sedium Ecclesias pene uniuersas, accetera quæque diuersorū sanctorum Monasteria, seu minoravillarum oratoria in meliora quique permūtare fideles.

Quid vero pacatis tandem Galliarum rebus de mansis terris Ecclesiarum parœchialium factum est videamus. Certe complures earum in Nobilium & Magnatum potestate remansisse credibile est, seu quod eorum hæredes patrimonij partem

esse crederent quod aui patresque Deo abstulerant, & impietatis fructum speculum esse ducebant militare: seu quod fatetur rapinam qui reddit, & latrocinia maiorum accusat, qui eorum prædam quantumvis infamem reiicit: Aliunde vero res parochialium Ecclesiarum constat à nobilibus quibus aliquid inerat religionis, traditas fuisse Monasteriis & Abbatiis, adeoque tam pingues & opulentæ domus spoliis parochorum creuerunt, qui vix earum rerum exiguam nunc portionem recipiunt quas totas olim possidebant. Huius rei plurima habemus exempla in historia præsertim Normanorum. Siquidem in hac parte regni sub primis Ducibus recēs Christianis Nobiles & Magnates summam in Ecclesias potestatem exercebant, & eas quasi titulo dominij possidebant. Quippe istis temporibus, emi & vendi Ecclesias in Normaniâ scelus non erat, sed Abbates ad augendas res suas à militibus, seu nobilibus eas pretio comparabant.

Odericus de
Vitalis, lib.
Huk. Eccles.

De Abbate Vticensi sic habet Odericus Vitalis sub Guillelmo secundo. *Ecclesiam sanctæ Mariæ de Bosco à supradicto Canobio prisco tempore constructam, cum filius ibi presente comparauit Theodoricus Abbas à Guillelmo, & Roberto filijs Rodulphi cognomento Fraissuil, decem & octo libris, sicut tenuerat eam quidam Monachus nomine Placidus. Præterea vendidit Hubertus Deuncius prædicto Abbati, Ecclesiam eiusdem villæ, & arpentaterra.*

Vt ergo omnia illic erant venalia, sic quoque

terræ, seu mansi Presbyterales nonnunquam vendebantur ab iniquis possessoribus. Ita idem Odericus refert Ecclesiam sancti Martini, super fluvium Vacoli, Monachis Vticensibus venditam vna cum terra Presbyteri. Terra autem Presbyteri istis temporibus mansum Presbyteralem significat, de quo nunc agimus. Vnde nunquam exprimitur quot iugera habeat terra Presbyteri, quia certa erat eius mensura. *Robertus*, inquit, *Helgoris filius* consenientibus & condonantibus eius *Dominis Vudelmio*, scilicet atque *Rodberto cum filiis & nepotibus eorum*, Ecclesiam sancti Martini super fluvium Vacoli Monachis prefati cœnobij vendidit, & in eodem loco terram Presbyteri, cum alia terra octo Carrucarum, quam emerunt non modico pretio.

Vt autem vendi, sic dari Ecclesias Monachis consuetudo erat, & vniuersam decimam ijs addici. Exempla plurima sunt apud eundem auctorem, Possessiones, inquit, quas *Robertus & Hugo, & Exnaldus filij Roberti de Grentismain* illio, pro salute sua, Vticensi Ecclesie tradiderunt, hæc sunt. In Nucereto, Ecclesia cum omni decima, & terra Presbyter, cum arabili terra trium Carrucarum. Et paulo post. Ecclesiam de Louignero, cum terra Presbyteri. Et pagina sequenti. Villam quoque quæ vocatur Meldode, & Ecclesiam de Limboth, cum terra Presbyteri. Et paulo post enumeratis pluribus donationum generibus. Hæc omnia, inquit, libenter dederunt pro redemptione animarum suarum, cum omnibus decimis, & terris Presbyterorum. Quibus in donationibus iustitiam magis agnosco

Odericus vitalis sub cuius-
telmo 2.
pag. 468.

quam pietatem, nec enim sua donabant, sed aliena restituebant.

Addendum non solum Nobiles, sed Episcoporum complures, Ecclesias & mansos Presbyterales Monasteriis dedisse. Nec solos Galliarum parochos morbus hic afflauit, sed in Germania, & vniuersis prope imperij partibus, res Ecclesiarum ad Monachos, & Collegia Canonorum transierunt, adeoque prope nudi & inuestes remansere Villarum Sacerdotes, & ad turpem mendicitatem cōpulsī, post quam Collegia & Abbacias suis opibus, ac bonis ditauerunt. Quamobrem sæpius actum in Conciliis quomodo parochorum extremæ paupertati consuleretur, iique Ecclesiarum cōmoda sentirent, in quos onera quæque grauissima, & molestissima deuoluuntur. Concilium Coloniense publicam in hoc malum querelam edidit. *Ecclesia, inquit, Cathedrales ac Collegiata itidem Monachi, seu Religiosi, qui Ecclesias parochiales, aut suis Ecclesiis, vel Monasterijs unitas habent, aut regendas alijs committunt, aut præsentando committi procurant, adeo interdum omnem prouentum emungunt, ut residui redditus, qui rectoribus Ecclesiarum permittuntur, nimis tenues sint, & exiles. Quamobrem nostra cura erit, ut tanta portio rectoribus istis assignetur, unde iura Episcopalia soluere, & congruam sustentationem possint habere. Itaque cum fieri nullatenus posse animaduertent Patres præfati Concilij, ut languentes parochi, tam ieiunis stipendiis non dicam dignitatis suæ meritum tuerentur, sed ne vitam quidem*

Concil. Provinciale, anno 1536. tit. de victu parochorum. cap. 4.

sustentarent : permiscere parochis , vt denarium semel à fidelibus in Paschate conferri solitum quater in anno exigèrent. *Iustum ac decens putamus, vt singuli parochiani denarium illum consuetum, sed duplicatum in anno quater, videlicet in festis illis maioribus veluti in Natali Dominico, Paschate, Pentecoste, Assumptione Virginis gloriose, id est singulis festis duos denarios parochi pendant. Quis enim tam sordidus est, qui non equum putet modicum quid caduci, & temporalis subministrare illi, à quo spiritalia, ac aeterna vicissim repetit; Certe omnes scire debent, eos qui in sacratio sunt edere, & qui altario deseruiunt, cum altario participare. Nam & dominus ordinauit his qui Euangelio deseruiunt de Euangelio viuere. Qui se unica solutione qua vno albo rotato fiet, liberare volet id ipsi liberum esto. Ne vero Paræcus, aut in contentionem, aut suspensionem trahatur: potius hæc pecunia per Ecclesia Oeconomos, aut alios probate fidei viros collegitur.*

Concil. Coloniense, d. victu paroc. cap. 6.

En itaque manforum Ecclesiasticorum, ac præsertim parochialum diuisio in aplos, vestitos, integros, & non integros, eorumdem quantitas, origo, progressus, desitio. Nunc alias eorumdem qualitates expendamus.

CAPVT III.

De variis manforum generibus. Quid mansi tributales ingemules, Barscalci, Indominicati, &c. Quid Fodrum paratura Mansionatum. Agri Ecclesie an tributis olim obnoxij. Mansi ad luminaria dati, &c.

Hincmarus
Remensis
in capit. ad
Archidia-
conos suæ
Diocesis.

Aimoinus
lib. 5. c. 35.

Mansi quidam appellantur Tributales, quidam Seruiles, quidam Indominicati, quidam Ingenuiles, quidam Barscalci. Seruiliū Indominatorum & Ingenuilum frequentior est metio, quam Tributaliū & Barscalcorum. Hincmarus Remensis in Capitulis ad Archidiaconos suæ Diocesis monet, ut inter lustrandum parochias inquirent à sacerdotibus, quot mansos habeant in sua parocchia, ingenuiles seruiles, aut accolæ. Accolæ autē idem sunt quod Indominicati, nisi forte Accolæ illic intelligamus non de mansis, sed de villanis & parochianis: quot nimirum habeat parochianos. Aimoinus monachus lib. 5. cap. 35. ubi de tributo quod Carolus Caluus Romam profecturus in vniuersa Gallia pendi constituit, terram vniuersam partitur in mansos, ingemules, seruiles, & indominicatos. Placitum generale Kalendis Junij habuit ubi per capitula qualiter Regnum Francie filius suus Ludonicus cum fidelibus & regni primoribus regeret, usque dum ipse Roma rediret ordinauit, & quomodo

modo tributum de parte Regni Franciæ quam ante mortem Lotharij habuit, sed & de Burgundia exigeretur disposuit. Scilicet ut de mansis Indominicatis solidus de unoquoque manso ingenuo quatuor denarij de censu dominico, & quatuor de facultate Mansuarij: de Manso vero serui duo denarij de censu Dominico, & duo de facultate Mansuarij.

Mansorum vero Tributalium & Barscalorum mentio fit in donationibus Ecclesiæ Salisburgensis, quarum indicem texuit Arno Episcopus apud Canisium. Cōferendo itaque mansos tribuales cum agris tributariis non erit difficile eorum naturam assequi, & coniectare. Nēpe mansi tribuales sunt quibus à principe tributum erat impositum ad onera bellica & sumptus rei publicæ procurandæ: Tributorū autem originem referunt ad Carolum magnum, qui fracta Longobardorum feritate, victis Ciuitatibus tributum imposuit, quod maxime pendere cogerentur, cum iter per Prouincias Imperator faceret. Ita Sigonius de regno Italiæ lib. 4. Feudataris, inquit, ciuitatibus Ecclesijs ac monasterijs certa tributorum genera imposuit foderum paratūram & mansionaticum appellata, quæ aduenienti potissimum in Italiam Regi persoluerent. Quæ deinde pro ipsius & successorum eius benignitate, aut ex parte leuata aut in totum remissa sunt.

Quid autem fuerint antiquitus foderum paratūra & mansionaticū breui exponit idem Sigonius lib. 7. de regno Italiæ sub Othone magno, ubi de Longobardis loquitur, qui in tribus imponendis

Arno Episcopus in indice donationum Ecclesiæ Salisburgensis

Sigonius de regno Italiæ lib. 4. pag. 201

Sigonius de regno Italiæ lib. 7. sub Othone magno.

veteres Gallos sunt imitati. *Tributa*, inquit, quæ ille (Fredericus) à Francis instituta retinuit fuisse foderum Paratura, & Mansionaticum. Foderum summa quedam frumenti fuit, quam aduenienti in Italia Regi populi soluere tenebantur, pro quo sæpe etiam aestimata pecunia pendebatur. Paratura sumptus quem iidem in vias pontesque fluminum, quæ transiturus aut quò aditurus Rex erat, reficiendos impendere. Mansionaticum vero sumptus in tectis & cætera quæ regio exercitui in agro hospitanti, necessaria præbere iubebantur. De fodro vide legem quartam tit. 8. lib. 3. Longobardicæ legis Fredericum de pace Constantiensis, Petrum de Vineis lib. 2. epist. 29.

1. Leges Longobard. lib. 3. tit. 3. l. 4.

Hincmarus
epist. ad
Clerum
Tornacensem
Formule
Marculphi
Aimoinus
lib. 3. c. 7.

De mansionatico lib. 2. capit. tit. 17. Hincmarus epistola ad Clerum Tornacensem, Aimoinus lib. 3. cap. 10. de parata aut paratura in Marculphi formulis, formula 6. & 7. Aimoinus lib. 3. cap. 7.

Certum est vero sub Caroli magni temporibus eiusque progenie, maximam publici tributi partem, in exhibendo Regi comæatu necessario fuisse positam. Nam ubicumque Rex degeret, certam annonam ciues ei & militibus præstabant. Quamobrem ne eadem prouincia, Regij hospitij onus frequentius ferendo, pauperesceret & crebris sumptibus tandem exhauriretur, Ludouicus Pius Caroli magni filius, quatuor prouincias Regni sui ad hyemandum elegit, in quarum singulis ordinè suo, hyberni tēporis molestias vna cum militibus transigebat, vt vnaquæque earum successiuè temporibus, cum Imperator aberat, vires

& opulentiā resumeret, ea vero loca fuere Theotudum Palatium Casinogilum Audiacum & Eurgilum, vt testatur Aimoinus lib. 5. cap. 3.

An autem Mansi Ecclesiæ fuerint tributales, & an prædiis Ecclesiæ aliqua tributa fuerint imposita breui dicendum. Certum est Ecclesias duo genera terrarum habuisse. Quædam enim in dotem Ecclesiæ erant condictæ & contradictæ, quædam vero ad dotem Ecclesiæ non pertinebant, sed erant veluti aliquod eius incrementum; nec tam necessitatis Ecclesiasticæ subsidium, quàm splendoris adminiculum. Atque eas terras, quæ Ecclesiæ, dotis nomine obuenerant, omnino liberas esse oportuit, & à tributo quouis immunes. Nam si seruos olim Herculis templum ingredi, eidemque sacra facere Religio fuit. Si annulum summis impiarum Religionum Sacerdotibus, nisi fractū & quassatum gestare nefas, ne seruitutis insignia etiā inter ornamenta digitorum haberent. Quanto magis decet omni onere seruili libera esse quæ Deo vouentur, & sacris altaribus, vbi sacra fiant quæ homines liberant, & atrocissima demonum seruitute ereptos, pristinæ restituunt nataliū dignitati Proinde Canone sexagesimo tertio, Concilij Meldensis Canone 15. Concilij Vuornaciensis, in Capitulis Herardi Turonensis capitulo quadragesimo in Canonibus Isacii Lingonensis in præfatione, cautum sanctissime ne cuiquam seruitio obnoxius sit mansus Ecclesiæ. Quod diserte expresserunt Carolus & Ludouicus Capitularium

libro quinto Capitulo 45. De vno manso ad Ecclesiā dato de quo aliqui homines, contrā statuta sibi seruitium exigunt, quicumque pro hac causa accusatus fuerit Comes vel missus, hoc quod inde subtractum est presbyteris cum lege sua restituere faciant.

De mansis vero qui è dote Ecclesiæ non erant, alij quidem dati erant Ecclesiæ tributorum expertes, alij vero tributis onerati. Qui tributorum expertes ab initio fuerant illi non facile tributo subdebantur, nec vnquam fere, nisi in Regionibus de nouo subactis à Rege Francorum, vt nouis dominis parere discerent, & tributis præstatione obsequium faterentur. Sic Longobardicis Ecclesiis tributum impositum refert Sigonius loco citato. Alioquin vero Reges sanctissimi ab Ecclesiæ prædiis semper tributa remouerunt. Vnde Gregorius magnus inter cætera paternæ pietatis consilia Theodoricum & Theodebertum Francorum Reges saluberrime hortatur, ne Ecclesiæ prædia violatis maiorum institutis, tributo supponant. *Audiuius, inquit, quia Ecclesiarum prædia tributa nunc præbeant & magna super hoc admiratione suspendimur, si ab eis illicita quæ erantur accipi quibus etiam licita relaxantur.*

Lib. 7. epist.
p. 1. ind. 1.

Qua autem ratione afflictæ & laboranti Reip. Ecclesia subuenerit, & quoties in splendorē regni & pacem ciuium suas opes, erogarit, erit alius dicendi locus. Nunc ad terras tributarias redeundo, dicendum quod si terræ aliquo tributo oneratæ Ecclesiæ darentur, tum certe oportebat Eccle-

siam in ærarium Principis, aut militum annonam
 conditum vectigal conferre & quotannis stipen-
 dia præfixa persolvere, nisi Princeps singulari
 munificentia ius suum Ecclesiæ remitteret. Licet
 enim Religionis ratio maxima habenda sit, sum-
 mumque Imperij pignus, ac præsidium in pietate
 collocandum, non est tamen minuenda Principis
 maiestas neque succidendi Reip. nervi, qui in ve-
 ctigalibus & opimo pecuniarum censu versantur.
 Nam ut Principis est religionem tueri, & pacem
 sacris altaribus quærere, ita religionis est au-
 thoritatem Principis fulcire, & erogatis è suo
 fundo subsidiis, spontaneæ subventionis exem-
 plo, populum ad communes suppetias animare.
 Ita vero piissimi Imperatores Carolus, & Ludoui-
 cus sanxerūt, ne terræ Ecclesiæ datæ, à tributo exi-
 meretur capitularium, lib. quarto, cap 37. *Quicum-*
que terram tributariam unde tributum ad partem no-
stram exire solebat, vel ad Ecclesiam, vel cuilibet alteri
tradiderit, is qui eam susceperit, tributum, quod inde sol-
uebatur omni modo ad partem nostram persolvat, nisi
forte talem firmitatem de parte Dominica habeat, per
quam ipsum tributum sibi donatum possit ostendere.

Capitul.
lib. 4. cap. 37

Atqui sæpissime Principum munificentia tri-
 buta, ab Ecclesiasticis prædiis sibi debita remisit.
 Ita Concilium Trosleianum sentit prædia omnia
 Ecclesiastica, ex largitione præcedentium Regum
 immunitatem habere à tributis fiscalibus, & omni
 Dominorum exactione. In privilegio Ecclesiæ
 Mindensis, immunitatem legimus eidem con-

Concil.
Trosleianū
cap. 6.

Otho magnus diploma, datum anno 961

cessam ab omni onere fiscali. Vult enim Otho magnus ab vniuersis prædiis, & possessionibus. Quas, inquit, nunc infra ditionem regni nostri possideat, vel quas deinceps in iura eius diuina pietas voluerit augeri. Nemo præsumat exigere, vel freda, seu fodra, vel paradas, vel mansiones, sed ut prædictum Monasterium sub tuitione Imperatoris consistat, & quidquid (ait Imperator) fiscus exinde sperare potuerit, pro aeterna remuneratione, dictæ Ecclesiæ ad stipendia pauperum continuanda concessimus. Iisdem pene verbis immunitatem eiusdem Ecclesiæ firmavit Henricus sanctus Imperator suo diplomate dato ad annum 1008. extat vtrumque in Chronico Mindensi 2. parte, edito per Ioannem Pistorium.

Pudeat itaque Hæreticos obiter dicam, tam insolentis contumaciæ, qua ritus Ecclesiæ Romanæ suggillant, & luminaria præsertim derident medio claroque die in ædibus sacris accensa. Quid est enim aliud in eum morem inuehi, quam Imperatorum pene omnium nomen cõtumeliis aspergere, & appellare insanos, quibus olim tot Prouinciæ capita summisserunt. Nam vt breuiter dicam nil ab Imperatoribus, tam sanctè constitutum, quam vt inoffensa essent prædia, quæ pietas maiorum, Ecclesiæ luminaribus dedicasset: in eorum gratiam toties sua iura, & fiscales obuentiones remisserunt. Adeoque de immunitate mansorum quæ ad Ecclesiæ luminaria pertinet, singulare capitulum extat lib. 2. capit. 5. in quo sanctissimi Imperatores Lotharius, & Ludouicus ita ad-

hortatur Episcopos. Ne vero ecclesia illis, scilicet Sacerdotibus, commissa in restauratione, aut in luminaribus iuxta possibilitatem ab illis neglegantur vestra nihilominus inuigilare debet solertia. Ut sicut alios prohibetis ne de Mansis ad Ecclesia luminaria datis aliquid accipiant, sic & vos, & vestri Archidiaconi de iisdem Mansis, nihil accipiendo aliis exemplum praebeatis: sed potius ad id ad quod data sunt seruire concedatur, ut totum sicut dictum est, in restauratione Ecclesiarum, & luminaribus vestra auctoritate & studio cedere possit.

Restat exponendum quinam sint mansi Indominicati, seruiles, Ingenuiles & Barfcalci.

Indominicatus mansus, nil est aliud quam praedium aliquod insigne ac nobile, quod neque colonorum, neque seruorum domicilium erat, sed Nobilium, ac dominorum domus, cuius ipsi titulum, & appellationem nonnunquam sibi adscribebant. Antequam enim in Baronum, Marchionum, Comitum, & alias eiusmodi classes, atque ordines tota foret diuisa nobilitas, solebant Nobiles simplicem titulum nomenque domus suae sibi praefigere, atque sese appellare Nobiles de tali vel tali loco. Vt ex Chronico Constantiensis liquet, in quo multi leguntur simplici titulo Nobilitatis illustres, adiecto nomine domus, vt *Hermannus, Nobilis de Arbona, Dietelmus Nobilia de Cleggoia, Henricus Nobilis de Tann*. Postquam vero Marcarum, hoc est regni limitum, & Rectorum Prouinciae, hoc est Comitum, cura cepit esse perpetua, & certis adscripta familiis, ad Nobilita-

Quid mansus Indominicatus?

Chronicon Constantiensis Indice Episcoporum Constantiensium.

Cuiacius
in lib. 1. de
Feudis, tit. 1.

tem acceſſerunt Marchionum, Comitum & Baronum tituli. De quibus conſulendus Cuiacius ad librum primum de Feudis, tit. primo ubi nominum iſtorum origines expendit.

Quid manſuarius.

Ut à manſo manſuarij, ita à Bunnuarijs Bunnuarij & ab Hobis Hobarij nuncupati ſunt

Cæterum Manſi Indominicati, neque cum onere cenſus præſtandi tradebantur, neque eos ad colonariam conditionem dabant Nobiles, ſed ipſos ſua cura, atque impendio inarabant. Vnde cum in ceteris manſorum generibus Manſuarius reperiatur, hoc eſt qui manſum conducit certis conditionibus colendum, utendum, fruendum, ſoli manſi Indominicati ſine Manſuario erant: propterea quod non elocarentur, ſed ab ipſis Dominis colerentur. Hoc vero liquet ex Aimoino, apud quem Carolus Caluus in Italiam profecturus tributum ſuper ſingulis Manſorum imponit, ita ut tam Dominus manſi, quam manſuarius onus inter ſe tributum pendendi partiantur. At eo loco manſi Indominicati nullum habent manſarium, ſed ſoli ſeruiles, atque ingenuiles. Itaque indominicati erant, qui manſuariis non elocabantur, ſed quos ipſimet Domini prædiorum ſuo labore, atque opera colebant, verba autem Aimoni ſunt concitauimus. Vbi de diſtinctione manſorum à nobis actum eſt. Sed ut requirendi tædium ſummoueâ pauca repeto ex libro quinto capite trigeſimo quinto. Scilicet ut de manſis Indominicatis ſolidus unus. De unoquoque manſo ingenuo quatuor denarij de cenſu Dominico, & quatuor de facultate manſuarij,

Aimoinus
lib. 5. cap.
35.

de

de manso vero serui duo denarij de censu Dominico, & duo de facultate in insuarij.

Mansi vero Ingenuiles dicuntur, quos Domini prædiorum colendos tradebant hominibus ingenuæ, seu liberæ conditionis, quibus vnus præerat mansarius qui certum censum, seu pensionem, siue nummariam, siue frumentariam Domino fundi, ac prædij persoluebat. Eodem modo Seruilis dicitur, qui per seruos colitur, qui ita glæ infiti sunt, ut ab ea auelli non possint & nequidem cum Dominorum voluntate in alienum fundum transferri: his quoque præerat mansarius, qui collectis & receptis fructibus conditionibus à Domino dictis sese liberabat.

Ingenuiles
& seruiles
mansi, quis
nam sunt,

De Mansis Bariscalcis rara mentio fit in antiquis tabulis. Ex nominis autem origine appareret fuisse mansos insigniores Nobilium Nam nobiles olim Barones dicebantur, id est graues ac venerandi à Græco βασις, vel à latino vocabulo vir quod veteres Longobardi corrupte *var* efferebant. Vnde apud eos Varigildum pro Virigildum, hoc est pœna, seu mulcta occisi hominis. Vel certe Bariscalci mansi idem sunt, ac ingenui & liberi, nam baro in legibus Alemanicis hominem liberum & ingenuæ conditionis, significat. 95. *Si ancilla fuerit soluat solidum vnum, si Barus fuerit similiter.*

Mansi Bariscalci,

Baron vnde dicitur,

Leges Longobardorum.

Legum Alemanicarum, tit. 95,

Cæterum quinam essent ingenui, & quænam eorum conditio non satis patet. Nisi forte dicamus ingenuos in Germania, Gallia, & aliis Regio-

R r

nibus habitos qui parentibus liberis, aut iustâ seruitute manumissis nascerentur. Ingenuos tamen non fuisse ab omni seruitio liberos existimaucrim: nam ingenui Dominorum agros colebant, ut ex ista diuisione mansorum perspicui potest.

CAPVT IV.

De Massis, Domibus, Nauibus, Seruis Massarijs, Burdationibus, &c.

MAnsi nomen, & appellatio, ut apud Gallos & Germanos recepta, ita Massæ vocabulum apud Latinos vsitatum. Est autem massa conglobatio quædam seu collectio possessionum, ac prædiorum quam Græci συγκατάστημα vocant. Huius nominis mentio est apud Cassiodorum, lib. 8. Epistola 33. ubi Rex Athalaricus iubet conductores, ac possessores massarum, prospicere ne rustici in mercatores alioque peregrinos infilient, qui ad Natale Sancti Cypriani celebrandum Lucaniam confluebant. Singulæ autem massarum suis erant titulis, ac nominibus insignes. siue à primis cultoribus nomen habuissent, siue ab ijs qui donassent, aut vendidissent. Ita apud Gregorium libro primo indictione 9. Epistola quadragesimâ secundâ legimus Ecclesiam Romanam in Sicilia plures massas habuisse: alia enim

Cassiodorus
lib. 8. epist.
33.

Gregorius
lib. 1. Ep. 42.
l. 2. c. 9.

dicitur massa Varroniana, alia Subpatriana, alia Cinciana.

Qui massas colebant, illi Rustici Ecclesiæ siue Coloni Ecclesiastici dicebantur vel à massiset *serui massarij*. Censum autem & pensionem Ecclesiæ persoluebant partim in frugibus partim in nummis. In frugibus vt Romam quotannis è Sicilia conueherentur ad pauperum famem, & calamitates subleuandas.

Ita etiã he-
stæ Massi-
tæ dicebã-
tur oues,
& armenta,
quæ ad
massã per-
tinebant.
Const.
Neapo-
lib. 1. tit. 8.

Vnde idem Gregorius Magnus 2^a pistolâ secun-
cundâ ad Iustinum Prætorem Siciliæ grauiter
queritur quod iustum frumenti Canonem non
curasset Romam importari. In pensione autem
frugum iusti sanctique Pontifices monebant pa-
trimonij Rectores, ne quâ fraude iniuriãve Ru-
sticos premerent, & ne præter exactam mensu-
ram siliquas addi compellerent. Erant autem si-
liquæ mensuræ leuiiores, quas prophani prædio-
rum possessores cogeant Colonos ad cumulum
iusti & cõdicti Canonis adicere. Vectigalia quo-
que, & præstationes, quas pro modo facultatû &
fructuum collectorum Rustici Regibus pende-
bant, olim siliquæ dicebantur. Quibus exigendis
sæpissime Episcopi prospexerunt, ne ultra modum
Rustici à numerariis, siue exactoribus tributorum
premeretur, vt patet ex Decreto Artemij Episco-
pi Tarraconensis apud Garsiam Loaisam, post
Concilium Cæsar Augustanum secundum.

Greg. Epist.
1. l. 1.

Decretum
Artemij E-
piscopi Tar-
raconensis.

Pensio vero Nummaria vetusto illo idiomate

Quid But-
datio.

Burdatio dicebatur, hinc Gregorius Magnus epi-

R r ij

Greg. Ep.
4. lib. 1.

Itola quadragesima secunda verat ne Burdationes præmaturè fiant, hoc est ne exigantur à Rusticis pecuniariæ pensiones antequam fructus suos vendere potuerint, ac diltrahere. Cognouimus (inquit) quod prima illatio Burdationis Rusticanos nostros vehementer angustat, ita ut priusquam labores suos vendicare valeant, cōpellantur tributa de suo persolvere, quæ dum de suo unde dent non habent, ab auctionarijs publicis mutuo accipiunt, & grania commoda pro eodem beneficio persolunt.

Gregorius
epist. 17. li. 3.

Domus vero Ecclesiarum, multæ olim erant, præsertim in vrbe Romana quæ ad perpetuam emphyteusim sub certa pensione locabantur. Vnde Gregorius Magnus epist. decima nona libri tertij redditus omnes ædis sanctæ Agathæ, cui Leonem Acolythum præfecerat, assignat in pensionibus domorum urbanarum. Ideo, inquit, pensiones omnium domorum in hac vrbe constitutarum, quas prædicta Ecclesia temporibus habuisse Gothorum constiterit, annis singulis congregare non desinas, & quantum in sartis tectis vel luminaribus aliaque reparatione eiusdem Ecclesie necessarium fuerit, erogare omnibus modis studebis.

Tituli domus
Ecclesie
Catholicae.

Hoc autem singulare est, & notandum quod iis domibus, quæ ad Ecclesias pertinebant, tituli, & insignia Ecclesiarum inscribi solerent, hocque ritu Ecclesia possessionem domus adire crederetur.

Quamobrem Gregorius magnus epistola sexagesima tertia libri primi queritur Petronij domum à Constantino defensore iniuste titulatam. Quare cum Ecclesiam animaduërteret iure eam occupa-

re non posse, deiici ac deponi titulos iubet, quos error & ignorantia Constantini præfixerat. *Quoniam*, inquit, *docti sumus domum Petronij Notarij sanctæ Romanæ Ecclesiæ, cui Deo authore præsidemus à Constantino tunc defensore irrationabiliter titulatam, experientia tua præsentis præcepti pagina demandamus, ut omni excusatione vel dilatione omissa, deposito titulo eandem domum præsentium latrici Theodora Relictæ antedicti Petronij sine mora restituas, &c.*

Gregor.
Mag. epi. 1.

Naues autem Ecclesiæ habuisse liquet ex l. *Tubemus. C. de sacrosanctis Ecclesiis.* Quia verò naues Ecclesiæ certis gaudebant priuilegiis ac prærogatiuis; idcirco ut eas immunitates nonnullis suis nauibus conciliarent, solebant eas in tutelam, ac patrocinium Ecclesiarum contradere. Vnde Naues duplicis generis habuit Ecclesiæ, quasdam videlicet Proprias, quasdam vero Commendatas. De Commendatis locus est apud Gregorium epistola septuagesima ad Petrum Subdiaconum, quom monetur naues Ecclesiæ commendatas constantissime tueatur. *Naues*, inquit, *quæ commendatæ Ecclesiæ sanctæ semper fuerunt in omnibus tuere, ad quod etiam tibi directæ gloriosi viri Leonis, ex consulis littera concurrunt.*

De nauibus
Ecclesiæ.
I. Tubemus.
C. de sacro-
sanct. Eccl.

Naues Cõ-
mendatæ.

Gregorius
epist. 70.
lib. 1. ad Pe-
trum Sub-
diaconum.

De Nauibus Ecclesiæ sancti Maximini Treuerensis, & earumdem immunitate extrat priuilegium Caroli Magni apud Aubertum Myræum in diplomatibus Belgicis cap. 8.

Diploma
Caroli Ma-
gni de na-
uibus Ec-
clesiæ apud
Aubertum
Myræum c. 8.
Diplomatũ
Belgicorum

CAPVT IV.

De Seruis Colonis & Mancipiis Ecclesiarum. Quid Coloni censiti, originis. Quos modis seruos Ecclesia acquirebat. Quid Casati. Eorum duo genera uasalli & serui. Serui quomodo aestimabantur. liberti Ecclesie duplicis generis. Familia Ecclesie ex quibus, constaret, &c.

Alteram Ecclesiastici patrimonij partem, in seruis, colonis & mancipiis constitutam, satis prodit creberrima eorum, seu in Conciliis, seu in donationum Cartis ac diplomatibus, seu in Historiis mentio. Tam variae autem ac discrepantes seruorum propagines ex primigenio isto Romanæ seruitutis fonte pullularunt, ut omnis eorum Historia & conditio nondum sat lucis videatur habuisse.

Repetenda vero huius tractationis initia ex antiquo Romanorum iure. Namque agros olim aut sua manu & operâ, aut conductitiâ & mercenariâ colebant. Nec manum suam terræ ferendæ & colendæ olim præbere dedignabatur victrix Romanorum simplicitas. Gaudebat terra vomere laureato, & triumphali aratore, atque eadem manu tractabantur semina, qua bella Si vero alienis operis agros colerent, vel mancipiis in ea re utebantur hoc est hominibus conditione seruis, l.

Plinius in
Panegyrico

si mancipia ff. de fundo instructo. l. cum de lanionis. §. si fundum, eodem tit. Erant autem inter mancipia rustica, mulier custos fundi aut prædij, villicus, molendaria, bubulcus, putatores, pastores, fossiores, *l. si ita testamento. §. mulier. ff. de fundo instructo.*

l. si mancipia ff. de fundo l. instructo. l. si ita testamento §. mulier. ff. de fundo instructo.

Sin vero mancipiis carerent, quibus agri colebantur, conducebant mercede homines liberos, qui suas operas elocabant, & hi proprie agricolæ dicuntur, quorum liberam omnino fuisse conditionem siquet ex *l. nunquam. C. de agricolis.* Cum vero agros colendos liberi homines ad longum tempus conducerent, aut domino fundi certam pecuniæ summâ ex agrorum redditu persoluebant, aut partem fructuum, atque obuentionum rusticarum præstabant. Posteriores isti dicuntur à Latinis *partiarij* Græcis *μωρτίται*, *l. si merces. §. Vi snaior. ff. locati & conducti.* Vbi *partiarij* coloni à pecuniariis differre dicuntur, quòd si vis maior *θεοῦ βία*, fatum ineluctabile astrorum, damnum frugibus intulerit, colonus *partarius* partem quoque damni ferre tenetur, quia societatis iure, damnum & lucrum cum domino fundi partitur. Præter mancipia & colonos conductitios, erant quædam familiæ, quæ sese colendis agris deuouebant sub certa pensione dominis fundi præstanda, & hæ, vel in perpetuum colonariam conditionem induebant, vel ad tempus. Si ad tempus illo exacto pristinx conditioni restituebantur, nisi forte per spatium triginta annorum agris colendis incubuissent: nam post annos triginta, nefas erat ip-

l. nunquam C. de agricolis.

l. si merces. §. vis maior ff. locati & conducti.

L. cum si-
tes 1. cum
aurem

sis à gleba absistere, sed præscriptione utebatur
aduersus eas dominus fundi, quominus liberta-
tem reciperent. Quàm legem trigenariæ præscri-
ptionis tulit Anastasius Imperator, l. cum satis, &
cum autem, C. de agri cultu colonu & censitis.

C. de agri-
colis colo-
nis censitis.

Qui vèro in perpetuum colonariæ rei se se ad-
dicebant illi fiebant serui glebæ, seu adscriptitij
pari fere conditione, quâ curiales, qui se curiæ
deuouerant non poterant officiis, & functionibus
curiæ renunciare, l. cum per alias, C. de Colonis Pale-
stinis.

L. cum per
alias C. de
Colonis pa-
lestinis.

Adscriptitij si quos susciperent liberos quam-
diu in colonaria essent conditione, illi dicebantur
Originarij, l. Originarios de agricolis colonis & cen-
sitis.

L. Origina-
rios C. de
Agricolis,
colonis &
censitis.

Tandem censiti dicuntur, quibus certa portio
terræ sub annuo censu erat assignata. Qui census si
per capita solueretur dicebatur, *apitatio*, si per iu-
gera *iugatio*, de quibus vide l. Coloni, C. in quibus
causis. Quibus ita præmissis. Certum est Eccle-
siam antequam seruitutes è medio sublatae fuif-
sent, puidissetque Christianos infami iugo sum-
mittere, quos Christus pretio sanguinis dato in li-
bertatem vendicauit, certum est inquam, Eccle-
siam habuisse seruos mancipia colonos adscri-
ptitios, casatos, originarios, libertos. Nam qui
prædia sua Ecclesiæ tradebant; solebant etiam
vna cum agris seruos agrorum & colonos in Ec-
clesiæ familiam, ac potestatem transcribere.
Aliunde verò aduocati Ecclesiarum, vt res earum,
atque

L. Coloni
C. in quibus
causis, &c.

atque opes augerent nonnunquam seruos & ancillas ubi opus esset emebant. Vnde acquirebātur serui Ecclesiæ 3. modis, vel donatione fidelium vel emptione aduocatorum vel permutatione.

Ritus donandi seruos Ecclesiæ fuit, vt in Carta donationis seruorum & ancillarum nomina vna cum liberis & propagine eorundem notarentur. Quod si donator singulari beneuolentia aliquem è seruis prosequeretur, nonnunquam illi facultatem sese redimendi permittebat, modo mancipium daret eiusdem pretij & valoris. Notandum vero pretium mācipiorum eo tempore è proceritate ac magnitudine corporis fuisse æstimatum; atque ita definiebat donator, cuius magnitudinis mancipium dare deberet, qui se volebat redimere. Et mancipiorum quidem magnitudo manibus æstimatur, vt mancipium summi pretij decem vel duodecim manus longum sit. Ita in veteri Carta quæ extat in Centuria Cartarum Alemanicarum Antiq. tom. 2. parte 1. legimus. *Si Hacco qui est in Concambio cum Vnichardo se redimere vult det alium mancipium XI. manuum longum.* Nonnunquam vero seruorum donatores sibimetipsis redimendi facultatem retinebant si liberet & pretium constituebant, quo seruus redimeretur, ita in formula Ifonis legimus. *Illum supra nominatum seruum nomine illo, in censum habeam ad tempus vite mee, & si redimere voluerit, cum tanto pretio redimam.*

Acquirebantur serui Ecclesiæ per emptionem, quando certo pretio eos emebat aduocatus Ec-

sf

ritus donandi
seruos.

Ita in legi-
bus A' ma-
nicis legitur
Seruus n.
palmarum
cū pollice.

Alemanic.
Ant. 202.
parte 1.

Centuria
Cartarum
carta 7.

clesiæ, cuius exemplum est in Carta prima Centuriæ præfatæ, scripta per Malafredum in qua Orperga quædam vxor Vodalberti in libertate ducta, dicitur acquisita in seruitium ab Emichone Advocato Sancti Galli.

Cart. 12.
aleman.
antiquo.
2. p. 1.

Permutationes seruorum fiebant, si quando is seruus Ecclesiæ parum utilis foret, & alios seruos commodiores esset habitura in concambium. Seruus autem pro valore & æstimatione pretij aliquando vno, aliquando duobus seruis permutabatur. Ita in Carta per Herimotum monachum conscripta, Grimaldus Abbas vna cum Podalolto Advocato concambiat seu permutat, cum Valdradramo duo mancipia, accipitque è contrario tria mancipia.

Coloni
quomodo
acquiruntur.

Coloni vero non eodem modo quo serui acquiruntur: nam vt vagos ac errone esse Colonos eorum conditio non sinebat, nec à gleba, cui colendæ sese deuouerant, etiam dominorum auctoritate eximi: ita non possunt sine donatione fundi donari, nec sine eiusdem permutatione permutteri. Itaque si quis Ecclesiæ fundum & prædium addiceret, is quoque Colonos dabat, & si Ecclesia prædia quædam de nouo acquireret, colonos quoque comparabat.

Quod de Colonis, idem de Casatis dicendum. Casati autem & Inquilini ij sunt proprie, qui se Casæ seu Domui dedicarunt. Quamobrem sicut qui agros colunt coloni dicuntur, ita qui casas seu domos curant, illi nominantur Casati & eos à casa

auelli, leges non sinebant. Itaque sine Casæ venditione vendi non poterant, nec sine eiusdem donatione donari. Verum ne rem inuolutam silentio prætermittam, quod fuerit Casatorum officiū, & quæ partes non satis conuenire video inter auctores. Alij vassos Ecclesiæ intelligunt, qui partem feudi seu beneficii obtinent. Alii seruos domesticos. Ego vero Casatorum 2. genera reperio. Quidam enim dicuntur Vassalli casati, quidam serui Casati. Vassalli Casati sunt homines, seu feudatarii deterioris notæ. Nam vt in Longobardia, ita in Francia olim tres ordines ingenuorum tantum videntur fuisse, Capitaneorum, quo nomine Marchiones, Duces & Comites intelliguntur, Valuassorum & Plebis. Valuassores dicuntur qui à Marchionibus & Ducibus feudum accipiunt vt loquuntur Consuetudines feudorum libro 1. tit. 1. iudem quoque vassi dominici nominantur lib. 5. c. ca. 136. pro quo corruptè in synodo Ticinensi legitur vassi domestici. Sub Valuassoribus siue vassis domesticis, plebs continetur: oportet itaque vt Casatos, vassos Ecclesiæ intelligamus, non eos quidem, qui maiores seu Valuassores dicuntur, sed plebeios: quos nutu suo regebant Maiores Valuassores. Et sane hominum quos Ecclesia ad sui præsidium habebat tres comperio ordines, Capitaneos milites & Casatos. Capitanei dicuntur qui feudum titulum ab Ecclesia accipiunt, vt ei subseruiant. Milites qui sub Capitaneis militant, tandemque Casati qui militibus subseruientes partem

Dissentiunt
auctores de
conditione
Casatorum

Tres Inge-
nuorum
ordines.

Consuetu-
dines feu-
dorū lib. 1.
tit. 1. lib. 5.
c. 136.

Homines
Ecclesiæ
quomodo
diuiduntur

326 *De bonis Ecclesiarum in specie,*
feudi sibi translata, & transcriptam posside-
bant.

Yuo Car-
norenſis
epist. 28.

Ut autem Capitanei, Valuaſſores & plebei, qui
sub Valuaſſoribus erant, tenebantur Regi præſto
eſſe perfectionem quamlibet adornanti, aut bel-
licam expeditionem meditati. Ita quoque Capi-
tanei milites & Caſati Eccleſiarum, pro earum dē
ſalute, & rebus militabant, & ab Episcopis ſi quan-
do opus eſſet cōuocabantur, ut vel Reip. vel Reli-
gioni partes ſuas & officia impenderent. Vnde
Yuo Carnorenſis Episcopus, vocatus ad Placitum
Regis & iuſſus vocare milites & Caſatos Eccleſiæ,
ut Regi præſto eſſent, excuſationem proferit, eos
nimirum aut abeſſe, aut excommunicatos eſſe
atque incongruum videri homines communione
pulſos, nondumque purgatos ad militiam adige-
re. *Præterea, inquit, Caſati Eccleſiæ & reliqui milites
pene omnes vel abſunt, vel pace violata excommunicati
ſunt, quos ſine ſatiſfactione reconciliare non valeo, &
excommunicatos in hoſtem mittere non debeo.*

Capit. lib. 3.
cap. 63.

Vera ergo & Germana Vaſſallorum Caſatorum
functio munuſque fuit, quò res Imperii vocarent
eò dominos ſequi ac Reipub. & Eccleſiæ deſeruire.
Quamobrem Capitularium lib. 3. cap. 63. iubetur
ne Vaſſi Dominici qui in Comitatu & Aula Regis
agebant, Caſatos ſuos ſecum retinerent, ſed ſine-
rent eos ire & progredi in hoſtem, vna cum Comi-
tibus cui ſuberant. *De Vaſſis Dominicis qui adhuc in-
tra Caſam ſeruiunt, & tamen Beneficiũ habere noſcun-
tur ſtatutuſt eſt, ut quicũque ex eis cum Domino Impera-*

tore domi remanserit, Vassallos suos Casatos secum non retineat, sed cum Comite, cuius pagenses sunt, ire permittat.

Itaque non est difficile augurari quomodo Ecclesia vassallos casatos acquireret, aut faceret sibi. Acquirebat enim, vel donatione maiorū valuasorum, vel quando ipsamet Ecclesia tradebat in beneficium partem aliquam prædij, eo nomine, ut beneficiarius operam militarem, & subsidium Ecclesiæ impertiretur, ac eius bona strenue defenderet.

Alterum Casatorum genus eorum est, qui Casalibus, seu domesticis obsequiis famulabantur. Casas enim antiqui familiam domumve appellarunt. Eos vero non vassallos Casatos, sed seruos Casatos antiquitas vocavit, quorū conditio longe infra sortem vassorum Casatorum fuit. Nam vassi casati ingenui fuerunt, ac seruos proprios habuere, qui ad eorum nutum poterant manumitti, ut constat ex inscriptione veteri inserta templo sanctæ Crucis quā refert Iuretus ad Epist. 28. Yvonis Carnotensis. EX BENEFICIO S. † PER IOANNEM EPISCOPVM, ET PER ALBERTVM S. † CASATVM FACTVS EST LIBER LAMBERTVS TESTE HAC SANCTA ECCLESIA. Deinde vassalli casati non erant proprie serui, sed iis tantum conditionibus tenebātur, quibus feudatarij hodie obstringuntur circa Dominum feudi, ut nempe præsto essent profecturis in bellum, Reip. causā: nec enim soli milites, seu nobiles olim erant hiæ ob-

328 De bonis Ecclesiarum in specie,
sequiis militaribus obnoxij, sed etiam plebeij &
ignobiles, quicumque agris, aut aliis seruitu-
tibus non addicerentur.

Cui ad tit.
2. de Feud.
om. 4. p.
485.

Centuri
Cartarum
Carta ter-
tia.

Carta. 39.

Lib. 1. Feud.
cap. 8.

Quandocumque ergo de seruis Casatis specia-
lis fit mentio, tum certe non Vassallorum, sed alio-
rum longe inferioris, ac deterioris notæ homi-
num conditionem intellige. Casali autem serui
enim illi, vrait Cuiacius (qui male confundit vas-
sallos casatos cum seruis casatis) domi focique mi-
nistrant, aut rem familiarem accurant, vel ruri, vel
in vrbe. Quapropter in Dominorum erant pote-
state, & in alienam manum poterant pro arbitrio
transferri. Vnde in donationibus antiquis non
infrequenter legimus tradi ecclesiæ in Dominum
Casatos. In Centuria Cartarum Carta tertiâ
*Cotauinna Ancilla Dei, tradit Monasterio sancti
Gallonis Casatos, tres cum infantibus suis nomina-
tim expressis*: In eadem Centuria, Carta trigesi-
ma nona quædam nomine Beata filia Rachiberti,
tradi ecclesiæ sanctæ Mariæ Casatos duos. ex
quibus donationum instrumentis argumentum
peto, quo liquet vassallos casatos à seruis casatis
distingui. Nam vassalli casati erant in potestate
valuassorum, & ab illis solummodo regi, tradi, do-
narive poterant, cum consensu Regis, & Marchio-
num ac Capitaneorum. At fœminæ non poterant
sustinere personam valuassoris, nec feudis succe-
dere, nisi speciatim ita conuentum esset, in datio-
ne feudi, sic habetur lib. primo feudorum, cap. 8.
filia non succedit in feudo, nisi inuestitura fuerit facta in

patre, ut filij & filia succedant in feudum (tunc enim succedit filia filijs non extantibus) vel nisi inuestita fuerint de hoc feudo paterno. Ergo cum in prædictis donationibus, fiat mentio Casatorum, qui arbitrio fœminarum tradebantur Ecclesiis, signum est istos Casatos non fuisse feudatarios, nec homines feudi.

Quibus argumentis nil esset addendum nisi li-
uideo constare posset, etiam parum scientibus, Ca-
satorum seruorum conditionem longe esse Casa-
tis vasallis antiquiorem. Nam feuda, & vasalli
posterioribus sæculis inceperunt. At Casati serui
etiam florente adhuc Romanorum Imperio no-
men suum habuerunt. Hinc Theodosij Codex,
vbi imperat recenseri proscriptorum bona,
mentionem facit Casariorum, sic enim habent
Augustissimi Cæsares, Valentinianus, Valens &
Gratianus, l. Si qui C. De bonis proscriptorum. Pl. n. *descriptio, comprehendat quod spatium, quod sit rursus in-
genium, quid aut cultum sit, aut colatur, &c. Quis edifi-
cijs, ac possessionibus ornatus, quotve mancipia in præ-
dijs occupatis, vel Urbana, vel Rustica, vel quarum
arium generibus imbuta teneantur, quot sint Casarij, vel
Coloni.*

L. Si qui
Col. Ac Po-
nus præscri-
ptorū, apud
Theodosiū.

Ac ne quis addubitet quibus rebus operam
darent Casati, seu Urbani, seu Rustici, annotan-
dum ex anteriori Romanæ Reipublicæ disciplinâ
seruos Casatos, seu domesticos varias exercuisse
prouincias. Quidam enim erant artifices, quidam
Mediastrini. Artifices qui certam artem callebant.

2. An præ-
ter §. Cau-
pones ff.
naturæ, Cau-
pones, &c.

1. Item a-
pud tabes-
nem 1. præ-
tor ait ff. de
iniuriis.

Mediaſtini qui arte carebant, ſed domeſticis cu-
ris, ac functionibus erant dedicati. Quorum alij
erant Atriæſes qui atrium purgabant: alij Focarij
qui focum, & lares curabant, de quibus Vlpia-
nus, l. *Ait prætor §. Caupones, ſt. bularij*, & l. *i-
tem apud Labeonem §. prætor en, ff. de iniuriis*. Præ-
terea in agris, ac prædiis ſcavorum Caſatorum
opera vivebantur, ad redditus agrorum à Colonis
exigendos, ad eorum rationes recensendat, ad
vendendos fructus, & pecuniæ rationem in ta-
bulas referendam. De quibus Vlpianus idem l.
ait Prætor, §. is quoque, ff. de ſervocorrupto. Vbi de-
terrimum corruptelæ genus eſſe dicitur, ſi quis ſer-
uo ſuaſerit rationes Dominicas intercidere?

Præter ſervos, Colonos, Caſatos, tam ſervos,
quam vaſallos, habuit quoque Eccleſia libertos
ſuos. Et ut certe licet liberti proprie dicantur, qui
iuſta ſervitute à Domino manuſſi ſunt Attamé
reperio libertos Eccleſiarum, non ſolum fuiſſe queis
Eccleſiarum Prelati libertatis beneficium indul-
ſiſſent, verum etiam quos laici, & alij quilibet in-
ter manuſſionis ſolemnia, certis obſequiis, ac
operis Eccleſiæ reddendis alligaſſent. Vnde plures
habuit olim libertos Eccleſia, quos numquam
ſervos habuerat. Quamobrem fieri, & acquiri li-
bertos Eccleſiæ dicimus duobus modis, aut per
manuſſionem Prælatorum, ſeu Epiſcoporum,
ſeu Preſbyterorum: aut per manuſſionem lai-
corum. Prælati manuſſentes ſervos Eccleſiæ
certas operas, & functiones manuſſis impera-
bant

bant annuatim pendendas, quarum ratione Ecclesia patrociniū libertorum reseruasse sibi dicebatur. At vero quando laici seruos suos in fauorem ecclesiarum manumittebant, ipsorum erat arbitrium præscribere suis libertis, quid clientelæ nomine vellent Ecclesiis per singulos annos exhiberi. Atque ut illius manumissionis laicæ in fauorem ecclesiarum notitia clarior habeatur, subiicio Cartam & instrumentum eiusmodi libertatis.

N ANDORIMVS MONACHVS.

Notum sit omnibus, tam presentibus, quam superuenturis, quod ego Vuolaliub, cum manu aduocati mei Engilboldi duo mancipia mea, id est Thiotonem, & Vuadindam, in Dei amore libertate donauī. Eā t. men ratione, ut annis singulis ad Cellam Raspoti, quæ ad Monasterium sancti Galli pertinet, in censu IIII. denarios soluant. Actum in loco qui dicitur Rota publice, presentibus his, quorum hic signa continentur, &c.

Annotandum vero totam istā classē hominumque seriem ex Colonis, mancipiis, seruis Catis & libertis, conflata appellari familiam ecclesiæ. Nec enim iis assentiri possum, qui ubi familiam ecclesiæ legunt, ibi de solis seruis agi suspicantur: quippe familia ecclesiæ, quosuis homines continet, siue in potestate, siue in patrociniū ecclesiæ versabantur. Cuimex opinionī fulciendæ vnicū adhibeo argumentū; Serui ex prisca

Quid familia
Ecclesiæ.

T r

Francorum lege testes esse non poterant, præsertim ubi donationum instrumenta oportebat confici, ut docuimus agendo de donationibus. Et confirmari potest ex lege 4. Visigothorum, l. 4. tit. lib. 2. At in donationibus comperio non paucos ex familia Ecclesiæ subscripsisse. Ita in diplomate, Balduini cognomento Hierosolymitani, qui in bellum sacrum profecturus, vendit Oberto Episcopo Leodiensi Tuuinum Castrum, tres subsignatorum ordines reperiuntur. Primo Clerici, secundo Monasteriorum decani, qui Clericos, sempersequuti sunt. Tertio laici nobiles. Quarto personæ de familia Ecclesiæ, quorum nomina recensentur, & notantur hoc modo.

Anno 1096.

DE FAMILIA ECCLESIAE.

Lambertus de Hoyo. Theodoricus de Ponte, Vuarnerus Pincerna, & frater eius Obertus, Lambertus Dapifer. Adclardus & Fredericus Frater eius Albertus de Offri Bono de Bauersai, Joannes Dapifer, cum alijs quampluribus viris egregijs & honestis viris.

Extat autem exemplar donationis eius apud Aubertum Miræum, Donationum, Belgicarum, c. 13. Apud quem etiam cap. trigesimo quinto, legitur Donatio Comitis Namurcensis, qui Andemiam villam tradit Ecclesiæ Andenuensi Monachiaium siue Virginum: in qua donatione plures subscripserunt de familia Ecclesiæ sancti Lamberti. Cum ergo, ut ex præfatis liquet, ad subscribendum serui non admitterentur, sequi-

Aubertus
Miræus, do-
nat Belg.
cap. 35.

tur Ecclesiæ familiam ex aliis, quàm seruis & mancipiis fuisse constitutam.

En ergo idea familiæ ecclesiasticæ serui, mancipia Coloni, Cafati, Vassalli, defensores, Oeconomi, liberi, seu ex propriâ familiâ manumissi, seu quos laici in fauorē ecclesiarum manumississent, quibus satis expositis ad vltiora pergessi modo Lectores monuero hanc personarum distinctionem non modo apud Latinos viguisse, qui in excogitandis tam versicoloribus seruitutum pigmentis ingeniosi fuerunt, verum etiam in medio mari, apud insulas Græcorum. Siquidem in insula Cypro Ioannes Leunclavius, ante Turcarum aduentum homines in quique classes diuisos fuisse

hominum
quæ C. alle
apud Turca

testatur, quorum alij Pariki, alij Estherij, alij perpyrarij. Libet eiusdem Leunclauii dictionem adtexere. *Incipit* (inquit) *Cyprij regni priusquam Barbarorum subirent iugum, in quinque diuersa hominum genera distribuuntur, horum alius omisit, quod huius inst. ito nostro quadrat, exponam. Infimi generis appellantur pariki, Homines conditionis seruilis usque ad eo. Domini obligati proponendum, ut vitæ necisque possint, item in eos haberent. Nomen ipsum Pariki Græca originis est. Nam παῖδες Græci dicuntur Coloni, sicut & Iustiniano Augusto παῖδες τοῦ κυρίου ius Coloniarum est. Secundum hos proximi vulgo vocabantur Lestari, qui quidem & ipsi Parikorum, seu Colonorum erant e numero, sed qui vel interueniente pecuniâ, vel gratiâ Dominorum, vel alia quadam viâ libertatem impetrauerant diuersa tamen ratione. Quippe nonnulli absolute*

Ioan. Leunc.
in Ps. de Ca.
p. 117.

Tt ij

*De bonis Ecclesiarum in specie,
liberi efficiebantur. Quum alij duntaxat personali liber-
tate potiti, nihilominus rerum suarum nomine Dominis
essent obligati, puta quotannis ut soluerent, principibus,
aut nobilibus viris 15. vel 6. plus aut minus Perpyra
(quod genus monete est apud Turcas) cuius in perpyris
numeranda pecunia causa Perpyrarij dicebantur, &c.*

CAPVT VI.

De operis, & disciplina seruorum Ecclesie.

IN seruis ecclesie tria hic nobis spectanda sunt,
primo functiones & opera, quas ecclesie præ-
stabant. Secundo disciplina qua continebantur,
tertio gradus, & dignitas, si modo speciem quan-
dam dignitatis vilissima capita obtinent, qui tam-
diu honorum omnium aditu pelluntur, quandiu
manent seruitutis nexibus illigati.

Quod ad primum attinet. Tria functionum, &
operarum genera præstabant serui ecclesiarum.
Aut enim Religiosis erant obsequiis addicti, aut
prophanis, aut nec prophanis, nec sacris operi-
bus vacabant, sed tributo tantum censuque an-
nuo Ecclesie se subiectos fatebantur.

Religiosas operas præstabant Ecclesie, quos
voluntas defunctorum legauerat ædibus sacris,
vel ad custodiã, vel ad labes & ruinas senescentiũ,
Basilicarũ instaurandas, vel ad sepulchra obser-

uanda, purganda, defendenda, aut ad pompam exequiarum illustrandam, lessumque singulis annis instituendum, quoties memoria defunctorum solemnibus sacris celebraretur. De hoc autem seruorum genere mentionem expressam facit Canon nonus, Concilij Parisiensis tertij, cuius titulus est. *De famulatu & ministerio seruorum degenerum.* Vult enim Concilium Parisiense vt quos seruos morientium dominorum voluntas sepulchro seruando, ac custodiendo addixit, illos nefas sit ab his functionibus auelli, quin etiam supieras testatoris seruos suos ad Ecclesiarum defensionem manciparit, illi quoque Ecclesias strenue tueantur, & occursum impendant. De degeneribus seruis qui sepulchris defunctorum, pro qualitate ipsius ministerij deputantur hoc placuit obseruari, vt si qua ab auctoribus fuerunt conditione dimissi, siue heredibus (id est siue hæredes eos diuiserint, & deputauerint sepulchris parentum) siue Ecclesiis fuerint deputati, voluntas defuncti circa eos in omnibus debeat obseruari. Quod si Ecclesia eos de sisci functionibus in omni parte deffenderit, Ecclesia, tam illi, quam posterorum defensione in omnibus potiantur, & occursum impendant. Quo in Canone duo obscura sunt primum quid sint de generes serui, secundum quid sit occursum impendere.

Concil. Parisiense 3.
Can. 9.

Degeneres seruos meo quidem iudicio intelligendos esse dixerim, quos antiqui mediastinos vocarunt. Olim enim duo seruorum erant genera, quidam Ergastæ siue artifices qui certam artem

Quinam sunt degeneres serui.

callerent, scriptoriam, lanificiam, medicam, &c. Alij mediaſtini qui ſine arte eſſent. Et hos certe degeneres merito appellandos eſſe cenſeo, quòd ceteris minus viles haberentur. Ipſos autem potius quam alios ſepulchris deputabant, ſeu morientes, ſeu eorum hæredes: quia ex ipſorum operis tenue ad modum lucrum & commodum eſſent percepturi. Occuſum autem impendere, fortaſſe quiſpiam ſuſpicabitur nil eſſe aliud, quàm funebri pompæ anteire. Ita enim Romani ſolebant exequias ſuas ambitioſo comitatu ſeruorum libertate donatorum illuſtrare, qui pileum libertatis indicem eo die, quo patroni corpus efferebatur, geſtabant. Hanc pompam deſcribit Propertius, vbi luxurioſi cuiuſdam ingluvie extincti funus deſcribit:

Perſius Sat.
tyra 2.

*In portam rigidos calces extendit, ac illum
Heſterni capite induto ſubihere Quirites.*

l. Cum deditiſſi ſ. ſed
& qui Domini, ff. de
Latina li. bertate tollenda.

Huic Juſtinianus edixit ne qui pileati cadauera deduxiſſent, aut ſtantes ante lectulum ventilaiſſent, illi ad ſeruitutem poſſent retrahi. Eo enim tempore vanâ liberalitatis ſpecie iactabant, ſe complures, & pileum ſeruis die funeris imponebant, vt ex Domini munificentia libertatem accepiſſe viderentur, l. cum deditiſſi, §. ſed & qui Domini, ff. de Latina libertate tollenda.

Occuſum ergo impendere ſi ad defunctos referatur, nihil eſt aliud quam funus nobilitare oc-

curfuo, & cadaueri occurrere, quando in fe-
pulchrum deferitur. Verum fi Canonis fenfum
attentius infpicio illud *Occurfum impendere*, non
tam ad defunctos pertinet, quam ad Ecclefiam, cui
iubentur feruire. Nam quia eos feruos Ecclefia ab
oneribus fifci tuetur, illi viciffim Ecclefiam def-
fendant, necelfe eft, & *occurfum* hoc eft *auxilium*
impendant.

Interim vero legatos ad fe pulchra feruos, ne
cui dubium effe poffit, Diui Remigii testamento
illuftratur, qui ad reficienda tefta eius ædiculæ, in
qua corpus eius condendum erat, legat nomina-
tum Celtum feruum, & Villam Huldriciacam.

Ex quibus Celtus quem per manum meam Celfa fobrina
mea tibi tradidit (Ecclefiam Remenfem alloquitur)
& *Huldriciaa Villa, quam Huldricus Comes ei loco ubi*
offa mea Sancti Fratres & Corpifcopi Diocefews tuæ po-
nenda elegerint, integumentis deferviant, &c.

Testamen-
tum D. Re-
migij apud
Flodoardum

Mirum vero videbitur alicui veteres de fe pul-
chorum fuorum tutela cogitaffe. Vt quid fortaf-
fe, dicet quifpiam, tantum honorem fuis cineribus
oprabant. Nunquid Ecclefie & Cœmeteria fatis
tuta loci Religione & humanitatis fenfu, quæ cala-
mitatenu mortuorum facram fecit & inimicitias
verat ultra vitæ terminos extendi. At ceffabit fa-
cile tota hæc dubitatio, fi fe pulchra mortuorum
plerumq; non in Ecclefis nec iuxta Ecclefias, fed
in Campis villifque extructa recordemur. Iraque
criptis, aut ædiculis, quibus cadauera condebantur
cultodes addebant aduerfus hominum, aut

Quamobrem
antiqui fuis
fe pulchris
præficeret,

Prædones
quidam ex
poliabant
defunctos
quos vesti-
tos & ami-
ctos sepeli-
erat cõsue-
tudo.
Concil.
Braccarense
1. can. 68.

ferarum iniurias: Monumentorum vero in Campis iacentium mentionem facit Canon. 68. Concil. Braccarenfis 2. *Non oportet Clericos & præsumptores super monumenta in Campo ministeria portare, aut distribuere sacramenta, sed aut in Ecclesia, aut in Basilica, ubi martyrum reliquie sunt posite, ibi pro defunctis oblationem offerre.*

Cum itaque Nobiliores, sibi sepulchra extruerent loco singulari, & proprio, quid mirum si ad huius loci custodiam seruos deputarent.

Eam vero seruorum Ecclesiis seu monumentis mortuorum deputandorum consuetudinem, manasse crediderim ex antiquo Romanorum iure. Quippe ex rescripto Papiani libro 1. responsorum, *Servos ad templi custodiam, quod edificari Tiro voluit destinatos, neque manumissos, hæredis esse constitit, l. seruos, ff. de liberali causa.* Ex qua lege fiebat antiquitus, ut nonnulli hæredum seruos religiosi muneribus addictos repetere vellent, & propriis lucris ac commodo vindicare. quamobrem statuerunt Concilia ne fraus illa fieret voluntati testatorum: sed serui in ea conditione iisue locis permanerent, quibus essent auctoritate monumentum dominorum deputati. Ita Concilium Aurelianense 4. Canone 32. *De genere Seruili id decreuimus obseruandum, ut descendens inde posteritas, ubi cumque quamuis post longa spatia temporum reperitur in loco cui auctores eius constat fuisse deputatos, reuocata studio Sacerdotis, in ea, quæ constituta est à defunctis conditione permaneat, cui præcepto, si quis secularium hu-*
mane

l. seruos ff.
de liberali
causa.

Concil. Au-
rel. 4. can. 32

manæ prauitatis impulsu credideris obuiandum, quousque se corrigat, ab Ecclesia suspendatur.

Post religiosas operas, quas serui Ecclesiæ impendebāt prophanas adoriāmur. Prophanæ operæ triplicis sunt generis rusticæ siue colonariæ domesticæ, & militares De Colonariis Lex Alemanica tit. 12. *Qualiter Serui Ecclesiæ tributa soluere debeant*, onera atque functiones Seruorum, Ecclesiasticorum ita præfinit. Serui Ecclesiæ tributa sua legitime reddant quindecim siclas de Ceuissa, porcum valentem tremisse uno, panē modia duo, pullos quinque, oua viginti. Ancillæ autē opera imposita sine neglecto faciant, serui dimidium sibi & dimidium in Dominico Aratium reddant, & si super hac est, sicut serui Ecclesiastici ita faciant, tres dies sibi & tres in Dominico.

De operis
seruorum
Ecclesiæ lex
Alemanica
tit. 12.

Quæ ut facilius intelligi possint animaduertendum non ita duram & austeram fuisse antiquorum seruitutem, quin aliquando rebus suis cōsulere & peculium cōparare possent. Itaque sic totum vitæ tempus partiebantur, partim agros dominorum colebant, partim vero suos : vel si proprios non haberent peculioque carerent, pacta mercede aliorum agris colendis operam allocabant.

Ex iis vero lucris & commodis, quæ serui capiebant, seu ex agri in peculium dati cultura, seu ex locatione operarum, tributum Domini dabant quod tributi genus exprimitur in parte primâ legis supradictæ. Præter quod tributum etiam te-

claudere, fodere, propaginare, præcidere, vindemiare.

III. Reddant decimum fascem de lino. De apibus decimam vas. Pullos quatuor, Oua quindecim reddant.

IV. Parafredos donent, aut ipsi vadant, ubi eis iniunctum fuerit. Augurias cum carro faciant usque L. leugas, amplius non minentur.

V. Ad Casas Dominicas stabulare fanile, granicam, vel tuninum recuperandum, pedituras rationabiles accipiant: & quando necesse fuerit, omnino componant. Calcifurnium ubi prope fuerit, ligna aut petras L. homines faciant, ubi longe fuerit, C. homines debeant exire: & ad ciuitatem, vel ad villam, ubi necesse fuerit, ipsam calcem trahant.

VI. Seruus autem Ecclesiæ secundum possessionem suam reddat tributa. Opera vero tres dies in hebdomada in Dominico operet: tres verò sibi faciat. Si vero Dominus eius dederit ei boues, aut alias res quas habet, tantum seruiat, quantum ei per possibilitatem impositum fuerit, tamen iniuste neminem opprimat.

Quibus in legibus ne quam faceffat nauseam inculca latinitas, & nominum barbarorum insolentia, paucis monco Andecingas nil esse aliud quam certum aratoris operæ pensum quod villani, seu Coloni Dominis persoluant. Gallivocant *Coruees*. At vero parafredos dare, est equos agminales subministrare, maiores quidem & generosiores equis ordinariis & cursoriis, vt latius explicat Cuiacius ad tit. de Cursu publico, Parafredos autem antiquioris æui scriptores parauefredos appellant. Quamobrem Coloni Ecclesiasti-

Cuiacius ad
tit. de Cursu
publico.

ci tenentur primo ad arandum certam agri mensuram ac portionem in commodum & lucrum Ecclesiæ. Ad prata formanda, colenda, purganda, fœnum secandum, tractandum, condendum: ad vites claudendas, colendas, putandas, inferendas, pangendas, &c. Secundo tenentur ad decimam fructuum è prædiis sibi in Colonariam datis Ecclesiæ præstandam. Tertio tenentur ad parafredos donandos, si quando equitum præsidiorum operâ Ecclesiæ indigeant, ad angarias faciendas hoc est currum ministrandum quo res Ecclesiæ deuchi, & asportari possint intra quinquaginta leucas. Quarto tenentur ad deducendum in domos & casas Ecclesiæ pascua quælibet alendis armentis. Calcem, ligna, saxa & arenam. si sufficiendis ædibus opus sit. Serui vero sic Hebdomadarias operas partiuntur, ut tres dies sibi, tres vero Domino laborent, Postquam vero in Ecclesiæ bona & facultates grassari ceperunt, aut impij, aut avaritiæ morbo dementati **nobiles non prædia tantum & fundum Ecclesiæ, sed etiam seruos fædo peculatu rapuerunt.**

Quamobrem cum seruos Ecclesiæ, optimates non pauci vindicassent, & intra suæ ditionis fines continui retinerent operis impeditos, ne omnino seruorum suorum studiis & famulatu Ecclesia careret, Carolus Caluus, sub quo res Ecclesiæ labi ceperunt, edixit ut serui omnes Ecclesiastici quocumque in loco, ac potestate versarentur viginti dies in Ecclesiæ commodum suas operas

impenderent. Serui, inquit, Ecclesiarum quibuscumque potestatibus subditi, unde melior consuetudo, vel deuotior commendatio, ex tempore & iussione Domini Ludouici, vel certe Domini Karoli, seu etiam Pipini non existit, saltem viginti diebus in anno, eidem Ecclesie ad reficiendas ipsius ruinas seruire sinantur, ubi autem & amplior commedatio, & melior consuetudo inde habetur, pro hac nostre necessitudinis consideratione non decidat.

Capitula
Caroli Cal-
ui.

De domesticis seruorum operis nil illustre, aut clarum occurrit: quippe ipsorum ministeria cibis coquendis, parandis, & domesticæ rei componendæ impendebantur, hortos, vestes, cubicula curabāt. Nec enim putauerim monachos ad viles hæc operas adhibuisse confratres suos & sodales, ante extinctam seruitutem Chronicon Constantiense in vita sancti Gebhardi Episcopi, capite decimo nono, post extructum Monasterium refert Gebhardum seruos suos ad ministeria Monachorum deputasse. Post hæc conuocatis seruis suis, eligit ex eis optimos quosque & constituit ex eis cocos, pistores, caupones, fullones, sutores & hortulanos, carpentarios, & singularum artium magistros, & constituit eis, ut eo die quo fratribus deseruirent de cibo & pane fratrum ciberentur, quia dignus est operarius cibo suo.

Chronicon
Constantiense, cap.
15.

Tandem inter seruos erat honestissimum genus ad militares operas designatum: quos non tam seruos quam clientes dixerim. Illi equestri agmine collecto, si quando opus esset, Ecclesiam tuebantur, & res eius inter bellicos tumultus à prædatione defendebant, equos etiam, cum

Chron.
Constant.
ibid.

illis indigebant fratres, commodare tenebantur, cuius rei exemplum insigne eodem Chronico Constantiensi. Constituit, etiam, alios clientes qui equitando deservirent, scilicet ut semper parati essent ad equitandū quocumque necessitas exegisset, & ad commodandū fratribus caballos suos, quocumque poposcent.

Cent. Cart.
10, 2 antiq.
Alemann.

Tandem inter operas servorum numeratur præstatio census ac tributi. Quidam enim servos suos sub sola annui census pensione Ecclesiæ devoueant, adeoque præter tributum & vectigal conditum Ecclesia nil à servis poterat repetere. Cuius rei vestigium extat in Centuria Cartarum tomo 2. Alemanicarum antiquitatum Carta 4. vbi certi Servi dicuntur pertinere ad monasteriū Sancti Galli iure proprietatis, in cuius recognitionem tenentur dare singulis annis vnam libram ceræ.

Quamdiu ergo Servi vivebant, tandiu ea onera subire tenebantur, quibus voluntate testatorū & dominorum fuerant deputati. Ipsis vero morientibus Ecclesia ius habebat spoliū, seu ut veteres Cartæ loquuntur, *Ius mortuarij*, hoc est ius occupandi hæreditatem defuncti, pulsus ab eius additione cognatis & parentibus. Ita in præfata Carta annotatur Abbatem Sancti Galli ius habere mortuarij in eos servos, qui quotannis libram ceræ pendebant. Post mortem vero eorum Abbas Abbas qui pro tempore fuerit, de singulis mortuariū accipiet. Historia Constantiensis apud Pistorium testatur Sanctum Gebhardum servo-

suos, quos monasterio addixit, ab onere mortuarij exemisse: itaut monachi è re seruorum mortientium nil acciperent exuuiarum nomine, sed integram & solidam hæreditatem legitimis successoribus relinquerent. *Ut autem*, inquit, *serui* Chron &stantientel cap. 19. apud Rerū Germanicarum scriptores | editos operta Pistoni.

bono animo ministrarent dominis huiusmodi, donatio cumulauit ipsos, scilicet ut cum quis presentium, vel ipsorum successorum, qui de progenie illorum esset, moreretur, exuuiæ de eis non sumerentur, sed hæredes relictam hæreditatem indiuisam possiderent.

CAPVT VII.

De disciplina & gradu seruorum Ecclesiæ. Quæ causa fuit cur honestius educarentur serui Ecclesiæ. Et seruis clerici ordinati. Seueritas Clericorum in seruos cohibita. Maleficia & sortilegia solius fori Ecclesiastici. Serui Ecclesiæ eiusdem ordinis cum seruis Regiis. Quid sit iurare cum Sacramentalibus. Serui Ecclesiastici ab oneribus fisci immunes, &c.

EX quo D. Paulus monuit Episcopos creari domui suæ bene præpositos, ut è composita familia quiuis augurari posset, quem ordinem & splendorem Ecclesiæ rebus essent allaturi: ex eo nemini dubium esse potest, Ecclesiam omni ætate in instituendis, ac formandis seruorū suorū ingeniis sollicitudinē non mediocrem adhibuisse. Quippe Ecclesiæ summum decus fuit, ut etiam ignobiles

animi inter operarum æstus atque ærumnas, virtutem discerent, & in seruili corpore mentem gestarent heroïcis artibus ac studiis eruditam. Augebat vero curam Ecclesiæ in formâdis seruorum animis, expectatio fortunæ nobilioris. Educabantur quippe serui Ecclesiæ ad spem clericalis ordinis, cui, si mores studiaque satis castigata fauerent, solebant Episcoporum beneficentia inseri.

Concilium Toletanum quartum Can. 74. De familiis Ecclesiæ constituere Presbyteros, & Diaconos per parochias liceat, quos tamen vitæ rectitudo & probitas morum commendat, ea tamen ratione ut antea manumissi libertatem status sui recipiant & denno ad Ecclesiasticos honores succedant. Irreligiosum est enim obligatos existere seruituti qui sacri ordinis suscipiunt dignitatem. Quidquid autem talibus, aut per libertatem concessum, aut successionem extiterit debitum, aut à quolibet quoquomodo collatum, non licebit eis quippiam inde in extraneas personas transmittere, sed omnia ad ius Ecclesiæ à qua manumissi sunt oportet post eorum obitum pertinere. In

Concilio Emeritensi can. 18. iubetur ut presbyteri de Ecclesiæ suæ familia clericos sibi faciant in

Concilio Toletano nono can. vndecimo ut Clerici fiant ex familia Ecclesiæ qui si virtutum studio, atque exercitatione floreat, ad maiores ordines prouehantur. Qui ex familiis Ecclesiæ seruutur deuocantur in Clerum, ab Episcopis suis necesse est libertatis percipiant donum: & si honestæ vitæ claruerint meritis, tunc demum maiöribus fungantur officijs, quos vero

Concilium
Toletan. 4
can. 74.

Concilium
Emeritense
can. 18.

Concil. To-
let. 9. Can.
11

vero flagitij sordidauerit incorrigibilis noxa, perpetua seruitus conditionis, releget in catenam. Cum ergo vitutum, & vitæ bene compositæ præmium Clericalem dignitatem vnà cum libertate sibi propositam eernerent, quis dubitat seruos Ecclesiæ olim egregiis certasse facinoribus, presbyterosque, ac Episcopos quibus subdebantur, non tam formidasse, vt lieros truces quàm vt patres beneuolos, ac institutores coluisse.

Inuenio tamen rixas, & odia seruorum aduersus Ecclesiarum pastores, quas vt cõpescerent, sæpe seruis contumacibus membra resecabât. Hanc iracundiæ & indignationis speciem, vt indignam maiestate Sacerdotij reprimit: synodus Emeritensis Canone 15. *Placuit huic sancto Concilio, vt omnis potestas Episcopalis modum suæ ponat iræ, nec pro quolibet excessu cuiuslibet ex familia Ecclesiæ, aliquod corporis membrorum præsumat extirpare aut auferre. Quod si talis eius seris culpa, aduocato iudice ciuitatis, ad examen eius deducatur, quod factum fuisse asseritur, &c. Similiter, & quia comperimus aliquos Presbyteros agridine accedente Ecclesiæ suæ familia crimen imponere, dicentes ex eorum aliquos maleficium sibi fecisse eosque sua potestate torquere, & per multam impietatem detrimentare, & hoc emendari placuit per rectitudinem huius sententiæ. Instituentes igitur decernimus, vt si Presbyter talia pati se dixerit, ad aures hoc sui perducatur Episcopi. Ipse autem datis bonis hominibus ex latere suo, iudicem hoc iubeat querere, & si sceleris huius causa fuerit inuenta, ad cognitionem Episcopi hoc reducat, & processa ex eius*

Concilium
Emeritense,
Can. 15.

ore sententia ita malum extirpatum maneat, &c. Vbi obiter annotandum aliter iniurias, & crimina ordinaria seruorum Ecclesiæ vindicari; aliter vero maleficia, seu sortilegia, vt vulgo dicunt. Quippe Canon Toletanus, ordinarij criminis arbitrum facit & cognitorem, indicem ciuitatis. At maleficiij causam vult à solo Episcopo, & missis à latere Sacerdotibus tractari. Quia maleficiorum cognitio fori semper fuit ecclesiastici, quod male feriat quidam Ecclesiæ hostes contumaciter incessunt, & coniuratis maledicentiæ arietibus, funditus euertere moliantur.

Concil. Au-
rel. 4. Can.
23. sub Chil-
derto,
anno 541.

Omnino vero in suis seruis modestiam, & æquiritatem Ecclesia semper desiderauit. Neque permisit vt turbatis Reip. temporibus & bello sæuiente prædas, & captiuos abducerent. Ita Canon. 23. Concil. Aurel. 4. sub Childiberto Rege. *Seruis Ecclesiæ, vel Sacerdotum prædas, & captiuitates exercere non licet, quia iniquum est, vt quorum Domini redemptionis præstare solent suffragium, per seruorum excessum disciplina Ecclesiastica maculetur.*

Regis Ale-
manicæ, tit.
8.

Quod vero ad eorum prerogatiuas, & priuilegia pertinet. Certum est seruos Ecclesiæ eodem gradu, ac pretio quo seruos regios fuisse. Vnde qui seruum Ecclesiæ interfecisset, in triplum restituere tenebatur, sicut qui Regium seruum occiderat. Lex Alemanica, titulo octauo. *Si quis seruum Ecclesiæ occiderit in triplum compenat sicut solet seruus Regis, ita soluat I. LXII. Solid. & si eum rapueris contra legē & vendideris extra Prouinciā triplici;*

ter eum componat. Eadem ferme habentur titulo vigesimo secundo, De Receptatione serui fugitiui. Si quis mancipium Ecclesiæ, aut seruum, aut ancillam fugitiuum susceperit, aut ipse Presbyter requirat, aut missus eius legitimus, & ille neglexerit reddere, & contra legem antestiterit, sicut solet aliis Alemanicis componere, ita & tripliciter componat, & quidquid Ecclesiæ contra legem fecerit, omnia tripliciter componat, sicut lex habet. Leges Ripuariorum eodem modo, vnum & idem pretium hominibus Regiis, atque ecclesiasticis constituunt. Nam cap. 9. Si quis Regium hominem interfecerit, centum solidis culpa iudicatur. Et cap. 10. si quis hominem Ecclesiasticum interfecerit, centum sol. culpa iudicatur, aut cum 12. iuret.

Legum Alemanicarum
titulo 22.

leges Ripuarie, cap.
9. & 10.

Mitiores paulo sunt leges Baiuuariorum quibus seruus ecclesiæ occisus iubetur solummodo induplum cõponi Si quis seruum Ecclesiæ sine mortali culpa occiderit, ut. l. c. 5. per præsumptionē duos similes restituat pro illo quē occidit, & si negare voluerit cum duodecim sacramentalibus iuret in altari in illa Ecclesia cuius seruum occidit. Iurare autē cum sacramentalibus est ritus antiquus, quo sepurgare solebant ab inflicta contumelia, interposito sacramento. Ad sacramentum autem socij adhibebantur, vel plures, vel pauciores prout causa maioris erat, vel minoris inomenti. Isti vero socij qui vnā cum reo iurabant, dicebantur sacramentales: itaque vbi res Ecclesiæ agebatur, plures opus erat adiuuari sacramentales, quā in aliis causis, sic vbi de incen-

leges Baiuuariorum.

1. c. 2. Ba-
nuium
p. 6.

dio Ecclesiæ tractatur, si quis sese purgare voluisset oportuit adhiberi 24. Sacramentales, legis Baiuariae titulo sexto.

Concil. To-
let. 3. Ca-
non. 21

Præter hanc vero cum seruis Regiis similitudinem, alia quoque fuit seruorum Ecclesiæ prærogatiua, ne filci oneribus tenerentur; ne cogi possent ad angarias, & parangarias, sicut reliqui ex seruis, qui iumenta, vehicula, & operas suas conferre tenebantur in commodum filci, aut bello imminente, aut si quando opus esset vias publicas muniri, pontes refici, annonam & arma conuehi; A quorum munerum præstatione liberos facit Ecclesiæ seruos Canon 21. Concilij Tolet. 3. *mus. Quoniam cognouimus per multas ciuitates Ecclesiarum seruos & Episcoporum, vel omnium Clericorum à Judicibus, vel actoribus publicis diuersis angarijs fatigari, omne Concilium à pietate Domini nostri poposcit, ut tales deinceps ausus inhibeat: sed serui superscriptorum officiorum in eorum vsibus, vel Ecclesiæ laborent. Si quis vero iudicum, aut actorum Clericum, aut seruum Clerici, vel Ecclesiæ in publicis, ac priuatis negotiis occupare voluerit, à Communione Ecclesiastica priuetur.*

CAPVT VIII.

De libertis Ecclesiarum, ac primo de vario genere manumissionum apud veteres Francos, Longobardos, Alemannos. Quid sit libertus Amund. Ritus facienda Amundium. Quid Impans & manumissus in votum Regis. Quidnam sit homo denarialis Aldij quinam, &c.

CVriosa satis nec ingrata antiquarum manumissionum speculatio non potest auspicius inchoari, quam si dicamus eos omnes qui in Galliâ veteri, siue Longobardiâ manumittebant, vel patrocinium, ac clientelam serui manumissi retinuisse, adeoque libertatem non concessisse nisi sub conditione operarum, quas liberti certis temporibus exoluere tenebantur: vel certe seruos suos omnino potestate herili exautorasse, plenamque illis sui auctoritatem tradidisse. Qui serui sine retentione operarum, & residuo clientelæ nexu manumittebantur. Hi maiore quadam & meliori libertate gaudebant, dicunturque in antiquis legibus *Amundij*, siue serui *Amúd*. Quod nomen à voce *múdi*um deriuatum puto: Est autem *múdi*um ius, dominium, & auctoritas, ita *amundi* qui omnino potestate, & ditione patronorum sunt exempti. Nisi malimus *amundios* seruos eo

nomine appellatos, quod mundium nullum solvere tenerentur. Nam qui sub conditione manumittebant solebant seruis à se manumissis, in clientelæ perennæ monumentum, certum censum nummarium quotannis persolvendum imponere, qui census mūdium dicebatur, propterea quod esset indiciū alicuius potestatis quam manumissores in libertos retinebant. Ita legis Longobardicæ lib. 2. tit. 35. l. 4. *Si quis seruum suum, aut ancillam liberum, vel liberam dimiserit, & posuerit ei mundium, aut unum solidum, aut II. aut III. aut VI. tantum habeat mundium, quantum in Carta ei affixit, ut qui postea ex ipsa muliere nati fuerint, siue masculi, siue femina non habeant amplius mundium nisi quantum, & mater earum.*

Forma autem manumittendi amundium singularis est, fiebatque PER QUARTAM MANUM, ut vocant. manumissor tradebat eum in manus liberi hominis, is vero in manum secundi alicuius, secundus in manū tertij, tertius in manum quarti à quo ducebatur in quadriuium, & ostensis quatuor viis, ac plateis iubebatur ire quā veller, & deinceps suo iure, & arbitrio viuere. Sic autem manumissus nullis amplius erga patronum obsequiis, aut operis tenebatur, nec illius hæreditatem si legitimis hæredibus careret licebat patrono capessere, sed eius bona, ut bona caduca hominis ingenui, vindicabantur fisco, & ærario principis. Quod totum liquet ex titulo trigésimo quinto, libri secundi legis Longobardicæ. *Qui Sulfreal &*

Leges Longobardicæ lib. 2. tit. 35. l. 4.

Legis Longobardicæ, lib. 2. tit. 35.

à se extraneum, id est Amund facere voluerit, sic debet
facere. Tradat eum prius in manus alterius hominis liberi
& per Garathinx ipsum confirmet, & ille secundus
tradat eum in manus tertij hominis, & tertius tradat
eum in quarti. Et ipse quartus ducat eum in quadrinium,
& thingat in Vuadia, & Gifiles ibi sint: Et dicant sic
de QVATVOR VIIS VBI VOLVERIS AMVLARE
LIBERAM HABEAS POTESTATEM. Si sic factum fue-
rit, erit Amund, & ei manebit certa libertas, & postea
nullam repetitionem patronus aduersus ipsum, aut filios
eius habeat potestatem requirendi. Et si sine heredibus
legitimis ipse, qui Amund factus est, mortuus fuerit,
curtis Regis illi succedat, non patronus, aut heres patroni.

Qua in lege, exotica ista vocabula sic explican-
tur. Thingare, & Garathingare est, factam do-
tionem confirmare, ac ratam habere Gifiles au-
tem sunt testes, siue obsides in munimentum ali-
cuius pacti, aut traditionis. Vuadia idem est quod
Gardia seu custodia. Itaque qui Amund facit Ga-
rathingat in Vuadiâ, id est obsidem se, & asserto-
rem facit libertatis seruo traditæ, ita ut quando,
cumque Dominus eum in seruitutem reuocare
vellet, ille cuius manu Amund factus erat, liber-
tatem ipsius propugnare teneretur. Garathingare
autem origo est verbi Gallicè *garantir*. Fuit, & alia
seruorum classis, qui plenam libertatem asseque-
batur. Nam cum existimarent illud pietatis, ac
misericordiæ genus quod seruos manumittendo,
exercebant, Deo gratum esse, & acceptum, adeo-
que posse eius saluti, proficere, in cuius votum fa-

Legis Longobardicæ
titulo 35. l. 1.
libri 1.

etiam esset manumissio: nonnumquam in votum Regis manumittebant, & qui ita manumissus esset, dicebatur Impans, ac integram libertatem assequabatur: propterea quod in votum regis, nefas esset imperfectam tantum & diminutam libertatem impertiri. Ita legis Longobardicæ titulo 35. l. 1. Rotharius Rex Longobardorum edixit. *Qui per Impans id est, in votum regis dimittitur ipsa lege vivat, sicut qui Amund factus est, & cum eo Patronus vivat tanquam cum fratre, aut cum aliis parentibus liberis.*

Aliud fuit libertorum genus, quorum patrocini-um retinebant sibi manumissores, & certum operarum pensum quotannis exoluendum imperabant. Hoc autem varias sortitur appellationes, pro variis cæremoniis, quibus inter manu mittendum utebantur. Alij enim dicuntur *denariales*, alij *tabularij*, alij *Aldij*.

Denariales dicuntur liberti qui per iactum denarij manumissi sunt, hoc pacto. In manu serui manumittendi ponebatur denarius, quem Rex aut Imperator manum serui impellendo, & succutiendo existabat. Huius formulam integrâ. Ex refert Ernestus Cæcellarius centuria cartarû carta 6. *In nomine sanctæ, & individue Trinitatis, Hludouicus diuinâ favere gratia Rex. Nouerint oēs fideles nostri presentes scilicet & futuri, quia nos rogatu Purcharii dilecti Comitis nostri, quendam proprium seruum nostrum Johan nominatum, in præsentia fidelium nostrorum per excussionem denarij de manu illius iuxta Legem Salicam in elemosy-*

Ernestus in
Cent. Cartarum
carta 6.

NAM

nam nostram liberum dimisimus, & ab omni iugo seruitutis absolvimus, eius quoque absolutionem hoc scripto firmavimus, quam in omni tempore firmam, inviolabilemque mansuram esse volumus. Præcipientes ergo iubemus, ut sicuti reliqui manumissi, qui per huiusmodi titulum absolutionis à Regibus, vel Imperatoribus noscuntur esse relaxati ingenui, ita deinceps memoratus Iohan, bene ingenuus, atque securus existat, & ut ista ingenuitatis pagina firma stabiliisque consistat, annulo nostro eam consignari iussimus, Ernustus, Cancellarius, ad vicem Theotimati Archicapellani recognoui. Datum 11. Kal. Iun. Anno Incarnationis Domini DCCCXVI. Indict. VIII. Anno Regni Domini Hludouici. VII. Actum in Rotthuilla feliciter. Amen.

De quo seruorum genere loquuntur leges antiquæ locis compluribus. Legis Salicæ titulo vigesimo octauo iubetur, ut qui seruum alienum sine consilio Domini ante Regem, per denarium, ingenuum dimiserit C. solidis mulctetur.

Horum ergo seruorum, qui denariales dicti sunt, conditio fuit, ut filios quidem ac cognatos heredes habere possent: ipsi vero nec eorum liberi ante tertiam generationem, nullius cuiusquam hæreditatem adire valerent. Purgari enim seruitutis sordes, nisi post tertiam generationem posse non credebant, nec ingenuitatis iura, nisi nepotibus, quibus lóginquitas temporis labe, ac maculas auorum deterfisset, competere: ita in Capitulis Caroli & Ludouici, lib. sexto capit. 208. *Homo denarialis non antea hereditare in sua agna-*

l. Salicæ
tit. 28.

Capitula
Caroli &
& Ludouici,
Capit. lib.
6. cap. 208.

Rex Longobardicæ
libro 2. tit.
34. l. 12.

tione poterit, quàm usque ad tertiam generationem perueniat. Consentit Lex Longobardica, libro 2. tit. 34. Lege II. vbi Imperator Pipinus sic edicit. *Homo denarialis non habeat hereditatem in sua generatione antequam usque in tertiam generationem perueniat, & homo Cartularius similiter.* Eodem fere pacto, apud nos nobilitatis iura, & prærogatiuæ insigniores non nisi tertia generatione continuâ firmantur. Vt vero Amundijs sine legitimo hærede morientibus fiscus succedit, ita quoque denarialibus & in votû Regis manumissis. Ita Legis Ripuariæ, tit. 57. l. 4. *Si homo denariatus absque liberis discesserit non alium nisi fiscum nostrum heredem relinquat.*

Leges Ripuariæ, tit.
57. lege 4

Licet autè non ita suppleret Natalium calamitalem denarialis manumissio, quin aliqua nota squallores antiqui remaneret: Attamen denariorum longe potiore fuisse conditionem quam eorum qui sub conditione census præstandi manumissi essent hinc maxime conicere est, quod tributarij interfecti pœna est tantum triginta sex solidorum, denarialis vero ducentorum. Nimirum Regis maiestatem violasse credebatur qui seruum eius manu exauctoratum, & in votum Imperij, ac Reip. manumissum percussisset.

Præter Amundios, Impantes denariales, fuit & aliud genus libertinorum quod antiquæ leges Aldios appellarunt, horum conditio longe ceteris inferior, atque ignobilior: quippe qui minimam, & imperfectissimam libertatem assequerentur,

nec tam viderentur omni seruitute exempti, quàm in mitiorem, ac clementiorem famulatus legem translati. Vt enim veteres Romani cum conditione operarum præstandarum seruos suos manumittebant, quod liquet, ex toto tit. *De operis libertorum*, quas etiam aliquando à senibus ætate confectis, & aduersâ valetudine laborantibus inclementer exigebant, vt constat ex l. *libertus* ff. *de operis libertorum*, aliquando vero extraneis elocabant, vt lucrum pretiumue operarum caperent, l. *Patronus*, ff. eodem tit. ita & veteres Franci, ac Longobardi eadem ratione seruos sua ditione, & potestate duris aliquando conditionibus relaxabant, & non tam dabant libertatem quam mutabant seruitutem. Quia yero hoc imperfectæ pietatis genus Deo placere non potest, cuius oculis suaue, ac iucundû esse nil potest, nisi quod ex omni parte beatum est, ac perfectum, ideo in his manumissionibus testem adhibere Deum nefas erat, atque in conspectu altarium Aldios facere. Qui enim seruum, aut ancillam coram sacris altaribus manumiserat, censebatur illis plenam libertatem indulsisse, sicut qui *Fulfreal*, aut *Amund* fecerat, ita Rotharius l. 54. tit. 35. *De manumissionibus*. *Si quis seruum, aut ancillam in Ecclesiâ, vel circa altare à modo liberum, vel liberam dimiserit, sic maneat ei libertas, sicut ei qui Fulfreal in quarta manu traditus & Amund factus est. Nam qui aldiu facere voluerit non eum ducat in Ecclesia: nisi alio modo faciat, qualiter voluerit, sine per Cartam, sine qualiter ei placuerit.*

Rotharius
libro 2. legis
Longobardi
cz. tit. 35. §
1.5.

Tristis itaque ac leuera fuit Aldiorum conditio, nec multum à seruitute dissentanea: itaque Aldio sine consensu Domini stipulari, negotium uel- lūm pertractare, vendere, aut alienare quidquam è peculio, nefas fuit, ut notat idem Rotharius, l. 4. tit. de prohibita alienatione. *Nulli liceat Aldio qui Amund factus non est sine voluntate patroni sui terram, aut mancipium vendere, neque liberum dimittere. Præterea! Aldios in Clerum prouehi religio non sine- bar, ut constat ex Canone 63. Concil. 4. Toletani propterea quod à patrono adhuc seruitute tenen- tur obnoxij.*

CAPVT IX.

De libertis in patrocinio Ecclesiæ constitutis. Tres ordines libertorum Ecclesiæ. Libertorum omnium causas tra- ctabant Episcopi. Liberti religiosi quinam fuerint. Quotquot in Ecclesiâ manumittebantur eos fuisse Ec- clesiæ liberos ostenditur. Manumissiones non fiebant in Monasterijs nisi ex priuilegio. Ritua manumittendi in Ecclesiâ. Tabularij, & Cartularij qui fuerint.

Ecclesia, cuius hoc singulare studium est libe- rare calamitatibus mortales, & antiquo Na- talium splendori restituere, è quò paterno sce- le- re miserrime deciderunt, perpetuo libertor ū vin- dex fuit, suasque interposuit partes; ne iugo ite- rum duræ seruitutis subderentur, si quando eos

dominorum indignatio ad pristinae sortis acerbitatem reuocaret, & impia leuitate ipsos periret tradita libertatis. Propterea solebant ad Ecclesiam confugereliberi, eiusque auctoritatem, ac maiestatem aduersus iniurias patronorum inuocare. Ita Canon 29. Concilij Agathensis iubet libertos iuxta seruitute manumissos ab Ecclesia defendi. *Lib. rios legitime à Dominis suis factos Ecclesia* Concilium Agathense, can. 29.
si necessitas exegerit tueatur, quos si quis ante audientiam aut peruadere, aut exspoliare præsumpserit ab Ecclesia repellatur. Consentit Parisiense quantum tempore Clotarij 2. Regis, vbi Domini contumaces qui Concil. Parisiense 5. tempore Clotarij Regis, can. 5. episcopos adire noluerunt, eorumque iudicio, ac sententiæ de libertis latæ obsequi, communione pelluntur. Can. 5. & Capitul. addit. 4. C. 63.

Atque vt Ecclesia commodius libertos iuuare posset, & aduersus temerariam, ac præcipitem Dominorum iracundiam tueri, cautum olim ne libertorum causæ, quando de manumissionum negotio agebatur, alibi possent quam in foro episcoporum agitari. Nimirum iis temporibus Iudices laici Ecclesiarum splendore infensi, Episcoporum tribunalibus inuidebant, & ægre ferentes manumissionum solemnia, non amplius coram Prætoribus, sed in presentia Numinis peragi, vexabant edictis atrocibus libertos, si quando ipsos dominorum furor ad Laicorum fora propelleret. Vnde natus Canon 7. Matisconensis, Synodi secundæ, De libertorum causis ab Episcopis iudicandis, vbi Prætextatus, & Papulus viri Beatissimi

Libertorum causæ ab Episcopis tractantur.

Concilium
Masilconē
se. 2. can. 7.

dixerunt, Decernat itaque & de miseris libertis vestra auctoritatis vigor insignis, qui ideo plus à iudicibus as-
fliguntur, quia sacris sunt commēdati Ecclesiis, ut si quas quispiam duxerit contra eos actiones habere, non audeat magistratui contra dere, sed in Episcopi tantum iudicio in cuius presentia litem contestans, quæ sunt iustitiæ, ac veritatis audiat: Indignum est enim, ut hi qui in sacro-sanctâ Ecclesiâ iure legitimo noscuntur manumissi, aut per Epistolam, aut per Testamentum, aut per longinquitatem temporis, libertatis iure fruuntur, à quolibet iniustissime iugulentur.

Tres ordines
libertorum
Ecclesiæ.

Et si vero, omnium libertorum causam egerit Ecclesia quantum ad iura manumissionis pertinet, possitque hac ratione eorum omnium vindex, ac patrona appellari. Erant tamen liberti singulari clientela, & obsequio Ecclesiæ consecrati, quorum tres ordines fuisse reperio. Primus est eorum qui ex voluntate manumittentis, & religioso Patroni consilio ad operas Ecclesiæ præstandas deuovebantur; & ea tantum conditione libertatem recipiebant, ut in posterum in Ecclesiæ patrocinio, & clientela versarentur.

Leges Visigothorum,
lib. 5. tit. 7.
l. 18.

Fuisse autem eius generis libertos, ex antiquis monumentis liquet, hos leges Visigothorum Religiosos libertos appellant, libro 5. tit. 7. lege 18. Ne liberti Religiosi ad obsequium reducantur hæredis: verba enim legis significant aperte, libertos eos, de quibus sermo est, religiosis locis ex voluntate manumissorum deputatos.

Quoslibet de quorumcumque libertis, aut specialiter de

*Ecclesiasticis, dignitas sublimauit honoris, aut præfixis
sanctorum locis deputauit, vel ordo Religionis, vel ordi-
natio manumissentis, non erunt ad hominum patrociniū
reducendi contentione qualibet heredis, &c.*

Etiam in Hungaria fuisse eiusmodi liberos
sacris locis deputatos, patet, ex eo quod sanctus
Ladisslaus decernit ne liberti, qui pro salute ani-
mæ manumissi sunt, aliis in posterum quam pres-
byteris seruiant. Qui autem pro animarum salute li-
berati mancipati fuerint, eo tenore tamen vt Ecclesiæ ser-
uiant ipsi, nemini nisi soli sibi presbytero administrent. La-
disslaus lib. 1. decreti cap. 3.

Ladisslaus
lib. 1. decreti
cap. 3. p. 15.

In Italia pares conditiones manumissionibus
adhibitas docet Leo Mariscanus Chronici Cassi-
nensis lib. 1. c. 10. vbi de donatione Leonis Bene-
uentani loquitur recenset, *Servos, inquit, suos &
ancillas omnes prius per Cartulam libertate donauit, at-
que ita demum liberos cum curtibus propriis & ceteris
que possidere videbantur in ius monasterij potestatemque
redegit, ea scilicet lege vt singuli eorum quatuor per men-
sem operas vbi necesse fuerit monasterio impendant, res
suas atque substantias nulli omnino nec inter se vendere,
aut donare præsumant, resque illorum qui sine liberis de-
functi essent in ditione monasterij deuenirent, &c.*

Leo Mar-
canus seu
Ostiensis
Chronici
Cassinens.
lib. 1. c. 10.
p. 110. edit.
Neapol. &
similis ha-
bes cap. 18.
eiusdem li-
bri de do-
natione
leonis
Beneuen-
tani.

Apud Longobardos quoque idgenus liberta-
tis concessum docet Astolphus lib. 3. tit. de vltimis
voluntatibus, vbi ordinationem eius qui fami-
liam libertate donauit, ea conditione vt religio-
sis locis deseruiat, vult stabilem firmamque con-
sistere. Si quis Longobardus per Cartam in sanitatem,

Lex Longo-
bardus lib. 3.
tit. 15. leg. 1.

aut in agitudine res suas ordinauerit, & dixerit eas habere loca venerabilia & familias per quas res ipse excoluntur liberas esse dixerit ea conditione ut in ipsis Religiosis locis redditum faciant, secundum ipsius statutum reddant omni tempore, iuxta domini sui praeceptionem ipsi & filij eorum, & sint liberi de suis personis sicut Dominus eorum instituerit.

Et si vero æternitatis studio flagrantes antiqui, seruos suos pro animæ remedio manumitterent, & Ecclesiarum obsequiis deuouerent, eos tamen aliis quoque de causis video seruos suos in fauorem Ecclesiarum manumisisse: si enim in Magnarum familia essent, tam bonæ indolis mancipia, ut de iis in clerum prouehendis Ecclesiæ Antistites cogitarent, solebant Domini ipsis relaxare seruitutis vincula, & coram sacris altaribus liberos dimittere, ut soluti laico mancipatu in Christi familiam Clerumque transirent, in quem nefas erat seruitio prophano obligatos admitti. Ea autem manumissio fiebat in Ecclesiis coram sacerdote, aut Episcopo, iis quibus postea docebimus ceremoniis. Exemplum insigne extat inter Cartas Vuatoniis diaconi, quarum una sub Ludouico Alemannorum Rege conscripta, continet manumissionem Sigmari cuiusdam his verbis conscriptam, *Auctoritas Ecclesiastica patenter ammonet in super & potestas Regia canonice Religioni ad sensum prebet, ut quemcumque ad sacros ordines ex propria familia promouere Ecclesia quæque eligerit, in presentia sacerdotum canonicorum simul & Nobilium laicorum, & eius cui*
sub.

Carta Vuatoniis diaconi in Centuria Cartarum a. Alem. parte.

subiectus est, manumissione sub libertatis testamento solemniter roboretur. Idcirco ego in Dei nomine Engildruda, quondam meum famulum nomine Sigimarum, sacris Ordinibus dignum in presentia nobilium virorum, liberum ab omni vinculo servitutis dimitto.

Inuenio & heredes Episcoporum, ac Clericorum, ut de facultatibus Ecclesiæ agellos ac prædialia, utenda, fructuanda, obtinerent, liberos suos Ecclesiarum obsequiis mancipasse ex l. 4. lib. 5. Visigotorum legis, tit. De Ecclesiasticis rebus.

Lex Visigothorum li. 5. tit. de Ecclesiasticis rebus, lege 4.

Secundus ordo libertorum, quorum patrocinium habuit Ecclesia, ex iis constat, qui licet è familia non essent, attamen manumissionem fuerant in Ecclesia consequuti, quotquot enim sacris ceremoniis Deo præsentem, & spectantem libertatem acceperant, in patrocinium, ac clientelam Ecclesiæ migrabant, eiusque liberti credebantur, propterea quod Ecclesiæ intuitu, & in fauorem religionis censebantur Domini, ipsos sua potestate, ac Imperio liberasse. Ideoque acceptam Ecclesiæ libertatem perenni obsequio compensare certabant. Cum ergo è manumissionibus in Ecclesia celebratis cresceret sacra familia, & sacerdotium numerosa clientium turbâ splêdesceret, quid mirum si Orientalis Ecclesia supplicandum Principi decernit, ut manumissiones in sacris Aedibus apud Græcos fiant, eo more quo in Italia celebrantur. Ita enim habetur in Codice Canonum Ecclesiæ Africanæ Canone 64. *πρὸς ἐλευθερίῳ οἱ τῇ ἐκκλησίᾳ ἀγῆτεον ἀπὸ τῆ βασιλείας de manumissionibus,*

Codex Canonæ Ecclesiæ Africanæ Canone 64

362 De bonis Ecclesiarum in specie,
ut in Ecclesia celebrentur ab Imperatore p[re]cedum.

Quando vero manumissiones in sacris Aedibus peragi solitas audimus, non sunt passim quælibet ædes sacræ intelligendæ: non enim in Monasteriis olim, & oratoriis Monachorum licuit manumittere, sed tantum ubi Episcopus, aut Sacerdos præsens esset, ut eorum beneficio civilem libertatem reciperent, per quos scelerum nodis eximi, & Dæmonum mancipatū poterant liberari. Quamobrem priuilegia manumissionis ex indulgentia prælatorum aliquando fuerunt Monasteriis erogata. Ita Abbati Eusebio concessit Gregorius Magnus, ut liceret manumissiones in Ecclesiâ suâ facere. Quousque vero de his quæ à nobis prædicti filij nostri fienda postulant reuelante Domino de liberare possimus, Clericos ex laicis ordinari, necnon & manumissiones apud te in eadem Ecclesia solemniter celebrari concedimus.

Quod vero liberti, qui beneficium manumissionis in Ecclesia acceperant, essent in patrocinio, ac defensione Ecclesiæ, & ad eius familiam pertineret, multis argumentis potest confirmari. Siquidem, si sine liberis & legitimis hæredibus essent, his Ecclesia succedebat, unde si casu fortuito aliquis libertos in Ecclesia factos interficeret, is Ecclesiæ pro hominis nece satisfaciebat, & multam pendebat octoginta solidorum: *Liberti qui ad Ecclesiam dimissi sunt liberi, vel per Chartam libertatem acceperunt, si occidantur, LXXX. solidi soluantur Ecclesiæ, vel filiis eius.*

Greg. lib. 2.
Regist. ep.
24. indict.
30.

Lex Alem.
manica, tit.
47. l. vnicâ.

Secundo, libertus in ecclesia manumissus, si suâ culpâ in seruitutem recideret seruus ecclesiæ fiebat, non eius qui manumiserat, *Si ancilla dimissa fueris per Chartam, aut in Ecclesia, & postea seruo nupseris, Ecclesiæ ancilla permaneat, legis Alemanicæ, tit. 18. l. 1.* Tertiò, ecclesiam in manumissos per tabulam, ac sacros ritus, auctoritatem patronorum habuisse, leges Ripuariæ, clarissime indicant, illis enim decernitur, ut in ecclesia manumissi sub tuitione ecclesiæ consistent, eidem obsequia impendant: seruos suos alio ritu quam ecclesiastico non manumittant: & non alibi quàm in ecclesia, ubi relaxati fuerunt mallum teneant, si absque liberis decesserint, ecclesiam hæredem habeant. Ita vero rem se habere textus legis satis indicat, tit. 58. De tabularijs.

Lég. Alemanica, tit. 18. l. 1.

Hoc etiam iubemus, ut qualiscumque Francus, Ripuarius, seu tabularius seruum suum pro animæ suæ remedio, seu pro pretio secundum legem Romanam liberare voluerit, ut in ecclesia coram Presbyteris, Diaconibus, seu cuncto Clero, & plebe, in manu Episcopi seruum cum tabulis tradat, & Episcopus Archidiaconum inbeat, ut & tabulas secundum Legem Romanam, qua ecclesia vivit, & scribere faciat, & tam ipse, quam omnis procreatio eius liberi permaneant, & sub tuitione ecclesiæ consistent, vel omnem redditum status, aut seruitium tabularij eorum reddant. Et nullus tabularius denarium ante Regem præsumat jactare. Quod si fecerit, CC. solid. culp. ind. & nihilominus ipse tabularius, & procreatio eius tabularij persistant, & omnes redditus status eorum ad ecclesiam

Leges Ripuarii titulo 58. de tabularijs.

*De bonis Ecclesiarum in specie,
reddant: & non aliubi nisi ad Ecclesiam; ubi relaxati sunt
mallum teneant.*

*Quod si quis tabularium, seu Ecclesiasticum hominem
contra Episcopum defensare voluerit LX. solid. culp. ind.
& insuper hominem cum omnibus rebus sue Ecclesie re-
stituatur. Quia inclitum ducimus, quod Ecclesiis concessi-
mus, iterum ab Ecclesijs reuocare.*

Cap. 3. tit.
22. 45. 57.
capit. 7 tit.
96. capit.
Pipini tit. 6.

Ceterum mallum tenere nil est aliud quam
causas agere, & cognitioni sese iudicium summit-
tere, nam Mallum pro foro sumitur apud veteres:
Vnde mallum Regis malum Comitum passim in
capitularibus legitur.

Ritus & Ce-
remonie
manumif-
sionis Ec-
clesiasticæ.

Qua autem Ceremonia in Ecclesijs manumitte-
rent veteres Galli, satis liquet ex antiquis eorum-
dem legibus; Nam si sani essent. nec morbus pro-
hiberet, solebant seruos suos ipsimet in ædem sa-
cræ ducere, illicque Episcopo, Sacerdoti, aut
Diacono ad minus tradere: ille seruum apprehen-
sum manu, sacris stitebat altaribus, quo facto Do-
minus serui, testes, adiurans Episcopos, Sacerdo-
tes, Diaconos, & quotquot ceremoniis interessent,
seruum suum liberum pronuntiabat: Huius au-
ditâ voluntate sacerdos liberum ire iubebat: tan-
dem verò Diaconus libertatis Cartam conscribe-
bat, & manumisso tradebat: Sin vero Dominus
serui, violentâ ægritudine angeretur, nec posset sa-
cris manumissionum solennibus interesse, desi-
gnabat Sacerdotem, cuius manu volebat seruum
altaribus admoueri, qui, si Dominum contingeret
emori, iuxta eius testamentum & Decretum ser-

uo manumissionem impertiebatur. Qui ritus haui-
riuntur ex antiquo iure Gallorum & Longobar-
dorum. Nam Longobardicæ legis tit. 18. de vlti-
mis voluntatibus, Rex Rotharius, sic constituit:

*Legis longobard. li. 2.
tit. 18 lege 4.*

*Si Longobardus ad finem mortis properauerit, ita ut nec
Thingare hominem suum possit, nec in manu sacerdotis
tradere circa altare liberum dimittendum propter subita-
neam mortem & instituerit, ut post obitum eius, per ma-
num sacerdotis, qualem designauit: circa sacrum altare
duci habeat, causa miserationis decreuimus, ut sicut do-
minus eorum præceperit, ita impleatur & sacerdos, quem
designauerit circa altare cum absque cuiuscunque contra-
dictione absoluat.*

At Diaconum seu Archidiaconum solitum ma-
numisso, tabulas libertatis conscribere, aut con-
scribi curare liquet ex præfatis Ripuariorum legi-
bus: tum etiam ex Carta manumissionis Sigimari
cuiusdâ, de qua superius diximus, quæ à Vuatone
diacono conscripta legitur, cuius subnotatio talis
est. *Ego Vuatone Diaconus rogatus scripsi & subscripsi.*

Eas porro manumissionum ceremonias (ne di-
cam ex Foronix Deæ templo manasse, apud quam
serui olim inanumittebantur) hausere Galli no-
strates ex antiqua Romanorum consuetudine,
apud quos in præsentia Antistitum serui manu-
mittebantur, exscripto. Constantini ad Proto-
genem Episcopum. *Jamdudum C. de his qui in
Ecclesiis manumittuntur. Iamdudum* (ait Impera-
tor) *placuit ut in Ecclesia Catholica libertatem, domini
suis famulis præstare possint, si sub aspectu plebis adsi-*

*l. iamdudum
C. de his
qui in Ec-
clesiis ma-
numittuntur.*

Vide Soso-
me. lib. 1.
hist. Ecclef.
c. 9. Cassiod.
lib. 1. hist.
trip. cap. 9.
Niceph. lib.
7. c. 16.

sententibus Christianorum Antistitibus id faciant; ut propter facti memoriam interponatur vice actorum, qualiscunque scriptura in qua vice testium signent, &c.

Cæterum, quoniam ii qui in Ecclesia manumittebantur, Tabulas seu instrumenta ac documenta manumissionum de manu Diaconi sumebant: ideo à tabulis dicuntur Tabularij: à Carta vero Cartellarij. Ita intelligendus est Canon vigesimus Concilij Vermeriensis, cuius titulus est, vt *Cartellarius qui cum Ancilla fornicatur, eam libertate donatam, uxorem habere cogatur.*

Concilium
Vermer.
Canone 20.

Tertius tandem & vltimus ordo libertorum, qui in Ecclesiæ patrocínio versabatur eorum erat, quos ex familia sua manumittebat Ecclesia, de quibus sequens caput instituendum.

CAPVT IX.

De libertis ex familia Ecclesiæ.

NON eadem fuit apud antiquos ratio libertatis indulgentiæ; nec semper fidei ac probitatis præmiũ exitit manumissio. Plerũq; enim seruos non alia causã manumittebãr, quam quod incommodi essent inutiles fugitiui, adeoque dominos torquerent magis quam iuuarent. Vnde illi facile addandam libertatem adducebãtur, seu quod eam vltro seruus arripere, seu quod eo ma-

numisso non tam seruum amisisse censerentur, quam supplicium. Ea causa cum Episcopis, & Presbyteris non liceret temere & sine causa son- tica res Ecclesiæ distrahere, aliter tamen de fugi- tiuis seruis decretum est, vt nempe incommoda & fugitiua pro arbitrio venderent, ac permuta- rent. Ita constitutum legimus in Synodo Aga- thensi Canone 46. *Fugitiui etiam domos suas dese-* Cōc. Agath. can. 46.
rentes qui etiam si reuocati fuerint, teneri non possunt: simili ratione ab Episcopo si voluerit, aut si ita illi meruerint distraherentur. Distrahi autem seruos Ec- clesiæ, & in laicam manum transferri, pœna & supplicium seruis videbatur qui meliores ac cle- mentiores dominos nancisci non poterant quam Ecclesiasticos, è quorum familia diuulsi, plerumq; non tam mutasse seruitutem videbantur, quam amisisse libertatem.

Mitissimum vero seruitij genus fuisse apud Clericos, & domestica eius ordinis virtus suadet moderatio, & studium Ecclesiæ in extraneis seruis ab iniuria Dominorum liberandis. Nam si quādo Dominorum atrocitatem vererentur tremuli, ac pallentes serui, præsidium Clericorum in Ecclesia querebant à qua non prius auelli seruos, atque à Dominis reduci Sacerdotes sinebant, quam so- lemnem sponsonem edidissent de seruis non læ- dendis. Vnde lucem sumit Canon trigessimus no- nus Concilij Epaoensis, *Seruus reatu atrociorē cul-* Cōc. Epao- nōe can. 39.
pabilis, si ad Ecclesiam confugerit, à corporalibus tantum suppliciis excusetur: de Capillis vero vel quocumque opere

placuit à Dominis iuramento non exigi. Quid est vero iuramentum de Capillis non exigi, id certe ex antiquo ritu illustratur. Quippe seruis negligentibus atque otiosis, capillos incidere ac turpiter detondere mos fuit apud Antiquos. Nam flagellatio, & detonsio propria sunt seruorum supplicia, vt patet ex Capitularium lib. 3. tit. 30. & ex legis Longobardicæ lib. 3. tit. 7. lege 1.

Volunt ergo Patres Concilij Epaonensis, posse compelli Dominum, vt iuret se non læsurum vlla parte corporis seruum, qui Ecclesiam vindicem implorauit, verum non debere Sacerdotem de non detondendo seruo Sacramentum exigere.

Vt autem distrahendorum seruorum causa erat frequens fuga & impatiens animus dulcissimæ seruitutis. Ita & manumittendorum eadem ratio plerumque fuit. Si enim seruus fugitiuus peculium haberet satis pingue, quo se posset seruitutis oneribus eximere, facile adducebantur Episcopi, Abbates, ac Presbyteri, vt accepto peculio, libertatem indulgerent. Sic in Cartis Theotarti istius manumissionis formulam legimus, in qua seruus quidam nomine Vnderust fugitiuus, & rebellis ad seruitutem reuocatur à Possone Aduocato sancti Galli: & ea de causa coactus se sistere iudici, vt eius sententia in seruitutem compingeretur, dato satis diuite pinguique peculio ingenuitatis iura stipulatur. Verba autem tabulæ manu-missoriae sunt eiusmodi. *Dictus homo Vnderust de medio quod habuit territorio inter Hagenbah & Eligange,*

ac Suetta iuchos quattuor, ad reconciliationem nobis dedit, scilicet ut à die præfenti, ita ingenuus consistat, quasi ab ingenuis parentibus sit genitus, nosque eà ratione illud accipientes, quatenus ipse nostra ex parte ab omni servitutis vinculo sit exutus in perpetuum, totaq; eius agnatio, posteritas, & procreatio similiter sit absoluta, sub eà conditione, quæ modo ab illo genita est, & deinceps progenita fuerit, tanquam si fuissent ex liberis parentibus procreati, hocque conscriptionis vinculo firmari iussimus.

Eam vero manumissionem, quæ ex pacto tradendi peculij fiebat, amplissimam fuisse & perfectissimam animaduerto. Quippe reliquæ manumissiones ab Episcopis & Abbatibus fieri non poterant, nisi retinendo servos manumissos sub patrocínio Ecclesiæ, ratione cuius patrocínij certas operas Ecclesiæ præstare tenebantur, poterantque si ingrati forent, aut iniuriosi in Ecclesiasticos viros, ad servitutem iterum reuocari. At manumissi ex causâ donati. Peculij nullis amplius operis, nullis præstationibus amplius illigati tenebantur, sed optimam & plenissimam assequebantur libertatem. Idcirco Carta manumissoria ingenuitatem præfato seruo adscribit, & omnes eius posteros cuiuslibet operæ, atque obsequij vinculo liberat. Fluxerat istud manumissionis genus ex antiquo iure Romanorum, apud quos servus emptus suis nummis, & manumissus, non debebat operas patrono, nec reuocari poterat in servitutem, l. Si tuis nummis, C. de operis libertorum.

Conc. ame-
ricense c. 74

Secunda ratio propter quam serui Ecclesiæ manumitterentur, fuit singularis illorum probitas, & egregia indoles Cleri maiestati suffectura, Eam rationem antehac notauimus ex Concilio Emeritensi, Canone 74. Ex quo liquet seruos ex familia Ecclesiæ in Clerum euectos, non habuisse ius, & potestatem transferendi in extraneam manum acquisitas suo studio, & industriâ facultates, sed illorum hæreditatem omnem ad Ecclesiam spectasse. Itaque de isto libertorum genere nil noui dicendum occurrit.

Tertia ratio manumittendorum seruorum Ecclesiæ, fuit liberalitas & beneficentia Episcoporum, qui seruos de se bene meritos, siue testamentis, siue inter vivos manumissione donabant.

Neque vero cuilibet Episcoporum ac prælatorum licebat seruos Ecclesiæ pro arbitrio vocare ad pileum, & in libertatem vindicare: Qui enim episcopus patrimonium non habet, neque potest ex suo supplere quidquid Ecclesiæ subducitur lucri & commodi ex manumissione seruorum, is non habet ius manumittendi. Quamobrem manumissorem Episcopum oportuit esse autis opibus & propriis fortunis instructum, deinde oportuit eum, aut Ecclesiam ex asse hæredem relinquere, aut certe partem satis optimam rerum ac facultatum eidem testamento delegare. Hinc factum est ut in Concilio Spalensi primo, Serui per episcopum Gaudentium manumissi ad pristinam conditionem & Seruitij legem reuocarentur, quia

nempe is Gaudentius neque Ecclesiam hæredem scripserat, neque ad compensandam Ecclesiam quidquam obrulerat.

Confirmavit hanc sententiam Concilium Toletanum quartum, sub Sisenando Rege era 671. Concil. Tolet. 4. c. 77.
 Canone 77. *Episcopi qui nihil ex proprio suo Ecclesiæ Christi compensauerunt, hanc diuinam sententiam metuant, & liberos ex familijs Ecclesiæ ad condemnationem suam facere non præsumant. Impiū est enim, ut qui res suas Ecclesia Christi non contulit, damnum inferat, & ius Ecclesiæ alienare præsumat. Tales igitur libertos successor Episcopus, absque aliqua oppositione ad ius Ecclesiæ renocabit, quia eos non æquitas, sed improbitas absolvit.*

Qualibet vero de causa manumitterentur serui Ecclesiastici, eos necesse fuit perpetuo in patrocínio Ecclesiæ contineri, nam absolutam & perfectam iis libertatem tradere, in potestate præsulum non erat, nisi pro compensatione duorum mancipia eiusdem valoris in commodum & familiam Ecclesiæ inducerent. Ita Concilium Toletanum 4. Canone 68. *Episcopus qui mancipium iuris Ecclesiastici, non retento Ecclesiastico patrocínio, manumitti desiderat, duo meriti eiusdem & peculij coram Concilio Ecclesiæ cui præminet per commutationem subscribentibus Sacerdotibus offerat, ut vota & iusta inueniatur definitio manumittentis.* Concil. Tolet. 4. c. 68.
 Formula vero manumittendi seruos Ecclesiæ è fragmentis Concilij Toletani primi petenda est, citatur abluone, parte 1. cap. 133. *De Ecclesiarum vero seruis communi sententia est De*

cretum, ut Archiepiscopi per singulas prouincias constituti nostram auctoritatem sequantur, Suffraganei vero illorum exemplar illius penes se habeant, & quandocumque de familia Ecclesiæ utilis inuentus aliquis, ordinandus est, in Ambone ipsa auctoritas coram populo legatur, & coram Sacerdotibus, & omni Clero ante cornu altaris sicut in nostra auctoritate continetur remota qualibet calliditate libertatem consequatur, & tunc demum ad gradus Ecclesiasticos promoueatur. Ex quibus liquet quod cum seruus Ecclesiæ manumitteretur, primo solebat instrumentum, seu Carta manumissionis eiusdem auctoritate Episcoporum confici. Deinde legebatur instrumentum istud bis in Ecclesia, primo ex Ambone seu suggestu, vnde Sacerdotes solent verba ad populum facere. Secundo legebatur eadem Carta ante cornu altaris, vt inclusi in sacratio Sacerdotes, & Clerici possent exaudire.

Existimauerim, autem eas ceremonias locum habuisse tantummodo in manumissionibus eorum, qui ad clerum essent promouendi.

Nam & testamento seruos Ecclesiæ Episcopi manumittebant, ita in testamento Diui Remigij plures libertate donantur, quorum aliquos credibile est è familia Ecclesiastica fuisse. Diuus Gregorius Nazianzenus in testamento suo edicit, vt omnes illi quos vel sua voluntate vel beatissimorum parentum desiderio manumiserat, certa libertate fruantur. Et certe à tantis viris concessæ libertates infringi non poterant: qui Ecclesiæ suæ integrum sacrauerant patrimonium, vt ex testamento

D. Remigij qui Remensem, Gregorij qui Nazianzenam Ecclesiam heredem scripsit.

Hæc ergo fuit ratio, ritus & cautela manumittendorum seruorum Ecclesiæ, nunc quibus legibus ac institutis uiueret postquam beneficio Prælatorum forent libertatem consequuti, paucis aperiamus. Imprimis iis caute prospiciendum fuit ne beneficium iniuriâ rependerent, & irreuerentia fastuue maiestatem Ecclesiæ læderent, à qua & salutem sperabant & acceperant libertatem. Vnde in Concilio Spalensi canone 8. actum est de superbis Ecclesiis libertis, vt ad seruitutem reuocentur, cuius Canonis verba omitto, quibus æquissimi patres mastrandam recidua seruitute censent Elisæi cuiusdam ex familia Agabrensis Ecclesiæ superbiam, qui libertatem assequutus, de tollendo per veneficia Episcopo cogitabat.

Conc. Spal.
c. 8.

Secundo oportuit liberos Ecclesiæ operis sibi inter manumittendum impositis sedulo defungi, & seu censum seu opem augendæ, ac defendendæ Ecclesiæ, haud segniter impendere. Ita Concilio Toletano quarto canone 69. iubetur qui à Prælatis manumissi sunt, eorum patrocinium Ecclesia retineat, & liberti vtilitates sibi iniunctas iuxta quod potuerint prosequantur. In Concilio Aurelianensi quarto canone 9. decernitur vt liberti quos sacerdotes, presbyteri vel diaconi de Ecclesia sibi commissa facere voluerint. *Actus Ecclesiæ prosequantur*, quod si facere contempserint ad pro-

Conc. Tol.
4. can. 69.

Conc. Au-
rel. 4. can. 9

Conc. Agathonic.
c. 49.

8 Quamobrem si hac in parte peccarent liberti
 Ecclesiarum & suppressione Cartarum vellent
 manumissionis memoriam expungere, tum certe
 ad seruitutis iugum quasi ingrati ac scelerati clien-
 tes solebant retrahi. Hanc tamen legem ut duram
 nimis & seueram temperari oportere censuerunt
 patres Concilij Cæsar Augustani tertij Canone 4. Concil. Cæ-
sar August.
3. Can. 4.
 textum canonis ad scribo. *Quia speciali modo sancta*
decreuit Synodus ut si ipsi liberti infra anni spatium, su-
peruenienti suo Pontifici chartulas libertatis suæ præsen-
tare neglexerint, protinus eos in pristinam seruitutis redi-
gant conditionem, & licet illis congruentius satisque lucu-
lentiùs retractatum fuerat, hoc tamen à nobis conspicuū
perpenditur, quo non solum & prædia Ecclesiarum debita
auctoritate disponimus, sed etiam & oppressis pium suf-
fragium porrigimus: per quod & cupiditas sacerdotalis
frustretur & imbecillitas pauperum subleuetur. Quia er-
go comperimus, quosdam Pontifices potius lucra sua am-
pliare studentes, quam de mercedis opere Domino pla-
centur, liberos, quos ex familia Ecclesie, à suis prædeces-
soribus inueniunt, pro eo, quod libertatis suæ chartulas in-
fra consilium tempus non repræsentent, statim eos in pro-
priam seruitutem redigere: unde hoc pietatis studio gene-
rali modo subrogamus beneficium: ut si ydem liberti for-
sitan ignorauerint ordinem canonum; aut certe (ut adso-
let fieri) ad præsentendas libertates suas tepuerint, ipsius
Pontificis sollicitudo, mox in sedem sibi creditam succes-
serit, per clerum aut domesticos, perquirere procurabit,
quos docentes Episcopi de familiis Ecclesie manumissionis
gratulauerunt: ut eosdem Pontifice præmonente, ipsi li-

berichartulas sua libertatis representent: qualiter nec liberi Ecclesiæ de institutione Canonum ignorantes se esse prohibeant, nec sacerdotis callida voluntas pateat, unde contra ordinem reducantur manumissi ad originem seruitutis. Quos, si Pontifice præmonente, contempserint infra anni spatium suas libertates propria sedis Episcopo pandere, licitum sit ei, secundum Canonum sanctiones in iure Ecclesiæ suæ reducere.

CAPVT XI.

Quo tempore seruitutis desierunt.

EN itaque humanissime lector vniuersa seruatorum & libertorum historia, ex variis tum legibus tum monumentis Cartis & tabulis eruta. Cui nil admodum vtile ac necessarium addi posse existimo, nisi labentium seruitutum occasus finemque posset aliquis curioso consilio à nobis expectare.

Quam in rem dicendum primo non eodem tempore apud quasvis gentes seruitutes desisse, apud alias tardius apud quasdam serius iura ista & conditiones personarum exoleuerunt. Imo vero in vna, & eadem gente quædam Collegia & societates seruos suos prius mancipatus iugo exemerunt iugo quam alia.

Si quidem manumissio publica, quâ sancti Germani sodales seruitutem vniuerso suburbio remiserunt

serunt data, est anno 1250. & tamen non nisi multo post tempore extincta est omnino seruitus in Gallia, regnante videlicet Ludouico Hutino, circa annum 1315. Is enim cum ad Bellum Flandricum instituendum pecunia indigeret, Libertatem pretio addixit, & singulis qui vellent manumitti, certam summam ærario inferendam irrogauit.

In Flandria autem refert Meyerus, annalium Flandriæ, libro nono sub Margareta comite seruitutum iura desisse. Id autem contigit circa annum 1252. Eodem, inquit, anno seruos & ancillas, à quibus morientibus dimidium bonorum mobilium Comites accipiebant, tota Flandria manumisit.

Verum quidquid sit de Historiæ istius veritate, certe ultra hoc tempus durasse, seruitutes in Flandria, nemo audeat inficiari, qui cartarum & tabularum lectione vel mediocriter fuerit informatus. Nam apud Aubertum Miræum donationum Belgicarum cap. 129. legitur diploma quoddam manumissionis factæ à Sigero de Liede Kerke D. de Boulario, quaquidē manumittuntur serui & seruæ & offeruntur S. Andriano in Giraldis monte. Datum est autem diploma istud anno 1314. Itaque signum est post Margaretam Comitem plusquam annis 50. durasse seruitutes in Belgio.

Quo autem tempore in Italia, Germania & aliis partibus seruitus extincta sit, non satis notum. Ex Decretalibus summorum Pontificum circa annum millesimum ducentimum adhuc viguisse seruitutes elicitur. Si quidem Innocentius tertius qui sub

hæc tempora vixit, censet dirimendum matrimonium, quod miles quidam contraxerat cum serua & ancilla Monasterii, ignarus eam seruitute teneri, capite *ad nostram de coniugio seruorum.*

Innocent. 3.
cap. ad no-
stram de
coniugio
seruorum
lib. 4. tit. 9.

In Hispania quoque vsque ad decimum tertium ferme sæculum durarunt seruitutes, & etiam nunc durant in Mauris & Turcis, qui lege belli serui fiunt Hispanorum & Lusitanorum quando capiuntur. Ac mos est ibi permanere seruos etiam si Christianam Religionem amplexi sint, quod certe non videtur absurdum. Nam ista gentium iure & consuetudine inducta seruitus, Christianæ legi non aduersatur, quæ cum seruitute tot annorum spatio cohæsit. Attamen Petrus Matthæus in summa constitutionum Pontificiarum refert constitutionem editam à Pio quinto qua iubet eos seruos, qui recepto baptismo patrocinium cuius cuiuspiam Romani implorant, ipso facto liberos fieri.

Et si vero Monasteria & Ecclesiæ seruis suis libertatem indulgerent: adhuc tamen antiquæ seruitutis notas & vestigia in illis voluerunt residere. Notæ autem sunt multiplicis generis quædam sacræ, quædam prophanæ. Inter prophanas sunt pensio solaria, redditus & consuetudines quas pendunt antiquis dominis, obligatio panem coquendi in furno Dominico vnam premendi in eiusdem torculari. Sacræ notæ sunt oblationes, quas post purificationem mulieres altaribus monasteriorum facere tenentur, post partus singulos quasi hac oblatione foetus à se prognati seruitutem redimant, ius istud

in homines sui suburbij retinuerunt sodales sancti Germani diplomate à me citato.

Non refero hîc quædam alia seruitutis exuræ monimenta, vt manum mortuam, cuiusmodi manus mortuæ homines plurimi adhuc extant in Burgûdia, Aruernia. de quibus, vide consuetudines Burgundiæ, & Chassaneum enarratorem tit. 5.

COROLLARIUM.

CVM præmissa de seruis & libertis Ecclesiarum tractatio, occasione bonorum Ecclesiæ suscepta sit: forsan inquiret aliquis, an ex tanta seruorum Ecclesiæ & libertorum multitudine res eius ampliores fierent atque auctiores, & an extinctis seruitutibus eiusdem patrimonium vel vncia minutum fuerit ac labefactatum.

Quibus respondendum non mediocres census ac redditus Ecclesiam è seruis ac libertis cepisse. Quidquid enim serui acquirunt, domino acquirunt: hinc Ecclesia eorumdem studio, atque industria prouetus colligebat non exiguos. Morientiû seruorum spolia ad Ecclesiam pertinebant, iure mortuarii, cuius etiam vmbram quandam penes Germani monasteria superesse author est Hospinianus. Refert enim licere Abbatibus eius regionis seligere quidquid voluerint spoliorum nomine, puta equum generosiorem aut fortius iumentum. Præterea quamdiu seruorum ôpera Ecclesia vsa est, non

erant ei conducendæ extraneorum operæ, seu ad domos instaurandas, sed ad angarias & parangarias, hoc est euectiones & transmissiones specierum quarumlibet. Erant etiam serui cerarij, qui ceram & oleum ad luminaria conferebant. Liberti Ecclesiarum si sine liberis obirent, illorum hereditatem capessabat Ecclesia, etiam eorum qui ex laica familia coram sacris altaribus forent manumilli, unde immensi redditus & opes non pœnitendæ. Liquet ergo Ecclesiam olim multo ditio-rem, atque potentio-rem fuisse, nec esse quod sæculi homines residuum illi splendorem inuideant, quem si amittat necesse est Religionem, quæ nec opum ac diuitiarum illecebris commendata satis placet, hoc ornamento, quo maxime amatur à quibusdam, destitutam extremo fastigio ac contemptu squalescere.

SECUNDA PARS
DEREDITIBVS
ET CENSIBVS
ECCLESiarVM.
LIBER PRIMVS.



SECUNDA PARS
DE REDITIBVS
ET CENSIBVS ECCLESiarVM,
LIBER PRIMVS.

De Decimis, Oblationibus & Primitijs.

P R Æ F A T I O.

QUOSCVQVE cupiditati suæ honores humana proponat ambitio, nil vnquam meo iudicio ad maiestatem altius, aut ad gloriam illustrius fingi potest, quàm Deo, apud quem omnia affluunt, largiri aliquid, & cum, cui ad magnitudinem & delicias deesse nil potest, sibi muneris alicuius largitione facere debitorem.

Quantumuis ergo certet diuina munificentia profusione donorum homines deuincire, magis certe commendatur apud nos eius pietas, caduca hæc nostra sumendo, quam sua dando. Dominorum est largiri: hæc vna Principum virtus, quam absque diadematum splendore & ingentis fortunæ gloriâ, imitari nemo feliciter potest. Regnat ocul-

A

to imperio in hominum mentes benignitas, blande expugnat, amice vincit & seruitutis impositæ gratiam, etiam ab his quos superauit emeretur. Quid ergo homini iucundius aut gloriosius esse potest, quam habere, vnde blanditijs ac muneribus Deum vincat, cum quo sine scelere non potest de imperio ac potestatis magnitudine colluctari?

Etiam vberissimo fœnore humana in Deum liberalitas ornatur. Nam qui in pauperes spargit & calamitosos, ac ærumnis fatiscientes beneficiis leuat, hunc vnicus manet munificentie fructus, vt se dedisse iucundissima cogitatione meminerit, & cum omnes tacent, intelligat se benefecisse.

At, qui in Deum aliquid de suis opibus confert, nec ingratum, nec impotentem debitorem assequitur, qui si immerentibus ac sceleratis liberalem se exhibet, quanto magis certabit hominum dona ac largitiones opulentis gratiarû torrentibus superare.

Cernimus post grandes pluuias cœlumque totum pene in imbres solutum, terram irrigari, glebas prius arcescentes madescere, frondes æstu torridas noua viriditate indui, repullulare gramina, & mundum siccitate tabescentem resurgere. Post tantam cœlorum beneficentiam, quam gratiam terra syderibus rependit? quo se vestigio ac munere non ingrati significat? de tanti humoris copia, quam hiule visceribus hausit, moderatum exhalat vaporem, partem sui muneris cœlo rellituit & abunde satiata tantillam pluuiarum ac imbrum partem in fumum halitumque resoluit: & tamen dicā ne tam iu-

cūdam esse syderibus hanc suæ beneficentiæ retaliationem, ut ali vaporibus sydera, & quasi suauissimo nutrimento delectari nonnulli asseruerint.

Sed mitis fabulis, tenuis ille & exilis vapor è terrâ emergens iterum materiam succedentibus pluuiis facit, & nescio quo naturæ ingenio, crescit in nubes immentas, & pares iis vnde enatus est.

Ita in reciproca mutuaque Dei & hominum beneficentia accidit : Angusta illa & mediocris frugum portio, quam decimarum titulo homines Deo referunt, materia est & exordium futuræ messis. Prima semina non ea sunt quæ terræ mandantur, sed cœlo. Seminatur in Sacerdotum manibus Religiosus agricola, antequam siderum inclementiæ opes ac sudores committat : nec dubitat quin fructum ingentem ex iis manibus metat, in quibus Deus nascitur & suauissimi frumenti deliciarum momento maturefcunt.

Ne itaque decimarum pigeat, nisi quos pigeat sub Dei imperio viuere & qui turpissimâ frenesi laborantes malunt sine fructu esse auari quam cum fœnore liberales. Quamobrem cum ista in Deum parsimonia nemini possit esse utilis : spero non ingrata fore lectori, quæ de Decimarum pensitatione, iure antiquitate, necessitate sumus dicturi, præsertim cum nemo propriis commodis stilum mancipare me accuset, qui sciuerit res nostras æstimare, & animæ conditionem rimari.

CAPVT PRIMVM.

De prophanis Decimis Varia decimarum genera, pœnales tributaria, colonaria. Decumanum tributum regibus pendi solitum. Turcarum decimæ. Militum duo genera Vlcfedzj & Timariota. Distinctio inter decimas Dominicas & Parochianas. Regiæ Capellæ intra &c.

PROPHANARVM decimarum hîc necessario præmittenda tractatio, quâ omiffa, decimæ sacræ & Ecclesiasticæ natura & conditio non posset satis intelligi. Itaque decimæ prophanæ vel pœnales sunt, vel tributariæ, vel colonariæ. Pœnales, quæ in pœnam alicuius facinoris cômiffi irrogantur, ut cum milites in bello capti, propter arma aduersus fortiores aut fœliciores lata decumantur, id est, vnus è decem capite plectitur. Ita Appius Clodius exercitû ob ignauiam decimauit : Macrinus militum decimum quemque ob seditionem interfecit.

Græci decimandos statuerunt qui Xerxi fauerant, apud Dio. l. Sicul. lib 9. Biblioth.

Fuit etiam in iudicijs pecuniarijs vsu receptum istud decimæ pœnalis genus. Nam qui indebitam pecuniam ab alio mala fide postulasset, & ad soluendum condictione vadimonij compulisset, si causa caderet, decimam pecuniæ in controuersiam adductæ, fisco Principis pendeat, in pœnam litis temeræ & contra æquitatem institutæ. Eodem pacto qui creditori legitimo debitam pecuniam inficiabatur, eandem mulctam erario inferebat, postquam

sententia secundum actorem & creditorem fuisset dicta.

Hunc vero morem Athenienses seruauerunt, apud quos in ipso litis exordio, partes, decimam rei in controuersiam adductæ deponebant; quam quidem amittebat qui litem temere mouerat, quæ depositio *δικατολογία* appellatur à Græcis, vt notat Budæus in prioribus Annotationibus ad l. *posteriorem ff. de origine iuris*, talem vero consuetudinem apud Romanos desuisse refert Tribonianus *ff. hæc autem inst. de pena temere litigantium*: sed eandem in usu esse apud Monpeffullanos in Curia parui sigilli testatur Rebuffus tractatu de decimis, quæst. 3.

Budæus id
pandectas.

ff. hæc au-
tem inst.
de pena
temere liti-
gant.
Rebuff. tra-
ctat. de de-
cimis q. 3.

Decimæ tributarie sunt, quas principes victis nationibus imperant, in specimen ac monimentum seruitutis. Ita Suidas refert Pisistratum Athenis durissima tyrannide pressis decimas imposuisse ex omni rustico opere persoluendas, *δικατὴν τῶν γεωργουμένων ἀπὸ τῶν τοῖς αὐτοῖς*, à qua decimatione persoluenda feliciter se exemit senex quidam, qui cum rupes asperas & terram omnino infertilem assiduo vomere perfringere tentaret & magnis sudoribus fereret, percontanti Pisistrato, Quid seminaret in solo tam infelice? respondit *σφαλίσους καὶ ὠδυνάς*, angustias & dolores. Hæc enim responsio tam libera occasio fuit Pisistrato, vt iocularem senem tributo decimarum eximeret, eo arbitror consilio, ne si senis istius agrum decimaret, decimam ærumnarum & dolorum capere cogeretur.

Suidas in
vocat. &
κλιν.

Agris provincialibus populi Romani vt pluri-

num Decumanum vectigal impositum : Vnde

Cicero in
Verrinis.

apud Ciceronem in Verrinis, agri Siciliae non semel

Appian. lib.
1. Belli ciui-
lis sub ini-
tium.

Decumini appellantur, & Appianus lib. 1. Belli ciui-
lis narrat populum Romanum agros publicos bello
questitos, sed iniuria dissidii ciuiliis neglectos, dedis-
se colonis fructuosos, vtendos & possidendos ea lege, vt
annuum vectigal publico penderent, scilicet deci-
mam seminum omnium, quintam vero fructuum
& pecorum, ac animalium tantam partem, quan-
tam agrorum vbertas pateretur.

I. Cuiusdam
in pandectis
Hist. Turci-
ca cap. 186.

Agri omnium pene prouinciarum, quæ Turcarum impetio parent, Decumanum tributum exol-
uunt: nam milites, qui ad præsidium & tutelam prouinciis incubant, quotannis decimam partem fructuum stipendii nomine ex agris colligunt. Ita docet Leunclauius in pandectis Historiæ Turcicæ cap. 186. vbi elegantem militum Turcarum differentiam profert. Quidam enim eorum vocantur Vlesfedzij, qui à quæstoribus ærarii publici, stipendium viritim accipiunt, quod illis per dies singulos persoluitur: iidem alio nomine dicuntur Olopaghi, quod suas stipēs quotidie penitus exedant. Alij vero dicuntur Timariotæ, quibus Timar hoc est stipendium assignatur in prædiis & possessionibus in decimis seminum & fructuum: Timar vero corruptum est à Græco vocabulo *τιμή* quod honorem siue stipendium significat.

Idem postea Turcarum Imperator hæreditates suorum decimat, & licet defunctus abunde filiorum atque hæredum habeat, attamen bonorum omnium

omnium ipse decimam præcepit, ita miseri eiusdem Imperatoris & mancipia sunt & cohæredes.

Apud Romanos olim lege Pappia cautum erat, ut donationum inter virum & uxorem decima pars fisco inferretur, quoties nulla matrimonij pignora, nulli hæredes interuenissent: quam legem sustulerunt Imperatores Honorius & Theodosius, statuentes ut, seu vir, seu vxor, tantum sibi mutuo relinquerent possent, quantum vis & magnitudo amoris pareretur.

L. inter viros Cod. de infirmis pœnis cœlibatus lib. 8. tit. 58.

Apud Gallos vero certum est agros tributarios ut plurimum decimam fructuum Principi expendisse. Inde forsan natæ sunt decimæ Dominicæ, quæ à sacris decimis & Ecclesiasticis omnino distinguuntur: quia decimæ sacræ debentur titulo pietatis, ac religionis; decimæ Dominicæ debentur titulo subjectionis & domini: Decimæ sacræ debentur Sacerdotibus, & saltem non sine summorum Antistitum assensu transferri possunt in alienam manum. At decimæ Dominicæ ex mero pendent arbitrio Principis, possuntque incôsulitis Sacerdotibus & Religionum præfectis vendi, donari, alienari.

Prima opinio de Dominicis decimis.

Tandem decimas sacras & Ecclesiasticas Ecclesiæ agri dotales & proprii non soluunt, at decimis Dominicis & Regiis etiam Ecclesiæ agri obnoxij esse possunt, nisi Principis munificentia tributum istud in fauorem Religionis eiuravit, ut ostendimus loquendo de terris & mansis tributariis. Fuisse autem eiusmodi decimas Dominicas distinctas à sacris & Ecclesiasticis, patet ex Concilio Meldensi sub

Carolo Caluo Canone 75. Vbi disertè secernuntur decimæ Dominicæ à Parochianis & sacris, ex eo quod Dominicæ à Rege traditæ sint in dotem Capellarum Regiarum. Nam prout regi libuisset, Capellam erigere licebat cum assensu Antistitem, eam vero extructam dotabat Dominicis decimis: at quia Reges nonnunquam earum Capellarum curam tradebant laicis, in beneficium & stipendium: id ægre ferentes Patres Concilii Meldensis hortantur Principem ut Capellas suas, si fieri possit deinceps viris Ecclesiasticis committat, sin minus laici, qui Capellas regias occupant; solas Dominicas percipiant decimas, Parochianis decimis in solidum Presbytero Ecclesiæ relictis. *Indignum valde est, ut qui in Regia dignitate ceteros Ecclesiæ filios auctore Deo præcellitis, negligentius quæ Dei sunt exequi videamini. Unde dignum erat, ut Capellas villarum vestrarum laicis non committeretis; sed potius illis, qui & eadem sacra loca religiosius tractarent, & vobis exinde adiuti obsequium debitum impenderent. Sed quia aliter causis interuenientibus res se habere dignoscitur, monemus & hortamur, ut secundum canonicam auctoritatem, ne quod absit periculum interdicti anathematis, ex decimis præsumptis incurratis, si Capellas vestras Presbyteris, aut viris Ecclesiasticis dederitis, & Dominicas decimas acceperint, sacra recta Ecclesiæ & luminaria exinde competenter prouideant, & Presbyteri Parochianas decimas accipiant, & populi necessitatibus debitè inuigilent. Si autem laici Capellas habuerint, à ratione & auctoritate*

alienum habetur, ut ipsi decimas accipiant, & inde canes aut gyneci arvas suas pascant. Sed potius Presbyteri Ecclesiarum eas accipiant & inde restaurationem Ecclesiarum, & luminaria, & hospitum ac pauperum receptionem exhibeant, & pro vobis ac statu regni vestri Domini misericordiam studiosè implorent.

Beatus Rhenanus rerum Germanicarum lib. 2. Dominicarum decimarum meminit, easque distinguere non modo à Parochianis & sacris decimis, sed etiam à rebus & bonis Ecclesiasticis agnoscit. *Res Ecclesiarum in beneficiis & ex liberalitate regia possidebāt nobiles, etiam Dominicas decimas, quæ ad sacella regia pertinebant, diuersas à Parochianis.*

Beat. Rhenan. lib. 2. rerum Germanicarum.

Decimas veto Dominicas fuisse canonem & vetigal regi solitum persolui etiam ex Ecclesiasticis prædiis, constat ex constitutione Clotarii Regis, ad annum Christi 560. & habetur tom. 1. Conciliorum Galliarum operâ doctissimi Syrmonti collectorem. In ea enim constitutione reprimit Clotarius quorundam decimatorum insolentiam, qui ex agris, pascuis & gregibus Ecclesiæ decimas exigebant: quorum hominum rapacitati ut haberet Ecclesia quod obijcere posset, solenni diplomate Rex optimus edixit ne in posterum decimæ Regiæ ab Ecclesiæ prædiis sumerentur. *Agraria, inquit, pascuaria vel decimas porcorum, Ecclesiæ pro fidei nostræ deuotione concedimus: Ita ut actor aut decimator in rebus Ecclesiæ nullus accedat, Ecclesiæ vel clericis nullā requirant agentes publici functionem, qui aut vel gregiorum aut germani nostri immunitatem meruerunt. De porcorum ad-*

Constitutio Clotarii ann. 560. tom. 1. Concil. Gall.

L. Visigoth.
tit. 5.

missione in sylvas glandarias sub conditione decimarum multa continent leges Visigothorum tit. 5. de pascendis porcis & animalibus errantibus denunciandis. Quamobrem cum ex dicta Clotarij Constitutione manifestum sit regibus olim certum cano- nem ex agris & pascuis pensitatum, & decimas ani- malium persolutas : probabile est Dominicas deci- mas ex suspensionibus constituisse.

Alia exposi-
tio Domi-
nicarum
decimarum.

Existimo vero aliter posse intelligi, & Dominicas decimas nil aliud fuisse quam decimas prædiorum, quæ Regi titulo domanũ competere-nt ; Nam quia Rex nullius Parochiæ subiacet, sed Capellanos ha- bet, quibus cura animæ suæ demandata est. Idcirco Regis arbitrium erat decimas suas, cui vellet tribue- re, & Capellis à se intra fines regionum prædiorum constructis vindicare. Inde natum discrimen Paro- chianarum & Dominicarum decimarum. Eam ve- ro fuisse regionum Capellanorum prærogatiuam, ut animæ regis curam gererent, docet manifeste di- ploma foundationis Capellæ Diuionensis, quæ ere- cta est ad instar Capellarum regiarum, per Hugo- nem tertium Burgundiæ Ducem, anno 1172. in qua quidem fundatione hæc leguntur. *Nec Dux nec Ducissa Capellanum habebit, nisi decanum Capella vel aliquem de Canonicis ipsius, qui videlicet decanus vice Domini Papæ curam animæ Ducis & animæ Ducissæ debet habere, sicut in presenti habet curam animæ meæ Nico- laus Capellanus meus & decanus Capella, quam curam ipse, à Domino Papa Alexandro sumpsit.* Quo vero gradu fuit postea decanus Capellæ Diuionensis

Apud Au-
bertum Mil-
itum legi-
tur hoc di-
ploma.

apud Ducem Burgundiæ, eo fuerant longe ante in familia regis Archicapellani. Illi enim coram Principe sacris mysteriis operam dabant, eiusdemque animæ sollicitudinem gerebant, denique totum Clerum Palatinum suis legibus moderabantur. ut constat ex Hincmaro Remensi epistola 3. ad quosdam Franciæ Episcopos, in qua dignitates omnes & officia curiæ accuratè depingit. Clerus itaque Palatinus nemini nisi Capellæ magistro parebat, unde Concilium Moguntinum tres Clericorum classes facit, quorum alii sunt sub Episcopo, alii sub Abbate, alii in seruitio Domini regis. Ex quibus patet Regem, suum Clerum habuisse, suosque Sacerdotes ab omni auctoritate superioris Episcopi liberos: Proinde cum Capellarum regis, & Capellano- rum eadem sit conditio, ut Capellani seorsim Cle- rum conficiebant, ita & Capellæ singulæ exiguam veluti Parœciam componebant ac Diœcesim, ad quam decimæ Regionum prædiorum spectabant, quas propterea Reges nutu suo dispensabant, da- bantque vel Ecclesiasticis, vel laïcis: atque ita facile est sensum Canonis Meldensis assequi & distin- guere inter decimas Dominicas & Parochianas.

Hincmarus
Rem. ep. 3.

Concilium
Moguntinū
c. 22. de cle-
ricis vagis.

Huic vero interpretationi fulciendæ, sæculi præ- uitas & magnatum eius ætatis superbia non me- diocriter conferunt. Namque labente tantisper dis- ciplina Ecclesiæ & reuerentia sacri ordinis ab ani- mis nobilium excussa, suis decimis sibi ad libidinem uti licere Procures arbitrabantur. Propterea si alicuius Ecclesiæ licet propriæ & Parochialis Sacerdotes

inuifos nec fatis gratos & amicos haberent : Illis odio impio & nefario fuas decimas eripiebant, & alteri Ecclefiæ, cuius fortaffe miniſtri ſibi gratiores eſſent & chariores eas donabant. Inſuper nonnunquã oratoria in ſuis prædiis conſtruebant, ad ſimilitudinem Capellarum, quas in villis ſuis Rex habebat, putabantque ſe poſſe iſtis oratoriis ſuas decimas contradere.

Hinc tot Canonibus & ſanctionibus Regiis aduerſus eam transferendarum decimarum licentiam pugnatum eſt, vt nemini dubium eſſe poſſit hunc errorem & morbum grauem ac violentum fuiſſe. Capitulare Caroli Magni, anno 4. Imperii datum ad Saltz, expreſſe prohibet, ne oratoriis magnatum liceat decimas adſcribere, & antiquiores Eccleſias nouarum Baſilicarum intuitu ſpoliare. *Quicumque voluerit in ſua proprietate Eccleſiam adificare, cum conſenſu & voluntate Episcopii, in cuius Parochia fuerit, licentiam habeat. Verumtamen omnino providendum eſt, vt alię Eccleſie antiquiores propter hanc occaſionem, nullatenus ſuam iuſtitiam aut decimam perdant, ſed ſemper ad antiquiores Eccleſias perſoluantur.* Capitulare Ludouici Pii Imperat anno 828. *Quicumque decimam abſtrahit ab Eccleſia, ad quam per iuſtitiam dare debet & eam præſumptuoſe vel propter munera aut amicitiam vel aliam quamlibet occaſionem ad alteram Eccleſiam dederit, à Comite vel à miſſo noſtro diſtringatur & euſdem decimę quantitatem, cum ſua lege reſtituat.* Denique Capitularium Caroli & Ludouici Imperatoris per Anſegiuſum collectorem lib. 2. cap. 36.

Capitulare
Caroli magni datum
ad Saltz,
tom. 2. Cœc.
Gallie.

Capitulare
Ludouici
Pii ibid.

idem error prohibetur. *Ecclesia antiquitus constituta nec decimis, nec alijs possessionibus priuentur itaut nouis Oratorijs tribuantur.* Cum ergo ea ætate nobiles id sibi iuris insolenter arrogarent, vt nempe in prædijs suis propria haberent oratoria, quibus suas persoluerent decimas: quid mirum si quod Ecclesia in istis cohibuit, attamen istud idem Capellis Regiis tanquam insignem prærogatiuam & singulare priuilegium indulsit, præsertim cum Rex perpetuo fuerit à reliquo Parochianorum grege secretus, nec ordinarijs pastoribus villanorum more subiectus. Itaque cum Ecclesia Gallicana aduersus Dominicas decimas insurgit non tam rem carpit & consuetudinem, quam vitium rei & consuetudini insitum. Non solum enim decimas suas à Parochianis Reges fecernebant, sed etiam vtendas, fruendas credebant laïcis & prophanis hominibus, qui Capellas & ædes sacras sordescere, labi, dissipari & omnia in fœdissimam ruinam solui negligentissime patiebantur: dum interim luxuriam suam & ambitionem decimarum prouentu alerent, & Christi impensis ac stipendio dæmoni tamen & sceleribus militarent. De cuius morbi remedio cogitabat Ludouicus Pius Imperator: cum inter capitula quæ in conuentu Episcoporum discutienda decernit, istud ante omnia constituit de decimis, quæ ad Capellas Dominicas dantur, & hominibus qui eas habent & in vsus suos conuertunt.

To. 1. Concil. Gall.

Tertium genus decimæ prophanæ illud est quod Colonarium appello. Nempe vt plurimum coloni

Tentium genus decimarum.

decimam partem fructuum, Canonis nomine pendebant Dominis prædiorum, & ut ita loquar propriariis: quam præstationem summam & exactissimam esse voluit Iustinianus, ut constat ex eiusdem colonariis legibus per Harmenopulum excerptis. *πρὸς μέρους, l. 2. μέρους μέρους διμύσια ἐνία, καὶ ὁδὸν ὃ μέρους διμύσιον ἐν, ὃ ὃ ἐκ τὸς τῶν τοῦ μετὰ τῶν ποταμῶν. Partiarj coloni pars, nouem sunt fasciculi: Domini portio, qui fundum dedit, fasciculus unus, qui extra hac partitionem fecerit execrabilis esto.*

Leges colonarum per Harmenopulum excerptæ apud Leunclauuium. 2. p. 158.

Leges Baiuvariorum eundem canonem Ecclesiasticis colonis pendendum imperant, nempe de triginta modijs tres, decimum fascem de Lino, de Apibus decimum vas. Agnoscit & eandem colonariam decimam Argentoræus ad articulum ducentesium sexagesimum sextum consuetudinis Armoricæ. *Vtitur, inquit, hæc Regio certo contrahendi genere, quod Terragium appellant. Latine verbum pro verbo Solarium dixerit: usus est, cum prædia fere inculta colenda certis colonis tribuuntur perpetuo, aut vero temporario iure, lege dicta, ut in annos singulos, decima fructuum auctori rependatur. Cum ergo vltimatissimum fuerit istud decimæ colonariæ genus apud antiquos, caute prospiciendum est ne inter legendum decimæ colonariæ cum sacris confundantur. Sæpe enim cum hunc aut illum nobilem narrant decimam dedisse Ecclesiæ, præpostera cogitatione statim venit in mentem Ecclesiæ ex beneficio nobilium & munificentia optimatum decimas accepisse: cum tamen decimæ istæ, quas Domini prædiorum Ecclesiæ intulerunt*

Argentoræus ad art. 266. consuetud. Britannicæ p. 1190.

intulerunt, fuerint decimæ Colonariæ, quas ipsi iure proprietatis percipiebant. Vnde colligo in quibusdam partibus fieri potuisse, vt Ecclesia geminas obtineret decimas, Sacras nempe & Ecclesiasticas: Laicas titulo Religionis, prophanas verò titulo dominij temporalis & proprietatis fundorum sibi nobilium beneficentia condonatæ.

C A P V T II.

De Decimis sacris quo iure debeantur. Probatum debere iure diuino naturali decimas, Primitias, & Oblationes.

Non est nouum ad Dei honores dæmonem anhelare, & cum eius Maiestate ac legitimis honoribus, fastu & superbia colluctari. Nil solent tyranni de sinceræ potestatis gloria remittere & cū iure regnare non possint, seueritate dominatum firmant, & negatam reuerentiam eò atrocius plectunt, quò magis intelligunt sibi non debere. Quippe sentiunt populos, si quando suis legibus præuaricantur, non tam errore humano labi, quam odio usurpatæ potestatis rebellare.

Quid mirum ergo, si decimarum Religione iniquissimum olim Principatum dæmon illustraret? noluit sibi quidquam deesse ornamentis, quod diuina Maiestas aliquando possideret: vt si non auctoritate, saltem temporis prærogatiua Christum

anteuerteret & insito sibi fastu gloriari posset, se omnes eius honores, anteriore imperio preguistasse.

Inde cogitationem immisit paganis nil faustum, nil auspiciatū cedere, nisi Numinibus pollicitatione decimarum conciliatis. Quamobrem quotquot erant lucri aucupes, mercatores, propolæ: illi sui compendii & commodi decimā Herculi vouebant, quò tanto Heroë in societatem lucri vocato, facerent, ut Numinum quoque interesset, res suas & commercia fortunâ secundiore promoueri. Id vero factum liquet ex l. si quis rem aliquam § si decimam ff.

Herculanæ
decimæ me-
moriæ Ter-
tullian Apo-
log. c. 39.
Cicer. lib. 3.
de Nat.
Deorum.

de pollicitationibus. Propterea eam portionem veteres *Herculanam* vocant, Varro lib. 5. de lingua Latina, Cicero lib. 3. de Nat. Deorum. Græci Delphico Apollinis decimas sacrabant: Hinc Xenophon in Oratione de laudibus Agesilai, scribit ipsum de subactis agris, ac regionibus decimam centum talentorum Delphico Deo consecrassse intra duorum annorum spatium. *Εν δύοιν ἐτοῖν πλείον τῶν ἑκατὼ πεντήκοντα τῶ θεῷ ἐν Δελφοῖς δεκάτην ἀποδύσαι.*

Herodot. li.
2. & lib. 9.

Herodotus lib. 1. scribit Cræso monente Cyrum decimam hircorum omnium Ioui reddidisse: Idem lib. 9. ait Æginetas victo tandem ad Plateas, Persarum exercitu, decimam spoliolum diuis persoluisse. Cyrus eodem exemplo, cum opulentissimam Lydiorum urbem expugnasset, iussit ad portas urbis, milites quosdam excubias agere ac prohibere ne quid spoliolum efferretur, priusquam decimam, Diuorum clementiæ debitam præciperisset. Decimā thuris apud Sabæos Sacerdotibus pen-

dunt, nec ante licet exportare, aut mercari, quam sacri Antistites decimam legerint, & Deorum honorem, eorundem ministri prælibarint.

Plin. lib.
cap. 15.

Non ergo apud solos Israelitas viguit Religio decimarum, nec soli eorum Sacerdotes hunc censum suis commodis adscripserunt: quibuscūq; Numinis alicuius seu veri, seu commentitij opinionem quandam ac informationem natura iniecit, illi omnes nostrarum fortunarum parte aliqua Deum esse colendum donandumque censuerunt, qui licet humanis largitionibus ditescere nesciat, amat tamen muneribus nostris quasi vinculis quibusdam necti, & ad benefaciendum, etiamsi nolit, obligari.

Quo autem iure debeantur decimæ inquirendum. Ac primo ne quid supersit dubij, sciungenda est decimarum substantia, à quora earundem parte. Substantiam appellamus portionem quandam fructuum confusam ac indefinitam, quæ Deo penditur: quoram vero nominamus determinatam quantitatem, puta vt ex decem fasciculis decimus, vel ex duodecim duodecimus persoluatur. Quo prænotato. Censeo Decimas, nec non Primitias, Oblationes, ex informatione iuris naturalis promanasse: nec modo præcepto quodam ac imperio diuino inniti, verum è naturæ disciplina doctrinâq; tacita eruditione omnium animis infusa proditisse. Vnde enim Gentium omnium consensus, & publica conspiratio, in Decimis, Primitiis & Oblationibus Deo consecrandis, nisi è communi omnium

Gentes omnes in decimis consentiunt.

magistra natura processit, quæ ut auctoritate aliqua nutuque Superioris mundum regi suadet: Ita huic, obsequio ac officio litandum prædicat. Hæc enim officia & significationes proni ad seruandum animi si auferantur, necesse est hominem perpetuâ sui auctoris obliuione teneri & seipsum sui arbitrum ac rectorem iniquissimo fastu ostentare.

Quot titulo
Deo debentur
decimæ
& Primitiæ.

Deus est simul Domi-
nus fundi &
Colonus.

Licet vero vnicus sit Deus & mentem ac personam mutare nesciat: attamen ubi homini fauendum est, omnem frontem vultumque induit: agrorum dominus idemque colonus est. Etenim & manu ingeniosa campos in planitiem extendit, fecitque verbo totum illud terre spatium, è cuius sinu statis temporibus segetes emergunt, pullulant plantæ, fructus denique tam varii ad hominum delicias & satietatem oriuntur. Idem vero agros à se conditos & expansos, nunquid sedulus nauusque colonus exercet? immittit pluuias, inducit riuulos, calorem æstumque transfundit: & quidquid seu ramis pendulum, seu aristis obsitum, seu vaginis inclusum, seu arbutis affixum, seu humi decubuum terra progerminat, id totum opus est Dei. Huius manu cessante frustra serit agricola, frustra sentes dumosque refecat, frustra sudoribus campum rigat, è quo, citra Dei opem, nil præter ærumnas meteret & fastidia. *Neque qui planta, neque rigat, sed qui incrementum dat Deus.*

Cum ergo geminam diuina magnitudo personam sustineat & Domini agrorum & eorundem Coloni: Ita quoque duplex lucrum, commodum-

que iure merito potest ex iisdem repetere. Primum ratione dominij, secundum ratione culturę & operę in exercendis terris nauatę. Quare si dominis prædiorum, ratione proprietatis, decima penditur vt ostendimus: an eadem erit Deo deneganda; cuius ea omnia sunt propria; quę precario tantum & ex indulgentia ab hominibus possidentur? De Primitiis eadem ratio instituenda est. Nam si Colonis partem fructuum subducere scelus est, & eorum operas ingrata parsimonia frustrari: certe Dei beneficium impia cęcitare ignoret necesse est, quicumque primitias ei subtrahit, cuius sole & pluuijs fruges nostrę aluntur ac maturescunt. Eam rationem Primitiarum Deo soluendarum agnoscit Philo Iudęus libro. Quis rerum diuinarum hæres sit. Quod autem, inquit, Primitias postulat, id ad eruditos nos facit; Nam reuera corporũ ac rerum Primitie Deo debentur. Id si scire vis. Considera stirpes, animantes, artes, scientias. Prima stirpium semina sunt ne agriculturę an inuisibilis naturę opera, quid hominum ceterorumque animalium generatio? nonne parentum operam habet accessoriam antiquissima veraque eius causa natura est &c. *ἡ πρώτη τῶν φύτῶν ἀρχὴ καὶ ἡ πρώτη τῶν ζώων ἀρχὴ καὶ ἡ πρώτη τῶν ἀνθρώπων ἀρχὴ.* Ista ergo sunt Primitiarum ac decimarum fundamenta.

Quod ad Oblationes pertinet, mihi videntur Deo deberi, titulo læsę atque offensę eiusdem Majestatis: nam cum eius clementiam continuo scelere lacessimus, cælumque stultitia petentes, ponere fulmina non patimur (vt cum Prophano loquar).

Quo titulo
debentur
Oblationes.

Certe demulcendæ atque pacandæ cœlestis iracundię rationes aliquas inuenire oportuit, quibus infligat auctoritati Numinis iniurię sarcirentur. Eam vero artem leniendi iustam cœlorum indignationem, præbent Oblationes ac munera aris admota, præsertim si mutata mente & castigatis moribus ad sacrum puluinar lachrymis perfusus peccator accedat, & cum fragili donatio mentem adferat meliora meditantem. Cum ergo iure naturæ Deus dominium terrarum omnium habeat, cum ex eodem iure Colonis operarum fructus debeantur, cum necesse sit iniuriam factam vel ære, vel corpore luere, & cum pacare offensum pars sit æquitatis naturalis: Hinc concluditur Decimas, Primitias & Oblationes, non esse præcepti alicuius diuini, sed informationis naturalis: adeoque non alto titulo teneri homines, ad hæc officia Pietatis ac Religionis præstanda, quam ad Deum colendum & adorandum.

Secundò idè è Philosophicis principiis probatur. Quippe docet Aristoteles Politicorum l. 1. cap. 5. quosdam seruitutes ortum habere à natura, cuius hoc suffragium est, vt deterioribus imperent meliores, *ex ἡμετέρας ἐνα δέσμευται, τὰ μὲν ἐπὶ τὸ ἀρχαῖον τὰ δὲ ἐπὶ τὸ ἀρχαῖον, &c.* Si ergo seruitutis iugo natura quosdam subdidit, voluitque imbelles, sceleratos, flagitiosos, amentes, strenuis bonis ac ingeniosis famulari. Quanto æquius est hominẽ, Deum summè bonum, & bonorum omnium fontem colere, eidemque assiduo mancipatu deferuire. At seruitium & famulatum quicumque debet, cum neces-

Arist. lib. 1.
Polit. cap. 5.

seest obsequii sui significationem edere, & certis indiciiis profiteri. Si ergo feudorum domini certa imperarunt obsequia suis hominibus, quæ licet cessarent, nihilo tamen dominus feudi pauperior esset ac infelicior? Cur non homines Diuinæ Maiestati in supremi dominatus testificationem, certam bonorum suorum partem exoluent, & fidem ipsi ac clientelam certis pignoribus spondebunt? Ea olim fuit mens Augustini seu alterius antiqui Patris de rectitudine Catholicæ cōuersationis tractat. 20.

Vnaquisque de quali ingenio vel artificio uiuit, de ipso decimam Deo in pauperibus vel Ecclesiis donet. Consideret quia omnia Dei sunt per quæ uiuit, siue terra, siue flumina, siue semina, vel omnia quæ sub cælo sunt, vel super calos. Et si ipse non dedisset nil uiuere haberet. Nam Deus, qui dignatur totum dare, decimam de suo dignatur nobis repetere, non sibi penitus sed nobis profuturam, sicut & ipse promisit per Prophetam dicens. Inferte inquit, omnem decimationem in horreis meis & probate me in eis dicit Dominus, si non aperuero uobis fructus quæ possidetis super terram. Eandem pene sententiam repetit, Serm. 219. Propitio Christo, fratres charissimi, iam prope sunt dies in quibus messes colligere debeamus, & ideo gratias agentes Deo, qui dedit de offerendis, imo de reddendis decimis cogitemus: Deus enim qui dignatus est totum dare, decimam à nobis dignatur repetere, non sibi, sed nobis profuturam. Quibus locis Augustinus obligationem decimarum soluendarum deducit ex iusto dominio, quod Deus in res uniuersas obtinet, ratione cuius non tam Deo aliquid

August. seu
quisquis de
rectitu. Ca-
thol. con-
uerlat. tract.
10. tom. 9.

Malach. 3.

Aug. Serm.
219. alias
219. 10. 19.

donare censentur mortales; cum decimam ei tribuunt; quàm Deus, ipsimet nouem partes residuas de rebus sibi propriis & acquisitis relinquere. Hinc decimarum negatarum iniuriam Hieronimus Deo infligi censet, cuius beneficiis in posterum dignus non habetur, qui ipsius munificentiam turpi parsimonia dedecorat, & flagitiosa tenacitate, Domini tam liberalis gratiâ, renuat parte aliqua acceptarum

Hieron. in
Zachariam
cap. 3. to. 6.

Matth. 10.

1. Cor. 5.

opum emereri. *Quod de decimis, inquit, primitiisque diximus, quæ olim dabantur à populo Sacerdotibus ac Levitis, in Ecclesiæ quoque populis intelligite, quibus præceptum est non solum Decimas dare & Primitias, verum etiam vendere omnia quæ habent & dare pauperibus, & sequi Dominum saluatorem. Quod si facere nolumus saltem Iudæorum imitemur exordia, ut pauperibus partem demus ex toto, & Sacerdotibus ac Levitis debitum honorem deferamus. Vnde dicit Apostolus, honora Viduas, quæ vere viduæ sunt, & Presbyterum duplici honore honorandum, maxime qui laborat in verbo & doctrina Dei. Quod qui non fecerit Deum fraudare & supplantare conuincitur, & maledicitur ei in penuria rerum omnium, ut qui parce seueris, parce & metat, & qui in benedictione seminauerit, in benedictionibus colliat abundanter.* Ita Hieron. in Zachar. cap. 3. to. 6.

Tertium argumentum
quo probatur decimas
esse iuris naturalis.

Tertium argumentum, ad probandum decimarum obligationem esse de iure naturali, ipsa consuetudo etiam ante legem omnem recepta, vsuque confirmata subministrat. Antequam enim ullus esset Sacerdos, qui partem & portionem fructuum capere posset, & in suum commodum conuertere, primitiis

mis hominibus visum est diuinam Maiestatem muneribus ac Decimis conciliare: Hæc prima Pietatis ac Religionis monimenta in sacris reperiuntur codicibus: cum duo fratres, fortasse soli præter Adamū & Euam mundi incolæ, de gregibus suis ac fructibus munera obtulerunt Domino. Quid enim fuerunt Oblationes Caim & Abelis, nisi initia quædam & auspicia Decimarum? Ex quibus infero Decimas & Oblationes non deberi tantum eo nomine, ut ex iis ali possint Sacerdotes, & qui Sacris præsumt sua inde commoda captare. Nam antequam vlli essent rebus Sacris præfecti, quibus oporteret vitum à populo ministrari, iam tum vigeat consuetudo quædam, certam portionem frugum atque animantium Deo consecrandi. Neque ea tantum apud Plebeios pie ac religiosè culta est. Sed apud Principes ipsos viguit Abrahamū nepe, qui, ut paucis dicam, armatus, victor & triūphali exercitu circumfusus, Decimas persoluit Sacerdoti Melchisedech, in quo Sacerdotij Euangelici origo, vmbraque delitescbat. Pudeat itaque nostri temporis fastuosos quosdam & insolentes homuncios, titulo Nobilitatis ficto certe & inani gloriantes, aduersus tam religiosam pendendarum Decimarum consuetudinē minis atrocibus, truci supercilio & familiā ad Domini libidinem tumultuante obluatari: Pudeat armis, ensibus & plumato vertice imbellibus vicariis, & timidulis curionibus metum ac pallorem incutere. Pudeat villicis ac colonis suis nefarias fraudes, ac impia furta suadere: Non Sacerdotibus sed Deo

Quorūdam
nobilitum
f. stus in
Decimis re-
tineatis.

rapitur, quidquid è Decimis perit. Fruges Sacerdotum in nobilium horrea comportatæ semina sunt egestatis ac penuriæ, ad quam dissipatis stemmatibus, & nobilitatis luce multis sordibus obductâ, plerumque non alio, quam suæ avaritiæ fato compelluntur.

Merito ergo in rapinas fraudesque laïcorû Decimas decurtantium, inuehitur Innocentius III. Epist. ad Vercell. Episcopum, demonstratque iniuriam his latrocinii, non hominibus, sed Deo irrogari, cuius nomine & auctoritate Decimæ colliguntur.

Innocent.
III. cap. tua
nobis de
Decimis.

Cum, inquit, Deus cuius est terra & plenitudo eius orbis terrarum & uniuersi qui habitant in eo, deterioris conditionis esse non debeat, quàm Dominus temporalis, cuius statutum de terris, quas exhibet aliis excolendas nequidem deductis sumptibus, aut semine separato necessario cum integritate persoluitur, nimis profectò videtur iniquum, si Decimæ quas Deus in signum uniuersalis Dominii sibi reddi præcipit, suas esse Decimas & Præmitias asseuerans, occasione præmissa, vel excogitata magis fraude diminui valeant.

Ea certe amplissima nobilium laus erit, si Deo se mancipatos, ac vètigales agnoscant, in quem avarum esse scelus est, dum insanis largitionibus munificentiae gloriam apud homines aucupantur. Ideoque Patres perpetuos laudant Christianos & Principes viros eo maxime capite quod Decimas & Præmitias religiose persoluant.

Non est itaque arbitrandum decimarum leges temporarias tantummodo extitisse, & dissoluto

Mosaicæ legis testamento euanuisse. Ante legem decimæ fuerunt, earumque iura non tam Christi Euangelio extincta quam confirmata. Ita sentit Clemens Romanus Constit. Apostolicarum lib. 2. cap. 39. Vtiturque argumento Christi, qui iusticiam Christianorum vult Scribarum & Phariseorum pietati, multis spatiis anteire. *Nisi abundauerit iustitia vestra plusquam Scribarum & Phariseorum, non intrabitis in regnum Cælorum.*

Clemens
Rom. lib. 2.
Const. c. 39.

Ambrosius Serm. 33. præstationem decimarum inter illustriores Christiani hominis notas annumerat. *Non nobis, inquit, sufficit quod Christianum nomen præferamus, si opera Christiana non facimus: Decimas nostras annis singulis de cunctis frugibus pecoribus erogandas præcepit Dominus. Et Sermone 58. Ille vere bonus est Christianus, qui furtum non facit, falsum testimonium non dicit, qui non mentitur, qui adulterium non committit, qui ad Ecclesiam frequentius venit, qui de frugibus suis non gustat, donec aliquid ex ipsis Deo offerat, qui Decimas Deo annis singulis, erogandas pauperibus reddit, qui Sacerdotibus suis honorem impendit.*

Ambrosius
Serm. 33.

Ambrosius
Serm. 58.
to. 5. operum.

De quota Decimarum. An sit iuris diuini an vero
Ecclesiastici.

C A P. I I I.

ET si nemo sit, modo vel mediocriter Religio-
nem curet qui audeat inficiari obsequi nomi-
ne aliquid deo consecrandum, & tantorum aucto-
rem beneficiorum, grati animi significatione qua-
dam excipiendum. Plures tamen sunt qui aduersus
decimas insurgunt, quod dicant eam portionem
fructuum nimis amplam esse, atque vberem, ne-
que tam opimis redditibus Ecclesiæ Sacerdotes ege-
re, vt vitam ducant commode, cuius voluptates ac
delicias ieiuniis, & austerâ corporis disciplina te-
nentur eluctari. Paruo constant & facile parantur,
quæcunque natura ad vitæ munimentum postulat.
In deliciis & superfluis magni redditus pereunt: ad
luxuriam fastumque opulentia vocat: vt solent blan-
di ac sereni soles, homines suis plerumque subdu-
cer laboribus, & ad ruris amœnitatem totis sensi-
bus libandam euocare.

Argumenta
quibus quo-
ta Decima
impugna-
tur.

Huic suæ opinioni quædam argumenta velut
Atlantes supponunt. Primum est, in Ecclesiæ nascen-
tis exordio, vnde Euangelii puritas maxime peten-
da est, istam Decimarum Sacerdotibus soluenda-
rum consuetudinem fuisse inauditam. Ricunt soli-
tos fuisse veteres Christianos, pro feruore pietatis
stipes liberas, & iniussas in commune ærarium con-

ferre non per modum vectigalis, sed misericordiæ & benignitatis: ita enim loquitur Tertullianus à nobis citatus, lib. 1. huius operis, c. ultimo. Itaque Oblationes Christianorum olim beneficia fuisse non census, charitates non debita, elemosinæ non tributa. Non illic Prætoris imperia, non tribunalium metus, non lictorum turba stipes exigebat. Huic præstationi vna præsidebat pietas, quam ne violasse quidem credebatur, qui pecunias suas Sacerdotibus negabat, modo mentis bene compositæ affectus, & studia Deo consecraret. Ergo inquit à maiorum disciplina defecere, qui per vadimonia, & lites, Decimas à miseris, & squallentibus rusticis quarunt: eosque cogunt Sacerdotibus alimenta erogare, quorum frontibus fames, & penuria maciem & pallorem induxit.

Secundum argumentum petitur è numero Clericorum. Etsi enim aliquid dandum esset Clericis alimenti nomine: etsi parendum Paulo qui neminem cogit suis stipendiis militare. Attamen habenda ratio est multitudinis & numeri. Videndum quanta pars generis humani sint Clerici: quis vero eos decimam hominum partem conficere audeat profiteri? quis supra Curionem nouem tantum esse Parochianos asserat. Inutiles ergo sunt tanti redditus: nisi Clericos velimus naturæ ipsi oneri esse, & eâ plus in vno ipsorum educando, quam in ingentiorum hominum turba nutrienda laborare.

Secundum
argumentum
aduersus
Decimas.

Tertium argumentum petitur ex Annalibus ac historiis, quibus proditur Ecclesias complures, De-

Tertium ar-
gumētum.

decimarum iura ac proprietatem, à prophanis ac laicis acceperisse. Qui monumenta Monasteriorum consulit, nil inueniet frequentius, quam hunc aut illum militem, Baronem, Comitem, Decimas certorum prædiorum Ecclesiis Monachorum deuouisse, Si ergo debet munificentiae, ac beneficio laicorum Ecclesia quod Decimis potiatur; Concludendum Decimas non ex præcepto quodam diuino, sed ex religioso consensu gentium, atque Prouinciarum dimanasse. Iam vero multæ sunt Regiones, in quibus non Decima, sed portio quædam multo minor leuiorque penditur (vt deinceps patebit) non ergo iuris diuini est decima: quia iuxta diuino addere aliquid, aut detrahere nefas est: vetatque Religio illud pro arbitrio hominum flecti ac commutari.

Ea sunt argumenta, quibus Decimarum legem, vt plurimum aggrediuntur. Quibus quid sit respondendum tandem inspiciamus. Certe iure diuino naturali deberi, definitam istam portionem, nempe Decimam, nemo audeat asserere. Si ergo diuini iuris est Decima, etiam quantum ad quotam, præceptum aliquod positum sit à Deo necesse est, quo pars ista nominatim Sacerdotibus soluenda decernatur.

An obligatio Decimarum sub lata sit in lege Evangelica.

Duo autem eiusmodi præcepta reperiuntur: primum in antiqua lege, posterius in noua. Præceptum antiquæ legis de soluenda Decima forsitan crederetur abrogatum, sed falsò. Nam cum tria præceptorum genera lex vetus habeat, Ceremonialia, Iudicialia & Moralia: Priora duo extincta sunt: Ceremonia,

quia erant umbra futuri Euangelij, ideo orto sole, oportuit eas solui, ac diffluere. Iudicia quoque eodem fato cessarunt. Quippe iudiciorum ratio spectat ad regimen Gentis alicuius ac Reip. Idcirco vnaquæque gens & natio, suo utitur iudiciorum more. Cum ergo gens ista, & populus dissolutus sit, non mirum, si iudicia quoque sublata sunt. At Moralia præcepta quæ ad formandos hominum mores, & virtute ac pietate imbuendos pertinent, illa nullo vnquam fine cessabunt, donec hominum genus postremo incendio cum orbe desinat: Eius autem generis est præceptum de Decimis persolendis. Nam ad pietatem & officia Religionis spectat, neque alium habet finem, quam Deum rerum omnium auctorem agnoscere, eundemque hominum & rerum simul omnium, quibus homines utuntur, dominum profiteri. Quamobrem vota illa tam sancta ac religiosa, cui magis legis quam Euangelicæ competunt, quæ ut Dei in nos affectum monumentis augustioribus prodit, ita ampliorem à nobis grati animi significationem expostulat, nisi velimus crescente Dei beneficiâ, hominum pietatem minui, & incalescente eius affectu nostros vicissim amores frigescere. Ea causa Patres superiore capitulo citati Clemens, Hieronimus, Ambrosius, censent Christianos, ad persolendas Decimas arctiori vinculo teneri, quam Israelitas, quorum pietatem nobis non imitari tantummodo, sed superare necesse est.

Præceptum de Decimis est, ex genere moralium.

Alterum præceptum de Decimis persolendis, è

Præceptum
Evangelicū
de Decimis
Marth. 23.
v. 23.

verbo Christi petitur. Cum enim Christus in avaritiam, fucum, & hypocrisim Phariseorum esset inuectus, qui ea legis capita accuratissime servabant, è quibus poterant capere aliquid honoris & gloriæ, reliqua vero fastidiebant quæ ad veram pietatis disciplinam spectabant: Concludit his verbis; *Vae vobis Scribæ & Pharisei qui decimatis mentham & Anethum & Cyminum, & reliquistis, quæ graviora sunt, legis iudicium & misericordiam: hac oportuit facere, & illa non omittere.* Quibus verbis, patet Christum laudare Scribas & Phariseos, quod Sacerdotibus etiam Menthæ & Anethi decimam persolverent: ac non modo, non improbare piam hanc consuetudinem, verum ipsam potius firmare dicendo. *Hæc oportuit facere, & illa non omittere.* Ergo cum decimarum Religio fuerit Christi ipsius auctoritate & præconio in noua lege commendata, signum est eam deo, non modo gratam esse, sed etiam ab eodem nouo veluti imperio confirmatam.

Clemens
Rom. b. 2.
Conit. po
sioi. cap. 29

Quamobrem Patres pene omnes ac Concilia decimam volunt esse iuris diuini & præcepti, non vero Ecclesiasticæ alicuius disciplinæ. Clemens Romanus aperte distinguit inter voluntarias populi oblationes, & necessariam decimarum præstationem: & decimas quidem quæ iuxta dei mandatum soluuntur, vult ab Episcopo consumi, *quia Dei homo est*; Id est quia dei personam in terris sustinet. At Oblationes voluntarias suadet orphanis, pupillis, ac pauperibus distribui. *Quæ ex Decimis & Primitiis secundum mandatum Dei dantur, ut et ei homo consumatur:*
Voluntaria

*Voluntaria vero, quæ occasione pauperum offeruntur, recte dispenset orphanis, viduis, afflictis & peregrinis egen-
tibus. Origenes homil. in Numeros, præceptum an-
tiquum persoluendæ decimæ, iuxta litteram obser-
uandum esse, in noua lege existimat, nec esse Chri-
sti mentem ad allegorias, & occultos sensus detor-
quendam. Quomodo, inquit, abundat iustitia nostra
plusquam Scribarum & Phariseorum, si illi de fructi-
bus terræ suæ gustare non audent, priusquam Primitias
Sacerdotibus offerant, & Leuitæ Decimis separentur: &
ego nil horum faciens, fructibus terræ abutar, ut Sacer-
dos nesciat, Leuitæ ignores, diuinum altare non sentiat. Et
paulo post ita concludit. Hæc, inquit, diximus asse-
rentes mandatum de Primitiis frugum, vel pecorum de-
bere etiam secundum litteram stare. Concilium Matif-
conense 2. sub Guntranno Rege, cap. 5. Leges diui-
næ consulentes Sacerdotibus ac ministris Ecclesiarum, pro
hereditaria portione omni populo præceperunt Decimas
fructuum suorum locis sacris præstare. Concil. Mogun-
tinum primum sub Carolo Magno c. 38. Admone-
mus atque præcipimus, ut Decimas Deo dari omnino
non negligatur, quas Deus ipse sibi dari constituit. Quia
timendum est, ut quisquis Deo debitum suum abstrahit,
ne forte Deus per peccatum suum auferat ei necessaria
sua. Vide etiam Concilii Triburiensis can. 13. Gela-
sium epist. 1. cap. 27. Alexandrum 3. ad Cenomanen-
sem Episcopum, Tridentinum Concil. Sess. 25. in
cap. 2. Decreti de Reformatione.*

Origenes
homil. 11. in
Numeros
tom. 1. op.

Concil. Ma-
tisc. 2. sub
Guntranno
cap. 5.

Concil. Mo-
gunt. sub
Carol. Mag.
c. 38.

Concil.
Trib. Gelaf.
Pap. Alex.
3. Tridenti-
num Con-
cil.

Quo autem consilio decimam potius, quam
aliâ partem Deus exegerit, non satis clarum. Philo-

E

Iudæus ideo Decimam gratam esse Deo suspicatur, quòd ad Deum peruenire homo non possit, nisi transacto nouenario. Rerum enim omnium nouem veluti orbes, ac sphaeras fingit, quarum prima Elementorum est, septem succedentes Planetarum, nona Firmamenti, postquam ad Intelligentias Deumque transcenditur. *Εντα γδ ὁ κόσμος ἐλαχε μέρους, ἐν ἑξατῷ μὲν ὀκτώ, τῇ τε ἀπλαιῇ καὶ τῇ πεπλαιημένης ἐν πᾶσι φερεμένης τῇ αὐταῖς, ἐνιάτῃ δὲ γλῶσσῃ ὕδατι καὶ αἰέρι. Τούτῳ γδ μία συρρίνεια, ἑπὰς καὶ μεταβολὰς πόμπης δεχομένηται. οἱ μὲν οὖν πολλοὶ καὶ ἐνία τούτης μέρους, καὶ τὸ παῖντα κόσμον ἐξ αὐτῆς ἐτίμησαν, ὃ δὲ τέλειος, τὸ ὑπεράνα τῆς ἐνία δημιουργῶν αὐτῆς θεὸς δέκατοι. Ἰν νομει enim partes mundus distribuitur. Octo in celo, supremum orbem & septem reliquos erraticorum syderum similes cursus habentium: nonam autem terram cum aqua & aëre. Horum enim una est cognatio, varias mutationes recipientium. Vulgus autem has nouem partes & compactum ex his mundum, vir autem perfectus cum colit, rerum omnium artificem, qui super hos nouem orbes in decima veluti sphaera est constitutus. Eandem rationem decimarum soluendarum adfert, Clemens Alexan.*

Philo Iu-
tus lib. de
congressu
juerenda
restitutionis
et alia.

Clemens
Alexand lib.
2. Stromat.

lib. 2. Stromat.

Epiphanius hæresi octava Decimarum omen aliquod & præfagium vult inesse Sacrosancto nomini Servatoris nostri. Si quidem nomen Iesu, sub quo ima summaque curvantur, initialem habet litteram Iota, quæ apud Græcos numeri denarij nota est: Propterea vult decimas ab antiquis Iudæis tam religiose persolutas, nihil aliud fuisse, quam figuram

nominis Iesu, sicut victimę legales signum erant
agni Euangelici, cuius sanguine mundi sordes ex-
purgantur. Καὶ ὡς καὶ ἀρόβατον ἄλλοθεν θρόνον, κα-

Epiphanius
hæresi octa-
ua tom. 1.
lib. 1.

διδηροῦ ἡμᾶς εἰς τὸ μέγα ἀρόβατον καὶ ἐπουράνιον ὡς
ἡμεῖς, ἐκ ὧν τῷ ὅλῳ κόσμῳ τυθέν· καὶ ὡς καὶ ἀποδε-
κατώσις, ἀσφαλιζομένη, ἥ αὖ μὴ λάθῃ ἡμᾶς τὸ ἰώτα, ἥδιν καὶ
τὸ θεῖον στοιχεῖον ἔῃ τοῦ ὀνόματος. *Erat, inquit, pe-
nes illos, et omnis victima rationis expers, quæ nos ad illam
magnam celestemque perduceret ouem, pro nostra et totius
mundi salute mactandam. Præterea instituta apud illos
decimatio fuit quæ nos eo deduceret, ut lota litteram
quæ nota denarij est, et nominis Iesu initium, non posse-
mus ignorare. Alij volunt decimam ab homine
persolui, quia homo decimum locum occupat in or-
dine, & serie rerum creatarum.*

Taceo infinita mysteria, quæ in numero denario
latere acuta sibi fingit hominum meditatio. Inde
enim non video erui posse argumentum, ad necessi-
tatem Decimarum ostendendam: Cum cæterorum
quoque numerorum significatio mysteriis non ca-
reat, possitque ingeniosus quilibet, ut in nubibus
centauros olim Iuppiter, ita in numeris rerum gran-
dium ac luculentarum imagines pingere.

Legatus
Irenæus
Lugdunens.
lib. 7. aduer-
sus hæres.
Valent. cap.
35.

Respondetur argumentis aduersus Decimarum quotam propositis. Libertas Ecclesie remittendi Decimas tempore persecutionis. Decimarum consuetudo etiam tempore persecutionis recepta ex Clemente, Cypriano, Origene. Initia Decimarum in Apostolis ex Jrenæo &c.

C A P V T IV.

SVperiori capite præmissimus eorum rationes, qui Decimas volunt esse recentioris Ecclesie commentum, cui initium dederit Sacerdotum avaritia, magis quam populorum pietas: & quod non tam lege aliqua diuina, quam consuetudine, & longi temporis præscriptione subnitatur.

Nunc itaque eorum argumenta libranda sunt, quorum primum refricabat veteris Ecclesie memoriam, cuius Sacerdotes nullum aliud vectigal à populo flagitabant præter fidem, & constantiam, quâ in Christi causa summam adhibere hortabantur. Cætera libera erant inquit ac voluntaria.

Fateamur ergo nil postulasse, à populo veteres Clericos, agnoscamus ipsos summum sibi, & honestissimum in Christi paupertate patrimonium collocasse: An propterea cessabat lex de Decimis persolvendis, minime vero? Quo ergo pacto plebs sese eo debito exolvebat? qua ratione legem pendendarum Decimarum implebat, si modicam stipem, si vile stipendium suis tantummodo erogabat Sacerdotibus?

Facile est autem istud intelligere. Nam quoties aliquis in odium, & inuidiam Christiani nominis parte aliqua fortunarum spoliatur, quoties Christi hostes in eum sæuiunt, & sit Anathema pro fratribus: toties Ecclesia, solet quantum potest, clades ei inflictas beneficentiâ sarcire, & suis etiam si opus est, visceribus instaurare: Quod si Ecclesiæ hoc genus pietatis vsu receptum est; multo magis eidem licet sua iura, census & obuentiones populis remittere, si quando pro Christi nomine, à Barbaris & infestis veræ Religionis nationibus, duri aliquid ac incommodi patiuntur: At quot oneribus, tributis (verum mitiora sunt ista) dicamus, crucibus, equuleis, tormentis, exiliis, proscriptionibus veteres premebantur Christiani? quot lucris, quot commodis fraudare seipsos cogeantur, ut Christum lucrifacerent? Quis vnquam ex Christiana gente, ante Constantinum honores, magistratus, ac dignitates adeptus est. Itaque cum in fauorem Ecclesiarum, tot calamitatibus pressi ingemiscerent, & tam grauem ferrent rerum suarum iacturam, merito Ecclesia, quas poterat flagitare Decimas, ipsis beneficentissime indulgebat: quarum immunitatem non superbia fastusque insolens: sed vulnera, infames notæ frontibus iniustæ, truncum corpus, squallorque carcerum impetrabant.

Alterum vero quod huic argumento opponi potest, est ipsamet Christianorum eiusce temporis Pietas & religiosa bonorum profusio. Quis enim Decimam ab eo expostulet, qui totum tradit; qui

Quare liberum fuit Ecclesiæ remittere Decimas tempore persecutionis.

Altera responsio qua ostenditur primis temporibus Decimam esse in vsu fuisse.

nil iuris sibi in rebus propriis retinendum putat, qui omnia arbitrio Sacerdotum permittit, nec vult sese vlla opum ac fortunarum possessione ab iis se- iungi, quibus sacra mentium ac pectorum sociera- te coniungitur? At ea fuerunt primi Christianorum populi studia, hi in Sacerdotes affectus: ipsis sua omnia credebant, nec fortunas suas putabant posse prudentius regi, quam si earum curam Sacerdo- tum prouidentia gereret, quorum consiliis orbem gregēque charissimum, emiptum suo sanguine Christus commendauit. Itaque eo tempore quid- quid opus habebant Ecclesiæ, pauperes, Clerici, ea facillime Sacerdotes à populo impetrabant: quorum largitionibus, qui mensuram aliquam præ- fixisset, & Decimam imperasset, is non tam legem stabilire visus esset, quam euertere charitatem.

Præterea dicamus non tam insuetam fuisse De- cimarum pensitationem, hisce temporibus, quin aliquæ eius notæ, etiam ante pacem à Constantino factam conspiciantur.

Clemens
Rom. lib. 2.
cap. 29. 31.
& 38.

Clemens Romanus, si non ille Petri successor, saltem antiquissimi sæculi scriptor, Decimarum non semel meminit: tum lib. 2. Constitutionum Apo- stolicarum cap. 29. quem textum antea citauimus, tum eiusdem libri cap. 31. & 38. Vbi Decimas in- star tributi alicuius deberi Episcopis & Sacerdoti- bus refert, quia Regia in terris pollēt maiestate, *Epif- copos & Sacerdotes, Principes, & Reges vestros putatote, & tributa tanquam Regibus pendite, de vestro enim il- los, & domesticos illorum ali oportet, quemadmodum*

Samuel præcepit populo de Rege in primo Regum, & Moses de Sacerdotibus in Levitico, eodem modo nos de Episcopis vobis præcipimus. Nam si tunc populus proportionem, tanto Regi munera præbebat, quanto magis nunc Episcopus decreta sibi à Deo capere stipendia debet ad se alendum, & Clericos, qui apud eum sunt? Quod si aliquid orationi addendum est, plura hic capiat, quam ille olim. Ille enim rem militarem tantum administrabat, belli pacisque moderator ad tuenda corpora, hic vero Dei Sacerdotium administrans, corpus & animam periculis liberat. Quanto igitur anima corpore est excellentior, tanto Sacerdotium Regno præstat. Ligat enim id & soluit supplicio, vel indulgentia dignos. Ideo Episcopum diligere debetis ut Patrem, timere ut Regem, honorare ut Dominum. Fructus vestros & opera manuum vestrarum, in vestram benedictionem illi offerentes, primitias vestras, decimas, partes, dona vestra dantes ei, ut Sacerdoti Dei: primitias inquam frumenti, vini, olei, pomorum, atque omnium, quæ Deus præbet vobis.

Libro octauo cap. 38. ex Matthæi Apostoli decreto Decimas esse Sacerdotibus soluendas probat. Cuius decreti hæc est summa. Ego *Matthæus* præcipio omnes primitias afferri Episcopo & Presbyteris, & Diaconis, ad victum ipsorum. Decimas offerre, ad victum reliquorum Clericorum, Virginum & Viduarum, & his qui sunt paupertate oppressi.

Matthæi Apostoli decretum de Decimis, ex Clement. lib. 8. cap. 36.

Cyprianus, qui ipse inter persecutionum ætus diu fluctauit, non semel Decimarum meminit tanquam vectigalis alicuius Deo persoluenti. Epistola 7. quæ est de vnitæ Ecclesiæ, sic refrigerescen-

Cyprianus epist. 7.

tem sui sæculi charitatem carpit opposito feruore primorum Christianorum, *In nobis*, inquit, *sic unanimitas diminuta est, ut & largitas operationis infirmita est: domos tunc & fundos venundabant, & thesauros in cælo reponentes distribuenda in usus indigentium, pretia Apostolis offerebant. Nunc de patrimonio nec Decimas damus, & cum vendere iubeat Dominus, emimus potius & augemus.*

E quo loco clarum est Cyprianum inuehi in Christianos sui temporis, qui de patrimonio Decimas non soluebant: ergo etiam sæuientibus Tyrannis, & inter Ecclesiæ pericula vigebar lex, & consuetudo Decimarum. Epistola 27. ait Clericos decimas ex fructibus accipere, ut ab altari & sacrificiis non recedant. Origenes qui & ipse calamitosæ Ecclesiæ temporibus vixit, Decimarum legem agnoscit homilia vndecima in Numeros, eademque pæne argumenta profert, quibus vsi sumus ad necessitatem Decimarum suadendâ. Tandem Irenæus Lugdunensis auguria pendendarum Decimarum, earumque initia, ab ipsis Christi temporibus deducit. Cû enim Apostoli per diem Sabathi spicas vellerent, & in agris alienis, ad depellendam famem necessaria caperent alimenta, censet eos tunc temporis vsos auctoritate Sacerdoti, quod à Leuitis in Apostolos transferat. Itaque ut Leuitæ ius olim habebant legendarum Decimarum, è quibus viuerent. Ita successores Apostoli, in eorum locum gradumque suffecti, poterant ex agris Iudaicis speciem quandam Decimarum præcæpere, & necessaria sibi alimenta vindicare.

His

Cyprianus
ep. 27.

Origenes
hom. 11. in
Numeros.

Irenæus lib.
4. aduersus
errores Val-
entini cap.
20.

His facile intelligi potest Decimarum consuetudinem non esse commentum recentioris alicuius sæculi, fictum ambitione & avaritia Sacerdotum, sed sacram & inuiolabilem quandam legem, quã euertere ac labefactare nemo potest, nisi qui mundi dominatum, auctori Deo inuideat, velitque eius tribunal ambitione prodigiosâ destruere.

Alterum argumentum, quo Decimarum consuetudinem, aduersarii Ecclesiæ insectantur, duci solet è paucitate Clericorum. Eos enim Decimam humani generis partem facere pernegant, adeoque hunc prouentum Decimarum, nimis pinguem esse ac luculentum, neque Clericis alio nomine vtilem, quàm vt ad luxum & delicias inuitet, ad quas opes & diuitiæ maximum habent incitamentum. Cui argumento non est difficile respondere. Si enim iusta omnium bonorum partitio inter homines instituenda, quot querelis, quot rixis & litibus locus erit? In hac æquitate ac Isomeria constituenda periret æquitas, iustitia violaretur, & humani generis societas concussa, æterno ac immortalis dissidio fluctuaret. Itaque Iudicibus auferri purpuram. Regibus tribunalia ac diademata eripi, Magistratibus lucem, ac splendorem dignitatis suæ subtrahi, omnemque ordinum ac graduum varietatem qua Respublicæ ornantur, confundi necesse erit. Si ergo luculentiorē fortunam ceteris non inuidemus; quid lacellimus Clericos eorumque facultates? nisi eos longe reliquis deteriores putamus, quia Deo seruiunt, & insignia Christi, ac imaginem

ferunt cum quo, occulto adhuc & latente bello, mundus & inuidia dæmonum, per Christianos etiam ac fideles colluctatur.

Sint ergo Clerici fæx & lacuna orbis; sint detriti, sint miseri; sed qua parte se tuebuntur? Nam si diuitiis inuidiam prouocant, paupertate risum mouent: in opibus simplicitatē perdunt, in sordibus auctoritatem: in opibus fugiuntur ut superbi, in squalore ut mēdici. Non ergo diuitiis peccant Clerici, atq; Ecclesiastici, sed in Religionem laici male animantur, cuius Myſtas & Sacerdotes, in tanta aliorum hominum opulencia, ferre non possunt supra infimæ sortis paupertatem eminere.

Aliunde vero licet Clerici Decimam non faciunt humani generis partem: attamen socios habent pauperes, errones, mendicos, Religiosos, Monachos, quibus Decimarum pars maxima his temporibus soluitur. Habent Rempubicam & Principes sui patrimonii participes, quibus sine strepitu thesauros & ærarium Ecclesiasticum aperiant, quoties publica calamitate imminente, seu pax, seu dignitas Imperii periclitantur.

Quantum ad alia duo argumenta, nempe de varia ratione pendendarum Decimarum circa quotam, & de decimis per laicos Ecclesiæ datis, sequentibus capitulis patebit quid respondendum sit.

De varijs ritibus circa quotam Decimarum, & an liceat Ecclesia aliquid circa eam immutare & quibus de causis, res Ecclesie pauperibus communicata. Etiam prædia illis ad utendum concessa. Tres causæ minuendæ Decimæ proferuntur. Sclauorum & Vagrorum Decimæ olim quales. Kanuti Regis Dant in propugnandis Decimis feruor.

C A P. V.

SVperiore capite inter argumenta, quibus aduersarii decimarum consuetudinem impetebant; vnum erat ex varia ratione ritumque soluendæ decimæ petium. Nempe aiunt in varijs regionibus, varias quoque leges ac instituta vigere, circa quotam decimarum. Alibi enim è falciculis decem, alibi è duodecim, hîc è quindecim, illîc è viginti, vnus Decimarum nomine soluitur: Vnde concludebant decimam non esse iuris diuini. Nam ius diuinum arbitrio hominum tolli non potest, aut vllatenus immutari.

Quamobrem videndum quid possit Ecclesia circa Decimarum quotam, an aliquid ex ea populis remittere liceat, & quamobrem soleat istius oneris ac pensationis partem aliquam subiectis sibi plebibus indulgere.

Ac primo supponendum, non eam esse Decimarum naturam ac conditionem, quæ fuit olim in veteri Testamento: Hostiarum, Primitiarum & fru-

bus priuato, singulis annis duas tremisses, sine aliqua delatione præstare non desinat. Sexcenta eius generis exempla reperies in epistolis eiusdem Papæ.

Nec stipes tantum annuas, verum etiam agros & partem prædiorum Ecclesiasticorum, potuisse à Sacerdotibus dari egenis ac miseris, in diem vitæ suæ fruendos & vtēdos, colligo ex Canon. 34. Concilij Aurel. 4. *Quisquis agellum Ecclesiæ in diem vitæ suæ pro quacumque misericordia à sacerdote, cui potestas est, acceperit possidendum, quacumque ibi profecerit alienandi nullam habeat potestatem, &c.* Hic enim Canon non loquitur de agris, qui Clericis vtendi, & fruendi assignabantur, in stipendium: sed de quibusdam terræ Ecclesiasticæ portionibus, titulo misericordiæ, in pauperes erogatis. Maximè vero curam pauperum perpetuo apud Ecclesiastici ordinis viros extitisse docet consuetudo vetus in Ecclesiis recepta, vt omnium reddituum, atque obventionum quarta pars in commodum, atque emolumentum pauperum cederet, iisdemque sine fraude distribueretur. Ita Gelasius Papa ad Clerum, & ordinem, & plebem Brundusij, & in epistola ad Episcopos per Lucaniam, & Brutios. Simplicius Papa ad Florentinum, & Equitium Episcopos. Gregorius Magnus lib. 3. epist. 11. Concilium Toletanum, seu potius Canones Syluestri Papæ, apud Gratianum causa 12. q. 1. Can. *sancimus*.

Cum ergo licitum, imo necessarium fuerit semper, vt miseris ac calamitatibus inopum Ecclesia prospiceret: Cum ea semper fuerit consuetudo, vt

Concil. Au.
rel. can. 34.
anno 547.
sub Childe-
berto Rege.

Quarta
pauperum
in Ecclesia-
sticis rediti-
bus.

Can. con-
cesso 12. q. 1.
Can. qua-
tuor 12. q. 2.
Simplicius
Papæ Can.
de reditib.
ibid.

Greg. Mag.
ad Aug. An-
glorum E-
piscopum,
Can. mos
est, 12. q. 1.

partem Ecclesiasticorum reddituum miseri caperēt, non dubium est quin illis possit Ecclesia aliquid impertiri, maxime è Decimarum fundo & redditibus. Nam Decimæ quodam iure præcipuo ad pauperes spectant, tenenturque Presbyteri & Sacerdotes, ex istis potius fructibus, quàm ex oblationibus aut donariis, quæ sibi conferuntur à populo, pensiones ac elemosynas miseris, atque egentibus condicere. Nam oblationes & dona populorum plerumque sunt honoraria stipendia, quæ dantur intuitu officii, ac ministerii alicuius sacri. At Decimæ sine labore, & opera Sacerdotum proveniunt; nec tam proprie ad Sacerdotem pertinent iure præcipuo & singulari, quàm ad totam Christi familiam, quæ quidem versatur, non modo in Clericis & Sacerdotibus, verum etiam in egenis & pauperibus quod enim vni ex minimis meis feceritis mihi fecistis, inquit Christus.

Propterea Augustinus lib. 50. homiliarum, hom. 58. vocat Decimas tributa egentium animarum. Urbanus epistola ad Episcopos Galliarum, res Ecclesiasticas nominat patrimonia pauperum, quæ eadem loquendi ratione vitur Augustinus serm. 27. ad fratres in Eremito.

Quæ causa
possit ali-
quid Eccle-
siæ remitte-
re ex Deci-
mis.

Quibus ita prænotatis censendum Ecclesiam de quotâ Decimarum posse aliquid remittere colonis & rusticis, eo maxime consilio, ne in extremam inopiam decident, ex tam grandi & dura præstatione. Si enim eos sinu suo excipit Ecclesia, qui fatis aliquo & miseria temporum ad egestatem sunt

compulsi; quanto æquius est, vt imminentem paupertatem amoliat, & prouideat ne plebs alioquin vectigalibus & tributis pressa, sub pondere Decimarum corruat, & tristi ac luctuosa egestate contabescat. Si ergo propter metum calamitatis & penuriæ aliquid è Decimarum quota Ecclesia subduxit, certe beneficentiæ ac misericordiæ excessus est, non defectus iuris. Ius enim habet Ecclesia postulandi & vindicandi decimam partem, è frugibus & annuo quouis prouentu; idque non lege tantum positua, aut consuetudine humana, sed præcepto Christi positiuo, de quo supra dictum est.

Si quis vero aliquod relaxatæ decimæ exemplū postuler, non erit difficile eius votis satisfacere. Nam si quando Ecclesia construeretur in loco agresti, solo difficili duro ac senticoso, quoniam in eo arando & colendo plus operæ, ac laboris rustici ponere cogebantur: Idcirco solebat Ecclesia partem illis Decimarum remittere, & leuioribus tributis contenta esse. Ita legimus apud Crantzium libro quarto Vandalia, Holzatos, priusquam in Vagriam terram incultam ac ingratam transferrentur, cumque agrum colere adorirentur, pactum iniisse cum Sacerdotibus & Episcopis eiusce regionis, vt à maioribus Decimis essent liberi, & aliquot tantummodo mensuras grani pro vnoquoque aratro penderent. Itaque cum postea vellent Ecclesiastici Holzatos ad maiores Decimas solito Christianorum more persoluendas adigere, constanter repudiarunt istud onus, *Asserentes hoc, (id est immunitatem à maio-*

Crantzii
lib. 4. Vandalia
p. 101.

Helmodus
Presbyter
lib.1. Chron.
Sclauorum,
lib.1. cap.11.

ribus decimis) illis fuisse permissum & promissum, priusquam novam terram introirent ad cultum magno labore redigendam, ut quoniam undique angerentur difficultatibus, releventur ab onere grauissimarum Decimarum. Et certe Helmodus Presbyter in Chronico Sclauorum capite 12. refert certum Decimæ genus, quod Sclauī pendere soliti erant Aldenburghensibus Episcopis, quod genus Decimæ longe minus est ordinaria, & consueta præstatione. Fuit autem Aldenburg. ciuitas Metropolis Vagitorum, in occiduis partibus maris Baltici. Ita vero Helmodus de decima Aldenburghensi. *Dabatur, inquit, Pontifici annuum de omni Vagitorum terra tributum, quod scilicet pro decima imputabatur, de quolibet aratro mensura grani, & quadraginta resticuli lini, & duodecim nummi puri argenti: ad hæc unus nummus precium colligentis. Sclauicum vero aratrum par boum, aut unus conficit equus. De urbibus vero, aut pradiis, aut curtis numero, quæ ad possessionem Pontificis pertinebant, non est huius operis explanare. Neque vero difficile est ostendere ecclesiam, relaxandó aliquam Decimarum partem, inferuire calamitati colonorum, & posse quâdocumque libuerit, pro suo iure exactam Decimam ab iisdem exigere, postquam imminentis penuriæ metus cessauit. Nam si eadem Sclauorum monumenta perlustremus, patebit; in progressu temporis, Girolldum quemdam Aldenburghensium Pontificem Sclauos, siue Holzatos, qui Vagiam incolabant voluisse ad Decimam in rigore persolvendam cogere. Quæ in re ad suadendos Holzatos*
vtebatur

utrebatur exemplo Polabrorum, & Obotriborum, qui cum Ecclesias de nouo extruxissent, in viciniâ infidelium, quorum creberrimis populationibus ac latrociniiis vexabantur, non desinebant tamen suis Ecclesiis decimas ex integro persolvere. Itaque turpe esse Holzatis & irreligiosum dicebat; aliquid de summa Decimarum tollere; qui vitam in pace agebant, erantque ab omni hostium & paganorum iniuria, ac prædatione summoti. Quam postulationem Girolodi cum intellexissent Holzati rudes, & ad parendum tardi, aduersus sui Pontificis consilia tumultuari ceperunt, palam asserentes, se nolle decimas persolvere, quatum maxima pars ad alendam Clericorum superbiam, ac luxum infunderetur. exardescente itaque populo, & iam frænum laxante diâcteriis ac maledicentiâ, in Sacerdotes, in apertam seditionem reserat abitura, nisi dux, Sclauorum animum bilemque popularem mulcisset, eoque deduxisset negotium, ut inito pacto cum Sacerdotibus certa parte, Decimarû pensio augeretur. Quapropter, inquit Helmodus Presbyter Chronici Sclauorum lib. 1. cap. 92. *Holzatenenses necessitate constricti, præsentie Duce, cum Pontifice tale pactum iniierunt, ut facerent augmentationem Decimarum, & soluerent de manso sex modios siliginis & octo auenæ, illius inquam modij qui vulgo dicitur Hemmethe, & ne succedentium forte Pontificum paterentur angariis, rogauerunt hoc ducis, atq; Pontificis sigillorum confirmari. Cumque Notarij iuxta morem curiæ, Marcam requirerent auri, gens indocta resiliit & negotium mansit imperfectû.*

Ex his itaque patet Decimarum relaxationem aliquando initium habuisse è soli malignitate & duritie Ecclesiam sua iura indulgisse rusticanis, non alio nomine, quàm ne in paupertatem tuerent, aut extrema calamitate plecterentur.

Kanuti Regis in instituta Decimatione constantis.

Saxo Grammatici lib. II. Hist. Danorum.

Sublatâ quippe paupertatis, aut publicæ calamitatis causa non dubitauit Ecclesia populos, etsi recens ad fidem conuersos, Decimarum præstationi subiicere. Elegans habemus & pium eius rei argumentum in vita sancti Kanuti Daniæ Regis, apud Saxo Grammaticum Historiæ Danorum lib. vndecimo. Is enim postquam populum feris moribus & barbara superstitione intractabilem, ad mitiorem cultum & Christianam Religionem traduxisset: cœpit cogitare, quibus artibus cum posset ad Decimas Sacerdotibus pensandas adigere. Cumque cerneret indociles pietati animos, aduersus hanc Religionis partem oblectari, hanc tandem machinam ad eos expugnandos adhibuit. Tributum suo nomine imposuit vniuersæ Danorum regioni, graue ac incommodum: Cuius cum remissionem populi ardentissime flagitarent, promisit se hoc onere ipsos leuaturum, si modo vellent in posterum Decimarum sacra pensione defungi. Quam conditionem repudiantibus Danis, & è contra Rege in consilio exigendi tributi permanente, tandem religiosus Princeps in isto conatu pio, simul ac illustri Barbarorum sæuitie & Polacri cuiusdam proditione extinctus est: ac in ipsamet Ecclesia à suis iugulatus, iustissimis suffragiis in Sanctorum cata-

logum relatus est. Vnde patet ecclesiam nunquam dubitasse quin Decimarum vectigal à populis exigendum esset, nisi discrimen inde secutura calamitatis, aliter suaderet esse decernendum.

Secunda ratio propter quam Decimarum quota minuitur, petenda est ex mutua Ecclesiæ in laicos beneficentia. Nempe quando laici vel Principes insignem aliquam gratiam Ecclesiæ contulerunt, & prædiis ac bonis immobilibus magna ex parte, ipsam illustrarunt, tunc potest Ecclesia in grati animi significationem, aliquid vicissim è suo rependere, & partem Decimarum ipsis eorumque vassallis & subditis remittere. Qua in parte, censendum est Decimas, non tam ab Ecclesia esse alienatas quam in opimiorum censum redditus pinguioribus commutatas. Ita legimus Euermordum Episcopum Raceburgensem, medietatem Decimarum abdicasse, in fauorem Henrici Polabrorum Comitis, postquam idem Henricus dotem ingentem & bona non mediocria Ecclesiæ Raceburgensi, de suo patrimonio contulisset. Ita refert Helmodus Presbyter Chronici Sclauorum cap. 78. *Dilatante, inquit, deo fines Ecclesiæ ordinatus est in Raceburg. Episcopus Dominus Euermordus prepositus de Magdeburg, deditque ei Comes Polabrorum Henricus insulam ad inhabitandum, prope Castrum. Præterea trecentos mansos resignauit Duci dandos in dotem Episcopij. Porro Decimas terræ recognouit Episcopo, quorum tamen medietatem recipit in beneficio, & factus est homo Episcopi, exceptis trecentis mansis, qui cum omni integritate tam reddituum:*

Helmodus
Presbyter
lib. 1. c. 78.
p. 61.

quam Decimarum sunt Episcopi &c. Et certe tantopere institum esse Ecclesiis Parochialibus ius Decimarum censuerunt veteres, ut illud tradi monasteriis nefas esse ducerent, priusquam eas Ecclesias certis prædiis ditassent & indemnes præstitissent. Quā indemnitate Ecclesiis regni sui quæsiuit Stephanus Rex Hungariæ, quando fundauit Proto-Abbatiam sancti Martini, in Pannonia. quia enim de Comitatu Simigenfi Decimam vniuersam cum Episcoporum assensu, & voluntate in dominium Monachorum sancti Martini transcripserat, idcirco, ne qua in parte Episcopus illius Parochiæ, se facultatibus suis & Decimis spoliari quereretur, illi, velut ad sarcinendum damnum, tradidit Rex villam quandam nomine Corten. Ita enim ferunt verba priuilegii libro secundo Decretorum Stephani circa annum 1047. *Ne, inquit, Ecclesia sancti Michaelis vacua esse videretur, vel Episcopus Parochianus iniurias querimoniaeque in collectione Decimarum pateretur & curtem que vocatur Corten, cum hominibus eodem pertinentibus tradidi; quod si ipse contra mea statuta quid agere, vel acquirere voluerit, ante Deum iudicem viuorum & mortuorum, in die iudicii se contendere mecum sciat.*

Decretum
Stephani
Hungariæ
Regis lib. 2.
circa annū
1047.

Tertia causa minuendi quotam Decimarum, & partem earum aliquam laicis indulgendi fuit, cum ipsi laici Ecclesias de nouo fundarent, in loco inculto, & in vicinia paganorum constituto. Nam quia Ecclesiæ illic extructæ præsidio & tuitione indigebant, atque oportebat militum turbam pro

illarum salute ac defensione stare in procinctu, idcirco liberum fuit Sacerdotibus, atque Episcopis mitius agere cum laicis, circa negotium Decimarum eisque portionem quandam iustæ pensionis remittere. Ita duas partes Decimæ Marchioni Brandenburgensi, temporibus Innocentij Papæ tertii, relaxatas ac donatas legimus, propterea quod illi milites alere necesse esset, ac stipendia numerare, ad eam regionem, in qua Ecclesias fundauerat aduersus Barbarorum incursiones propugnandam.

Sic autem concepta est supplicatio Marchionis Brandenburgensis apud Innocentium, epistol. vigesima prima, libri primi Registr. 13. *Nobis humiliter supplicauit, ut cum pro ampliacione diuini cultus conuentualem Ecclesiam desideret in terra ipsa construere, licentiam super hoc ei concedere dignaremur, & ipsam ab omni onere Pontificalis Iurisdictionis exemptam, in ius & proprietatem Sedis Apostolicæ retinere. Ita profecto quod duæ partes Decimarum eiusdem terræ, ad Marchionem ipsum, & hæredes ipsius, pro Ecclesiæ fabrica quam ipsi debent proprijs sumptibus reparare, necnon etiam pro stipendijs militum deuoluantur, sine quibus Ecclesia memorata non posset contra Sclauorum impetum gubernari fidem Catholicam impugnantium &c.*

Innocent.
III. ep. 17.
lib. 1. Registr.
13.

De Decimis Græcorum primis temporibus. Viguisse Decimas in Ecclesia Alexandrina & Antiochena. Cur Decimæ in Constantinopolitana Ecclesia non receptæ frumenti penuria Constantinop. fœlix Embola. Pannes gradiles. Quid loco Decimarum caperent Episcopi & Presbyteri. Tributum fumarium. Restitutæ Decimæ à Latinis in Græcia. Decimæ Græcorum Sacerdotum his temporibus quæ sint.

CAPUT VI.

Decimarum
mentionem
extat in le-
gibus Iusti-
niani.

Decimarum natura & conditio satis obscura est apud Græcos, dubiumque an ea pensitatione Græcorum prædia olim erga Sacerdotes tenerentur. Nam inter tot antiquitatis monumenta, tot leges ac canones, Decimarum ne minima quidem mentio, aut mediocre vestigium reperitur. Vnde conjicere licet Iustiniani temporibus, sub quo leges in centurias ac capita digestæ sunt Decimarum memoriam usumque, si quis antea fuisset, omnino exoleuisse: Videamus itaque num sub initia Ecclesiæ nascentis græcia Decimas admiserit, quibus in partibus earum usus ac consuetudo viguerit, quando abrogata sit, quid in locum Decimarum successit & quibus temporibus restitutæ fuerint. Censeo itaque græciam, inter initia surgentis Ecclesiæ, eadem pietate ac religione, qua reliquæ nationes id oneris postea subierunt, Decimarum vestigial

pensitasse. Si quidem Origenis temporibus in Ecclesia Alexandrina, in qua ipse docuit & Presbyterii gradum affecturus est, sub annum Christi ducentissimum trigessimum, Decimarum Ecclesiæ solvendarum vrgebat sacra consuetudo, ut apparet ex homilia vndecima in Numeros, è quo loco plurima à nobis superioribus capitulis prolata sunt ad illustrandam Decimarum obligationem. Hanc consuetudinem non statim abrogatam, sed succedentibus quoque sæculis servatam liquet ex Isidoro Pelusiota. Is enim, monachus montis Pelusiaci in Ægypto, in diœcesi Alexandrina, vixit temporibus Theodosii Imperatoris, & fuit discipulus Diui Chrysostomi. Atqui Isidorus ille Decimarum meminit epistola 317. ad Herminium Comitem, quem laudat eo maxime nomine quod Decimarum præstationem ecclesiæ religiosissime exhiberet. *Præclare, inquit, Dominum ornas, cum nobis fructuum tuorum Primicias tribuis, Decimamque partem ex ubertate terræ tuæ, & à quo eam accepisti pendis. Quam quidem tu in multa tempora habiturus es, &c.* καλῶς τὸ κρεῖον ὑμᾶς ἡμῖν τῆς καρπῶν ἀπὸρχόμενος, καὶ δεκάτῃ τῇ δωρεῖαν τὰ δίδωμι ἐν πολλοῖς ἐξ ἑστέ καὶ εἰς, &c.

Decimarum
vſus & con-
ſuetudo in
Eccleſia A-
lexandrina.

Orig. homi.
11. in Num.

Isidor. Pe-
luſiota ep.
317. lib. 1.

In Ecclesia vero Antiochena eundem ritum Decimæ sacro ministrorum altaris ærario inferendæ viguisse putat Interpres Chrysostomi homil. 48. in cap. 8. Actuum Apostolicorum, ubi ἀπὸρχομεν καὶ ἀπὸρχαίς, interpretatur partem ac Decimas. *Parum ne est, ait, oro torcular benedici? parum ne est, ex omnibus frugibus ac Decimis, prius partem ac Decimas*

Decimæ
in Ecclesia
Antioche-
na.

ἀπὸρχομεν
καὶ ἀπὸρχαίς,
non sunt
Decimæ
sed Primitiæ.

accipere. Ad pacem Agricolarum hoc utile. Venerabilis erit, & Presbyter postea, & ad securitatem agri conducet. Preces illic perpetuo propter te, laudes & synaxes, propter te, oblatio per singulos dies Dominicos fiet, &c.

Cæteri Patrum grecorum parcius decimarum meminerunt, neque apud eos inter obventiones redditusque ecclesiasticos decimæ ferevquam numerantur. Primitiarum enim solummodo ac oblationum mentionem faciunt. Epiphanius hæresi octogesima lib. 3. tom. 2. Vbi recenset quid populus Sacerdotibus alendis, & vestiendis conferre debeat, decimarum nomen & mentionem nullatenus inducit: Sed ait Sacerdotibus victum esse ministrandum, *ἀπὸ ἀπὸ τῶν πρῶτων καὶ τῶν δευτέρων καὶ τῶν ἄλλων*. Ex Primitiis, oblationibus & aliis. Gregorius Nazienzenus epistola octogesima, ad Acrium & Alypium: Vbi eorum matrem laudat, quod certam pecuniæ summam in pauperes alendos contulisset: Ait deberi Deo non Decimas quidem, sed Primitias Aræ & torcularis. *Quemadmodum*, inquit, *Aræ & torcularis Primitias & filiorum*, eos qui vere filios amant Deo consecrare iustum est, ac pium: quoniam ab ipso & nos ipse & nostra omnia sunt. Ita novæ quoque hereditatis partem aliquam illi vouere pium est, ut prout promp- te & libenter oblata, maiori parti securitatem conciliet, ὡς περ ἀπὸ τῶν ἀλῶνός τε καὶ λεωῦ, καὶ τέκνων τοῦ ἀληθῶς φιλοτέκνης αἰχλὺν αἰῶνός τε καὶ ὁσίων ὅτι περ αὐτὸ καὶ ἡμεῖς αὐτοὶ, καὶ τὰ ἡμέτερα. &c. Forſan vero Patres Primitiarum nomine & decimas concludebant, abſtinebantque à nomine decimarum, quoniam tributum

Epiphan.
hæref. 80.
lib. 3. tom. 2.

Greg. Na-
zian. epist.
80. ad Acrium
& Alypium.

tributum aliquod & vectigal prophanum sapit, & metuebant, ne seruitutē loco Religionis inducere, & pietatis specie lucrum aucupari crederentur. Reperio tamen posterioribus sæculis, etiam sublato ē viuis Iustiniano, Decimarum vsum & memoriam non omnino interiisse. Apud sanctum Antiochum Lauræ sanctæ Sabæ Abbatem, qui vixit sub Heraclio Imperatore, circa annum sexcentesium decimum quartum, extat homilia quædam numero centesima vigesima, cui titulus est, *περὶ ἀπαρχῶν*, de Primitijs, in qua non modo Primitiarum, verum etiam Decimarum Religionem mirifice prædicat, & ad eam, tam laicos quam Monachos à sæculi iactatione summos adhortatur. Ac de Primitiis quidem loquitur quasi omni ratione & titulo æquatis debitis.

Decimarū
vſus etiam
poſt tem-
pora Iuſti-
niani.

Quantū attinet ad Primitias, his exoluendis modis omnibus obstringimur, ex his etiam nū quę sunt proprio labore quaſita, ex corporis viribus, quas benigne ipſe ſuppeditat Dominus, quaſque ſua ſolius prouidentia ſuggerit dum noſtri prouidam agit curam &c De Decimis vero præceptum nullum adfert, videturque remiſſius de illis loqui. In bono, inquit, oculo glorifica Deum & ne imminuas Decimas manuum tuarum, *ὅτι ὁφθαλμῶ ἀγαθὰ δόξασον τῷ κυρίῳ καὶ μὴ σμικρύνῃς ἀπὸ χειρῶν σου*, &c. Imo vero obligationem Decimarum pendendarum videtur ad ſolos Monachos reſtringere, *καὶ μοναχοὶ χρεώσται εἶσιν ἀποδοῦναι τῷ κυρίῳ ἀπὸ χειρῶν καὶ δικαίας*, &c. Præcipue autem Monachi tene-

Sanctus Anti-
ochus
homil.
*περὶ ἀπαρ-
χῶν*, cō. 1.
Bibliot. Pa-
trium.

tar offerre Deo Primitias & Decimas, &c.

E quibus liquet Primitiarum legem apud Græcos longe studiosius cultam, ac religiosius seruata quam Decimarum. Qua vero ratione factum sit, vt Decimarum consuetudo apud Græcos fuerit antiquata, non est ita facile augurari. Existimarim in Constantinopolitana Diœcesi primum desisse Decimas persolui, ac fortasse nunquam illic in usu extitisse. Cuius rei plurimæ rationes præstunt adferri: Prima est, Constantinopolitanæ Diœceseos solum non ita fecundum ac fertile extitisse, vt è sola frugum Decima idonei prouentus possent colligi ad alendos Sacerdotes, & dotem Ecclesiæ tam illustri constituendam. Soli infœcunditatem probat maxime necessaria quotannis frumenti ex Ægypto transuectio, quam fœlicem Embolam Imperatores appellarunt. Oportuit enim per annos singulos onerarias naues, magno certe numero, certis ac statis diebus Constantinopolim frumentum importare, & eandem annonam Alexandriam conferre intra mensem Septembrem. Cui transuectioni ac importationi frumentariæ præerat Præfectus Ægypti, pœna indicta in ternos medimnos atticos, nisi id esset executus: tanta autem erat huius Canonis frumentarii necessitas, vt nauibus Ecclesiæ, præfectus uti posset ad eam transuectionem si forte opus esset. *L. iubemus Cod. de sacrosanct. Ecclesiis.* Eandem rei frumentariæ penuriam in ciuitate Constantinopolitana probat quotidiana panis distributio, qua

Rationes
ob quas Decimas in
Constantinopolitana
Diœcesi nō
fuerunt visitatæ.

Quid fœlix
Embola.

defungebantur præfecti annonæ ciuitatis Constantinopolcos. Illi enim panes Imperatoris nomine singulis diebus diuidebant non pauperibus, modo verum etiam honestioribus è populo, præsertim iis qui ædes aliquas domumue in vrbe extruxerant, eamque ædificiis ornauerant. Vnde panis, siue ius panium capiundorum è publico domos sequebatur, ac nefas erat venditis ædibus, panis. ex ærario Principis sumendi iura retinere. Ita liquet ex lege, quia comperimus. De annonis ciuilibus, Codicis Theodosiani lib. 14. tit. 17. l. 1. Vnde quia locus vbi panem populo diuidebat præfectus, gradus erant quidam & scalæ circa eius tribunal dispositæ, panis iste Gradilis dicebatur, l. panis Gradilis, & l. uniuersi panem Gradilem, l. 2. & 3 eodem tit. Codicis Theodos. licet enim in vrbe Roma, hic panis in vsu fuerit, neque hoc proprium fuerit vrbi Constantinopoli: attamen eâ viguisse ab initio talem panis largitionem patet ex leg. 12. Vbi expresse habetur Constantinum & Constantium authores fuisse huius annonæ iis erogandæ, qui in vrbe Constantinop. domos extruxerant.

Cum ergo maritima illa pars quæ Constantinopolim spectat, non adeo tum temporis culta esset ac fertilis, vt frumenti decima Sacerdotes alere posset verosimile est decimam frumenti, in alias pensiones fuisse commutatam; quia facilius & commodius poterat plebs nummariam pensionem Sacerdotibus præstare quam frumenti Decimam.

Adde quod res Orientis non diu quietæ fuerunt.

H ij

Secundatio
sublata-
rum in Gre-
cia Deci-
marum.

cito & Imperii, & Ecclesiæ status Persarum ac Saracenorum violenta commotione turbatus: Vnde istam decimarum obligationem Ecclesia remitti facile permisit, ne plebs grauibz vnde quaque molestiis pressa pari horrore Sacerdotem metueret ac militem.

Epistola
Valeriani
apud Tre-
belliū Pol-
lionem, Fla-
uius Vopis-
cus in vita
Aureliani.

Tandem his rationibus addendum, statum Ecclesiæ in vrbe Constantinopolitana ad exemplar Imperii ac Reip. constitutum. Vnde cum Imperatores suis officiariis, vt ita loquar, Tribunis, militibus aliisque stipendia persoluerent, in variis speciebus, partim in frumento, partim in vino, partim in nummis, vt patet ex Trebellio Pollione in Claudio, Flauio Vopisco in vita Aureliani, hinc factum est, vt pari politia ac methodo Episcopis ac Sacerdotibus stipendia sua sumere Imperatores suaderent, & per domos ac villas tributum aliquod ac vectigal sacrum exigere: maxime cū illud pensionis genus multo liquidius sit ac commodius, neque tam facile possit populus in hoc præstationis genere, fucum facere Sacerdotibus, quàm si ex agris, & prædiis frumentariæ decimæ colligantur.

Quas vero obuentiones, quæ stipendia Græci Sacerdotes sortirentur in compensationem decimarum, tunc temporis inquirendum est. Eorum autem stipendiorum duo fuisse genera reperio, primum statum ac fixum legi solitum quotannis. Secundum vero incertum ac mutabile nempe honorarium aliquod munus, quod Sacerdotes & Episcopi percipiebant, siue dum benedictionem sacris

coniugij foederibus impertirentur, siue cum Sacerdotum catalogo aliquem inscriberent, aut venerandis ordinibus inaugurarent.

Stipendium certum ac fixum legebatur per domos singulas, siue per fumaria: vnde *Capnicum* dictum est, seu *fumarium*. Eius tributi summam ac rationem præscripsit Isacius Comnenus Imperator, in sua Bulla aurea, cuius hic est textus.

Nomine, inquit, Canonici à vico habente triginta fumaria, nummus aureus unus exigatur, argentei duo, aries unus, hordei modii sex, vini mensura sex, farina modii sex, triginta gallinae. Ab eo verò qui fumaria viginti habet, dimidium aurei, argentum aequiualens duobus argenteis, agnus mediæ ætatis unus, hordei modii quatuor, vini mensura quatuor, gallinae viginti. A vico denique decem habente fumaria, quinque argentei, agnus unus, hordei modii duo, gallinae decem quemadmodum, & in veterum exactorum sigillis scriptum est. Ωσαύτως ἐν ὑμῶν τῷ χαρτοκτύπῳ ἀπὸ τῆς ἐχούσης χωρίων λ. κάππης νόμισμα ἐν χρυσοῦ ὅμοιον, ἄργυρᾶ δύο, χρυσὸν ἓνα, χρυσῆς μόδια δέξ. καὶ ὀρήθας βιάκωντα· ἀπὸ τῆς ἐχούσης κ. κάππης τὸ διμίσιον τῷ νόμισματος, καὶ αὐτὴ τῆς β. ἄργυρᾶ δὲ ἄργυρου, μέτρων ἐν χρυσῆς μόδια δ. οἴνου μέτρα δ. ἀλευρου μόδια δ. καὶ ὀρήθας κ. ἀπὸ τῆς ἐχούσης ι. κάππης χωρίων, ἄργυρᾶ ε. ἀρίοι: εἴ, καρπῶν μόδια β'. οἴνου μέτρα β'. ἀλεύρου μόδια β'. καὶ ὀρήθας ι. καθὼς καὶ ἐν τοῖς στήλλοις τῆς παλαιῆς περατικῆς αἰαχράφοι). E qua constitutione liquet obuentiones Episcoporum & eorundem census, è variis numerorum, frugum & animantium generibus constituisse, quas prædia & vici annuatim pendebant, in-

dicta, per singulas domos pensione, ad eum modum, quo in partibus quibusdam Galliarum, per domos seu focaria regiarum collationes leguntur, quæ proinde à focis dicuntur focariæ.

Eum vero ritum pendendi census Episcopales per sumaria, non esse natum, aut inuentum tantummodo temporibus Isacii Comeni, sed longæva consuetudine firmatum verba ipsiusmet Bullæ testantur. Initio enim vocant istam formam persolvendi Canonicum seu Episcopale tributum, *παλαιοὶ τοῦτον, antiquam sanctionem.* Deinde in fine eiusdem Bullæ, ait specierum istarum ac rerum, quæ Episcopo dabantur, Canonem atque indicem reperiiri, *in sigillis veterum exactorum.* Vixit autem Isacius Comenus circa tempora Stephani Papæ ad annum Christ. 1057.

Ea consuetudo persolvendi stipendia partim in speciebus, seu corporeis rebus, partim in nummis, non modo in Episcoporum censibus, sed etiam in aliorum quoque inferioris gradus hominum sportulis locum obtinebat. Erant in vrbe Constantinopolitana doctores, insignis certe & magnifica eo tempore dignitas: quippe Episcopali pæne fastigio æquabantur, quorum munus atque officium implebant. Illis ergo vice Patriarchæ sanctissimi fungentibus stipendia pendebantur, partim in nummis, partim vero in frumento. Ita sanxerat Alex. Com.

omnibus Doctoribus tam iis qui sancti intra Ecclesiam, quàm iis qui sunt extra, tres libras aurearum & frumenti modios quinquaginta. Ut est apud Bo-

nefidium & Leunclauium iuris Orientalis libro secundo capite nono.

Licet vero Parochorum ac Curionum stipendia quæ fuerunt non legamus, nec satis constet quibus sportulis donarentur, tamē coniecere est pro Curionibus & Presbyteris vicariis, certū quoque canonis ac pensionis modum fuisse constitutum, cui rei illustrandæ plurimum conducit Synodalis sententia Nicolai Patriarchæ, qui Grammaticus dictus est.

Is enim, cum plebs recusaret Canonicum Sacerdotibus pendere, propterea quod Synodorum statuta loquebantur tantummodo de Canonico Episcopis præstando, ab iis qui ordinabantur, velletque populus immunitatem suam tueri legum silentio, edixit Nicolaus Patriarcha, vt in posterum laici suis Sacerdotibus antiquas pensiones soluerent, quia si Sacerdotes Episcopo aliquid pendunt alimenterum nomine quando ordinantur: multo æquius est laicos suis Sacerdotibus demensum aliquod è publico largiri, eosq; populorū beneficiis viuere, quis ipsis in re salutis ac fœlicitatis æternæ subseruiunt. Quamobrem renouari iubet antiquas sanctiones easque seruari. *Quæcunque*, inquit, *requiruntur à laicis soluentur in nummis & speciebus & argenteis, &c.* Apud Leunclauium sentent. Synodaliū lib. 2. dicit autem aliquis ex prædictis satis liquere, quæ stipendia Græcorum Prælati ac Sacerdotes postremis temporibus vice Decimarum ceperint: Verum non constare, quo censu, quibusue expensis alerentur, sub tempora Iustiniani & succedentium

Nicol. Patriarchæ de stipendiis Doctorum sent. Synodali, apud Leuncl. l. 2.

64 De Decimis, Oblationibus, & Præmitijs.
Imperatorum, antequam cetera lege cautum esset,
quod tributum, quemue canonem, seu domus,
seu prædia Græcorum, oportet Ecclesiasticis viris
soluere.

Cui respondemus, mediis illis temporibus non
ita clarum esse ac perspicuum, quas obuentiones
populus Clericis penderet; Verumtamen esse ad-
modum probabile, pro sacris ac religiosis operis
Clericos, præsertim eos qui extra urbem Constanti-
nopolitanam degerent in vilibus pagis, certas ac-
cepisse sportulas & pensiones grandes, aut exiguas
pro conditione locorum & personarum. Adde
quod licet Decimas non caperent Sacerdotes, qui
vicos, aut oppida regebant: attamen iis primitiæ ex
omni genere fructuum & rustici prouentus pende-
bantur satis amplæ ac locupletes.

Habebant præterea assiduas populorum obla-
tiones, quas urgente adhuc & feruente pietatis zelo
nondum auaritia extinxerat.

Septima
Synodus
Can. 10.

Cæterum non ita pingues fuisse Parœciarum re-
ditus in Diœcesi Constantinopolitana, satis probat
Canon Decimus 7. Synodi aduersus Iconoclastas.
Ex eo quippe Canone, patet Rusticanos & Con-
regionales Presbyteros suas plerumque reliquisse Pa-
rœcias, ut se magnatum Constantinopolitanæ ci-
uitatis seruitio addicerent. Neque tamen Conci-
lium decernit eos esse ad Parochiam remittendos,
sed suadet potius ut si qua rerum penuria, atque
egestate premantur, educandis atque erudiendis ser-
uis ac pueris, honestum stipendium quærant, potiùs
quàm

Rusticani
Parochi in
Græcia pau-
peres fuisse
probatum.

quàm indignissimæ sese addicant seruituti. Quod si ex Parochiarum censu seipsos alere potuissent, tali consilio & adhortatione non fuisse opus.

Quod spectat ad vrbium Clericos & Sacerdotes non deerant certi redditus ac præfixæ obuentiones, quibus alerentur. Nam primo Constantinus patrem vectigalium & illationum fiscalium commodis, atque stipendis Clericorum sacrauerat. 2. Singulis diebus in Ecclesia Constantinopolitana fiebant erogationes nummaria. 3. Præstabantur Clericis annonæ ciuiles. 4. Pro funeribus ciuium certos census, tabernæ ad id designatæ in vrbe Imperatoria suppeditabant. E quibus satis liquet non defuisse amplas opes ac facultates, vrbium maiorum, atque insigniorum Clericis, quibus dignitatem suam tuerentur.

De stipendio Clericorum vrbium.

Novellâ vt determinatus.

Novellâ de officinis seu tabernis.

Græcia itaque sic educauit Sacerdotes suos & Clericos per longa annorum spatia, quibus Decimarum memoria pæne interciderat. Donec Latini specie ac titulo terræ sanctæ recipiendæ græciam ingressi, Romanam illuc fidem, mores & ceremonias intulerunt, quod factum est maxime Innocentii tertii temporibus. Cum enim Balduinus inuicti animi & constantiæ indomitæ Princeps, urbem Constantinopolitanam expugnasset, & perfidiam ac proditionem Græcorum, eorundem seruitute vindicasset. Ipse in Imperatoris solium euectus Patriarcham ac Pontifices quantum potuit per græciam eos curauit institui, qui Latinos ritus ac fidem colerent: Isti ergo noui Sacerdotes Græcorum cæ-

Circa annū 1100.

Georgius Logotheta in Chronico Constanti-nopol.

Innocent.
111. passim
in epistolis.

remonitiis amandatis; Romanis moribus Ecclesias suas informarunt, & Decimas cæterasque consuetudines piè obseruandas ac religiosè colendas decreuerunt; reluctantibus græcis & maxime Procerum ac Nobilium indignante superbiâ. Illi enim non semel prohibuerunt hominibus suis, ne Decimas penderent more Romano; Eos vero angebat maxime Latinorum Imperium, eò quòd Latini cogerent Nobiles græcos, Ecclesiis restituere opes & facultates ablatas. Itaque cum tantopere sese indociles præberent, & Decimarum pensionem exhorrescerent, sæpe excommunicationis metus est illis incussus. Imo cum ad Bellum aduersus Michalicium quendam, res græciæ turbantem & omnia ferro ignique populantem, Proceres Achaïæ sese accingerent, non ante dominicum corpus & sanguinè, pacis bellicque præsidium salutare, de manibus Sacerdotum ceperunt, quam pollicerentur se Decimam in posterum more Romano Sacerdotibus soluturos, nec prohibuit amplius, quominus eorum serui, homines ac vasalli eam præstationem Ecclesiæ ministrarent. Ita elicitur ex epistola centesima sexagesima prima, apud Innocentium lib. 1. Regist. 13. ad Archiepiscopum Larissensem, & Episcopum Cithoniensem, ubi de Achaïæ nobilibus sic loquitur. *Canonicos, inquit, in nonnullis Ecclesiis intrudere non verentur: excommunicatos tam laicos, quam clericos in sua pertinacia consouendo. Cumque dudum ad bellum contra Michalicium processuri recipientes corpus & sanguinem Iesu Christi omnes pariter*

Innocent.
epist. 161. lib.
1. Regist. 13.

promississent, quin imo per votum obligauerint se solemne, quod de ipso praelio redituri Decimas Ecclesiis suis soluerent, & subditos suos tam Græcos quam Latinos cogerent ad soluendum: id post modum efficere non curarunt. Quocirca fraternitati vestræ per Apostolica scripta mandamus, quatenus Latinos eiusmodi, ut Ecclesiis suis soluant, sicut ex communi iure ac speciali quoque vototenenentur, &c. inducere procuretis, ipsos ad hoc si opus fuerit per censuram Ecclesiasticam, appellatione remota sicut iustum fuerit compellentes.

Et certe Innocentij tertij temporibus Decimarum iugum græcia magna ex parte receperat, ut ex eiusdem epistolis liquet, quibus contentiones non paucae sedantur, ortæ inter Canonicos & Episcopum de decimarum partitione. Epistola quadragésima quarta, ortum dissidium pacat inter Clericos & Patriarcham Constantinopolitanum, quod nepe Patriarcha Const. iussus à legato sedis Apostolicæ Cardinale sancti marcelli, dare Canonicis quartam Decimarum, per triennium eam retinuisset. Epistola centesima quinta libri primi, hortatur nobiles Larissensis diocesis ut decimas ablatas Episcopis restituant, eadem hortatione utitur epistola 108. ad Imperat. Constantinop. cuius milites Decimas Cithrensis Diocesis occupabant. Epistola 62. lib. 4. componitur lis orta inter Episcopum Nitriensem & Abbatem de Egris in Diocesi Cenadiensi super quodam iure Decimarum.

Innocent.
III. epi. 44.
lib. 1.

Innocent.
III. epi. 105.
lib. 1.
Idem epi.
108. lib. 1.

Innocent.
III. epi. 62.
lib. 4.

Tandem euerfis Latinorum rebus & græcia in potestatem impiorum translata, non modo deci-

mæ, sed omnes Sacerdotum redditus euauuerunt; adeoque Græcis Sacerdotibus in extrema calamitate languescere necesse est, postquam sese Latino- rum patrocinio subdixerunt.

Gerlachius
epist. ad Cā-
cellar. Acad.
Tubingen-
sis.

Restat tamen illis tributum quoddam per do- mos & fumaria legi solitum, in quo quia tempora- les omnes Sacerdotum ac Clericorum redditus ver- santur, idcirco *ῥεῶνικον*, siue temporale appellant. Audiendus hac de re Gerlachius epistola ad Can- cellarium Academiae Tubingensis 17. Maij anno 1576. *Salarium, inquit, si habent, exiguum est. Sacerdo- ses stipem ab auditoribus habent. Sunt enim certa domus cuique Ecclesiae annumerata, à quibus singulis deputa- tum, quod ipsi ῥεῶνικον vocant, quouis anno accipiunt. Ex sepultura etiam, exequiis aliisque officiis Sacerdota- libus, ut Missis, quas laici pro se & defunctis cognatis emunt, pecuniam luçantur. Quidam interea domi suæ opificia exercent. Quibusdam quoque Ecclesiis fundi cer- ti à moribundis dedicati sunt. Ita se habet Decima- rum historia apud Græcos quam, si monumenta li- brique manuscripti suppeterent fortasse dedisse- mus ampliorem.*

An Decimæ possint laicis vendi & alienari. Decimarum ius ab usu fructu distinguitur. Oblationum pars nulla laicis competere potest. Basilicæ pro quaestu prohibentur à laicis extrui. Decimæ sunt pars domanij Sacerdotalis. Domanium regium non potest alienari. Quæ pars rerum Ecclesiasticarum olim poterat Monachis dari. Decimæ à laicis non præscribuntur, &c.

C A P V T VII.

IVs legendarum Decimarum ab earundem usu fructuque est secernendum. In usum enim fructumque decimarum vocari possunt pauperes, mendici, exules & Diocesis peregrinæ Clerici, quos hæreticorum furor ac invidia, suis sedibus eiecit. Hi tamen omnes ius legendæ & capiundæ Decimæ non habent, & si quid ex iis obtinent, illud non iustitia sed misericordia in ipsos transfundit.

Vsus fructus Decimæ ab eisdem iure distinguitur.

Dicamus itaque usum fructumque decimarum ex parte aliqua, laicis posse concedi. Certis enim de causis possunt Episcopi & Prælati Ecclesiarum partem aliquam decimarum fruendam laicis cedere. At quantum ad ius Decimæ legendæ, præter Episcopos & Sacerdotes, qui in terris, Dei vices obcunt & populis regendis præficiuntur, nemo ius istud sibi potest arrogare.

Laici possunt habere ad tempus usum fructum Decimarum.

Quæ sententia ut clare possit intelligi animadvertendum Decimas ius esse aliquod sacrum & di-

Decimæ nō
dantur in-
tuitu labo-
ris.

Decimæ
etiam in
statu Inno-
centiæ pen-
detur.

uinum, quod Sacerdotibus penditur, non ratione operæ alicuius, aut laboris in regendo, aut continendo populo exantlati, sed ratione loci gradusque sui, quia nempe in terris vice Dei funguntur, eiusque quodammodo personam sustinent. Vnde licet Sacerdotes, nec mysteriis occuparentur, nec populum sacris doctrinis imbuerent, puta si prima illa Maiorum nostrorum innocentia resurgeret, quam Adam suo scelere perdidit, adhuc in eo ordine statuque rerum Sacerdotibus dari Decimas oporteret. Sunt enim obsequii nostri erga Deum monimenta, sunt redditus censusque eidem debiti, quatenus summo arbitrato mundum temperat, & supremâ in res omnes auctoritate dominatur.

At quicumque rerum status fingatur, quæcunque conuersio mutatioque orbis vniuersi cogitur; semper Deus suum in res omnes dominium retinet, semper eidem seruitii nostri ac famulatus pignora persolui, iustitia exposcit.

Hebizoni
s. v. l.

At ea pignora, illas obsequentis animi significationes, quis receperat in terris, nisi Pontifex pro hominibus constitutus in his quæ ad Deum sunt, ut offerat dona & sacrificia pro peccatis. In eo ergo solo consistit ius Decimæ tollendæ, in quo viget auctoritas Dei ipsiusmet, qui pascendo regendoque populo designatus, eius Caput est & Princeps, in his, quæ ad Dei cultum & Religionem pertinent.

Itaque cum pænes laicos auctoritas illa diuina non vigeat, neque quisquam possit absque Sacerdotii insignibus, Ducem se ac rectorem populi no-

minare, in his quæ salutis sunt & religionis; inde facile concluditur in neminem laicorum posse ius Decimarum legendarum transferri.

Ius Decimarum: nō est propriū Ecclesiæ, sed Dei.

Adde quod Ecclesia iis libere uti non potest, quæ sua non sunt, sed sibi ad utendum & dispensandum tantummodo, diuina manu tradita: At ius Decimarum non est Ecclesiæ proprium sed Dei. Nō enim dantur ad recognitionem Ecclesiæ, sed Dei ipsiusmet: quatenus ipse summus est Dominus & arbiter vniuersi. Ecclesia vero recipit Decimas, Dei nomine, & quatenus eius Episcopi, Dei in terris imaginem sustinent. Non potest ergo Ecclesia ius istud vendere, alienare, permutare: quemadmodum Quæstores Principum qui colligendis tributis præficiuntur, non possunt populos vectigalium solutione liberare.

Secundo, argumentum ducimus à natura & Religione oblationum sacrarum. Nam oblationes magis pendent ex voluntate populorum, quàm decimæ. Imo vero, Ecclesia ipsamet maiorem videtur habere potestatem in oblationes, quàm in Decimas; Quippe oblationes dantur Sacerdotibus velut in stipendium operæ alicuius sacræ & religiosæ, ideoque habent rationem peculii Sacerdotalis. Et tamen oblationes olim, si quis præter episcopum susciperet infamis hæreticus, & sacris indignus habebatur. Concilium Gangrense can. 7. *Si quis vult fructus Ecclesiæ oblatos, vel dare extra Ecclesiam præter Episcopi sententiam, vel eius cui cura eorum tradita est, & non cum eius sententiâ ea velit agere, sit anathema.*

Secundum argumentū quo probatur ius Decimarum non posse laicis competere.

Concil. Gangrense can. 7. & can. 8.

Et Clarius canone 8. *Si quis dat vel accipit fructus oblatos prater Episcopum, vel eum qui est constitutus ad dispensationem beneficentia, & qui dat, & qui accipit, anathema sit.*

Symmach.
Papain 6.
Synodo
Romana.

Eandem sententiam resumit Symmachus Papa in Synodo sexta Romana in qua concludit. *Valde iniquum & ingens sacrilegium esse, ut quęcumque vel pro remedio peccatorum, vel salute, vel requie animarum suarum unusquisque venerabili Ecclesie contulerit, aut certe reliquerit, ab his à quibus hac maxime seruari conuenit, id est Christianis & Deum timentibus hominibus, & super omnia à principibus & primis Regionum in aliud transferri vel conuerti.*

De Basilicę
obquestum
a laicis con-
debantur.

Et certe ita abhorrebant veteres ab oblationibus arbitrio laicorum permittendis, ut nequidem vel-
lent laicos, his conditionibus sumptus facere in ex-
truenda Basilica, ut nempe dimidiam partem ex iis
caperent, quę postea ad altare Basilicę offerrentur.
Hanc enim pietatem quęstuosam, & sordidam ex-
ati sunt, neque tam Religionem appellari de-
cere censuerunt, quàm mercimonium. Ita Con-
cil. Braccarense secundum canone sexto. *Placuit ut*
si quis Basilicam non pro deuotione fidei, sed pro quęstus
cupiditate ædificat, ut quidquid ibidem de oblatione po-
puli colligitur, medium cū clericis diuidat, eo quod à Basili-
cam in terra sua ipse condiderit, quod in aliquibus locis
usque modo dicitur fieri. Hoc ergo de cetero obseruari de-
bet, ut nullus Episcoporum tam abominabili voto con-
sentiat, ut Basilicam quę non pro sanctorum patrocinio,
sed magis tributaria conditione est condita, audeat conse-
crare.

Consi. Brac.
can. 6. &
ret. de con-
secrat. dist. 1.
can. si quis.

Si

Si ergo oblationes nefas est tradi laicis, quidquid sumptuum in Ecclesia ornanda fecerint; multò minus Decimas ipsis non licet adscribere, quas in patrimonium Sacerdotum Deus ipse tradidit, ut sua in terris vice fungerentur.

Et certe duplicem in terris personam sustinet Episcopus ex Ignatio, epistola ad Smyrnenfes. Imperat enim vice Dei: sacrificat vice Christi. Quæ parte Dei imperium refert, Decimas sumit: quæ vero Christi, sacrificium instaurat, ac repetit, oblationibus fruitur. Quamobrem cum laicus tam Imperii, quam sacrificii sit incapax, hinc fit ut ius illi tradi non possit, nec in Decimas nec in oblationes.

Ignatius Epistol. ad Smyrnenfes. ἡν εἰς τὸν φέρουσα καὶ μὴ πρὸς τὸν, οὗ ἡν καὶ τὸ πῶς αὐτὸν καὶ ἰσχύ.

Tertio utimur hac in re argumento ducto à conditione bonorum, quæ domanium Principis componunt.

Certum est enim Principes duo saltem habere genera bonorum. Quædam enim possident nomine patrimonii, quomodo priuatus quilibet suum quoque possidet patrimonium, de quo genere bonorum quæ patrimonia sunt Principum glossæ veteres. *πατεριστικά ἢ ἑκάστου βασιλέως ἐαυτοῦ κατὰ, & rursum, πατεριστικά ἰδιόκτητα τῷ βασιλεῖ.* Alia vero sunt, quæ possidet Princeps titulo Imperii, & quæ nō tam in Principis quam in Principatus patrimonio sunt: cuiusmodi sunt tributa, vectigalia, & quæcumque domanium Principis conficiunt, prædia, villæ, iura regia &c. Ita apud Romanos aliæ sunt res Cæsaris, aliæ res fisci, & res fisci, aliæ publicæ, aliæ priuatæ. Res Cæsaris dicuntur quæ in Principis cuius-

Duo genera bonorum, una Principes obtinent.

Glossæ veteres à Labæo editæ in voce πατεριστικά.

*l. 3. Cod. de
quadriennij
præscriptio-
ne.*

*l. Prætor
parag. hoc
interdictum
ff. ne quid
in loco pu-
blico.*

*Ioannes Sau-
aro Gallice
scripsit lib.
de la sou-
ueraineté
du Roy.*

que priuato patrimonio sunt, non quatenus est Princeps, sed quatenus Arcadius, Honorius, Antoninus, *l. 3. Cod. de quadriennij præscriptione*, in qua Iustinianus aperte distinguit inter substantiam propriam Principis, & substantiam fisci. Res autem fiscales dicuntur quæ principatui insitæ sunt, & ad ornandam actuendam Principis dignitatem institutæ, *l. prætor §. hoc interdictum ff. ne quid in loco publico*. Ex his itaque sic concludo: Res fisci & domini à Principe alienari non possunt, neque potest Princeps partem sui Imperii quauis conditione distrahere. Et si enim in contrarium proferantur exempla Regum aliquorum, qui se iuribus regni, Sceptro ac Imperio abdicarint in fauorem peregrinæ gentis, aut extraneæ alicuius Principis, ut exemplum Attali regis Pergamenorum, qui regni sui hæredem populum Romanum instituit, Nicomedis Bythinia, qui eidem populo sceptrum ac diadema transmisit, Alexandri, qui Ægyptum & Alexandriam iisdem Romanis adscripsit, Caroli sexti Francorum Regis, qui successorem Imperii Henricum Angliæ regem designauit. Attamen inuitis ac reluctantis regni Proceribus, atque Ordinibus id tentari posse omnes pæne Iurisconsulti rescripserunt. Horum ego & nomina, & sententias non refero. Scripsit hac de re tractatum elegantem Ioannes Sauaro, in quo omnium peritorum iuris hac de re opiniones ad certas classes distribuit. Et certe cum Imperator Carolus 4. uellet successorē sibi facere Venceslaum filium, & ei propterea conciliare Electorum suffragia nitere-

tur, vnicuique eorum centum aureorum millia
congiarii nomine promisit, oppigneratis & datis
in hypothecam Imperii vectigalibus. Qua de cau-
sa tumultuari ceperunt Imperii Proceres afferentes
tributa & vectigalia, in quibus Imperii nervi vire-
que consistunt, non posse ab Imperatore alienari.
Ita refert Naclerus generatione 46. ad annum
1370. Ex quibus sic licet concludere. Ius Decima-
rum est ex eorum numero, quæ Sacerdotibus com-
petunt ratione Imperii, & sacra auctoritatis, quam
in homines exercent, & si prophanis vocibus in re
sacra uti licet. Decimæ sunt veluti patrimonium fis-
cale, atque Imperiale, vnde Episcopis persoluantur
eadem Religione, qua tributa penduntur Regibus,
ut est apud Clementem Romanum lib. 8. cap. 31.
Ergo quemadmodum alienationi, distractioni ac
venditioni non subiacet coronæ patrimonium,
quemadmodum fide sua promissione, ac sacra-
mento solvantur Principes, si quid stipulantur aduersus
fiscalem vtilitatem & bonum regii dominii: ut de
Francisco primo, qui Burgundiæ ducatum Hispano
promiserat, responderunt eius temporis Theologi
& Iurisperiti. Sic quoque existimandum sacra
ista Sacerdotum.

Naclerus
ad annum
1370 Gene-
rat. 46. tom.
1. pag. 405.

Clemens
Rom. lib. 8.
cap. 31.

Apud eundem
Sauronem.

Quarto si qua causa res ecclesiæ alienari pos-
sunt & à Sacerdotibus in alienam manum transfer-
ri; id maxime fieret in Monachorum gratiam, quo-
rum pietati ac solitudini beneficentia Episcoporum
perpetuo prospexit. At in fauorem Monachorum
non Decimas modo, sed prophanas possessiones

Quartum
argumentum
quo proba-
tur ius De-
cimarum non
posse laicis
competere.

Concil. To-
let. nonum
can. 5.

insigni aliqua portione minuere Canones vetue-
runt: adeo cum cresceret in dies præsulum erga
Monachos beneficentia ac liberalitas, eam Hispani-
ci Patres in Concilio Toletano nono collecti fræ-
no aliquo coercendam censuerunt, prohibentes ne
Monasterio à se constructo Episcopus dare posset,
ultra quinquagesimam partem census suæ Eccle-
siæ, & si ædem vellet pro sepultura propria ornare,
non posset eidem legare, atque attribuere plusquam
centesimam partem sui census annui. *Bona rei datur
consulium, & præsentis habetur vite subsidium, &
æternæ remunerationis expectari cernitur præmium:*
Quisquis itaque Episcoporum in Parochia sua Mona-
sterium construere forte voluerit, & hoc ex rebus Eccle-
siæ, cui præsidet ditare decreuerit, non amplius ibidem,
quam quadragesimam partem dare debet: ut hac tem-
peramenti aequitate seruata, & cui tribuit competens
subsidium conferat, & cui tollit, damna graua non in-
fligat. Ecclesia vero, quæ monasticis non informabitur re-
gulis, aut quam pro suis munificare voluerit sepulturis,
non amplius quam centesimam partem census Ecclesiæ,
cui præsidet, ibidem conferre licebit: ea tamen cautela
seruata, ut tantummodo, quæ placuerit ex his duabus
remunerandam assumat.

Si ergo in fauorem Monachorum, quorum dis-
ciplina & pietate Ecclesia insigniter floruit, non li-
cuit Episcopo iura ecclesiarum alienare, & insigni
aliqua portione detruncare, quis in fauorem laico-
rum id fieri posse audeat asserere? Quis ius Deci-
marum in eos transfundi licere existimet, & Sacet-

dotum bonis ac censibus pinguescere, dum insano fastu eorum paupertati plerumque violenter insultant.

Quinto tam sanctum olim habitum est ius decimarum, & ad eas persoluendas tam inuiolabili Religione teneri populos autumarunt, ut eam præstationem in pensionem nummariam commutare, aut populos data pecunia ad Decimas soluendas inuitare, nefas esse ducerent. Ita Christianissimi Reges nostri constituerunt, ne liceret populis Decimam pecunia permutare ac redimere. Ludouicus Pius capitulari 30. ad annum Christi 828.

De Decimis quas populus dare non vult, nisi quolibet modo ab eo redimantur, ab Episcopis prohibendum est ne fiat: Et si quis contemptor fuerit inuentus, & nec Episcopum, nec Comitem audire velit, si noster homo fuerit, ad præsentiam nostram venire compellatur. Cateri vero distringantur, ut inuiti Ecclesiæ restituant, quæ voluntariè dare neglexerunt.

Ludou. Pius
cap. 3. ad an-
num 828.

Idem principes cum intelligerent esse aliquos, qui Decimas dare negligerent, eoque onere se liberarēt data Episcopis & Comitibus pecunia, quam illi inter se partiebantur, vetuerunt, ne Religioni in posterum fas esset fucum facere, & pecuniam pro Decimis stipulari. Ita habere capitularium Caroli & Ludouici Imperatorum lib. 2. capitulari 28. *Dictum est à nobis, quod in quibusdam locis Episcopi & Comites ab incestuosis & ab his qui Decimis non dant vuidios accipiunt, & à Presbyteris pro quibusdam negligentiss, & inter se pecuniam diuidant, quod penitus abolendum*

Capi. Carol.
& Ludouici
lib. 2. cap. 28.

78 *De Decimis, Oblationibus & Primitijs:*
decreuimus ne forte auaritia locus detur & constituimus;
vt incestuosi iuxta canonicam sententiam penitentia mul-
tentur. Qui vero Decimas post crebras admonitiones &
prædicationes Sacerdotum, dare neglexerint excom-
municentur.

Greg. nonus
cap. exhibita
de rerum
permuta.

Ex hac Decimarum Religione & immutabili le-
ge factum est, vt olim Gregorius nonus rescindi
iuberet compromissum factum inter præpositum
Albanensem & Monachos Sancti Martini in Pan-
nonia. Cum enim diu multumque contendissent
præfati Monachi, & præpositus Albanensis, de iure
decimationis cuiusdam: tandem eas simul inierunt
conditiones, vt si præpositus impetraret à Rege
donari prædicto Monasterio centum millia solidor-
um, Decimas in posterum Monachi abdicarent,
& ius earum ad præpositum transfereretur. Istud
ergo pactum ac compromissum Monachi ad Pa-
pam retulerunt, quod ipse quasi simoniacam
nunditationem exhorruit, dicens non licere spiri-
talia temporalibus permutare. Ita enim rescribit
Betonienfi & Funginenfi Abbatibus, *Mandamus*
quatenus si vobis constiterit de præmissis, cum permuta-
tio de spiritualibus ad temporalia improbetur, prædictum
arbitrium & quidquid secutum est ex eo, vel ob id, irri-
tum decernatis, capite exhibita de rerum permutatione.

Itaque decimam olim non licebat pecunia re-
dimere, nec poterant Episcopi nummarium cen-
sum, eius vice pacifici, nisi forte in decima nutri-
minum. Nam Nutriminum, id est, Porcellorum
agnorum, & aliorum animalium Decimas mutare

pecunia liberum fuit. Ita enim habetur capitulum libro secundo cap. 21. de Nutrimine. *Pro Decima sicut hactenus consuetudo fuit, ab omnibus observetur. Si quis tamen Episcoporum fuerit, qui argentum pro hoc accipere velit, sua maneat potestate iuxta quod, & ei, & illi qui hoc persolvere debet conveniatur.*

Capit. lib. 2.
cap. 21.

Ex quibus sic infero : Decimas olim Episcopis non licebat pretio distrahere, & in censum nummarium commutare. Ergo multo minus licuit eas, in totum vendere, alienare, & laicorum potestati permittere, proindeque ius Decimarum laicis nullo modo competere potest, quia neque ius istud illis proprium est, neque potest ab ecclesia illis in solidum tradi ac resignari.

Quamobrem in iure Decimarum legendarum non possunt uti prescriptione aduersus Ecclesiam. Nam quod vitio cepit temporis progressu legitimum fieri non potest. Et certe prescriptioni aduersus Ecclesiam locum aliquem tribuere quid est aliud, quam hominum avaritiam, atque ambitionem ad quotidiana scelera arcessere, & rapinis ac fraudibus præmium ac stipendium polliceri. Denique quando persona ex se incapax est iuris alicuius obtinendi consuetudine, aut prescriptione temporis ad iustam possessionem fulciendam uti non potest.

Non præscribitur in negotio Decimarum aduersus Ecclesiam.

Ita in Decimarum controuersia rescripsit Alexander tertius ad episcopum, Parmensem cap. *causam de prescriptionibus*. Erat enim lis mota inter Archidiaconum Rheginensem & nobilem quem-

Alexand. 3.
cap. caus. de
prescript.

80 *De Decimis, Oblationibus & Primitiis.*
 dam, de perceptione Decimarum tuebatur se nobili præscriptione longi temporis, respondet Papa inutilem esse præscriptionem, quia laicis nequidem ex concessione Ecclesiasticæ alicuius personæ Decimas licet possidere. *Mandamus*, inquit, *quatenus causam ipsam debito fine decidas non obstant præscriptione temporis, vel concessione Ecclesiasticæ secularisve personæ, si idem eam opponere voluerit, quia cum laici Decimas detinere non possint, eas nulla valent ratione præscribere.*

Clericus ad-
 uersus Episcopo-
 rum
 Decimas
 præscribit.

Qua in re vt obiter dicam longe alia ratio est clerici, alia laici, nam clericus aduersus episcopum potest quartam decimarum & funerum præscribere si per annos quadraginta sine contentione possederit sede non vacante, cap. *de quarta extr. de præscript.* Ratio est quia Clericus per se non est persona decimarum incapax: at contra laicus est persona incapax, ideoque nulla consuetudo capacem facit cap. quinto ext. de consuetudine.

Decimæ sūt
 res spiritua-
 les,

Greg. nonus
 cap. exhibita
 de rerum
 permut.
 Honor. 2.
 cap. litteras
 de iuramento
 calumnie.

Tandem ultimo loco addimus ius Decimarum esse è numero rerum quæ spirituales appellantur. At res spirituales nequidem ex concessione summi Pontificis vendi, alienari, & in laicas personas transferrī possunt, ergo nulla auctoritate possunt laici ac prophani, ius Decimarum sibi comparare. esse autem Decimas è genere rerum spiritualium docent summorum Pontificum Sanctiones, Gregorius nonus capite *exhibita, de rerum permutatione*, Honorius secundus capite *litteras de iuramento calumnie.*

De Decimis

De Decimis infeodatis & an Decima dari possint, in feudum. Quid feudum & huius nominis significatio Anglica. Origo feudorum. Beneficium & feudum idem. Quando nam res Ecclesie ceperunt infeodari. Conditiones infeodationis. De Nonis quid sunt castitia. Sarta tecta Ecclesiarum feudatarij curabant, &c.

C A P. VIII.

FEUDI vocabulum apud recentiores tantum auctores reperitur, & ante nonum sæculum mentio feudi nulla extat: huius nominis originem plurimi à fide repetunt, qua erga dominum, siue seniores tenentur, quicumque prædium agrumue feudi nomine acceperunt: In antiquis Angliæ legibus feudum, siue feodum, idem est ac stipendium: Vnde tituli plurimi extant in legibus Malcomani, de feodis seu stipendiis Magistratuum atque officiariorum, ut titulus *de feodo Cancellarii*, cui pro feodo cartæ centum libratarum terræ, assignantur decem libræ & pro scriptore duæ Marcæ, legimus Malcomani capite secundo. Ibidem cap. 3. titulus est *de feodo Iustitiarj*, & capite sequenti *de feodo Camerarii*.

Feudino-
men & ac-
ceptio.

leges Mal-
comani ca-
pite 2 & 3.
de feodo Iu-
stitiarj, &
cap. sequen-
de feodo
Camerarii.

Quod recentiores feudum, antiqui beneficium appellarunt. Taceo quæ de beneficiis Romanorum militum omnes scribunt, & qui fuerint milites beneficiarii tanquam satis dictum & recantatum præ-

Vox beneficii pro feud.

Lotharingia
Francia seu
dataria.Aimonius
lib. 5. ca. 44.Sigebertus
Gembl. ad
ann. 1007.Cuiacius ad
lib. 1. feudorum
cap. 1.Definitio
feudi.

Origo feudorum.

termitto, vocem autem beneficii pro feudo, anterioribus sæculis usurpatam, nemo ignorare potest, qui antiquitatem vel ab ipso à limine salutarit. Historia Aimonii, vbi loquitur de Lotharingia, quæ antiquum fuit Regum Franciæ, ex Carlomanica stirpe patrimonium, ait illam à Lothario in beneficium traditam Othoni Imperatori, hoc est in feudum cum onere nempe præstandæ fidei ac exhibendi obsequii. *Dedit autem Lotharius Rex Othoni Regi in beneficio Lotharium Regnum, quæ causa magis contristavit corda Principum Francorum &c.* apud Aimonium lib. 5. cap. 44.

Sigebertus Gemblacensis ad annum 1007. ait Imperatorem Henricum Balduino Castrum Valentianas, quod in finibus Mosellanae Regionis, & Lotharingæ situm erat, ac propterea controuersum, Balduino beneficiasse.

Feudum autem, seu beneficium definiunt Iurisc. ad lib. 1. feudorum cap. primo hoc modo. *Beneficium seu feudum est illud, quod ex beneuolentia alicui ita datur, ut proprietate quidem rei immobilis beneficiata penes dantem remanente, usus-fructus illius rei ita ad accipientem transeat, ut ad eum heredesque suos masculos & femineos, si de his nominatim dictum fuit in perpetuum maneat, ob hoc ut ille & sui heredes fideliter Domino seruiant, siue id seruitium quale esse debeat nominatim expressum sit, siue prætermissum.*

Vnde autem feudorum origo nata sit non conuenit interiuris interpretes. Hactenus peritiores, quibus ego mecum adiungo suffragium, originem feu-

dorum à Longobardis deducunt, quorum Duces ac Principes capta, atque expugnata ea parte Italiae, quæ inter Alpes & Appéninum sita est agrum militibus suis ac tribunis diuiserunt, cum iis conditionibus quæ habentur conscriptæ in libris feudorum.

Vide Sigonum de regno Italiae.

Anno Domini 560. Iustiniano & Iustino Imperatoribus.

Nec tamen inficiandum, speciem quandam feudi longe ante in Gallia viguisse. Refert enim Iulius Cæsar lib. 3. de Bello Gallico, Gallorum Proceres ac præcipuos, circumducere secum in bello Soldurios quosdam atque Ambactos, quorum fidem obstrictam sibi ac deuinctam tenet, & quo plus auctoritate diuitiis & genere pollent, eo maiore Ambactorum numero stipari ac circumfundi.

Iulius Cæsar lib. 3. de Bello Gallico.

Verum ne à scopo videamur aberrare de feudis Ecclesiæ dicamus. Beneficiorum ergo, seu feudorum genera duo reperiuntur in antiquis legum ac historiæ monumentis. Aliud enim dicitur beneficium Regium, aliud beneficium ecclesiasticum. Beneficium Regium fuit prædium agerue regij domini, qui militibus ac nobilibus, fruendus vtendus dabatur à Rege, ad emerendam ac obstringendam eorum fidem. Beneficium istud in mansis, seruis, colonis & seruientibus erat constitutum. Vnde quibus beneficium Regium habebat, illud colere tenebatur ne incuria, ac negligentia beneficiarii sterile sceret, atque inutile redderetur. Ita cauetur legis Longobardicæ lib. 3. tit. 8. l. 1. *Quicumque suum beneficium occasione proprii desertum habuerit & infra annum postquam Comes, vel Missus noster notum factum habuerit, ipsum beneficium amittat.*

Duo genera feudorum.

Leges Longobard. lib. 3. tit. 8. l. 1.

Beneficii vero Ecclesiastici mentio extat in præfatis Longobardorum legibus & sæpius in capitularibus Caroli Magni, Ludouici Pij, Caroli Calui & aliorum. Vbi interim annotandum Commendationem rei Ecclesiasticæ à beneficio distingui. Commédatur enim res Ecclesiastica; vt auctoritate Principum ac Magnatum inuiolata consistat: Datur autem in beneficium, nomine stipendii & honorariæ cuiusdam mercedis. Id elicio ex lege 2. tit. 44. Longobardicæ legis, in qua diserte commendatio à beneficio secernitur. *Ceteri vero homines liberi qui vel commendati n. m. vel beneficium Ecclesiasticum habent, sicut reliqui homines iustitiam faciant.*

Commendatio & beneficium qui differunt.

Leges Longobardicæ lege 2. tit. 44. lib. 2.

Expósito beneficij & feudi nomine, atque distinctione, videndum quæ res Ecclesiæ in feudum dari possint, & quando ceperint infeodari, siue imbeneficiari.

Nonnulli beneficiorum & feudorum Ecclesiasticorum originem trahunt à Carolo Martello, in cuius famam, vt diximus initio libri secundi, omnes præne Religionis zelo irruerunt: is enim cum multa & grauissima bella confecisset, partim contra Radbodum Frisonum Regem Catholicis ritibus infensum, partim contra Raginfruidum & Hilpricum, partim contra Saracenos, & eorum Regem Abdiramam, partim contra Gothos quibus amplissimas vrbes Gothicæ Regionis Nemausum Agathen & alias, abstulit, cum in quâ multa & Religionis, & fidei causa prælia ac cōflictus strenue peregisset, militem suum Ecclesiæ bonis ac redditibus ornauit, ad

Quando nã Ecclesiæ res ceperunt infeodari.

Annales incerta auctoritas apud Historicum.

tempus, quandoquidem regie facultates inter tot turbas ac motus rerum, ad stipendia non sufficiebant. Eius nomen vindicauit Baronius à stylo atroci & pungente scriptorum, quos ante citauimus. At ante Caroli Martelli tempora, res ecclesiæ à laicis occupatas, questus Bonifacius Moguntinus apud Zachariam summum Pontificem.

Bonifacius
Moguntinus.
epist. ad Za-
chariam.

Quidquid sit, plurima Ecclesiæ prædia militibus in beneficium tradidit ipse religionis ac pietatis vindex Carolus Magnus, ut eiuldem capitularia testantur, in quibus frequens beneficii Ecclesiastici mentio, quam postea inferemus.

A Carolo Magno, rebus ad Ludouicum Pium deductis, spes erat studium & pietatem tanti Imperatoris profuturam Ecclesiæ, ad res suas recipiendas. Sed cum à filiis ipse multa diraque incommoda patreretur, & indignum tam sincero Imperatore sæculum, propriæ felicitatis impatientiâ laboraret, coactus est ipsemet Ludouicus è rebus ecclesiæ sibi amicos captare, & Monasteriorum prædia relinquere in beneficium iis qui habebant: dum eius filij noua in dies è peculio Sacerdotum ac Monachorum beneficia suis militibus impendebant. Vnde auctor vitæ sancti Gotberti queritur Abbatias eo tempore dissipatas & Althahense Monasterium maxima sui patrimoniij parte spoliatum, eorum videlicet beneficiorum prætextu. Quæ ipse indignabundus maleficia nominat, *Institutum*, inquit, *Monasticum præclare illic profecit, usq; ad dissensionem quæ extitit inter Ludouicum Caroli Magni filium & liberos eius, ea enim*

Vitæ sancti
Gotberti.

Monasteriū
Germaniæ.

86 De Decimis, Oblationibus, & Præmitijs.
tempestate complures spoliabantur. Ecclesia, Monasteria vastabantur, atque in his etiam Althense, cuius possessiones à fidelibus, ei collatae, militantibus pro voluntate eorum, qui sic debacchabantur, beneficij imò verò maleficij nomine adtribuebantur.

Post Ludouicum Pium noua quoque beneficia, sub Carolo Caluo legimus instituta: Is enim post Fulconem vacante sede Rhemenſi; multa ex eius prædiis & facultatibus, in beneficium indulſit militibus ſuis, cuius rei tandem ſeria pœnitundine ductus, cuncto in ſolium Hincmaro Archiepiſcopo iuſſit omnia Eccleſiæ Rhemenſi per milites ſuos reſtitui, vt eſt apud Flodoardum hiſtoriæ Rhemenſis lib. 3. cap. 4.

Ex quibus hiſtoricis animaduerſionibus duo mihi colligenda videntur, quæ ad Decimarum infeodatarum conditionem & naturam explorandam ſpectant. Primum eſt Decimas nunquam cenſeri in earum rerum numero, quæ ſolitæ erant tribui beneficij nomine. Imò vero beneficia quæ ex Eccleſiaſtico patrimonio militibus ſuis erogabant Principes, in agris, prædiis, & rerum aliarum immobilium vſufructu verſabantur; Vnde beneficium iubent leges non eſſe negligendum, & ſine cultura prætermittendum: colere autem ac ornare beneficium de Decimis intelligi nullomodo poteſt.

Secundum quod ex præfatis hiſtoriis ac legibus colligo, eſt eos ipſos qui aliquid ex beneficio Eccleſiæ cepiſſent ad plura olim erga Eccleſiam officia præſtanda fuiſſe obligatos. Has vero obligationes ad tria potiſſimum capita refero ad nonas, ad decimas, & ad ſarta reſta.

Flodoardus
 hiſt. Rhe-
 menſ. lib. 3.
 cap. 4.

Decimæ
 nunquam
 fuerunt im-
 beneficiatæ.

Quibus
 oneribus
 feudatarii
 Eccleſiæ re-
 nerentur.

Quod ad Nonas pertinet, certum est eas persolui, non ex quouis genere prædiorum ac terrarum, sed ex iis tantum quæ aliquis possideret ex beneficio Ecclesiastico; ut hac nempe Nonarum præstatione, feudatarium se ac beneficiarium Ecclesiæ agnosceret. Huic antiquitati lucem adfert Concilium Valentini tertij, sub Carolo Caluo ad annum Christi 855. Canon decimus. *Sed & de fisco & villis quas constat dominio Ecclesiæ à fidelibus olim fuisse contraditas, & nunc potestati secularium traditas voluntate eorum, ordinari placuit, ut sicut edictis principum iussum est, nona & decima ipsis Ecclesiis unde subtractæ sunt fideliter persoluantur. Hi qui eas retinuerint, ut sacrilegos noverint se ab Ecclesiæ liminibus pellendos. Sed & decimas suas omnes fideles promptissime offerant de omnibus quæ possident, nec ullis oppositionibus quod statutum est permutare audeant, ne forse cogamur eos districtione Ecclesiastica ferire.*

Concil. Valent. 3. sub Carolo Caluo ad ann. 855. Can. 10.

Neque vero existimet aliquis, novam fuisse & ætate natam consuetudinem pendendarum Nonarum ex beneficiis Ecclesiasticis. Nam in Concilio Turonensi tertio ad annum Christi 813. temporibus Caroli Magni Galliarum præfules conquerruntur antiquum morem persolvendi Nonas è terris Ecclesiasticis multis in partibus sublatum. Quæ de causa querelam ad aures Principis deferendam censent, ut huic morbo deinceps medeatur. Ita enim Canone quadragésimo sexto, *Nonas ac decimas quas qui res Ecclesiasticas tenent solvere Rectoribus Ecclesiarum ordinati sunt, ad luminaria & stipen-*

Concil. Turon. 3. can. 46. anno 813. sub Carolo magno ann. 13. Imperii.

Redeamus ad Nonas, quas ipse iterum Carolus magnus, & alij quoque post eum Principes Ecclesiæ perfoluendas sanctissime edixerunt Capitulum lib. 1. cap. 163. *Ut qui Ecclesiarum beneficia habent nonam & decimam ex eis, Ecclesiæ cuius res sunt donent, & qui tale beneficium habent, unde ad medietatem laborent, de eorum portione proprio Presbytero Decimas donent.*

Capit. lib. 1.
cap. 163.

Ex quo liquet fuisse aliquod beneficii Ecclesiastici genus, quod ad medietatem traditum erat, nempe colonus dimidium sibi, & dimidium Presbytero arabat. Qui autem beneficium Ecclesiæ his conditionibus acceperat, is ad Nonas perfoluendas nullo iure tenebatur, sed cum oportebat tantummodo præstare Decimas de sua portione. Eandem legem præstandarum Nonarum instauravit Ludouicus Pius capit. lib. 2. cap. 21.

Beneficium
ad medietatem
traditum
quid sit.

Ex quibus patet Ecclesiam ista beneficiorum traditione, non ita vexatam fuisse, ut sibi queri posset patrimonium eripi, & insigni parte spoliari. Si enim Ecclesia agros suos ad conditionem colonariam tradidisset, quid aliud ex iis lucrari poterat quam Decimam partem aut Nonam frugum, atque obuentionum rusticarum? At eandem partem ipsa recipiebat ab iis, qui terras suas ex beneficio Principis possiderent. Non itaque labem aliquam ingentem eius fortunæ patiebantur. Et certe conditio Ecclesiæ hac in parte deterior non erat quam Principis. Qui enim partem agri Dominici seu Regii ex eius beneficentia ceperant, easdem nonas

pendere tenebantur. Ideoque ut isto onere se liberarent, solebant aliquando beneficium Principis incultum relinquere. Vnde capitularium li. 5. cap. 150. Ita præcipitur *de his qui agros dominicos propterea neglexerunt excolere, ut nonas exinde non persoluant & alienas terras ad excolendum propter hoc accipiunt, volumus ut de tribus annis, ipsam nonam cum sua lege persoluant: Et si quis contempnitor aut Comitum, aut vassalorum nostrorum propter hoc extiterit, per fideiussorem, ad Palatium venire compellatur.*

Capit. lib. 5.
cap. 150.

Præter Nonas illi qui beneficium Ecclesiæ habebant, Decimarum quoque lege tenebantur, ut ex præfatis locis facile constat.

Tertium vero quod Ecclesiæ debebant, sunt facta tecta, hoc est, qui aliquid ex beneficio Ecclesiæ possidebant, tenebantur ad Ecclesiæ labes ac ruinas supplendas, præsertim vero ad tecta. Quod probari facile potest, tum ex Concilio Turonensi tertio, ubi Patres conqueruntur Ecclesias ruere & funditus labi propter neglectam tectorum instaurationem ab iis qui beneficia ecclesiastica possident: *Similiter, inquiunt, & de restauratione tectorum nobis necessitas incumbit indicare, quia non tantum domus monasteriorum, sed & ipsa Ecclesia propter tectorum inopiam ruinas minantur.*

De factis
etis Eccle-
siarum.
Concil. Tu-
ron. 3. can.
46.

Legis Longobardicæ libro tertio titulo tertio, extat Decretum Caroli Imperatoris his verbis, conceptum, *Præcipimus Comitibus & omnibus fidelibus nostris, ut quicunque de rebus Ecclesiasticis beneficia habent, pleniter secundum morem regionis nonas & deci-*

Legis Lon-
gobard. tit.
3. lib. 3. lege
secunda.

mas ad ipsam Ecclesiam donent, absque ulla diminutione & dilatione, in quantum melius possunt, & iuxta possibilitatem eorum, & quando necessitas exegerit dene operas ad ipsas Ecclesias restaurandas, & adiutorium faciant.

Modum vero & impensas quas in reficiendis Ecclesiis facere oportuit eos qui agrum Ecclesiae occupassent, definit capitulare quadragesimum libr. 4. Consideratum est, ut de frugibus terra & animalium nutrimine, Nona & Decima persoluantur. De Cap. 40. lib. 4. opere vero vel restauratione Ecclesiarum Comes, & Episcopus siue Abbas una cum Misso nostro, quem ipsi sibi ad hoc elegerint considerationem faciant, ut unusquisque eorum tantum inde accipiat ad operandum & restaurandum, quantum ipse de rebus Ecclesiarum habere cognoscitur. Similiter & Vasi nostri aut in commune tantum operis accipiant, quantum rerum Ecclesiasticarum habent, vel unusquisque per se iuxta quantitatem quam ipse tenet. Aut si inter eos conuenerit, ut pro opere faciundo argentum donent, iuxta aestimationem operis in argento persoluant, cum quo pretio rector Ecclesiae ad predictam restaurationem operarios conducere, & materiam emere possit. Et qui Nonas & Decimas dare neglexerit, primum quidem illas cum lege sua restituat, & insuper bannum nostrum soluat; ut ita castigatus caueat, ne saepius iterando beneficium amittat.

An possint Decima dari in feudum proferuntur rationes Canonistarum. Decreta summorum Pontificum Argumenta Jurisperitorum &c.

C A P V T IX.

SVperiore capite ex antiquis monumentis ostendimus quæ res ecclesiæ in feudum, siue in beneficium olim darentur & quibus conditionibus forent obstricti quibus ecclesiæ facultates ac fortuntæ essent nomine beneficii commendatæ. Nunc videndum an Decimæ in feudum dari possint.

Omnes præne Iurisperiti, Canones omnes ac Patres, in ea opinione versantur, ut credant Decimarum possessionem nulla ratione laicis posse competere, adeoque possessionem istam nullo titulo, aut præscriptione temporis iustam reddi posse ac legitimam.

Innocent. 3.
cap. cum A-
postolica,
de his que
sunt a Præ-
latis sine
consensu
capituli.

Innocentius tertius cap. *Cum Apostolica de his que sunt à Prælati*, sine consensu Capituli, existimat traditionem Decimarum quas laici milites in ecclesiam transferunt, non tam esse donationem rei propriæ quam restitutionem alienæ, vi & iniuriâ occupatæ. Vnde ait monendum & compellendum esse laicum, ut Decimam restituat ecclesiæ ad quam spectat, qui si fortasse induci nequiverit, & eam cum Diocesani consensu alteri ecclesiæ assignauerit præsertim religioso conuentui, res stabit firma &

inconuulsa. ex quibus tale argumentum conficio. Qui rem aliqua in feudum tenet, non potest cogi ad eam restituendam domino feudi, nec eius possessione exiit, nisi in Dominum feudi peccauerit & indignum se præstiterit eius beneficio. Licet enim feuda ab initio ex mera dominorum voluntate penderent, adeoque per singulos annos renouari oporteret, vel re ipsa, vel patientia: Atamen temporariam istam feudorum possessionem iam pridem euanuisse testatur Gerardus Niger lib. primo de feudis: & feudorum eam esse naturam nemo ignorat, ut ad liberos mares in infinitum transcant, & iure patrimonii censeantur saluo tamen censu senioribus debito. Cum ergo ecclesia reuocet ad nutum, imò reuocauerit omnem istam decimarum possessionem, easque sibi vendicari, signum est Decimas non fuisse possessas, nec possideri posse à laicis titulo feudi.

Gerardus
Niger libro
primo feu-
dorum.

Conditio-
nes feudi nō
possunt De-
cimis con-
uenire.

Alexander tertius cap. *Quamuis de Decimis*, negat posse omnino Sacerdotes & Prælatos ecclesiarum decimas laicis vtendas ac fruendas contradere. Ita vero in istud facinus quasi grande piaculum inuehitur. *Quamuis sit graue nimis & diuini dignum animaduersione iudicij h. beatur, quod laici quidam quod Sacerdotum est in ecclesiasticis rebus usurpant, maiorem tamen incurrunt formidinem, quod fomitem sui erroris dicantur in ipso Clero aliquoties inuenire, dum quidam Prælatorum ecclesie Decimas & ecclesias eis disponere & eos in deum mortis impellunt qui predicatione eorum, ad viam vite futurae fuerant reuocandi &c. Vnde sta-*

Alexand. 3.
cap. quāuis
de Decimis.

tuimus, vt si quis alicui laico in saeculo remanenti Ecclesie Decimam oblationemque concesserit, à statu suo sicut arbor, quæ inutiliter terram occupat succidatur donec emendet, dolore sua iaceat ruina prostratus: Ex quibus verbis liquet Alexandrum accusare possessionem Decimarum in laicis, vsurpationis, erroris, etsi Prælatorum consensu & adstipulatione subnitatur. Quinetiam Episcopos qui laicis Decimas tradunt iudicare indignos fastigio honoris ac gradus sui. Vnde licet ita colligere. Iuste possideretur quidquid à Prælati, Archiepiscopis, Episcopis & Abbatibus in feudum traditur; neque ista possessione laicus in salutis suæ discrimen incidit. Cum ergo Decimæ eius sunt naturæ, vt nec à Prælati tradit nec à laicis retineri sine piaculo possint, signum est eas eius esse sortis ac conditionis, vt in feudum dari non possint. Esse vero res aliquas quæ Præfulum auctoritate in feudum dari possunt, probant leges feudorum libro primo titulo primo, *Feudum dare possunt, Archiepiscopus, Episcopus, Abbas, Abbatissa, Præpositus, si antiquitus consuetudo eorum fuerit feudum dare.*

Leges feudorum à Gerardo conscripser, lib. 1. tit. 1.

Glossa in caput quatuor.

Et certe glossa in caput *quamuis*. verbo concesserit, diserte asserit nullo modo posse Decimas in feudum dari laicis, vel etiam ad tempus. Cuius sententiæ multas adfert rationes quia Decimæ sunt cibus Domini. 16. q. 1. can. reuertimini, & q. 7. can. Decimas. Secundo quia debent eis dari, à quibus spiritalia recipiuntur. 13. q. 1. can. Ecclesia: §. is ita. Tertio quia feudum transit ad hæredes, sed Decimæ non. Quarto quia à laicis possideri non possunt cap.

causam de prescriptionibus. Quinto quia dantur intuitu obsequii diuini 13. q. 1. eas Ecclesias. Tandem concludit eadem glossa quod fructus Decimarum possunt quidem concedi laico ex causa ad tempus vitæ suæ, sed non in feudum.

Gregorius septimus in Concilio Romano aperte denunciat laicos Decimarum retentores in piaculum sacrilegii incurrere, siue eas regum beneficio siue Episcoporum indulgentia possideant. *Decimas quas in usum pietatis concessas esse canonica auctoritas demonstrat, à laicis possideri Apostolica auctoritate prohibemus, siue enim ab Episcopis vel Regibus, vel quibuslibet personis eas acceperint, nisi Ecclesiæ reddiderint sciant se sacrilegij crimen committere, & æternæ damnationis periculum incurrere.* Quamobrem idem Gregorius septimus epistola 5. lib. 9. registri ad Dicensem Episcopum laudat Anglorum Regem quod laicos coegerit ad restituendas Ecclesiis Decimas *Rex Anglorum, inquit, licet in quibusdam, non ita Religiosè se habeat tamen in hoc quod Ecclesias Dei non destruit &c. Presbyteros, uxores, laicos Decimas quas detinebant inramento dimittere compulit, cæteris Regibus se satis probabiliorem ac magis honorandum ostendit. Consentiunt his auctoritatibus aliorum quoque Conciliorum ac Patrum suffragia.* Innocentius II. in Concilio Romano can. 7. Eugenius tertius in Concilio Remensi can. 8. Concil. Metense can. 2.

Hanc eandem de Decimis non infeodandis sententiam deffendunt recentiores nonnulli, & præ cæteris Rebuffus tractatu de Decimis, q. 13. Vbi ex-

Greg. 7. in
Synod. Ro-
ma anno 6.
p. 2.

Greg. 7. epi-
stol. 5. lib. 9.

Innocent. II.
in Concilio
Rom. can. 7.
Eug. 3. in
Concil. Re-
mensi c. 8.
Metense
can. 2.

Rebuffus
tractatu
de
Decimis
quæst. 13.

preste asserit laicos nullum ius acquisiuisse in Decimas, siue eas obtinuerint ante Concilium Lateranense, siue post illud: *Nec enim, inquit, fieri debet differentia an laici habuerint ante Concilium Lateranense, vel post. Quia tunc inhabitantes erant ante Concilium Lateranense quam post: nempe utroque tempore Deus eas Sacerdotibus & Clericis assignauerat, & demum Papa Dionysius dum diuisit Parochias. Sed iura tantum faciunt differentiam ante vel post Concilium in hoc, quia laici habentes ab Ecclesia ante Concilium, possunt religiosis, vel alijs Ecclesijs Decimas cum consensu Episcopi concedere cap. Cû Apostolica de his quæ fiunt à Prælato. §. sane de Decimis in 6. si vero post Conciliū Lateranense laici habeant, non possunt alijs Ecclesijs quam Parochialibus illis ad quas spectabant, Decimas etiam cum consensu Episcopi transferre. Ex his liquet summos Pontifices, Concilia, Canonistas existimasse ecclesiam non posse ius pendendarum Decimarum, ita in alienam transferre manum, ut Christiani nullum amplius obsequii sui monumentum Ecclesiæ teneantur exolucere, sed fructuum atque obuentionum suarum Decimas ex integro prophanis ac laicis debeant.*

Aliæ rationes
quibus
id ipsum
probat.

Hoc autem id ipsum alijs, probari potest rationibus. Quacumque pactione & stipulatione posita, nunquam remitti potest Christiano homini debitum colendi Deum, eumque, ut auctorem ac fontem eorum quibus in vita utitur bonorum agnoscendi. At professio ista & agnitio Dei, ut nostrarum opum ac facultatum parētis, vix alio modo fieri

fieri potest, quàm vouendo ac libando sacris altaribus aliquam patrimonii partem. Itaque sic pensio ista ad Pietatis ac Religionis integritatem pertinet, vt nonnisi violata religione possit extingui.

Diceret fortasse aliquis Ecclesiam suo iuri succenturiasse laicos ac prophanos, ac proinde Christianos præstando Decimas laicis, hoc sese debito, atque obsequio sufficienter exoluere. At quam leuis sit ista responsio facile est deprehendere. Nam vbi fideles in horrea laicorum suas Decimas comportant, creduntur ne meminisse Pietatis ac Religionis? Deumne in laicis vicariâ sui regnantem imagine conspiciunt? Quid est in ipsis quo populus intelligat se Decimas præstando obsequii sui significationem Christo impendere? Atqui ad eos animi motus, atque affectus impellendi sunt Christiani, neque tam curare debent Sacerdotes, vt rusticorum frugibus sua turgcant horrea, quam vt eorum pectus, atque animi sinceris erga Deum amoribus incendantur. Manet ergo istis honoribus defraudatum numen, vbi nobiles milite cincti in Decimas irruunt, faciuntque, vt coloni non tam aliquid Deo tribuere existiment, quàm ab hominibus sese spoliari conquerantur. Secundo non potest Ecclesia honores Sacerdotio debitos remittere, & liberare populos reuerentia ac obsequio, quo erga Curiones suos tenentur: quippe iura illa, quæ honoris & dignitatis partem faciunt, non possunt in alienam personam transferri. Et certe si ex cômuni sententia Iurisconsultorum non potest Princeps subditos

ita, sua ditione manūque mittere, ut in extraneam potestatem transeant, & alterius Principis auctoritati subdantur, ut in facto Francisci primi qui Burgundiam Ducatum Hispano summiserat à nobis notatum est? quanto minus poterit Ecclesia in iis quæ faciunt Pietatis ac Religionis partem, Christianos laicis subijcere, eosque iisdem facere tributarios?

Imo vero non possunt clerici renunciare privilegio fori, & sese in dedecus sacri ordinis laicorum tribunalibus subijcere, ut rescripsit Innocent.

Innocent. 3.
cap. si aliquis de foro
competenti

III. cap. *si aliquis de foro competentis*, quia ut ait S. Pontifex privilegium istud non est personale, sed indulgentum toti collegio hominum Ecclesiasticorum. At ius decimarum sumendarum longe illustrius est, & præstantius quovis privilegio fori, & arctius cohæret cum dignitate Curionis ac Sacerdotis. Ergo multo minus poterunt Episcopi, ac Præsules ius istud abdicare, & in laicorum manum transcribere.

Ratio ducta à natura
feudi.

Tertio quidam in feudum eum necesse est habere directum dominium rei infeodatæ: At Ecclesia non habet directum dominium Decimarum, neque enim debentur Sacerdotibus per modum stipendii. Sed dominium directum, solius est Dei, cuius summam auctoritatem decimarum pensione homines venerantur. Vnde Clemens Romanus ait Sacerdotem, atque Episcopum consumere Decimas vice Dei.

Quarto non potest Ecclesia Sacerdotes in eum

statum adducere, ut extremæ paupertatis periculo subsint. At distractis & laicorum potestati traditis Decimis, facile est Sacerdotes inopia vexari &, in extremam calamitatem incidere. Nam cum in Parochiis, præter Decimas nullum fere aliud obventionum ac fortunarum genus Curiones obtineant, iis in feodatis aut alienatis, quid superest nisi ut miseri Sacerdotes squallore ac fame pereant, aut rustici præter Decimas, aliud stipendium Curionibus suis pendant, cum tamen vix vnam Decimarum præstationem, sine felle & stomacho patiantur.

Et certe cur Decimæ quæ in annonam Clericorum diuina providentia cesserunt, non eadem prærogatiua fruentur, qua prædia censusue militum annonis destinati. At quæ militaribus annonis erant consecrata, nulla conditione vendi, aut impignerari poterant, neque in fauorem Clericorum. Ita enim Lampridius refert Alexandrū Seuerum sola quæ ab hostibus capta sunt limitaneis Ducibus & militibus donasse, ita ut eorum essent, si hæredes illorum militarent, neque vnquam ad priuatos transfirent. Quam legem sub extrema Græciæ tempora instaurauit Constantinus qui dictus est Porphyrogenetes Nouella 3. *ἐν τῇ ἐκκλησίᾳ*, seu de fundis militaribus.

*Argumenti
à fundis mi-
litaribus.*

N ij

An Decimæ olim fuerint infeodate.

C A P. X.

ALiarum gentium hoc capite negotia non tractabimus, intra Galliæ fines se nostra includet meditatio. Videamus itaque an, & quando Decimæ Clericales, & Parochianæ fuerint laicis infudem traditæ. Ostendimus penultimo capite, legibus Caroli magni & Ludouici prohibitum ne Ecclesiæ suis fraudarentur Decimis, iussum ab iisdem Regibus, vt qui ex beneficio Ecclesiæ aliquid possiderent, & Nonas & Decimas soluerent: nunc videndum an post istud tempus legibus regni licuerit laicis Decimas sibi vendicare Ecclesiarum.

Totum istud tempus, quod à Ludouico Pio ad ætatem Philippi primi Regis Francorum interceptum est, variis reperitur turbelis ac tempestatibus inuolutum, dum neque sibi cohærent Regni Proceres, neq; fratres inter se de regni finibus consentirent. Aliunde pacē Galliarum vexabat frequēs Normanorū & Danorū inuasio, quos diuina indignatio quasi turbinē ventilandis mortalium sceleribus, immittebat: Ideoque si qua causa, quæ occasione Ecclesiarum Decimæ laicis traditæ, atque impigneratæ fuerunt: credibile est, id factum iis temporibus, quibus ad rerum suarum tutelam ac præsidium necesse erat Ecclesiasticos homines magnatum ac militum gratiam emereri.

Et tamen Decimarum hisce temporibus, in feudum cum Principis consensu & suffragio Episcoporum traditarum vix mentionem vllam reperio. E contra, Reges subsequentes, semper Ecclesiarum splendori prospectum esse voluerunt suis Sanctionibus & Decretis. Quod vt pateat, recenscamus breui quid circa ecclesiæ facultates gestum. Carolus Caluus, cuius Imperium ab anno Domini 841. ad annum 879. protenditur, eadem in ecclesiam fide ac pietate, qua maiores sui exarserant, summouit iniquam istam Decimarum vsurpationem. Anno 876. in Palatio Ticinensi, Carolus Caluus Capitula edidit, in quibus plurima sunt, quibus res ecclesiarum iubentur manu sua mittere laici, quasi iniustam & vi occupatam possessionem, cap. 10. *Res Ecclesiasticas tam mobiles, quam immobiles nemo inuadere vel auferre presumat, & que à rectoribus Ecclesiæ, ob timorem vel fauorem, alicui libellario vel emphyteuticario iure, dolose & cum damni detrimento, Ecclesiæ amissa videntur, ad pristinum ius reuertantur &c.*

Carol. Caluus ab anno 841. ad annum 876.

Anno 876.

Carol. Caluus cap. 10

Vbi animaduerte, fontes earum infeodationum rectissime notari à Carolo Caluo, nempe timorem vel fauorem. Capitulo vndecimo, de decimis priuatim decernit, *Vt Decimæ conlaborationum & animalium, secundum sacra præcepta Domino absque fraude & aliqua retractatione offerantur. Et in potestate Episcopi maneat qualiter dispensentur canonicè &c.*

Ante hæc tempora circa annum 846. in Sparnaco villa, ab eodem capitula edita sunt quibus decernitur, vt qui prædium agrumue Ecclesiæ nomine benefi-

Carol. Calu-
ous cap. 16. *cij occupant illi Nonas & Decimas soluant cap. 16. Idem*
Apud Syr-
mund. cap.
pag. 88. *constitutum fuit in Synodo Sueffionensi per eun-*
dem Carolum, qui id oneris speciatim Missis suas
prouincias lustrantibus imponit, vt eos qui ex be-
neficio Ecclesiæ aliquid occupant, compellant De-
cimas & Nonas soluere, & Ecclesiarum tecta in-
staurare, capitulo sexto.

Carolo Caluo successerunt Ludouicus Balbus, cæi
deinde filii duo Ludouicus & Carlomannus, post
quos Carolus Crassus, Odo, & Carolus Simplex,
qui omnes ad Carolum vsque Simplicem, regna-
runt tantum modo annis viginti tribus. Nemp-
pe, Ludouicus Balbus annis 2. Ludouicus & Car-
lomannus annis 5. Carolus Crassus annis 7. Odo
annis 9. Sub Ludouico Balbo inuenio fortunis &
facultatibus Ecclesiarum prospectum cura & solli-
citudine Principis, iussumque vt laici res temere oc-
cupatas Ecclesiæ redderent. Nam apud Aimoinum
lib. 5. cap. 38. legimus inter Ludouicum Balbum &
Ludouicum Italiæ regem, conuentum habitum in
Ann. 879. loco qui vocatur Furon, Kalend. Nouembris anno
879. in quo conuentu præ cæteris pacis fœderatæ
capitibus istud continetur. Vt res Ecclesiarum in cui-
uscunque regno capte fuerint tam de Episcopatibus quam
de Abbatibus, sine ulla contradictione rectores ipsarum Ec-
clesiarum illas possideant, & si aliquid ibi iniustum à
quoquam factum est, in cuiuscunque regno res illæ consi-
stunt, legaliter exinde secundum iustitiam reddere fa-
cient.

Sub Carolo Crasso, Odone, Carolo Simplicem &

reliquis nullæ leges reperiuntur, nec regni, nec Ecclesiæ constituendæ causa promulgatæ: quippe omnia tum temporis ancipiti discordia nutabant & iā fata eam quæ sequuta est Reip. conuersionem meditabantur. Itaque verosimile est, Ecclesiam multa per id temporis mala pertulisse.

De Rodolpho vero Burgundionum Principe, Aimonius lib. 5 cap. 42. cui biennij regnum tribuunt Chronologi, ita Aimonii Cōtinuator libro quinto capite quadragesimo secundo. *Rodolphus, inquit, Rex Franciæ qui 2. annis gubernauit Franciæ sceptrum & valde seuerus extitit in coercendis sanctæ Dei Ecclesiæ prædonibus, & magna ex parte fecit manere quietos proteruos impetus Danorum, sepultus est in Basilica S.æ. Columbæ Virginis. Ne quæramus vltra leges & edicta Principū isto sæculo, quo dubij reges, nomine solo non potestate dominatur, vt de Chilperico scripserat olim pipinus.*

Si ergo infestationes quædam decimarum, & transcriptiones iurium Ecclesiasticorum factæ sint vnquam, necesse est, illius negotii fontem ab hisce temporibus Ecclesiæ & Reip. turbatissimis ac difficillimis repetere, in alto legum ac Religionum omnium silentio, dum sacra Martyrum pignora, Sacerdotes humi defoderent, & vix templis atque altaribus possent manū hostilem arcescere, & insolentem militis fastum amoliri. Qua ergo ratione prophano patrimonio præsidium quærent, qui plerumque mysteria cernere cogebantur indignissimo contemptu pollui.

Sed deterfis tandem nubibus, cœlo mitescente

ac lucido, quid aliud cogitarunt nouæ sobolis Principes, quam vt ecclesiæ lachrimas expungerent & lætam inducerent frontem. Legantur Annales nostri, consulatur Helgaldus Floriacensis in epitome vitæ Roberti, epistola Fulberti Carnotensis constabit Reges è Capetiorum stirpe oriundos ab ea Pietate ac Religione initium duxisse Imperii, quæ nostris temporibus, in eorū nepote L V D O V I C O ad gentium omnium & nationum stuporem ac venerationem reflorescit.

Non est ergo arbitrandum, exutos his temporibus legitimo decimarum prouentu Sacerdotes, quibus splendor & maiestas, ordinis sui, fato bellorum & temporum malignitate exolescens felicissime est restituta.

Can. 19.

Concil. Lateranenſe
part. 1. c. 34.

Et certe non longe abſuit ab his temporibus Concilium Claromontanum sub Urbano ſecundo temporibus Philippi primi Francorum Regis, in quo expreſſe cautum eſt, ne laici decimam partem de laboribus ſuis retineant, & ſicut non debent retinere, ita nec accipere. Succellit huic Concilio Lateranenſe œcumenicum ſub Alexandro tertio, ſub extrema tempora Ludouici iunioris, paulo ante Philippum Auguſtum, quo Concilio parte prima cap. Decimo quarto duo definiuntur, vnum quod mere eccleſiaſticum eſt, nempe, laicos non poſſe ſine animarum periculo retinere. Alterum quod politicum, nempe, iniuſtam eſſe decimarum nundinationem, nec debere laicum in aliam quàm in Eccleſiaſticam manum decimarum iura transferre, quod

quod certe ad duritiam cordis eorum additum est. Existimauit quippe Ecclesia, sibi non licere cum rixis & iurgio exequi ius suum aduersus laicos, ideoque ut illos ad restituendas Decimas, quibusdam gloriæ aut religionis illecebris adduceret, liberam eis fecit potestatem Decimas tradendi, vel Monasterio, vel Ecclesiæ sæcularium, ut vocant, si ita libuisset.

Ex quibus colligere est, vix vllum fluxisse tempus ante Concilium Lateranense, quo iusta esse potuerit Decimarum occupatio, renitentibus aduersus prauum hunc morem & Regibus, & Pontificibus & Conciliis. Atqui Galliarum Prælati, sine summarum potestatum consensu ac decreto, res suas vendere non possunt. Est enim Rex Galliarum tutor ac defensor Ecclesiarum, ut scribit Rigordus de gestis Philippi Augusti, *Et quasunque terras Christianissimi Reges Principibus custodiendas tradidissent, tamen Ecclesias sub potestate sua & protectione retinere decreuerunt, ne Principes, quibus terra custodienda à Regibus delegabatur, Ecclesias vel Clericos ibidem Domino seruientes aliquibus angariis, tedijs vel alijs exactionibus grauare presumerent.*

Rigordus de
gestis Phi-
lippi Augu-
sti.

Requireret fortasse aliquis, an post illa tempora non occupauerint laici Decimas Sacerdotum. Respondet non videri fuisse causam vllam eiusmodi iuris alienandi, nisi propter impensas belli sacri, & solemnem illam protectionem aduersus Saracenos temporibus Philippi Augusti. Eo enim sæculo, iura Ecclesiarum circa Decimas percipiendas, au-

gutor fuisse maxime ex parte labefactata, & iis ini-
tiis cepisse possessionem quam plurimi ad anteriora
Concilio Claromontensi sæculo frustra nituntur
reuocare. Eius vero corruptelæ fontem recludo ex
Rigordo libro eodem de gestis Philippi Franco-
rum Regis. Refert enim Philippum, anno 1188 Con-
siliū iniisse Parisiis de Saracenis ac Turcis finibus
Palestinæ pellendis, ac propterea ingentem colle-
gisse exercitum habito solemnī nobilium ac ma-
gnatum delectu, quibus ut impensas præstaret, tam
longæ ac molestæ profectiōi necessarias, permisit,
ut Decimam ex omnibus agris suæ ditionis lege-
rent, quamdiu in armis & sacra expeditione versa-
rentur. Cum ergo Rustici & Coloni, Dominis ac
senioribus suis Decimas pendere cogerentur, pro-
babile est, ipsos Ecclesiasticis solitam pensionem
subduxisse, adeoque nobiles in ius Ecclesiarum suf-
fectos, etiam post bellicos motus per secessum &
otia domestica illud retinuisse. Hanc vero Philippi
constitutionem non pigebit adscribere.

*His imprimis constitutum est de Decimis, quod om-
nes illi qui non habentes quicunque sint, Decimam ad
minus dabunt hoc anno de omnibus mobilibus suis, & de
omnibus redditibus, exceptis illis qui sunt Cisterciensis Or-
dinis, & Ordinis Carthusiensis, & Ordinis fontis Ebrar-
di, & exceptis leprosis, quantum ad suum pertinent pro-
prium. In nullas communias mittet aliquis manum, nisi
ille Dominus cuius, ipsa communia fuerit. Quale tamen
ius in aliqua communiarum habebat prius aliquis, tale ha-
bebit. Qui alicuius terra magnā iustitiam habet eidem ter-*

ra Decimam habebit. Et sciendum quod qui Decimas sunt daturi, de toto mobili suo, & redditibus Decimas dabunt, non exceptis inde prius debitis suis, imo post donationem Decimæ, de residuo poterunt sua debita solvere. Vniuersi laici tam milites quam alii, præstito iuramento sub anathemate. Clerici excommunicatione astricti suas dabunt Decimas. Miles crucem non habens, Domino suo habenti ei, cuius erit homo ligius, dabit de suo proprio mobili Decimam, & de feudo quem ab ipso tenebit. Si autem ab eo nullum tenebit feudum, de suo proprio mobili Decimam Domino suo ligio dabit. Singulis vero à quibus tenebit Decimam de suis feudis dabit, & si nullum Dominium ligium habebit, ei in cuius feudo manserit leuans, & cubans dabit Decimam de suo proprio mobili. Si quis terram suam Decimans, res alterius quam illius quam debet Decimare, inuenerit in terra sua, & ille cuius res fuerint, illas esse suas legitime monstrare poterit, Decimans non poterit eas retinere. Miles † habens qui sit heres legitimus filius, vel generi militis crucem non habentis, vel alicuius uiduæ, habebit Decimam patris vel matris suæ. In res Archiepiscoporum, seu Episcoporum, seu Capitulorum, seu Ecclesiarum, quæ ab eis mouent in capite, non mittet aliquis manum: nisi Archiepiscopi, Episcopi, Capitula, & Ecclesia quæ ab eis mouent. Si Episcopi colligent inde Decimas, & eas dabunt quibus dare debuerint. Quicumque † habens, qui dare talliam, vel Decimam debeat, & eas dare noluerit ab illo capiatur cui suam debet talliam vel Decimam, ut inde suam faciat voluntatem. Qui eum ceperit, propter hoc non poterit excommunicari.

Cæterum ita dubia est incerta fides Decimarum, quæ in feodatis dicuntur, ut omnes qui ea de rescripserunt fateantur ingenue, nulla proferri posse earum documenta, neque ex publicis actis, quidquam huc usque erutum, quod eius rei fidem facere posset. Renatus Chopinus sui sæculi doctissimus ac disertissimus orator, ait se à quodam Quartario accepisse, omnes eius infeodationis tabulas fuisse in cameram computorum delatas, quò factum est ut regiarum rationum tabulario incenso, vniuersa contractuum eiusmodi instrumenta exarscerint.

Chopinus
sæcæ Poli-
tici, p. tit. 4.

Neque tamen violandam hac de causa pacem publicam censeo, probantibus eam possessionem regni legibus, Principum Decretis, spectante & volente Ecclesia Gallicana, quæ summam semper cum Nobilitate coniunctionem habuit; ex quo ab eodem parente, velut fraterni iuncta fœderibus, ut Nobilium iura & Ecclesiarum privilegia fluxerunt.

De Decimis omnis generis personarum, Regum, Clericorum, Monachorum, ingenuorum, seruatorum.

CAPVT XI.

HOc capite discutiendum à quibus debeantur Decime. An Reges ea pensione erga Ecclesiasticos teneantur. An Clerici Clericis, Ecclesiæ Ecclesiis Decimas soluant. An Monachos, an seruos lex ista Decimarum soluendarum complectatur.

Regibus Decimas à populo deberi, tanquam ad excubias & tutelam Reipublicæ à Deo positis, nemo inficiari audeat, nisi quem tumida & insolens ambitio libertatis, Regium nomen dedoceat reuereri. Etiam cum sanguine & vitæ periculo, vitæ quæsitæ hostium exuias olim contingere nefas erat, & in priuatū commodum ac peculium transferre, nisi Primitiis Regiæ auctoritati prælibatis.

Ita Sanedrium cap. 2. §. quarto. *Totus populus spolia* Sanedrium
cap. 2. §. 4.
hostibus detracta ipsi offert, unde Princeps partem capiat.

Inde fortasse manauit Pétamæria Græcorum, hoc est, ius quintæ spoliiorum partis ab Imperatoribus capiundæ, de qua Cantacuzenus in Historia, ubi de Cantacuzenus.
Andronico Imperatore sermo est, quo loco ait consuetudinem esse exercitui Græcorum, *ἡ πεντάλι μόνον πρὸς τὸν βασιλεῖ.*

Quod ergo populi Regibus, hoc Deo Reges sunt, ante cuius tribunal ubi summi Principes consistere,

continuo omnis eorum maiestas, atque auctoritas exolefcit. Vnde Græcorum Imperatoribus cum ad sacram communionem accederent mos erat, capiti suo coronam detrahere, eamque Diaconis qui populorum oblationes sumebant, quasi donarium & sacrum anathema contradere, *ἐμβαλὼν ὁ βασιλεὺς διπὸ τῆ ἐαυτοῦ κεφαλῆς τὸ στέμμα, ἔθηκε ἰσχυρῶς τοῖς ἀρχαίοις.* Apud Codinum cap. 16. Hinc optimi Reges ornandis augendisque Ecclesiis perpetuo incubuerunt, & sua se sponte cuidam decimarum pensioni subiecerunt.

Codinus
cap. 16.

Sofomenus
lib. 1. cap. 8.

Sofomenus Historiæ Ecclesiasticæ libro primo capite octauo refert Constantinum è suis etiam tributis ac vectigalibus quandam veluti decimam clero assignasse, & iure quodam perpetuo tribuisse. *Ex terra, inquit, quæ in singulis ciuitatibus vectigalis erat, certum vectigal quod arario pensitari solet, accepit, & Ecclesiis ac Clero distribuit quam quidem largitionem in omne tempus ratam esse voluit.*

Colomannus
Decret.
lib. 1.

Colomannus Hungariæ Rex Decretorum libro primo, edicit solemnè oraculo quæstoribus suis, vt Episcopis sui Regni Decima tributorum ac vectigalium pendatur. *De tributis autem & vectigalibus sicut Comitibus tertiam partem dari decreuimus, ita Decimam quoque Episcopis dandam censemus, quibus tam noui quam veteris Testamenti pagina Decimas dandas esse proclamat. Incantum igitur & inconsultum est, si instituta sanctorum præsumamus infringere, quæ summa potius deuotione debemus adimplere.*

Quinetiam decimam metalli, quæ iure quodam

singulari ad Regem pertinet, l. cuncti 3. Cod. de metallariis & metallis inuenio à Regibus Hungariae olim in dominium & patrimonium ecclesiae translatae, itaut Reges Decimam suae Decimae partem Clero persoluerent, quae Urburarum decimatio dicebatur. Cuius rei non possum, non hic ad texere vestigium insigne erutum è veteri codice quod Bonhinus publico dedit, ita vero se habet. *Certa res est, & per multa regesta, ac alia documenta probari potest, quod Reges Hungariae, ab eorum montanistis, receperunt Urburas, hoc est de singulis mineris auri, argenti, & cupri habuerunt Decimam partem, & quoties Rex habuit Decimas partes huiusmodi mineralium, toties diuisit, & dedit Archiepiscopo Strigoniensi unam partem, & vocabatur ista, Decima Decima, & durauit huiusmodi exactio urburarum ultra centum annos: quoniam quod semel inscribitur regestis Regum & Archiepiscoporum, non ita citò obliuioni traditur. Et cum iam praefata urburarum praepositio à multis, ut praemissum est, annis fuisset continuata, & montanistae praeuia ratione cum eorum argento, à toto eo tempore fuissent liberi, ita ut cuicumque voluerunt, illud diuendere potuerunt, sine aliqua multa Regis & Canusorum. Postquam autem saepe dicti Reges & Archiepiscopi per nonnullos montanistas saepe saepius fuissent decepti in eo, quod non bonas mineras, sed aliquando vilissimas deposuerunt, quas postea cum commodo & utilitate non potuerunt constare: ex crebra itaque utilitate, mutatione, & varietate mineralium permoti, nolentes diutius decipi & damnificari, adhibuerunt in consilium Praelatos & Ba-*

Leucl. 1.
Cod.

rones, & concluderunt quod Reges regni Hungariæ futuris temporibus à Dominis montanistis & montanis non vrbuburas huiusmodi minerarum, sed more aliorum regnorum, totum lucrum Camerarum pro seipsis retinerent, ita tamen, ut stolnas hereditarias & aquæ ductus omnes pro conseruatione regalium montanorū, suis impensis debito intertenerent: & saepe fatis Archiepiscopis, de singulis marcis pagamenti moneta, pro tempore corrente singuli unum pisetum exoluerent, prout & hodie fit, & iam pluquam à centum annis inconcussè obseruatum est. Ex quo patet, istam præstationem vrbubarū tandem in pecuniarium censum fuisse commutatam.

Corsetus de
potestate
regis quæst.
17.

Cui autem loco Decimas persolvere Reges teneantur definit Corsetus in tractatu de potestate Regia, quæst. 37. Nempe Reges Principesque Decimas prædiales oportere illi Ecclesiæ soluere, vbi prædia sita sunt. Personales vero vbi diuina audiunt officia, pro rata diuidendo, si in pluribus locis diuina audiant. A Regibus ad Clericos transeamus, & inquiramus, an illi Decimarum pensione teneantur.

Diuisio bonorum quæ Clericis competunt.

Annotandum vero prædia triplicis generis ac conditionis à Clericis possideri, quædam enim sunt propria ac patrimonialia Clericorum, quædam Ecclesiastica. Ac rursus Ecclesiastica, alia ad dotem Ecclesiæ pertinent: alia vero sunt incrementum ali-quod dotis, quæ nimirum accesserunt Ecclesiæ iam fundatæ ac constitutæ.

Clerici, de prædiis, quæ titulo proprii ac patrimonij possident Decimas persolvere tenentur. Communis est sententia Canonistarum, nam aliter fieri posset

posset, ut Parochiæ maxima Decimarum parte fraudarentur, si qui in eis optimam prædiorum partem obtinet, eum ad clericorum ordinem contingeret promoueri. Vnde Concilium Moguntinum prohibet ne Clerici possint arbitrio suo Decimas bonorum in alias Ecclesias, quibus iure ipso non competunt, transmittere. *Si quis laicus vel clericus, vel utriusque sexus persona, proprietatis suæ loca vel res alicui dare delegauerit, Decimationum prouentum priori Ecclesiæ legitime assignatum, inde abstrahere nullum omnino habeat potestatem.*

Concilium
Moguntin.

Quod vero ad Ecclesiastica prædia pertinet, ea quæ dotem Ecclesiæ constituunt, debuere esse ab omni onere ac præstatione exempta, ut ostendimus fuisse agendo de dote Ecclesiarum, & de his bonorum ac prædiorum generibus intelligi debet Decretum Paschalis 2. Cap. *Nonum De Decimis. Nonum*, inquit, *genus exactionis est, ut Clerici à Clericis Decimas exigant, cum nusquam hoc in lege Domini legimus. Non enim Leuita à Leuitis Decimas accepisse dicuntur. Illi profecto Clerici qui à Clericis spiritualium ministeriorum labores accipiunt, Decimas eis debent.* Vbi glossa ait sententiam paschalis esse intelligendam de dote Ecclesiæ, pro qua nullas Decimas Clerici Clericis persolunt.

Citat 16. q.
1. c. si quis.

Cap non. 1.
de Decimis.

De bonis vero quæ voto & pietate fidelium Ecclesiis iam fundatis & competenti dote instructis accedunt, Decimas Ecclesiæ debent Clerici. Imo una Ecclesia alteri Ecclesiæ Decimas persoluit, quando intra eius fines atque ambitum, possessionem

Concilium
Melphitanū
sub Urbano
II.

aliquam obtinet, propterea in Concilio melphitano sub Urbano II. cautum est, ac constitutum, ut Coloni episcoporum & Abbatum, Decimas persoluant, ubi Missas audiunt, & eorum infantes baptizantur, *Perlatum est ad sanctam Synodum quod sunt quidam Episcopi & Abbates qui colonos ad se pertinentes non sinant Decimas dare ad Ecclesias, ubi Missas audiunt & infantes eorum baptizantur. Proinde decreuit sacer iste conuentus, ut Episcopi & Abbates de vineis, vel agris ac frugibus quæ ad suum, vel fratrum usum laborant, Decimas sibi pro benedictione, vel hospitum susceptione habeant: familia vero ibi decimas suas, ubi per totum anni circulum Missas audiunt, & infantes eorum baptizantur.*

Hoc instituto moreque Ecclesiæ in tuetur se Gofridus Vindocinensis aduersus Petrum Santonensem episcopum. Nam cum Salinarum omnium, quæ in ora maritima Olonenſi sitæ sunt, Decimæ omnes datæ essent Cœnobio Vindocinensi in dotem, & aliquæ earum Salinarum ad ius & dominium pertinerent Santonensis Ecclesiæ, Decimas ex iis persolvere Cœnobio Vindocinensi Petrus Santonum Episcopus repudiabat, eo argumento fretus quod Ecclesiæ, præsertim maiores, minoribus Decimas non soluerent. Quam rationem vehementer impugnât Gofridus Vindocinensis Epistola quadragesima prima lib. 3. *Insuper etiam Decimas Salinarum vestrarum, quas monasterium nostrum patrimonium scilicet B. Petri, & eius alodium, per sexaginta annos pacifice possedisse, nobis aufertis. Vnde dilectio-*

Gofridus
Vindocin.
sæ Epistol.
41. lib. 1.

nem vestram rogamus, ut quod aliter actum est, corrigaris; ne qui Apostolica præceptione nobis defensor constitutus fuerat, videatur persecutor: & sic lupus fiat, quod Deus abnuat, qui esse debuerat pastor. Nobis dictum est, quia dicitis, quod Ecclesia non debet Decimam dare. Hoc verum est ubi Ecclesia nihil habet in Paræcia alterius Ecclesiæ, ubi vero Ecclesia in alterius Ecclesiæ Paræcia possessionem aliquam habet, vel quidpiam quod Decimari debeat, ibi Ecclesia Ecclesiæ Decimam reddere debet, si illud ista possidere desiderat. Hoc tenet Italia, hoc tenet Gallia. Ibi enim nouimus Ecclesias Ecclesiis Decimas reddere, & maiores minoribus, & minores maioribus, ubi altera earum possessionem obtinet in iure alterius.

Difficile autem est explicatu quomodo Olonenses Salinæ ad dotem & patrimonium Ecclesiæ Santonenfis pertinere potuerint, cum in eius Diocesi non sit Olona, sed ad Diocesium Pietauiensem pertineat. Itaque dicendum non tantum apud Olonam, sed apud Oleronam quoque insulam tum temporis Salinas esse potuisse. At Olerona insula est intra Parochiam Episcopi Santonenfis. Qua propter eas Decimas recipiebant Monachi, ratione Ecclesiæ Parochialis suo Monasterio insitæ, & ut aiunt incorporatæ, intra quam Salinæ istæ consistebant: Nam alioquin non video quomodo eas Decimas repetere potuissent. habuisse autem Ecclesias complures in Oleronensi territorio liquet ex pluribus eiusdem Epistolis, & ex Epistolis Urbani II. ad Gofridum.

Ad Monachorum decimas progrediamur, de

quibus dicendum Monachos antequam è laico-
rum gradu in Clericorum ordinem conscendissent,
iis omnibus Pietatis ac Religionis officiis perfun-
ctos, quibus laici solent sese apud Ecclesiasticos ho-
mines exoluere. Proinde oblationes, decimas, Aga-
pas, hoc est publica in pauperum alimoniam con-
uiuia, apud Monachos æque in vsu erant, atque
apud laicos. 1. e oblationibus, apertus est locus apud
Hieronimum ubi notas & conditiones recenset
quibus à Monacho Clericus fecernitur. (*Clerici pas-*
cunt oues, ego pascor: illi de altario viuunt, mihi quasi in-
fructuosa arbori securis ponitur ad radicem, si munus ad
altare non deferro. Nec possum obtendere paupertatem
cum in Euangelio anum viduam duo quæ sola sibi super-
erant ara mittentem, laudauerit Dominus.

Hieronim.
epist. 1. ad
Heliodorū
tom. 1. de
laude vitæ
solitariae.

Easdem oblationes detulisse Sacerdotibus Mo-
nachos qui solitudinem incolebant, patet ex vita
Nathanaelis apud Palladium cap. 18. eum enim so-
litudinis studiosum & voti sui tenacem, quo pro-
posuerat nunquam cellæ angustias egredi, Dæmon
conatus est hac arte fallere. Finxit se seruum alterius
Monachi ex vrbe venientem ad afferendas oblatio-
nes, sub vesperum incidisse in præcipitia, nec aliter
posse periculo liberari, quàm si Nathanael ad eum
iuuandum cellam deferret, manumque porrige-
ret. Ille, inquit, audiuit vocem pueri & aperto ostio
cellæ stans intus dicebat ei, Quis es & quid tibi vis fa-
ciam: Respondet Dæmon. Ego sum hujus Monachi mi-
nistër, & fero panes quoniam est agape tui noti fratris
& cras illucescente Sabatho opus est oblationibus, & ἀγὰπῃ

Palladius
cap. 18.

ἔστιν τὸ σὺ πωλείμου τὸ ὃ ἔ' ἀδελφοῦ, καὶ αὐτοῖ σαββάτου
 Ἀγαθάμοιτος, ῥεῖα τῶν περσοῶν.

Priscis itaque illis temporibus cum illustri Monachorum propagine desertum floreret, & inter spinas ac rupes, Christi deliciae versarentur: Singulis diebus Dominicis aut in Ecclesiam veniebant monachi, illicque suas oblationes populi more Sacerdoti tradebant, aut certe veniebat ad eos Presbyter, & in ecclesia quadam in medio cellarū posita, sacris mysteriisungebatur, vt videre est in Parochia Nitriensi in media solitudine extructa de qua Palladius capite sexto Historiæ Lausiæ, καὶ ὃ ἐκκλησίαν σαββάτου καὶ κυριακὴν καταλαμβάνουσιν μοι, *Ad Ecclesiam*, inquit, *veniunt tantum die Sabbathi & Dominica.* Itaque per id tempus, si quid offerretur Monachis, illud ab eorum Presbytero, non autem ab aliis fas erat recipi. Qui quidem Presbyter recepta peregrinantium donaria fratribus diuidebat. Insigne est eiusdem rei vestigium apud eundem Palladium capite trigesimo primo, ubi loquitur de Monasterio Abbatis Stephani: συνεβη ὃ ἐλθόντας ἰναὶ ξενεὺς παρήματα εἰσέκειν ἐν τῇ ἐκκλησίᾳ τῇ ἀδελφότητι. λαβὼν οὖν ὁ κύριος Μακάριος, ὁ Πρεσβύτερος ἡμῶν ἀπηγγείλει ἐκάστῳ εἰς τὸ κέλλαι πρὸς δράκην. λαβὼν οὖν ὁ Οὐάλης τὸ ἀπενέχυμα, καὶ ὑβρίσιν, καὶ ἐτύπτησιν, καὶ λέγει αὐτῷ ἀπὸ τῆς χειρὸς, καὶ εἶπε Μακαρίῳ ὅτι εἰμὶ σὺ χίρων ἵνα σύ μοι βίωσις πέμψης.

Palladius
 cap. 6. Hi-
 storis lau-
 siacæ.

Accidit ut quidam venientes hospites afferrent ad fraternitatem bellaria in Ecclesiam: Porro cum ea accepisset sanctus Macarius Presbyter noster, misit ad ynum-

120 D. Decimis, Oblationibus, & Primitiis:
*quemque in Cellam circa manipulum. Inter quos etiam
 ad Valentem. Cum autem accepisset Valēs cum qui attu-
 lerat contumelia affecit & verberavit, & dicit Abi, &
 dic Macario Non sum te deterior, ut tu ad me mis-
 tas benedictiones. Quo loci carpitur infanus tumor, &
 irreligiosa superbia Valēis qui nolebat oblationes
 fidelium sibi per macarium transmitti.*

Itaque primis temporibus cum inter laicos ver-
 farentur monachi, eorum munus & officium visum
 est singulari cultu Sacerdotes prosequi, eorumque
 gradum & fastigium tam oblationum, quam Pri-
 mitiarum pensione venerari.

Antiochus
 Homil. 120.

De Decimis locus est illustris antea à nobis liba-
 tus apud sanctum Antiochum Homilia centesima
 vigesima, quo loci asserit Decimas deberi à Mo-
 nachis, ex duobus. Primo ex iis quæ aliorum bene-
 ficentia Monasteriis donantur: Secundo ex iis quæ
 opere manuum sibi ipsis Monachi comparant,
*ὁ δὲ αἰρέτως ὅ οἱ μοναχοὶ ἀρεῶσαι εἰσὶν ὡς σφύριον τῶν ἡγ-
 ἀντῶν καὶ δικαίων οὐ μόνον τὰς φαινομένης αὐτῶν ταπειν-
 οῦς ὧν καὶ αὐτοὶ ἀπὸ ἄλλων οἰκονομῶνται, καὶ ἐν ᾧ ἔργον τῆς
 χειρὸς, ἀλλὰ πνευματικαί, &c.* Præcipuè autem Mo-
 nachi offerre Deo debent Primitias & Decimas, nec eas
 modo, quæ in conspectu sunt, hoc est iis quæ aliorum mu-
 nere ipsis distribuuntur, aut ex opere manuum resiliunt
 commoda, sed & spirituales hostias.

Duravit hæc Religio pendendarum à Mona-
 chis decimarum, etiam posterioribus sæculis, in eis
 præsertim regionibus, quibus pulsa impietate no-
 men Christianum cœpit vigere, adeoque in legibus

Hungaricis sanctus Ladislaus recretorum libro primo capite vigesimo sexto instituit, vt Abbates de liberis suis dent Decimationem Episcopis. Quid sit autem dare decimationem de liberis non satis patet: nisi forte liberi dicantur, iussa seruitute manumissi, quos sub conditione census aut operæ monasteriis præstandæ omni manumiserant, vel certe dicuntur liberi qui etiam oblati, serui nempe, quos ad ministerium & famulatum Monachorum olim laici offerebant.

Sanctus Ladislaus Decretorum lib. 1. cap. 16

Qua vero ratione desierunt Monachi decimas perdere non est admodum difficile augurari. Nam vel stipulatione, vel priuilegio id factum. Stipulatione: cum adhuc auctoritate Presbyterorum tenerentur Monachi, eisq; vti cogentur ad sacram liturgiam obeundam: tum commodos sibi ac faciles quærebant Sacerdotes qui iuribus ac prærogatiuis sui gradus renunciabant, vt Monasterio demenso fiuerent, & victum vestitumque apud Monachos impetrarent. Insigne eius rei exemplum reperio in monasterio murrensi, sic enim loquuntur Acta eiusdem Monasterii impressa Spirembergii. *Accersierunt, inquit, Monachi quendam Presbyterum nomine Turig, & secum tenuerunt, & illi quæ necessaria erant præbuerunt, sicut autem & post illum multis alijs fecerunt, & illenunquam ausus est Clericos in locum inducere, vel Kandas illorum obseruare, sed nec cum populo magnam sententiam habuit, sine præiatis loci, quare ipse, & Monachi vnum fuerunt, nec inter eos vlla dissensio unquam surrexit, si. que per annos multos mansit.*

Acta Monasterii Murrensis impressa Spirembergii impressa anno 16.5.

Ab onere vero pendendarum decimarum privilegia & impetratæ à S. Pontificibus immunitates monachos subinde exemerunt.

Priilegium
S. Landerci
Episcopi
Parisiensis.
Priilegium
Bertrudi
Ambianen-
sis tom. 1.
Concil. gall.

Quo autem tempore ceperint eiusmodi immunitates inuestigandum. Certe in vetustioribus priilegiis quæ Episcopi in fauorem Abbatiarum ediderunt, puta priilegio sancti Landerci, quod Benedictinis monachis cœnobii Sandionisiani concessum est, priilegio Bertrudi episcopi Ambianensis, quod est monasterio Corbienti indultum, nullam video istius immunitatis à pensione decimarum fieri mentionem. Consulere hisce priilegiis optimi Præsules, quieti otioque monachorum ne Archidiaconorum frequentibus circatis turbaretur meditatio, quæ solitudine & desertis gaudet, quæque ut Angelorum commercio delectatur, ita hominum coetu ac frequentia solet interpellari. Credidere itaque animos cœlo congeneres cœlorum naturam motumque imitari, quos vis nulla ab instituti cursus tramite abducit, adeoque monachos disciplina non egere, qui pulsis sceleribus sibi quodammodo peccandi libertatem rapuerunt: Itaque tam bene iusteque de monachorum rebus sentientes episcopi, illi lustrationis annuæ & censuræ onus abstulerunt. De Decimis nulla mentio.

Greg. 7. re-
litus ab A-
lexandro 3
in Concilio
Lateranensi
parte 13.

Prima itaque decimarum à monachis non soluendarum prerogatiua edita est à Gregorio septimo Pôfice maximo circa annum 1175. cuius statutum hæc de re habetur in Concilio Lateranensi parte 13. relatum nempe ab Alexandro tertio, *Statui-*

mus

mus, ut Monasteria ex suis prædiis nullomodo Decimas solvere cogantur, quia si legitime danda sunt, orphanis, & peregrinis danda sunt. Indignum est enim, ut à Clericis exigantur, qui propter eum cuius sunt Decime, pauperes efficiuntur. Nam pauperes Domini sunt, pauperum hereditas pauperibus eius eroganda est illis videlicet qui propter amorem illius quæ poterant possidere dimittunt, eorumque nudi sequentes, botissati se alterius sumunt.

Adrianus
4. circa an-
num Chri-
sti 1154.

Post Gregorium septimum Adrianus quartus circa annum Christi 1154. nonnullas edidit de Monachorum Decimis constitutiones. Nempe cum ex edicto Gregorii 7. & successorum Pontificum gratia, quæcunque prædia à monachis arabantur, essent ab onere decimarum libera, is priuilegium ac libertatem ad sola noualia restrinxit, ut refert Alexander tertius in Concilio Lateranensi parte 13. c. 3. Idem in Epistola ad Thomam Cantuariensem Archiepiscopum, edixit ut monachis persoluerent Decimas ex integro de agris & prædiis quæ olim culta fuerant: Peruenit ad nos quod Mona-
chi de Bole
Ecclesie sanctæ Mariæ, in cuius Parochia commorantur, Decimas ex integro non persoluant, & eas reddere contra dicunt. Ea propter fraternitati tue iubemus, quatenus predictos monachos moneas, ut ipsas Decimas & de ipsis cultis in quibus domus olim constructa fuerant, præfata Ecclesie cum integritate persoluant, quoniam priusquam in eadem Ecclesia morarentur, soleant persolui.

Alexander
tertius Concil.
Lateranensi
parte 13. c. 3.

Adrianus
4. cap. com-
missum de
Decimis.

Amplificauit maiorum suorum priuilegia in fauorem monachorum Alexander tertius. Is enim non modo noluit prædia monachorum propria

Amplificat
immunita-
tes Monach-
orum A-
lexander 3.

Concil. La-
teranense
part. 13 c. 3.

nulli Decimarum præstationi subjacere : Verum etiam eam libertatem ad conductos agros & elocatos extendit. Ut patet ex eiusdem Epistola ad Episcopum Eboracensem in Concilio Lateranensi parte 13. cap. 3. *De compellendis, inquit, monachis albis & nigris, & Canonicis regularibus, ad soluendas Decimas de terris conductis quas habent ad terminum, vel ad firmam à nobis tua discretio postulauit. Sed te vel quemlibet alium audire & exaudire super hoc nulla ratione possumus, nisi manifeste vellemus obuiare iustitiæ & prædecessorum institutis contraire, ne videamur Religionem persequi, quam si forte non habemus in nobis, in aliis diligere & fouere tenemur. Idem tamen Alexander tertius qui episcopo Eboracensi illud indulgere noluerat, conquerentibus aduersus Eboracenses monachos, Abbate & monachis sanctæ Crucis, constituit ut monachi Eboracenses in posterum Decimas soluerent de agris conductis & elocatis, ita habetur parte 13. Concil. Lateranensis cap. 2. Vniuersim vero omnibus monachis edixit Innocentius tertius in Concilio Lateranensi generali cap. 55. ut ad Decimas præstandas tenerentur, tam ex agris conductis quam ex iis quæ de nouo ab iis acquirerentur. *Decernimus, inquit, ut de aliis terris & à modo acquirendis, etsi eas propriis manibus & sumptibus excoluerint, Decimas persoluant Ecclesiis, quibus ratione prædiorum antea soluebantur, nisi cum ipsis Ecclesiis aliter duxerint componendum. Imo idem Innocentius 3. lib. quarto Epistola 85. compescit insolentem huius priuilegii abusum in quibusdam monachis, qui**

Concil. La-
teranense
part. 13. c. 2.

Innocent. 3.
in Concil.
Lateran. ge-
nerali c. 55.

bus cum abunde vina suppeterent ad annonam, tamen vineas emebant, & vinum ex iis collectum, nullâ decimâ persoluta, distrahebant mercatoribus. Ita enim loquitur monachis Cisterciensibus & Hospitalariis & Quinqueecclesiensis Diœcesis, *Extendentes ad turpia lucra manus vestras multitudinem emittis vinearum, de quibus sibi, id. Episcopo Quinqueecclesiensi, vel Ecclesiis suæ Diœcesis Decimæ solui solent, quarum vinum licet nequaquam in proprios usus expendatis, sed vendendum ad alias faciatis provincias deportari, Decimas tamen sibi vel ipsis Ecclesiis subtrahitis ex iisdem. Quo turpi questu in iustam indignationem adductus Pontifex minitatur Monachis fore, vt proximo Concilio omnia illorum priuilegia abrogentur. Scientes vobis esse merito formidandum, ne propter clamores eiusmodi sacrum Concilium auctore Domino in proximo celebrandum priuilegia vestra coarctanda provideat, vel etiam reuocanda. Cum priuilegium mereatur amittere qui concessa abutitur libertate.*

Quo ordine ceperint ista priuilegia communicari Religiosis Monachorum ordinibus, summorum Pontificum diplomata ac Bullæ restantur. Nimirum primos ea prærogatiua donatos reperio Monachos Basilienſes in Diœcesi Messanenſi, quibus credo S. Pontifex eam gratiam fecit; siue quod onus decimarum, ante hæc tempora in Græcia, ne quidem apud laicos & prophanos foret vsitatum, siue quod isti Monachi ad Sedis Romanæ reuerentiam ceteros crederentur posse suis studiis, atque exemplis reuocare. Priuilegia autem non esse steri-

*Alexander
3. in Bulla
Apostolicæ
Sedis anno
1175.*

lis ac infœcundæ conditionis quis nescit. *Ab hoc*
primo cœtera emerferunt Urbanus tertius anno
 1187. exemptionem à Decimis indulgit hospitali
 fratrum ordinis cruciferorū, in ciuitate Bononiæ in
 Bulla quæ incipit *Cum antecessor tuus*. Celestinus
 tertius eadem prærogatiua donauit Congregatio-
 nem Monachorum montis Virginis, Bulla quæ in-
 cipit *Religiosam vitam* Innocentius tertius anno
 1209. eodem onere liberauit fratres Ordinis Re-
 demptionis captiuorum, Bulla quæ incipit, *Operante*
Patre luminum. Honorius tertius eandem liber-
 tatem censuit esse communicandam fratribus Euan-
 gelii præconibus, Ordinis sancti Dominici, quibus
 etiam permittit possidere bona cuiuscumque ge-
 neris sint, per bullam cui initium est *Religiosam vi-*
tam, anno 1216. Honorius idem Cistercienses in
 eius gratiæ societatem vocauit anno 1224. per bul-
 lam quæ incipit, *Cum Abbates Cisterciensis Ordinis*.
 Innocentius quartus pronunciauit Monachos Cō-
 gregationis Syluestrinæ immunes à Decimis no-
 ualium & nutrimentis suorum animalium Bulla
 quæ incipit *Religiosam vitam* Anno 1247. Clemens
 quartus anno 1265. remisit fratribus inclyti Ordinis
 sancti Francisci pensionem Decimarum ex hor-
 tis & virgultis per bullam quæ incipit *virtute con-*
fictos; Licet vero sint ex Monachis quibus ea pri-
 uilegia competant postquam maxime partem on-
 eris subeunt, & sub præsulum auctoritate militant,
 abusum tamen priuilegiorum eiusmodi antiqui
 Patres perpetuo sunt auersati. Adeoque Richardus

Urbanus 3.
Bulla cum
antecessor
tuus anno
1187.

Celestinus
3. Bulla Re-
ligiosam vi-
tam Inno-
cent. 3. Bulla
operante
Patre lumi-
num anno
1209.

Honorius 1.
Bulla Reli-
giosam vi-
tam anno
1216.

Idem Ho-
norius Bul-
la cum Ab-
bates anno
1224.

Innocent.
4. Bulla Re-
ligiosam vi-
tam anno
1247.

Clemens 4.
Bulla virtu-
te confictos
anno
1265.

Cantuariensis apud Petrum Blefensem atrocissime in Cistercienses inuehitur, qui ea immunitate Decimarum freti, ceterorum Clericorum & Monachorum patrimonium maxima ex parte minuebant. Non ponimus, inquit, in culum os nostrum, nec de facto summi Pontificis disputamus. Sed si Dominus Papa indulgentia speciali quandoque privilegiavit vos, dum Ordo vester in paupertate gauderet, dum in usus egentium sua tenuitatis viscera liberaliter effundebat, potuit tolerari ad tempus, licet in communem redundaret iniuriam, quod causa necessitatis fuerat introductum. Nunc autem quando vestrae possessiones multiplicatae sunt etiam in immensum: privilegia haec potius ambitionis, quam religionis instrumenta censentur. Quicquid indulgeant privilegia Ecclesiae Romanae, vobis expedire non credo, contra conscientiam vestram, quod alienum est usurpare. Quod si à sede illa publicum emanasset edictum, quod ubique inueneritis Clericos, aut alterius habitus Monachos equitantes, vobis liceret eos de suis euectionibus deijcere, & equos in usus proprios retinere? Quid interest, equos rapiatis, an Decimas? Nisi quia Decima res spiritualis est, & ideo anormius sacrilegium in Decimis committitur, quam in equis? Cum Dominus precipiat Decimas solui, quis contra eius praeceptum potuit dispensare? Vbi diuina & humana iussio sibi inuicem contradicunt, & obediendum est Deo magis quam hominibus. Ac tandem ubi seria adhortatione ipsos ad eam immunitatem aut ciurandam, aut temperandam inuitauit concludit hoc pacto. Quod si pertinaces vos, & inflexibiles exhibetis, vinculo anathematis

Richardus
Cantuariensis
apud Petrum
Blefensem episc.
et ad Abbatem &
conuentum
Cisterciensem
lena.

118 De Decimis, Oblationibus & Primitiis.
innodabimus vniuersos, qui aliquid vobis dederint, aut
venderint, unde ius Decimationis obuেনiat, atque in
cælum clamabimus, & ad thronum summi iudicis ap-
pellabimus, ne quis huius vinculum excommunicationis
absoluat. Principum etiam fauorem in hoc plenissime ob-
tinebimus, ut gladio spirituali manus eius assistat, &
quicquid contra principale oraculum, venditum aut do-
natum vobis fuerit, confiscetur.

Quomodo Decimæ ad Monachos peruenerint, seu quæ
intra territorij Monastici fines sitæ sunt, seu quæ ab
extraneis Paræcijs in horrea Monachorum conue-
hantur.

C A P V T XII.

Decimæ quæ à Monachis possidentur, vel sunt
eius Parochiæ intra fines cuius situm est Mo-
nasterium, vel olim situm fuit (nam Monachos an-
tiquis sedibus non semel migrasse in locum com-
modiorem præci Anales satis apertè testantur) vel
Decimæ sunt alterius Paræciæ.

Decimæ Parochiarum, quas Monachi incolunt, qua ratione in ditionem ac patrimonium Monasticum fuerint adscriptæ, facile est intelligere. Loca enim quæ Monasteriorum splendore his temporibus illustrantur, olim incultæ ac ingratae fuere solitudines, solis vepribus ac spinis fecundæ. Asperitatem soli & duritiem Monachorum studia

ac labores molliuerunt. Puduit terram aduersus tam religiosos cultores luctari, & inter tot innocentes vultus, quales olim ante primigenium scelus parentum fuerant, noluit tribulos ac veprestificitia auiti criminis monimenta retinere.

Itaque cum eas terras, Præsules & locorum Domini, Monachis cederent, nil inde sibi Decimarum retinebant. Aliunde si cui eorum locorum decimæ debitæ fuissent, maxime Presbytero, qui Monasterium regebat: At ille vt ostendimus vivebat arbitratu legeque Monachorum & leui stipendio conductus cætera hospitibus suis liberalissime remittebat.

*Quomodo
Decimas
sui territorii
Monachi
possident,*

Hic vero quæret aliquis vnde factum sit, vt Decimæ prophanorum ac laicorum, qui circa Monasteria degunt etiam ad Monachos ex integro pertineant; cui dubio facile responderetur. Nam cum adhuc vigerent seruitutes, certum est Monachos habuisse familiam conflatam ex seruis, mancipiis, colonis & originariis his vero casas & tuguria in cōfinio possessionum suarū Monachi extruebant. Itaque cum totus ille populus ex Monastico famulatu ac seruitio constaret, qui terras, agros & possessiones Monasticas colebat. Hinc fiebat vt ab eodem Presbytero regeretur qui Monasterio præerat, aut ab alio, quem Monachi stipendio conducto, suæ familiæ moderatorem ac Parochum cum institutione Episcopi præficiebant. Itaque non mirum si in homines & Parochias sui territorii maiorem plerumque quam in alias omnes auctoritatem Monachi

obtineant, cum antiquitus omnes isti Parochiani essent eorum serui, quibus Presbyterum nominare & designare, Monachis facile indulgebant Episcopi. Fuisse autem omnes istos incolas maximâ ex parte seruos & colonos Monachorum, tum ratio, tum veterum monumenta suadent. Extat diploma manumissionis publicæ quo totum populum, qui in suburbio sancti Germani de pratis degebat Monachi illius loci seruitutis vinculo soluunt, circa annum Domini 1250. quod diploma è tabulario eius Monasterii eruit Renatus Chopinus, & exscripsit libro secundo de moribus Parisiorum tit. 8.

Renatus
Chopinus
lib. 2. de mo-
ribus Pari-
siorum tit. 8.

Frater Thomas Beati Germani de pratis Parisiensis minister humilis, & totius eiusdem loci conventus &c. Hominibus de Burgo nostro sancti Germani de Pratis producentis libris Parisien. de quibus est nobis satisfactum, manum mortuam, foris mariagium, & omnimodam seruitutem, quam habebamus, vel habere poteramus in dictis hominibus, vel eorum heredibus, quantum ad personas seu corpora ipsorum, ubicunque decenter se transferre voluerint, totaliter & in perpetuum remittimus & quitamus; & eosdem manumittimus, ac perpetuæ libertati plene describimus & donamus, &c.

De cæteris vero Parochiis, quæ extra ambitum Monastici territorii sitæ sunt, Decimæ ad Monachos duplici ratione peruenire potuerunt, aut titulo paupertatis, aut nomine tutelæ ac patrocinijs Ecclesiarum.

Titulo paupertatis eas obtinent Decimas Monachi, quas illis olim Episcopi vtendas fruendas cesserunt,

cesserunt in annonam fratrum Deo seruientium. Solebat enim Episcoporum pietas Monachorum rebus consulere, & prospicere, ne qui hominum ceruicibus calamitates iugi oratione & austero victu depellunt, illi extrema inopia & calamitate premerentur. Idcirco cum ex antiquissimo Ecclesiæ ritu tertia pars decimarum in pauperum solatia cederet, illam partem boni Præsules commodis ac fortunis Monachorum adscripserunt. Atque hoc titulo non alio possideri Decimas à Monachis perpetuo creditum est. Ita refertur ex Hieronymo ad Damasum Papam 16. quæst. 1. can. *quoniam. Quoniam quidquid habent Clerici pauperum est, & domus illorum, omnibus debent esse communes, susceptioni peregrinorum & hospitum inuigilare debent: maxime curandum est illis, ut de Decimis & oblationibus, Cœnobijs & Xenodochijs, qualem voluerint & potuerint sustentationem impendant, liberum enim est Monachis & spiritualibus viris Deum timentibus & colentibus Decimas & oblationes, cunctaq; remedia concedere & de iure suo in Dominiũ illorum & usum transfrre, nec tam in pauperibus paupertatem, quam Religionem attendere Eandem rationem tradendarum Monachis decimarum exprimit Yuo Carnotensis epist. 192. *Licet enim decima & oblationes principaliter Clericali debeantur militiæ: potest tamen Ecclesia omne quod habet cum omnibus pauperibus habere commune. Quanto magis cum his pauperibus, qui relictis facultatibus propriis, non in angaria bajulantes, Christi crucem, sequuntur pauperem Christum.**

Hieron. ad
Damasum
refertur 16.
q. 1. can.
quoniam

Yuo Carno-
tensis epist.
192.

Tutela ac patrociniũ nomine obtinuerunt De-

R

cimas Monachi, postquam eorum virtute ac doctrina factum, ut è cellarum latebris ipsos in publicam ecclesiæ lucem præfules educerent; & pascendis regendisque populis moderatores idoneos crearent. Nam ab eo tempore Parochiis sibi commendatis Curionem ac Rectorem è suo contubernio nominabant, quem Presbyterorum insignibus conspicuum & auctoritate docendæ ducendæque plebis instructum in Parochiam mittebat Episcopus: Is vero parte tertia Decimarum, sibi ad victum & vestitum reservata, quidquid superesset Monasterio tradebat ad alimoniam fratrum illic degentium. Unde liquet Parochias, in ius & commodum Monachorum ante annum circiter millesimum, ex sola benignitate Episcoporum transiisse, quia altaria Monasteriis adscribebant. Multa in eam rem argumenta conferrem, nisi in tabulariis Monasteriorum infinita extarent eius rei vestigia, & nisi libro sequenti, iterum occasio reditura esset huius antiquitatis illustrandæ; Cæterum obiter notandum ex iisdem Monasteriorum tabulis studium curamque perpetuo adhibuisse Monachos, ut Parochiarum ac Decimarum factæ sibi ab Episcopis donationes, summorum Pontificum nutu ac diplomate niterentur, inde suis iuribus firmitatem & stabilitatem aucupantes.

Synodus
Claramontana
sub
Vrbano 2.
anno 1094.
apud Bini
cap. 7.

Postea deserunt monachi populorum gubernaculis admoueri, quod factum est in Concilio Claramontano sub Vrbano 2. Ea enim Synodo cum cernerent Clerici luculentiorum sui fundi ac patri-

monii partem in monachorum manum ac possessionem commigrasse; & vix villas esse Parochias, quarum decimam monachi non caperent, de suis bonis ac facultatibus recipiendis ac vindicandis ceperunt cogitare. Itaque graues aduersum monachos querelas ediderunt, verum cum Urbanus consultiſſimus Pontifex cerneret rem istam in apertam seditionem ac tumultum erumpere, nec posse nisi violatâ Ecclesiarum pace, res Ecclesiarum à possessoribus monachis abstrahi, motus istos ac turbelas sic componendas censuit. Nempe vt quidquid tot retro sæculis monachi sibi comparassent, id in eorum dominio ac potestate remaneret: cæterum ne Parochiarum regendarum consilio ac prætextu, monasteria earundem rebus ac fortunis deinceps augerentur, interdixit ne in posterum monachi ad gubernandas plebes accederent, & si quid bonorum de nouo ipsis traderetur, id fieret volente & consentiente Episcopo, cuius nisi auctoritas ac suffragium accessisset, omnis donatio nulla foret & irrita. Constitutio Urbani de bonis ante Concilium Claromontanum partis quiete possidendis extat apud Gratianum 16. q. 7. can. *Congregatio*, expressa ex collectione decretalium Bernardi Papiensis, tit. de Capellis Monachorum. Canon. vero eiusdem Synodi quæ Claromontana siue Aruerna dicitur extat in antiquo exemplari in Bibliotheca clariss. Putcanorum, vnde eruit & publicauit Iuretus, *In Ecclesijs ubi monachi habitant, populus per Monachum non regatur, sed Capellanus qui populum regat ab Episcopo*.

Urbanus 2.
apud Grat.
16. q. 7. can.
Congregatio, coll. 6.
Bernardi
Papiensis
tit. de capel-
lis Mona-
chorum.
Synodus A-
ruerna ex
Thuanii ma-
nuscripto.

copo constitutatur, itaut ex solius Episcopi arbitrio tam eius ordinatio quam & dispositio, & totius vite sue conuersatio pendeat. Cæterum in Galliis cepit primum hæc vigere constitutio de Monachis à Parochiarum moderatione remouendis. Liquet ex Epistola sexagesima nona Yuonis Carnotensis Episcopi, in qua refert Episcopum Lemouicensem vetuisse, ne Monachi in posterum aut Parochias regerent, aut populorum confessionem exciperent. Qua constitutione Galterius Monasterii præfectus cum vehementer indignaretur sic ad eum Yuo rescripsit.

Quantum, inquit, intellexi ex litteris ex parte vestra mihi nuper oblatis, grauiter fert vestra fraternitas, quod Lemouicensis Episcopus in Synodo agens, interdixit omnibus regularibus Clericis & regimen Parochiarum & confessionem pœnitentium, qui rectius quidem fecisset, si omnes Sacerdotes ad regularem vitam inuitalset &c. Hæc tamen prohibitio licet aliquo forsan liore Canonici ordinis facta esse videatur, quanto salubrior, tanto fraternitati vestre debet esse acceptior. Vos enim eò per viam Dei expeditius inceditis, si alienorum criminum deprimentes fasciculos, cum quotidianis vestrorum excessuum l. p. sibus non portetis.

Notandū insuper quod ante tēpora Urbani Papæ circiter annis 90. hoc est anno prope millesimo, regnante Roberto Rege, consilium inierant Episcopi de Decimis è Monachorum manu receptandis, eaque caussa Synodum habuerant, apud sancti Dyonisii Monasterium. Verum subita Monachorum tumultuatio fecit, vt populares eius loci Monachis

Yuo Carnotensis epist. 69. ad Galterium stirpenis Ecclesie præfectum,

tanquam Dominis suis ac senioribus addicti, in sa-
crum Episcoporum cœtum ruerent & cogere sit de
fuga arripienda potius quam de recipiendis Deci-
mis cogitare. Rem ita exprimit Aymoinus Floria-
censis. De stylo & animo scriptoris iudicium sit pe-
nes lectorem. In illis, inquit, diebus in Monasterio S.
Dionisij haud procul à Parisiis, Cœcilium aggregatum est
quam plurimorum Episcoporum. Qui cum de fidei puritate,
de corrigendis tam suis quam subditorum pravis mori-
bus, sermocinari debuissent, iuxta vulgare Proverbum,
cunctum suum sermonem, ad Decimas verterunt Eccle-
siarum. Quas, laicis, ac Deo seruientibus Monachis au-
ferre moliti, resistente eis in hac re, hoc V. cultore Abbe-
ne, promiscuam in se vulgi concitauere manum. Orta-
que subito seditione, tantus in Episcopos timor irruit,
ut publica statione relicta, passim quisque diffugeret, in-
ter quos Seguinus Senonum Archiepiscopus Primatum
Galliæ in ea Synodo sibi usurpans, Primatum quoque
fuge arripuit. Et inter fugiendum, securi inter scapulas
ictus, lutoque à popularibus oblitus, agrè euasit. Vni
quoque Episcoporum timor fugienti tam veloces addidit
alas, ut affluentissimo prandij apparatu, quem sibi ex-
truxerat, relicto, vicina urbis Parisiorum mania, fugi-
tabundus expeteret.

Aymoinus
Floriacensis
lib. de vita
sancti Ab-
bons Floria-
censis Mar-
tyris capite
nono Bi-
bliothecæ
Floriacensis
pag. 32.

Hæc historia ac progressus Decimarum Mona-
sticarum ante tempora Concilii Lateranensis. Sub-
inde vero hoc est paulo ante Lateranense Conci-
lium & consequentibus sæculis, cum laici maxima
ex parte in Sacerdotum Decimas inuolassent ac in-
solenti dominatu Ecclesiam & Clericos vexarent

consilium iniere Episcopi ac Pontifices, qua ratione fieri posset, ut suaderent laicis Decimas temere & præter ius usurpatis relinquere. Nullum autem remedium commodius visum quam si potestatem facerent iisdem, Decimas cui vellent Ecclesiæ contradere, seu Monasteriis, seu Parochiis. Itaque cum fundatorum nomen ambirent plurimi & inseri amarent tabulis cartisque Monasteriorum, ereptas Parochialibus Ecclesiis Decimas Monachorum commodis dedicabant. Ex hoc tempore maxima parte Decimationum aucti sunt Monachorum redditus, & facultates mirum in modum amplificatæ. Unde patet Decimas Monachis nunc temporis non competere nisi, vel paupertatis, vel tolerantie titulo. Titulo paupertatis, quatenus iis olim ab Episcopis concessæ sunt cum extrema inopia fratres premeret in solitudine de vna æternitate sollicitos. Tolerantie titulo possident quidquid laicorum manibus recipere, à tempore Concilii Lateranensis. Certum est enim titulum istius possessionis sola patientia ac tolerantia præsulum legitimum euasisse. Si enim laici possidere Decimas iure non potuerunt qui fieri potest, ut iustam earum possessionem in monachos transmiserint? de titulo patrocinii & administrationis nil superest quo Decimas sibi vindicare. possint monachi: non enim amplius Ecclesias administrant, neque per confratres regunt, sed solum ius præsentandi retinent. At ius simplicis præsentationis nemini potest sufficere ad vindicandas Decimas, nam & laici eo iure potiuntur, neque

tamen pars vlla Decimarum ad eos spectat. Ex solo vero titulo Monachatus nemini Decimas congruere posse, docet Innocētius Papa 16. q. 1. can. si Monachus vbi Monacho Decimarum legendarum facultatem concedi posse decernit, si modo fuerit ad Clerum promotus. Cætera de Decimis nepe quibus ex rebus solui oporteat ex fœno, apibus, hortis, metallis piscibus facilia sunt & obuia; idcirco ab his discutendis abstinere pleni sunt earum rerum forenses libri, nos antiquiora & reconditiora tantum sectamur.

De oblationibus. Diuisio oblationum. Oblatio Primitiarum ex Græcorum praxi. Ubi nam vna benedicitur. Orationes super fructus nouos. καλόκαρ benedictio. Lac & mel quo festo offerri licet. Oblationes Armenorum ex carnibus coctis. Concilij Antisiodor. canon de compensis & hominibus lineis exponitur &c.

C A P V T XIII.

Oblationum ritus & conditio commode exponetur, si dicamus quatum rerum fierent oblationes, à quibus receptarentur, & quinam ad oblationes faciendas idonei essent, quosue censura Ecclesiastica ab eodem honore reijceret.

Oblationes non ex quibuscumque rebus fieri sinebat olim Ecclesia: quædam enim Maiestatem altaris & Ecclesiæ sanctitatem dedecent, quædam etiam polluant. Vnde duo genera oblationum damnari

animaduerto, prophanas nempe & superstitiosas.

Canones

Apost. can. 3.

De prophanis Canon est inter Apostolicos adscriptus, quo cauetur ne quid offeratur ad altare præter incensum & oleum ad luminaria. Μὴ ζῆλον ἔστω πρὸς ἀνάθεσθαι ἢ ἐπὶ ἄλλοις τοῖς θυσιαστήριον, ἢ ἑλπίον εἰς ἢ λυχίας καὶ θυμιάματα πρὸς χεῖρας τῆς ἀγίας πρὸς φέρειν. *Ne cui liceat adferre, ad altare quidquam aliud præter incensum vel oleum ad luminaria tempore sacrae oblationis.* Excipiuntur tamen hoc Canone oblationes, τῶν ἱερῶν χερῶν & σαβυλῆς. i. nouarum frugum & vuz recentis. Vnde manauit apud Græcos ritus benedicendi fruges nouas & vnam recentem. Benedictio vuz fit à sanctissimo Patriarcha in festo Dormitionis Mariæ; in altari sacrae ædis Blachernarū, vt testatur Balsamon ad Canonem tertium Canonum Apostolicorum. Ritus vero benedictionis tā fructuum quam vuz recentis, habetur in Euchologio Græcorum cap. trigesimo nono, cui titulus εὐχὴ ἐπὶ τῇ προσφύεσθαι ἀπὸ ῥαζῶν πύρας. Preces autem quæ super fructus novos funduntur à Sacerdote sunt eiusmodi. Δέσσωτε κύριε ὁ θεὸς ἡμῶν, ὁ πᾶσι σὲ ἐκ τῶν σῶν προσφέρειν σοὶ καὶ τῇ τῷ ὁδοῦσαν ἐκάστῳ καλῶς, καὶ τῇ αἰώνιων σὺ ἀγαθῶν πύταις αἰταμένῃ ἡν χερσὶν ἡμῶν, ὁ τῇ χεῖρας τῇ καὶ διδάμναι προσφέρειν διαρέτως διζήμενος, ὁδοῦσαι, καὶ τὰ ἡμῶν προσκομίσαιτε τῷ τῷ δουλῷ σὺ, ὁδοῦσαι, καὶ τοῖς αἰώνιους σὺ θυσιασθῆναι εἰς ἀποθῆκας τῶν καλῶν ζώων διδόνοντες αὐτοῖς καὶ τῇ ἐλπίδι σου ἀγαθῶν ἀφθονον τῇ ἀπολαύσει σου πᾶσι τοῖς ἀγαθέουσιν αὐτοῖς. *Domine Deus noster qui tua ex tuis tibi offerre vnumquemque pro sua facultate insisti, & dignatus tibi oblata*

Balsamon
ad cano-
nem 3. A-
postol.

Eucholo-
gium Græ-
corū cap. 39.

oblata compensare immortalium donorum largitione qui
vidua oblationem letus suscepisti, quam secundum po-
testatem offerebat suscipe quæ tibi offert servus tuus N.
Et ea æternis tuis thesauris inferre digneris dans illi Et
omnibus ad eum pertinentibus abundantiam omnium
mundanorum bonorum Et c.

Vt autem Primitias ante messem, sic exacta
messe & collectis frugibus confusos seminum om-
nium fasciculos ad altare Sacerdotibus suis Græci
deferunt, quas seminum partes κόλυβας appellant,
super quas etiam preces funduntur, quas habemus
in Euchologio capite quadragesimo primo.

Ευχὴ τῆς κολύβας. μ.α.

Ο πρῶτα τελεσφορήσας τὰ λόγων σου κύριε, καὶ κελύ-
σας τῇ γῇ πρῶτα τοὺς ἐκφύγειν καρποὺς, εἰς ἀπό-
λαυσιν καὶ τροφὴν ἡμετέραν· ὁ τοῖς σπέρμασι τοῖς βίβας παῖδας
καὶ Δαυὶδ τῷ ἐν βαβυλωνί ἄβροβραχίαν λαμπροτέρις
ἀγαθές, αὐτὸς πρῶτα βασιλεῦ, καὶ τὰ σπέρματα τῶν
τα σὺ πῶς ἀφ' ὧν καρποὺς εὐλόγησον, καὶ τοῖς ὅς ἀο-
τῆς μεταλαμβάνοντας ἀγίασον· Ὅτι εἰς δόξαν σὴν καὶ εἰς
ἡμεῶν τὴν ἀγίαν, ὅς τῶν παρρησιῶν τῶν σὺν δου-
λων. καὶ εἰς μετάνοιαν τὴν εὐσεβείᾳ τῇ πᾶσι τελειωμένων.
πᾶσιν ὅς ἀγαθὴ τοῖς εὐφραίνονται τῶν, καὶ τὴν μετάνοιαν
ἐπιτελούντι, πρῶτα τὰ πρὸς σωτηρίαν αἰτήματα, καὶ τῆς
αἰωνίου σου ἀγαθῶν τὴν ἀπολαύσιν ἀρεσθείας τὴν πρᾶξάν τε
δικαιοσύνης ἡμεῶν ποιοῦν καὶ αἰετῶν μῆρας τῶν ἀγίων τῶδε,
οὐ καὶ τὴν μετάνοιαν ἐπιτελούντων, καὶ πρῶτον σου τὴν ἀγίαν.

S

Precatio super Leguminibus & fructibus Miscellis.

C A P. XLI.

Ex Græcorū
Euchologio
cap. 47.

Domine qui omnia verbo tuo perfecisti, & terræ imperasti, diuersos fructus ad usum & nutrimentum nostrum producere, qui nudis seminibus tres pueros & Danielem, iis qui in Babilone delicate educabantur, splendidiores ostendisti: Tu inquam Rex optimè, maximè, & semina ista cum fructibus diuersis benedic, & eos qui ea participant, sanctifica. Quoniam ad gloriam tuam, & in honorem (sancti huius vel illius) & in commemorationem eorum qui in pia fide fuerunt consummati hæc à seruis tuis oblata sunt. Iis verò qui ista adorant & illorum memoriam celebrant, omnia ad salutem adiumenta, & æternorum tuorum bonorum fruitionem concede, propter intercessionem sanctissimæ Domina nostræ Dei genitricis, & semper Virginis Maria (sancti huius vel illius) cuius etiam memoriam celebramus, & omnium tuorum sanctorum, &c.

Suid. in voce
κάλυα.

Esse autem κάλυας particulas & specimina frugum ac leguminum testantur voces istæ ἀπέρματα & ὄντα σπυρίδης ἀγροφύτης καρπῶς, Nam alioquin credi posset κάλυας esse panes coctos. Ita enim interpretatur Suidas vocem κάλυα σίτος ἐψητός frumentum coctum.

Cum ergo antiqui ecclesiæ canones vetarent præter spicas & uuas, nil quidquam aliud sacris al-

taribus imponi: omnes alias Primitias in Episcoporum, aut Presbyterorum domum fideles importabant. Ita Canonum Apostolicorum can. 4.

De lacte & melle non offerendo ad sacrum altare, Synodus sexta in Trullo. Canones 57: *ἡν οὐ γὰρ ἐστὶν ἡ συνήθεια μὲλιν καὶ γάλα προσφέρειν.* Fuit tamen inter Græcos certus anni dies, in quo sacra mysteria pro infantibus celebrabantur, eoque die offerre licebat ad altare mel & lac, cui Sacerdotes benedictionem impendebant. Mellis autem & lactis oblatio fit infantium nomine, quia in sacris litteris de Christo infante legitur, *Butyrum & mel comede* ut fiat reprobare malum & eligere bonum. Morem autem offerendi mel & lac pro infantibus statuto & consueto die, repeto & illustro, ex Concilij Carthaginensis sub Honorio & Theodosio Canone quadragesimo, *ἀπ' ἄρχῃ ὃ εἴτε μέλι, εἴτε γάλα ὡς εἰώθη προσφέρειν ἐν μιᾷ ἡμέρᾳ ἐκ μὲν εἰς τὸ ἵππικον μυστήριον.* Primitia autem & mellis, & lactis, ut mos est offerantur uno die consueto ad infantium mysterium.

Canones
apost. can. 4.

Synodus 16,
in Trullo
can. 57.

Carthagi-
nensi Con-
cilium apud
Babarone
canone. 40.

Oblationes superstitiosæ Patrum & Canonum auctoritate acerrime vindicantur, tum quæ aliquid antiqui ritus ac Iudaici moris retinent, tum quæ magicum aliquid sapiunt. Iudaicam autem facem olent animantium strages, quibus imbuuntur pavimenta templorum, animarum sordes non eluuntur. Hinc sexta Synodus quæ in Trullo habita est, Armenorum consuetudinem graviter perstringit. Solebāt enim Armeni dissectarum pecudum membra in templum inferre, & coram sacris altaribus

cæta unum unicuique Sacerdotum distribuere, quem morem tollendum de medio iubet sacra Synodus quini sexta Canone 99.

Καὶ τὸ τοῦ ἐν τῇ Ἀρμενίᾳ γένεσθαι μεμαρκησμένον, ὡς ὕστερον εἶδον ἐν τοῖς ἱεροῖς συστασιθετοῖς μέλη κρεῶν ἐξόντες πρὸς σάργεσσιν ἀφαρέμα παρὰ τοῖς ἱερεῦσιν, Ἰσραὴλικῶς διπνέοντες, ὅτι τὸ τῆς ἐκκλησίας φυλάττοντες ἀκηλίδων ὁρίζομεν, μὴ ὁξύνειν τὴν τῶν ἱερῶν ἀφωρισμένα κρεῶν μέλη παρὰ τὸ πρὸς σάργεσσιν λαμβάνειν. Ὅλ' οἷς ὁρῶμεν ὁ πρὸς σάργων, ὑποτίς ὁρῶμεν εἶναι, ἐξω τῆς ἐκκλησίας, ἢ βλαπτοῦς γινώσκοντες προσεργαζομένης. Εἰ δέ τις μὴ τὸ τοῦ οὕτω ποιῆ, ἀφωριζέσθω. Porro hoc quoque in Armeniorum regione fieri didicimus, quod quidam intus in sacris altaribus carnum membra coquentes frustra offerunt Sacerdotibus Iudaicè distribuentes. Quo circa Ecclesiam immaculatam seruantes, statuimus nulli licere Sacerdoti separata carnum membra ab offerentibus accipere, sed iis sint contenti quæ offerenti visa fuerint, eiusmodi oblatione facta extra Ecclesiam: si quis autem non hoc fecerit, segregetur.

Balsmum
ad canonem
3. canonum
Apost.

Magistarum autem oblationum extant vestigia quedam, siue apud Græcos, siue apud Latinos. Apud Balsamonem legimus quemdam Monasterii præfectum delusum fallaci & impia cuiusdam suasionis solitum admouere sacris altaribus caseum & carnes, existimans inde morbos pelli & affectis corporibus reddi sanitatem. Εἰπόντος ἐκ τούτου τὸ ῥόπου πολλὰν ἀρρώστησάντων θεραπεύειν γίνεσθαι. Ad Canonem tertium Canonum Apostolicorum. Hac impiarum oblationum credulitate laborasse veteres Gallos tum capitularia Regum, tum Canones Con-

ciliorum abunde suadent. Canon Concilii Antisiodorensis diserte prohibet omne supersticiosarum oblationum genus. *Non licet compensos in domibus proprijs nec peruigilias in festiuitatibus Sanctorum facere, nec inter sentes, aut ad arbores sacriuos, vel ad fontes vota exoluere, sed quicumque votum habet in Ecclesia vigilet, & matricule ipsum votum, aut pauperibus reddat, nec sculptilia aut pedes, aut homines lineos fieri penitus præsumat.*

Concilium
Antisiodo-
tense can. 3.

Plura in hoc Canone obscura. Primum quid sit compensum in domibus facere. 2. Quid exolvere vota ad arbores sacriuos. 3. Quid sculptilia aut pedes lineos facere quæ omnia pro captus tenuitate, sic explico. Compensos facere nil est aliud quam serotinos cœtus habere, quibus mulieres certum lanæ aut staminis pensum, in votum sancti alicuius nendo texendoue conficiunt, quod pensum subinde sacris altaribus offertur, & hunc morem in nonnullis Galliæ partibus adhuc durare norunt complures: Hoc autem fit in peruigiliis Sanctorum, & in peruigilio natalis Christi. Vnde Concilium post compensos statim prohibet peruigilias Sanctorum facere. Nisi fortasse velit aliquis compensos in domibus facere, nil aliud esse quam stare domi in otio certis diebus, præsertim maio mense quo superstitione feriari solebant veteres Galli, ut ex eo sermone liquet, qui falsò refertur inter tractatus Augustini tractatu vigesimo, crediturque esse Eligii Nouiomensis.

Ad arbores sacriuos, aut fontes vota exoluere

Cæsar. lib. 1.
& Ramus
tractatu de
moribus ve-
terum Gal-
lorum.

propago est, & furculus antiquæ Gallorum Religionis. Solebant enim proceras quercus & sublimi fastigio in cælum euectas, quasi venerandas diuinæ Maiestatis imagines colere & sacris honoribus prosequi. Itaque recepta Christi fide, nondum tamen impiorum rituum prorsus immemores Galli, veram Religionem superstitionis hisce ceremoniis inquinabant. Solebant enim tres candelas ad fontes, aut ad arbores succendere, & hoc pacto se Numinis gratiam ac fauorem emereri arbitrabantur, vt ex eadem homilia Eligii Nouiomenfis

Eligius No-
uomenfis
apud Au-
gust. tom. 9.
tractatu 20.

cruimus. Nullus ad fana, vel ad petras, vel ad arbores, aut ad ocellos, vel per trina luminaria votum faciat, vel votum reddere præsumat.

Tandem sculprilia, pedes, aut homines lineos facere significant magicos ac vanos ritus veterum Gallorum, qui in biuiis ac compitis, hominum membra, pedesue ex lino plicatili conflatos collocabant, & putabant hoc pacto morbos & ægrotudines quibus angebantur felicissime per sanari. Id vero liquet ex eodem Nouiomenfi. Nulli, inquit, *creature præter Deum & sanctos eius venerationem exhibeatis, fontes, vel arbores quos sacriuos vocant succinite, plantas siue ungulas pedum, quas per biuia ponunt, fieri veritate, & ubi inueneritis igni cremate, per nullam aliam artem vos saluari credatis, nisi per inuocationem & crucem Christi.*

De sacris oblationibus. Vetus consuetudo offerendi per singulas Dominicas. Perfectio Christiana communionis in oblatione. Ritus offerendi, apud Græcos: ara duplex ἁγία & ἁγία Παύλου. Sacrificium ἐκ τοῦ ἀποστασίου. Mos Græcis decerpenti particulam à pane. Latini Græcis oppositi. Nomina offerentium recitata. Oblationes extraordinariae &c.

CAPVT XIV.

HÆc de prophanis & interdictis ab Ecclesia oblationibus: sacras & licitas adoriamur. Illas vero iure dicimus in ordinarias & extraordinarias diuidi. Quippe primis temporibus suppeditabat Christianos vacuis manibus in templum ingredi, & cum magna ac æterna à Deo postularent, nil eorum adferre quæ caduca sunt & fortunæ ac temporis arbitrio permutantur. Ideo sacram synaxim & corpus dominicum, salutare pabulum mentis, adepiscentibus, necesse fuit ante oblationem panis & vini Sacerdotibus facere & vilibus, vt ita loquar, elementis Christi carnem scenerari. Hinc Cyprianus auaritiâ diuitum quorundam perstringit, qui illiberali parsimoniâ nil panis & vini sacris altaribus inferentes, de oblatione pauperum communicabant. *Locuples, inquit, & diues Dominicum celebrare te credis, qui Corbonam omnino non respicis, qui in Dominicum sine sacrificio venis, qui partem de sacrificio quod pauper obrulit sumis &c.*

De sacris & licitis oblationibus.

Cyprianus Epistol. 10. de opere & elemosyna

August. ser-
mone 215.

Ex qua obirogatione & animaduersione Cypriani, desumpta videtur adhortatio quæ extat apud Augustinum sermone 215. *Ante omnia, inquit, sicut iam supra dictum est, secundum vires vestras elemosynam pauperibus exhibete, oblationes quæ in altario consecrantur offerte, erubescere debet homo idoneus si de aliena oblatione communicauerit. Qui possunt aut cereolos, aut oleum quod in Cincidelibus mittatur exhibeant.*

Quamobrem cum summa esset oblationis cum participatione corporis Christi connexio, in signum exolutæ pœnitentiæ & deterfi, atque oblitterati longo fletu sceleris, solebant pœnitentes ad oblationem admitti, & ista erat summa ac perfectissima restitutio ad gradum & ordinem Christianitatis.

Concilium
Ancyranū
can. 5.Quid est ad
perfectum
addit.Concilium
Ancyranum
can. 24.

Ita Canon Ancyranus quintus decernit ut qui ad idola sacrificauerunt, & tamen de sacrificio non sunt pransi, in *substratione*; siue ἐν υποστάσει mancant duobus annis, tertio cōmunicent, sed sine oblatione, καὶ ἐκ τῆς ὑποστάσεως, & quarto anno ad perfectum veniant, siue πρὸς τελείον λαβώσιν, hoc est *perfectum accipiant*, Vbi perfectum accipere nil est aliud, quā ad oblationem admitti. Ita etiam Canone 24. decernitur, ut vates & qui ope Magiæ morbos curant, per tres annos substernantur, duos soli orationi *sine oblatione* communicent.

Stata ergo fuit & ordinaria oblatio panis & vini ante sacram synaxim quam à populo receptam sacris altaribus inferebat ac imponebat Sacerdos apud Græcos, iis ritibus ac cæremoniis, quas describit Nicolaus Cabasilas in expositione Liturgiæ

cap. 24. Οδὲ ἱερὸς βοή τ' ἵκον δόξολογίας, ἔρχε) ἐπὶ τὰ
 δῶρα, καὶ ἀειδέμενος ἐπὶ τ' κεφαλῇς μάλα κοσμίως ἔζει. Nicolau.
Cabasilas
expositione
liturgicæ
cap. 24.
 Καὶ οὕτως αὐτὰ κομίζων ἐπὶ τὸ θυσιαστήριον εἰσάγει, περιέ-
 γων ἐπίπλους ἐν τῇ ἱερᾷ χορῇ καὶ βιάδῳ καὶ αἰδοῖ ἀδουσι, καὶ
 προσώτοις αὐτῷ, σὺν αἰδοῖ πᾶσι, καὶ ὀρχήσεται, δει-
 λμοὶ μὴ μὴς πρὸ αὐτῷ τυχεῖν ἐν τῇ τῇ δάκρυον προσπα-
 γασθῇ καὶ αὐτὸς χορεῖ πνιπόμενος ὑπὸ θαυμάσι καὶ θυμιά-
 μασι. Sacerdos autem, postquam cum clamore Deum
 glorificauit, venit ad dona & cum ea in caput valde ho-
 neste & reuerenter sustulit egreditur: & sic ea ferens,
 ducit ad altare, de industria circumducens in templo pro-
 pter populum, quietè & pedetentim. Ipsi autem ca-
 nunt, & genus cum omni reuerentia & Religione infle-
 ctunt, rogantes ut eorum sis memor in donorum obla-
 tione. Ipse autem procedit comitatus lampadibus & suf-
 fitibus, & ita se habens, altare ingreditur.

E quo textu liquet panem sacræ Communioni
 dedicatum, non statim adduci à populo ad maius
 altare, siue ad sanctam mensam ἀγίας ὑπαγίας, ut
 vocant; sed antea deponi in minori quādam ara
 quam προθήκη, siue Propositionem appellant, ἐ qua
 Sacerdotum manibus cum pompā & reuerentia
 deportatur ad sacrum altare. Quod vero populus
 cum sacra dona referuntur, pronus & incuruus sup-
 plicat, id ortum narumque existimat Cabasilas ex
 more deportandorum ad altare eorum quæ præ-
 sanctificata siue προσηγιασμένα dicuntur. Sunt autem
 προσηγιασμένα, ut norunt docti omnes, hostiæ præ-
 consecratae, quæ ad altare deferuntur in missis qua-
 dragesimalibus. Nam toto eo tempore præterquam

Ritus offe-
rendi apud
Græcos.

Quid sacri-
ficium
ὅκ τ' προ-
σηγιασμένοι.

Domincis Sabbatho, & die Annunciationis, Græci faciunt quod Latini die Passionis, id est non consecrant, sed ex ante consecratis celebrant: quia ergo ante præconsecrata populus incuruatur: ideo similitudine deceptus eandem reuerentiam exhibet sacris panibus, vel certe eum cultum impendit, sacris muneribus, quia eo tempore precantur Græci, ut oblatio & sibi sit utilis, & deo accepta.

Licet vero ex his constet communi pane Græcos uti in sacris obeundis: attamen lóge alium semper fuisse usum ecclesiæ Latinæ norunt omnes. Hic obiter animaduerto Græcos à Latinis in duobus differre, primo quia imparato pane utuntur: at apud Latinos paratur & singulari studio concinnatur in eum usum. Apud Græcos particulam è toto pane præscindunt Sacerdotes, & hanc in rem lanceam habent accommodatam, de qua vide sanctum germanum Patriarcham in Historia & mystica contemplatione rerum Ecclesiasticarum. At Latini partem è pane non tollunt, sed integrum & infractum libant, qua de re præclarus extat Canon in Synodo Toletana 16. *Licet multe sanctorum Patrum, in fide sancta nobis præcedentium, de rebus necessariis sententiæ promanauerint: Tamen quia & nunc usque numerosè, ultra quam oportet, fieri prænosuntur, ideo necessarium duximus illicitis ausibus ponere hominum. Ad conuentus etenim nostri agnitionem delatum est, eo quod in quibusdam Hispaniarum partibus quidam Sacerdotum; partim nescientia impliciti; partim temerario ausu pronocati, non panes mundos & studio*

Germanus
Patriarcha
in Historia
rerum Eccle-
siasticarum
Bibliothecæ
Patrū to. 2.

Synodus
Toletana
16. can. 6.

præparatos supra mensam Domini in sacrificio offerant: sed passim quomodolibet unumquemque aut necessitas impulerit, aut voluntas coegerit, de panibus suis visibus præparatis, crustulam in rotunditatem offerant, eamque super altare cum vino & aqua, pro sacro libamine offerant, &c.

Vnde: temeritatis huius, aut nescientiæ cupientes terminum ponere, id unanimi consensu nostræ delegit conventus, ut non aliter panis in altari Domini, Sacerdotali benedictione sanctificandus proponatur, nisi integer & nitidus, qui ex studio fuerit præparatus; neque grande aliquid, sed modica tantum oblata, secundum quod Ecclesiastica consuetudo retinet: cuius reliquiæ aut ad conservandum modico loculo, absque aliqua iniuria facilius conserventur; aut si ad consumendum fuerit necessarium non ventrem illius, qui sumpserit gravius farciminis onere premat: nec quod in digestionem vadat, sed animam alimonia spiritali reficiat: Ita nempe, ut ab his, qui ea sumpserint, præcorum Canonum instituta serventur. Igitur quicumque hoc Decretum nostrum temerandum crediderit, animadversioni divini iudicii subiacebit, & anni unius spatio à communione alienus manebit.

Quod ad ceremonias eiusmodi oblationum pertinet, animaduerto siue in ordinariis oblationibus quæ singulis dominicis fiebant, siue in extraordinariis, quas certa causa & privatz pietatis consilio instituebant conscripta atque edita ab offerentibus eorum nomina, quorum salutem ac quietem per oblationem consultum vellent, ac eadem nomina coram sacris altaribus à Sacerdote recitata. Quamobrem

Nomina offerentium recitati solita.

Innocent. I.
epist. 29. ad
decentium.

Innocentius roganti & percunctanti Decentio, quis ordo seruandus in commendatione oblationum & nominum proclamatione, respondet prius esse commendandas oblationes; deinde ad nomina referenda progrediendum. *De nominibus, inquit, recitandis, antequam precem Sacerdos faciat, atque eorum oblationes quorum nomina recitanda sunt sua oratione commendet, quam superfluum sit & ipse pro tua prudentia recognosces, ut cuius hostiam nec dum Deo offeras eius ante nomen insinues, quamuis illi incognitum sit nihil, prius ergo oblationes sunt commendanda, ac deinde eorum nomina quorum sunt oblationes edicenda.*

Synodus E-
meritensis
Canone 19.
Eia. 704.

Ordo autem quidam seruabatur in recitandis eorum qui obtulerant nominibus, primum enim uiui ac superstites nominabantur qui Ecclesiae aliquid contulerant, deinde vero post preces fusas fiebat commemoratio defunctorum. Id elicitur ex Canone decimo nono Synodi Emeritensis cuius verba sunt. *Salubri deliberatione censemus, ut pro singulis quibusque Ecclesiis, in quibus Presbyter iussus fuerit per sui Episcopi ordinationem praesse, pro singulis diebus Dominicis sacrificium Deo procuret offerre, & eorum nomina à quibus eas Ecclesias constat esse constructas, vel qui aliquid his sanctis Ecclesiis videntur, aut visi sunt contulisse, si uiuentes in corpore sunt, ante altare recitentur, tempore Missae, quod si ab hac decesserunt luce, nomina eorum cum defunctis fidelibus recitentur suo in ordine.*

Ex quo Canone apparet alium locum & ordinem uiuorum nominibus assignatum alium vero

vita functorum, ac extra Missarum solemnia memoriam defunctorum institutam, seu consecratione peracta.

Et tamen omnes fere patres consent nominandos esse defunctos, inter ipsa solemnia Missarum. Ita de matre sua loquitur Aug. lib. 9. Confess. cap. 13. *Memoriam sui ad altare fieri desideravit, cui nullius diei præter missione servierat.* Ita Cyprianus Epistola 27. significat vita functos, solitos nominari apud altare in Sacerdotum prece. Ita Dionysius Ecclesiasticæ Hierarchiæ cap. 3. ait, *antequam Sacerdos ad manus ablundas progrediatur, mysticam Sanctorum fieri recitationem.* Existimaucrim itaque Concilium Emeritense, de peculiari quadam commendatione mortuorum loqui, quâ Sacerdos, peracto sacro, & iam populo abituriente, recitabat nomina defunctorum & eorum memoriam populo commendabat: quæ commendatio fiebat extra Missarum solemnia: alioquin solebant defuncti divinæ Clementia in ipsomet sacrificii apparatu commendari.

Quas vero oblationes singulis Dominicis adorabant Christiani; eas quoque aliis subinde diebus solebant usurpare, seu cum defunctorum memoriam recolerent: siue cum die natali, aut suo, aut amicorum, Deo supplicarent.

Vtriusque oblationis tam pro natalitiis, quam pro defunctis meminit Tertullianus, libro de Corona militis. *Oblationes, inquit, pro defunctis, pro natalitijs annua die facimus.* Nisi forte per natalitia in-

August. lib.
9. confess.
cap. 13.

Cyprianus
epist. 27.
Dionysius
Hierarchiæ
Ecclesiasticæ
cap. 3.

Tertull. de
Corona mi-
litis,

telligit memoriam martyrum, pro defunctis vero maxime vxoribus offerebant. Harum nomina exscripta dabant Sacerdoti, aut pronuntiabant, Sacerdos vxorum nomina inter faciendum referebat.

Tertull. lib.
de exhorta-
tione casti-
tatis,

Vnde Tertullianus idem, libro de exhortatione castitatis Bigamos non posse significat, sine rubore ac verecundia memoriam vxorum facere: cum enim plures vxores Sacerdoti commemorant, quid aliud præstant nisi incontinentiam & libidinem coram sacris altaribus in præsentia Virginum profitentur. *Oblationes annuas reddis. Stabis ergo ad Deum, cum tot vxores, quot illas orationi commemoras. Et offeres pro duabus, & commemorabis illas duas. Et per Sacerdotem de Monogamia ob pristinum de Virginitate sancitum, circumdatum Virginis uniuersis, & ascendit sacrificium tuum libera fronte, & inter cætera voluntas bonæ mentis.*

Cæterum non omittendum præter panis & vini oblationes, peracta communione, solitos quoque Christianos veteres stipes Sacerdotibus offerre, & in alimoniam Clericorum liberales sportulas impettiri, ita docuimus libro primo cap. vltimo ex Tertulliano, Iustino, Cypriano, Origene, & aliis, quem locum consulat beneuolus Lector.

Concilium
Emeritense
cap. 24.

Durauit Religiosa ista consuetudo pecuniariæ oblationis in stipendia Clericorum, etiam posterioribus sæculis. Concilium emeritense stipes & pecunias tempore sacræ communionis solitas à fidelibus erogari significat. *In sancta Dei Ecclesia diebus festis pro consuetudine & mercede, communicationis tempore à*

fidelibus pecuniam nouimus poni : pro hoc placuit sancto Concilio hanc reſtitutionis ponere regulam, ut quia omni clero communis labor manet in officio ſancto, omnibus iuxta meritum ex hoc rependatur uiciſſitudo. Statuimus in noſtris Eccleſiis vel ciuitatibus hoc eſſe ſeruandum, ut quidquid pecuniæ à fidelibus in Eccleſia fuerit oblatum, fideliter collectum maneat & conſeruatum, & fideliter Epifcopo præſentetur; qualiter exinde tres partes fiant æquales, vnā Epifcopus habeat, & alteram Presbyteri & Diacones inibi ſeruientes conſequantur & inter ſe ut dignitas & ordo popoſcerit diuidant; tertia uero ſubdiaconibus & Clericis tribuatur : ut à Primiclero, iuxta quod in officio eos præſcit eſſe intentos, ita ſingulis diſpenſetur. Similis forma & de Parochiatis Presbyteris in Eccleſiis illis à Deo creditis erit ſeruanda.

Cæterum animaduerte Primicleri officium, cuius, quia præterquam hoc Canone nulla alibi mentio reperitur, idcirco loco Primicleri quidam Primicerium reponendum putant: alii Primiclerum Archidiaconum interpretatur. Neutra earum ſententia placet. Qui enim attentius ſtem inſpexerit inueniet totum Clerum Emeritenſem & alium quemlibet in Cathedralibus Hiſpaniarum Eccleſiis, in tres ordines fuiſſe diuiſum, quorum primus erat Presbyterorum. Secundus Diaconorum. Tertius Clericorum in quorum claſſe etiam Hippodiaconi verſabantur. Ac Presbyteris quidem vnus præerat quem Archipresbyterum nominabant, Diaconos is qui regebat, dicebatur Archidiaconus, tandem qui Clericorum familiæ moderator emine-

bat primicleri nomen sortiebatur. Ita doceo ex eiusdem Concilii Emeritensis Canone decimo, cuius verba sunt. *Communi deliberatione sancimus, ut omnes nos Episcopi intra nostram Prouinciam constituti, in Cathedralibus nostris Ecclesiis singuli nostrum Archipresbyterum, Archidiaconum & Primiclerum habere debeamus.*

Ergo Primiclerus fuit summus & maximus Clericorum, cuius arbitrio, oblationes Clericis pro ratione virtutis & officii distribuebantur.

Hic locus esset varias oblationes ad texendi, quarum largissimi fuere in Sacerdotes & Clericos maiores nostri, quoties ab iis sacrum aliquod officium exposcerent. Verum hanc tractationem rejiciendam putauimus in librum sequentem, quo expenditur à nobis, quid olim Sacramentorum nomine seu Clerici, seu Sacerdotes à laicis consequerentur.

Quinam oblationes facere possint.

C A P V T XV.

NVnc breui dicamus quinam ad oblationes faciendas solerent admitti, quiue à sacris altaribus remoueri. Imprimis certum est Patres, impuras ac prophanas perpetuo censuisse eorum oblationes, qui Ecclesiæ iura violassent, eiusque libertates ausu temerario infregissent: Ita Cyprianus Epistola 27. vetat, ne pro dormitione victoris oblatio recipiatur,

recipiatur, qui Faustinum Presbyterum tutorem testamento scripserat: cum nefas esset Clericos, quacunque negotiorum specie, sacris altaribus abduci. Pariter confilio. D. Augustinus Epistola 187. ait se prohibuisse quominus Bonifacii insignis ac spectabilis viri oblatio à Clericis suscipiatur, quod is Bonifacius hominem quemdam qui ad Ecclesiæ fores tanquam in asylum confugerat vi abstulisset:

Oblatio, inquit, Augustinus domus tuæ à Clericis ne suscipiatur indixi communionemque tibi interdico, donec peracta pro ausibus vel errore à me definita tibi met penitentia & tempore condonato pro hoc facto, corde contrito & humiliato dignum offeras Deo sacrificium. Non est ergo nonum Ecclesiæ suæ iura & libertates Anthematis denunciatione tueri, & iustis censuris factum ac superbiam prophanorum vindicare. Pietatis hoc genus est non iracundiæ, neque tam sibi hac in parte consulit, quam hominum saluti qui in Ecclesia violata Deum laceſſunt omni Regum supercilio maiorem.

August epistol. 187. ad Bonifaciū.

Secundo Ecclesia semper reiecit oblationes eorum, qui vſuris ac fœnoribus ditescunt & exhausto pauperum & miserorum sanguine implentur. Ita in Concilio Carthaginensi quarto cap. 93. repudianda decernunt patres eorum dona qui pauperes opprimunt. Sic piè simul ac eleganter Isidorus Pelusiota Ecclesiam è calamitatibus & spoliis pauperum non esse compingendam monet ne coram Deo sit potius conuictio sceleris, quam monimentum Religionis.

Isidorus Pelusiota ad Eusepium. epist. 17. l. 1.

Κτίσεις, ὡς φάσιν, ἐκκλησίαι ἐν πληθυσίαι λαμψαῖν ἀπὸ
 τοῖς μηρομήμασι ποιητοῖς ὃ τοῖς ἀπιδεύμασι, χειροῖν ὡν
 τμήμασι, καὶ ἀδικίαις, καὶ ὕφεσι, καὶ πτωχῶν ἐκ πίστευσε, καὶ
 πτωχῶν διαπονήμασι, ὡς δὲ ὅτι ἔστιν ἔτερον, ἢ οἰκοδό-
 μῳ Σιών ἐν αἵμασι, καὶ Ἱερουσαλὴμ ἐν ἀδικίαις· ὃ χεῖρ
 ὃ θεὸς ὅς ἀναβίων θυσίας, ἀλλὰ ζωῆς ὡς θυσιῶν κύρι-
 ας μυστήριον). πάντες γίνω καὶ κλίζων, καὶ ἀδικῶν, ἵνα μὴ εἰς
 ἐλεγχῶ σοι ὑπὸ θεοῦ ὁ οἶκος ἐκεῖνος ἀρεθῇ.

Condis quidem, et aiant, Ecclesiam in Pelusio, ma-
 chinis quidem ac molitionibus luculentam, sed improbi
 studis & sacrarum electionum pretiis & iniuriis, at-
 que contumeliis & tenuiorum oppressionibus, & pau-
 perum sumptibus. Id quod nihil aliud est quam edificare
 Sion in sanguinibus & Hierusalem in iniustitiis. Deus
 porro sacrificio ex alienis bonis conftrato, nihil opus habet.
 Verum illud, perinde atque eum, qui canem mactat, exc-
 cratur. Quæ cum ita sint, & edificare & iniuriam alijs
 inferre desine: ne alioqui domus illa te apud eum prodat
 & convincat: ut quæ sublimis quidem & excelsa stet,
 verum ob ea mala ex quibus extructa est.

Alexander
 3. in Conci-
 lio Latera-
 nensi c. 15.

Concil
 Trosleianū
 cap. 7.

Alexand. 4.
 in Bulla quæ
 incipit Felis
 cis recorda-
 tionis. Pon-
 tificatus an-
 n. 93.

Sic fœneratorum impiosque stus Ecclesia rejicit
 damnatque Alexander tertius in Concilio Latera-
 nensi cap. 15. Usurariorum, inquit, manifestorum obla-
 tionem ne quisquam accipiat qui autem acceperit reddere
 compellatur, & donec ad arbitrium sui Episcopi satis-
 faciat ab officii sui maneat executione suspensus. Con-
 cilium Trosleianum cap. 7. hanc Ecclesiæ fuisse an-
 tiquam consuetudinem notat, ut qui quovis mo-
 do pauperes vexant, ab oblatione arceantur. Ale-
 xander quartus in Bulla quæ incipit Felis recordatio

nie, permittit religiosis viris, Fratribus Carmelitis & Minoritis recipere restitutiones eorum quæ latrocinio & fraude quæſita ſunt; modo tamen legitimi domini, & ij quibus ex iure fieri debet restitutio, inueniri non poſſint.

Quid enim iuuat Sacerdotibus ac Religioſis pauperum malis ingemiſcere, ſi ipſi pauperes faciunt, ſi ſpolia viduarum receptant, ſi orphanorum ſanguinem ſugunt, ſi miſerorum exuias captantes cenſu redituque ſcelerum viuunt & facilitate indulgendi, latrones publicos; aut priuatos faciunt ad prædandum audaciores.

Olim milites credebant purgari ſe contractis in bello ſcelerbis, & tot prædationum ac latrociniorum ſordes elui, cum prædæ partem Vulcano adolebant, & in ſortem ſpoliorum rapaciſſimum vocabant elementum. Nunc homines Deum obliuiſci furtorum & lachrymis pauperum gaudere arbitrantur, ſi languentium & fame pereuntium viſcera aris admoueant, ſi in ſocietatem ſcædiſſimi lucri Eccleſiæ miniſtros adſciſcant, ſi Chriſti fundum rapinis augeant, qui vt diuites eſſemus extremæ ſeſe deuouit inopiæ. Non amat ſeruator his artibus ſplendescere, exhorreſcit altaria, quæ auro infami ac fur-tiuo nitent. Tempſa iſta quæ pauperum ſanguis & viſcera extruxerunt, longe ipſi ſua cruce atrociora ſunt: famem ſuam non vult dæmonis auxilio ſedari qui poſtquam lapides ab ipſo oblatos in deſerto reſpuit, docuit nullum eſſe poſſe rerum ſacrarum tantum ſquallorem ac miſeriam, quam fas eſſet iniquis rationibus eluctari.

Cum itaque Carolus Magnus inconsulta hac pietate, quâ prole neglecta, parentes Ecclesiarum fundum locupletant videret Ecclesiam non tam opibus augeri quam communibus odiis ac publica inuidia fatiscere: decreuit eas oblationes in posterum fore irritas, statuitque res Sacerdotibus traditas ad legitimos hæredes reuocari, ita Capitularium lib. 1. cap. 8. *Statutum est ut nullus quilibet Ecclesiasticus ab his personis res deinceps accipere præsumat, quarum liberi aut propinqui hac inconsulta oblatione, possint rerum propriarum exheredari, quod si aliquis deinceps hoc facere tentauerit à Synodali, vel Imperiali sententia mortis omnibus feriat. Eodem respexere sanctissimi Imperatores Capitularium lib. 2. capitulo trigesimo primo, ubi decernunt succurrendum orphanis exhereditatis, quos nempe parentes delusi suauibus quorundam aucupii & ingeniosis adulationibus ab aditione hæreditatis summouerunt. Imo ne Ecclesia pauperum se calamitate ac miseria inquinaret capitulo trigesimo secundo eiusdē libri, decernitur ne liceat Episcopis aut Abbatibus res pauperum emere aut quouis pacto eorum sibi patrimonium arrogare. Propter provisiones pauperum pro quibus curam habere debemus, placuit nobis, ut nec Episcopi, nec Abbates, nec Comites, nec Vicarii, nec Iudices nullusque omnino sub mala occasione, vel malo ingenio res pauperum, vel minus potentum, nec emere, nec tollere audeat.*

Capit. lib. 1.
cap. 8.

Capit. lib. 2.
cap. 31.

Apud Longobardos ei qui filiam domi habet in capillo, non licet pietatis titulo, aut specie Religio-

nis cuiuslibet donare plusquam duas partes suarum facultatum. Ita edictum à Rege Luitprando legum Longobardicarum libro secundo titulo vigesimo lege prima. *De eo præcipimus qui fili. m. in casa habueri in capillo & filium non reliquerit legitimum; ut de rebus suis amplius per nullum titulum cuiusque per donationem aut pro anima sua facere possit nisi partes duas, tertiam vero relinquat filie sue sicut gloriosissimus Rotharis Rex instituit.* Quid sit autem habere filiam in capillo domi siue in casa ex antiquis Longobardorum moribus exponendum: apud quos nondum nuptæ & elocatæ filiæ domi manebant, sparso & fluente capillo, vel in signū libertatis, cuius partem aliquam amittunt, dum cōnubij sæderibus subduntur, vel certe, ut hoc pacto cogrentur se domi continere & à progressu in publicum, cui ea demum magis laudabilis est forma, quæ minus nota est, abstinere.

Inter ea demum quibus manus suas temperat Ecclesia, possunt computari res fisci ac curiæ, unde Curiales, olim sine Principis edicto nutuque nefas erat in sacrum ordinem prouehi. Quamobrè Christianissimi Imperatores incommodam & grauem Reip. consuetudinem è medio sustulerunt quæ nonnulli, ut se militariibus obsequiis præstarent, liberos, & molliorem vitam longè à strepitu armorum & bellorum iactatione ducerent, in solitudinem ac Monasterium commebant, aut sese Ecclesiæ in seruitium dabant; quandoquidem serui Ecclesiæ essent omni onere fiscali immunes: *De liberis*

hominibus qui ad seruitium Dei se tradere volunt, ut prius hoc non faciant quam à nobis licentiam postulent. Hoc ideo quia audiui-
mus aliquos ex illis non tam causa deuotionis hoc fecisse, quam pro exercitu seu alia iunctione regali fugienda: quosdam vero cupiditatis causa ab his qui res illorum concupiscunt circumuentos audiui-
mus, & hoc ideo prohibemus.

Capit. lib. I.
cap. 110.

Ex quo loco illustratur antiquus quidam ritus, quem nos agendo de ecclesiæ seruis prætermisimus: Nempe solitos quosdam ex affectu Religionis libertatem exuere, & sese in seruitium ac familiam ecclesiæ transcribere. Quod autem aliqui pio consilio fecerant, hoc alii fraude factitarunt: nempe ut cognitionem iudicum ordinariorum & auctoritatem Principum deuitarent, seruos se faciebant Ecclesiarum. Animaduertendum autem seruos sua sponte factos iis tantum operis ac præstationibus fuisse obnoxios, quibus inter seruitutis auspicia sese dedicassent. Vnde ad tenuem plerumque censum se & prolem deuoueant, ut hoc pacto defensione & immunitatibus Ecclesiarum fruerentur. Insigne exemplum est apud Aubertum Miræum donationum Belgicarum cap. 18. Vbi Gisla quædā Gandauensis se ipsam tradit cum vniuersa sobole in seruitium Ecclesiæ sanctæ Gertrudis Niuellensis. Verba traditionis sunt eiusmodi. *Tradidi autem me sub hac lege indissolubili, ut eam ipsa quam tota progenies mea & posteritas, 16. Kal. Aprilis, singulis annis pro capitali censu, ad capitale Virginis altare unum de-*

*narium persolueremus ; pro mortua manu tantumdem.
Nullum aduocatum, præter Louaniensem Comitem, nul-
lum censuarium, præter custodem altaris habentes, liberi
deinceps à cætera executione.*

Hæc de oblationibus licitis aut illicitis. Vnum su-
perest dicendum quinam oblationes recipere pos-
sunt. Soli Sacerdotes hoc possunt tanquam publici
dispensatores ac œconomi, quorum arbitrio quæ-
cumque ad altare referuntur debent pauperibus
erogari. Propterea laici omnes, & qui sacris hono-
ribus non fulgent, à prærogatiua sumendarum obla-
tionum tot canonibus arcentur. Qui quia à nobis
supra libati sunt, non debent repeti. Vniuersum vero
Calistus secundus in Concilio Romano cap. 14.
*Sanctorum Patrum Canonibus consona sentientes, obla-
tiones de sacratissimo & reuerendissimo altari Beati
Petri, & Saluatoris & sanctæ Mariæ rotundæ, aus de
aliis Ecclesiarum altaribus, siue crucibus à laicis auferri
penitus interdiximus, & sub disinctione Anathematis
prohibemus.*



LIBER SECVNDVS

DE IVRIBVS ET CENSIBVS

EPISCOPORVM.

HAtenus de communi Ecclesiz fundo, & publicis sacre familiz opibus est disceptatum. Nunc quas sibi quisque, in eo patrimonio sortes vindicare possit, & quæ sint priuata cuiuslibet Clericorum iura, breui expendamus. Atque, vt in apice Ecclesiarum sedent Prælati, vt in eorū fronte maiestas Ecclesiz legitur, non secus ac in sole Dei præpotentis magnitudo: ita sordes & squallorem ab ea dignitate longe amouendum veteres censuerunt. Quis vnquam mortaliū ea coluit sydera, quæ aut perpetua teguntur nube, aut tam heberēs ac exiles radios fundunt; vt vix aciem oculorum subeant? Humanos hoc est diuinarum rerum parum capaces animos, nisi quæ illustria sunt ac magnifica non mouent.

Latebat in tenebris Deus, nisi lucem in ipso mundi exordio creasset. Ignibus ac tonitruis potestatis suæ magnitudinem rudes Iudzorum animos docuit, & qui sub paupertatis inuolucro la-

Abbatibus, siue etiam Diaconibus, Episcopo debitus honor imendatur: ut à nullo contumeliam pati videatur, & quandocumque contigerit eum iuxta Canonica sententiam visita e suam Parochiam, & digne eum suscipiant & prout habuerint, aut ratio permiserit, illi præparent quæ fuerint necessaria. Ita Concilium Sueffonense sub Pipino.

Conci.
Sueff. sub
Pipino ca.
4.

Atque ut Presbyteris reuerentiam in visitatores Episcopos, ita Præsulibus modestiam ac continentiam prisce semper Canones suaserunt; ne Presbyteri comitatu ingenti Episcoporum vexati, non tam diuiniore gratiæ ac sanctioris doctrinæ ditatorem aduenisse sibi exultarent, quam raptores ac prædones in peculium suum inuolasse quererentur. Hinc Pelagius circa annum quingentesimum septuagesimum, moderate viuendū Episcopis Diœceses visitantibus admonet. *Vetât enim prædæ enormia fieri, sed secundū mediocritatem vniuscuiusque loci Episcopo ad consignationem venienti preparari conuiuium.* Concilium Cabilonense sub Carolo Magno Canon. 14. compescendas decernit iniquas Præsulum exactiones, atque oportere Episcopos *in lucris animarum potius quam in depredandis & spoliandis hominibus, & scandalizandis fratribus operam dare.*

Cabilo-
nen. 1. Ca-
non. 14.

Meritò itaque stupuerunt subsequencia sæcula & auaritiâ & incontinentiâ Ioannis Rauennatensis Archiepiscopi, qui Diœceses sibi subiectas sæpius lustrando, sordida tributorum exactione, & Clericos ad inopiam cogebar, & suam

Citatur
10. q. 3. Ca-
non. 10. il-
lud magni-
tudinem.

166. *De Furibus & Censibus Episcoporum:*
altarium consecratione, pro sacerdotum inaugu-
ratione. De quibus singulis breuiter differendum.

*De procurationibus & Circatibus Quibusnam competit
lustrare de Prouinciam & procuraciones excipere
Episcopi procurantur Metropolitana, Ex, archi-
Periodoea, Archidiaconi.*

CAPVT PRIMVM.

Lustrari & recenseri Dioceses ab episcopis,
antiquissima consuetudo & pene ecclesie
coetanea. Quid enim aliud Pauli, Petri & alio-
rum ex Apostolico coetu peregrinationes & fre-
quentes in prouincias excursus ad confirmandos
fideles, ad rescanda hereseon initia, nisi imago
quædam & effigies solemnæ illius circuitionis,
quæ episcopi suas Dioceses obeunt, *Lustrans uni-
uersa in circuitu pergit, & in circulos suos reuer-
titur.* Soles itaque sunt episcopi, quos non vni tan-
tum ciuitati, sed toti Prouinciæ Deus præfecit: ho-
rum luce & aspectu, vt ad solis redeuntis ami-
cum teporem, flores pullulant, germinant plan-
tæ, & pulsa pectoribus vitia ac errores virtuti lo-
cum faciunt & honestati. Adeoque tam fatale est
ecclesie, episcopum vno tantum loco consistere
quam lugendum ac deplorandum foret orbi v-
niuerso, solem non moueri. Verum antequam ad
honores & census in lustratione Prouinciarum

episcopis exolutos progrediamur. Animaduertendum primò duplicem lustrationem ab Episcopi^s institutam : vnā quidem in prouincia propri^a statam & ordinariam : aliam in prouincia aliena & vicina Nam si fortè aliquis è vicinia Episcopus decessisset, tūm ad eius Dioecesim regendam & componendam, ad iusta & funebre obsequium vita functo Episcopo persoluendum, aliquis è propinquo aduentabat, cui Visitatoris nomen veteres imposuerunt

Secundò, animaduertendum non solūm proprios Episcopos, sed etiam Metropolitanos solitos fuisse lustrare Diœceses sibi obnoxias. Nam Canone 52. Codicis Canonum Ecclesiæ Africanæ, Honoratus & Urbanus hortantur Aureliū Carthaginensem, vt velit prouinciam Mauritaniam visitare pro consuetomōre: At Aurelius annuit se id facturum, nisi Barbarorum insidiæ prohibeant. Et certè administrationem Diœcesean sibi subiectarum habent Metropolitanī, administrationis autem pars est visitatio. Vnde cūm Yuo Carnotensis nonnullis de rebus D. Aimberti Senonensis Metropolitæ sui iudicium subiturus esset, eundem hortatur vt Diœcesim Carnotensem lustraret, & inter lustrandum iudicium de negotio ambiguo & litigioso instituatur, Epistola 182. Procuraciones autem & census Metropolitæ exhibitos testantur variæ Pontificum decisiones.

Lucius tertius Monasteria omnia Bononiæ iussit procuraciones exoluere, Rauennati Metro-

abiecta. Ea causâ Yuo Carnotensis apud Palsalem summum pontificem obsistebat, quominus Tornacensis ecclesia ab episcopatu Nomouiensi auelleretur, ne in paupertatem dignitas episcopalis incideret. *Præterea (inquit) cum dignitas Episcopalis paupertatem his diebus honeste ferre non valeat* Yuo Carnotensis Episcopus
tola 172. *providendum est ne ista diuisione uterque Episcopus fiat pauper.*

Merito itaque certam ac constitutam annuam episcopis, Diœceses lustrantibus à Parochiis & Monasteriis præstandam veteres censuerunt, à qua initium facimus singulares episcoporum redditus censusque enumerandi. Nam ut diuisionem præmittamus Reditus omnes censusque episcoporum proprii, ad eum pertinent vel ratione dignitatis ac ordinis, quia nempe summo in omnes gradus ac ecclesias suæ Diœcesis imperio dominatur, vel ratione officii ac functionis alicuius sacræ, quâ exercet. Functio autem & ministerium: vel ad publicum totius Diœcesis regimen spectat vel ad consecrationem siue *ιεροτελεσία* privatæ cuiusdam rei, hoc est seu loci, seu personæ. Qui redditus pertinent ad episcopum ratione dignitatis sunt Cathedriticum & tertia seu quarta oblationum: qui ad eundem spectant ratione officii alicujus publici, sunt procurationes Circaticum, Synodaticum. Tandem obuentiones, quas episcopus sibi vendicat intuitu privati alicujus muneris ac officij, sunt ea, quæ dantur pro

videtur. Videlicet ut quatuor Presbyteri ad locum ubi quintus degit, & Episcopus residet, plebes suas de quatuor partibus adducere studeant; & unusquisque eorum decem panes, & dimidium modium vini, & frischingam de quatuor denariis, & pullos duos, & oua decem, & modium unum de annona ad caballos, in subsidium benedictionis gratia presentet Episcopo. Et similiter quintus, in cuius domo Episcopus residet, faciat. Nec amplius ab eo exigatur, nisi forte ligna & utensilia in opus ministerij commodet. Quapropter Episcopus provideat, ne domus aut sepes illius à Ministris vastentur. Apertius & distinctius Conc. Ticinense sub Ludouico II. capite 15. Episcopi huiusmodi dispensa contenti sint. Panes centum, frischingas quatuor, vini sextaria quinquaginta, pullos septem, oua quinquaginta, agnum unum, annonam ad caballos modios sex, feni corbes tres, mel, oleum, ceram, quod sufficit. Deinceps itaque plurimæ leges circa visitationem Parochiarum institutæ, quas ordine recensemus.

Constitutum est Toletano Concilio primo, vel ut alii volunt quarto, aut certe si Burchardo & Yuoni creditur, Concilio Triburiensi, ne Episcopi mansiones sibi debitas cogant plebanos redimere: hoc est, ne cum abstinent à visitanda Diocesi, cessantque ab annua & solita lustratione, iubeant tamen Parochos impensas & sumptus, quos facerent in receptando Episcopo, in eiusdem ærarium inferre. Eandem constitutionem innouauit Concil. Valentinum sub Carolo Caluo, cap. 22. vetat enim ne Episcopi, si prouinciam

Concilium
Valentin.
sub Carolo
Caluo Can.
22.

regerent, non fecisse omnes sumptus ac impen-
sas procurationum, sed partem ex ærario Mona-
sterii desumpsisse.

Vnius autem procurationis singulis diebus su-
mendæ legem confirmavit Bonifacius 8. cap. *Fel-*
licis Recordationis. De *Censibus*, in sexto. *Non licet*,
inquit, *visitanti nisi unam procurationem recipere unâ*
die, siue locum unum visitauerit, siue plura, etiamsi lo-
cus quilibet ab illo visitatus sufficeret ad procurationem
integram persoluendam.

Bonifacius
8. cap. *Fel-*
licis recor-
dationis, 6.

Tertiò, cautum est antiquitus, ne liceret permu-
tare pecunia procurationes, hoc est, loco vi-
ctus & cibariorum, nummariam pensionem su-
mere. Ita Innocent tertius cap. *Romana eccles.*
De *Censibus* in sexto. Bonifacius cap. *Felices Recor-*
dationis ibidem, Concilium Prouinciale apud Lā-
ges, Concilium apud Castrum Guntherii anno
251 apud Bocherellum lib. 5. tit. 15. Attamen Con-
cilium Tridentinum sess. 24. cap. 3. Decreti de re-
formatione, morem & instituta Prouinciarum se-
qui oportere decernit, ac vbi pecunia exolui so-
lent procurationes, ibi quoque in nummis esse
recipiendas. De toto hoc negotio procurationum
consultat lector beneuolus Clementinam ad no-
strum de *Censibus* & exactionibus lib. 3. tit. 13.
ca. 2. & extrauagantem Benedicti 12. quæ incipit
vas electionis, vbi taxantur procurationes pabula
charitatis, & subsidium charitativum. Nunc dica-
mus breui quænam Ecclesiæ procurationes de-
beant.

Innocent.
4. cap. *Romana de*
Censibus
8. in 6.

Concilium
apud Ca-
strum Gun-
therii apud
Bocherel-
lum lib. 5.
tit. 15.

Concil. Tri-
dent. sess.
24. cap. 3
Decreti de
Reforma-
tione,

suprema, Monasteria quædam illustravit. Apud eundem quippe Gregorium lib. 7. ep. 113. alias Greg. mag. lib. 7. ep. 113. alio 115. 115. legimus Vigilium summum Pontificem privilegio ornasse Monasterium quoddam intra pomerium vrbis Arelatensis à Childeberto Francorum Rege constructum : Eadem epistola reuerentiam prædicat, quam fideles exhibent privilegiis Pontificum. Idem Greg. ep. 12. lib. 6. privilegium tradit Monasterio sancti Cassiani, sub Respecta Abbatissa Massilia constructum. Præterea epistola 18. lib. 7. datur privilegium Monasterio sanctorum Ioannis & Stephani in ciuitate Classitana.

Greg. ep. 12. lib. 6. & ep. 8. lib. 7.

Verùm animaduertendum privilegia eiusmodi summorum Pontificum, nunquam coercuisse potestatem spiritalem, quam obtinet Episcopi in Monasteria, sed tantum authoritatem quandam, seu dominium temporale, in res & bona eorundem. Quippe primis illis temporibus res omnes ecclesiarum in ditione ac potestate Episcopi versabantur, adeoque fas erat ipsis prædia, opes & census ecclesiarum ac Monasteriorum pro arbitrio moderari, & quæ illic erant oblata aut relinquere, aut asportare. Quamobrem Monasteriorum fundatores, ut rebus ac commodis Monachorum consulerent, facerentque, ne liceret ab eorum dominio quæcumque donata aut oblata essent, auellere, solebant aut à summis Pontificibus, aut ab ipsismet locorum Episcopis privilegium emereri, quo bona & res Monacho-

rum subducebantur ditioni & administrationi tam Episcoporum, quàm Archidiaconorum. Secundò, cum ex iure communi, sit penes episcopum societates omnes, quęcumque causa Religionis & pietatis coalescunt intra fines suę Diocęseos, regere, aut eisdem præficere Rectorem, siue ex ea societate sit, siue aliunde accersatur: aduersus eam potestatem priuilegia impetrabant à summis Pontificibus, à quibus libertas dabatur Monachis, eligendi è suo sodalitiò Abbatem. Tertiò cum posset episcopus pro suo nutu quos vellet in Clerum tollere, etiam inconsultis Abbatibus imploratus est aduersus eam auctoritatem Pontificum fauor, ac cautum ne sine licentia ac permissione Abbatis, Monachi in Clericorum ordinem adsciscantur.

His tribus prærogatiuis includuntur omnes priuilegiorum gratiæ ante nonū aut 10. sæculum. Adde summos è Monasteriorum alta pacis litium ac controuersiarum strepitus, interdictum ne in illis placita fiant siue ab Episcopis, siue à Comitibus, siue ab Archidiaconis, quę omnia quarum caput priuilegiorum possunt efficere.

Hęc verò quę dicimus patent ex epistolis eiusdem Gregorii, nam Monasterio sancti Cassiani priuilegium indulget de electione Abbatissę & de sola administratione rerum Monasterii. Priuilegium Monasterii Arelatensis solam rerum & opum Monasticarum securitatem spectat, prohibet enim Pontifex ne facultates Monasterii au-

ferantur. Priuilegium datum Monasterio sancto-
rum Ioannis & Stephani in ciuitate Classitana, eò
tantum spectat vt liberam habeant Monachi ele-
ctionem Abbatis, & vt res Monasterii admini-
strent. Atque vt pateat à iure visitationis non fuisse
propterea exemptos, referendi sunt oculi ad
postrema huiusce priuilegii verba, quibus monet
Episcopum Rauennatem Marinianum, vt conti-
nenter ac modè se gerendo inter visitandum,
Monachos, faciat, vt ab iis desideretur, non fu-
giatur. Si, inquit, *charitatis officium illic impleat Epi-
scopus, tamen grauen aliquod Monasterium non in-*
currat, vestram quoque fraternitatem prædictus Abbas
non solum non metuat ad Monasterium frequenter acce-
dere, sed etiam desiderabiliter concupiscat.

Greg. mag.
ep. 18. lib. 17.

Apud Aubertum Miræum in Codice Dona-
tionum Belgicarum legimus priuilegium datum
Monasterio Elnonensi à Martino Papa circa an-
num 651. At priuilegium istud solas spectat res
temporales, earumque stabilem penes Mona-
chos possessionem.

Prima ergo priuilegia, quibus Monachi ab
onere procurationum, siue Circatarum sunt ex-
empti, ab ipsamet Episcoporum beneficentia ori-
ginem traxerunt. Ita Landericus Parisiensis E-
piscopus exemit Ecclesiam sancti Dionysii, ab om-
nipensione Synodorum & Circatarum: Quod
priuilegium, Antiquitatis peritissimus Syrmun-
dus vulgauit tomo primo Conciliorum. Ita Ber-
tefridus Episcopus Ambianensis indulgit Corbi-

Privileg.
sancti Lan-
derici tom.
1. Concil.
Gallie.

ensibus Monachis privilegium, quo quidem ca-
ueretur ne liceat Episcopo aut Archidiacono Mo-
nasterii lustrationem instituere, nisi vocantibus
& inuitantibus Monachis. Apud Innocentium
tertium lib. 2. epistola 113. Viterbiensis Episcopus
relaxat procuraciones sibi debitas à Monasteriis
sancti Laurentii, sanctæ Mariæ & sancti Angeli
de Spatha. Aliqua eius generis privilegia repe-
riuntur in Promptuario Antiquitatum Trecenti-
um editarum à Camusatio, vt privilegium Al-
taris sanctæ Mariæ de Summauera & de Braux fo-
lio 82. privilegium trium altarium de Laderniaci
Corte, Dodiniaca Corte, Reginiaca Corte, & plu-
ribus aliis, quibus in privilegiis hoc annotandum,
nempe consuetudines, procuraciones, Circatas,
Synodos sic altaribus præfatis remissas, vt tamen
Episcopi Trecentenses in earum pensionum locum
annuum censum sibi soluendum retinerent.

Promptua.
Antiq. Tre-
cent. fol. 82.

Neque verò existimet aliquis postea privile-
gia atque exemptiones, Monasteria non amplius
cognitioni & potestati episcoporum, quoad res
spiritalessuissesubmissa: Nam vt antea notavi,
istæ exemptiones solummodo spectabant immu-
nitatem ab onere pensionum temporalium. Et
cõfirmatur amplius ex Privilegio Monasterii san-
cti Galli, quod extat tomo primo rerum Alema-
nicarum parte prima. In eo quippe post præfatas
immunitates diserte exprimitur Monasterium
subiacere Episcopo, quoad spiritalia. Sic enim
compendio eius loci prærogatiuæ notantur: Ita

Privilegiū
sancti Galli
tom. 1. re-
rum Alema-
nicarum p.
1. fol. 28.

vt

ut deinceps nullam potestatem Episcopi in rebus eiusdem Monasterii haberent, neque in censu, neque in ulla alia præter spiritalem tantummodo Episcopalis officii dignitatem, &c. Vnde à vero, ut opinor, absunt qui Canonem Toletanum, Canonem Ilerdensem volunt Monachos à potestate Episcopi, seu Diocesana lege liberos asserere. Propterea quod istis Canonibus remittitur Monachis pensio Cathedralici, & solutio tertiæ partis oblationum. Istis quippe Canonibus Patres non tam studuerunt auctoritatem Episcopalem minuere, quàm ærarium monasticum augere. Vnde frustra se torquent alii, confingendo nouum discriminẽ inter legem Diocesanam, & legem iurisdictionis. Eodem quippe omnino sunt, & imperium Episcopale significant. Cuius plurimæ fuerunt partes & notæ, quarum vna fuit res Ecclesiarum moderari, & tertiam oblationum percipere. Hanc vero partem suæ potestatis commodo Monachorum studentes Episcopi remisissent, ut annona largior & splendidior illis familia suppeteret, quos Deo penitus micipatos, & solius æternitatis amore flagrantibus, necesse erat aduersus vitæ incommoda certis ac constitutis stipendiis honorari.

Vide dissertationes
Florentis
Antecessor.

linquitur quid Cathedratici nomine Præsulib. solveretur, ante tempora Concilii Braccarenfis 2. quorebus, episcoporum auctis in eum modum, qui sustinendæ dignitati sufficeret, decretum est ne episcopi à Parochitanis Presbyteris quidquam in posterum pro honore *Cathedrae*, præterquam duos solidos sumerent. *Placuit ut nullus Episcoporum, cum per Dioceses suas ambulant, præter honorem Cathedrae sup. i. duos solidos, aliquid aliud per Ecclesias tollat.* Hanc sanctionem sequentibus sæculis Patres & Concilia firmarunt Pelagius ep ad Cresconiũ illustrem, Concilium Toleranum 7. Canone 4. vbi Monasteriorum Basilicæ ab hac pensione eximuntur. Gelasius Papa episto. ad Fabianum Episcopum, & plures alii.

Conc. Braccarense 2. c. 2.

Pelag. ep. ad Cresc. Concil. Tol. et. 7. Can. 4. Gel. ep. ad Fab

Dubium verò an pensio hæc grandis fuerit an moderata, quod ex notitia monetaria petendum. Certum est ergo solidum monetam fuisse usu receptam, etiã sub Adriano Imperatore: Eius enim mentio fit in Edicto Prætoris composito per Iulianum, vbi pœna solidorum decem imponitur ei, qui in suggrūdio, subtus quod iter fieri solet aliquid posuerit, cuius casus possit nocere ambulanti. Nomen autem solidi nactum est istud monetæ genus, quòd cæteris longè perfectius esset, nempe auri obryzi, hoc est, exquisitè percocti. Vale solidorum non idem semper fuit ac similis. Antiquissimis temporibus ex vna auri vncia sex solidi fiebant, vnde solidus sextula dictus est, vrait Isid. in originibus, & liquet ex trito versu Fannii,

1. si vero Prætor ff. de his qui effuderint vel deiecerint.

Sextula quæ fertur, Nam sex his uncia constat.

Eadem ratione Græci *δραχμα* solidum nuncupant, subinde vero imminutus solidi valor. Quippe Constantini temporibus ex vna auri uncia facti sunt septem solidi, vnde libra auri continebat solidos octoginta, vt patet ex lege 1. C. de *Ponderatoribus* Codicis Theodosiani lib. 12. tit. 7. Verùm valentiniani tempore legitimum pretio solido restitutum, cautum quippe vt ex auri libra 72. solidi fierent. Cæterùm annotandum solidos, etsi aurei essent, apud Francos tamen minoris pretii fuisse, vnde in Italia vendibiles non erant, hoc est, ad commercium idonei, ita enim appellantur apud Theodosium, sicut in extrauaganti. *Martini l. de emptione & venditione.* dicuntur *polemai*, pro quo restituendum *empolei*, hoc est, vendibiles. Vnde Gregorius primus pensiones rerum Ecclesiasticarum, quæ in solidis soluebantur, iubet impendi in emptione aut vestium, aut seruorum, quandoquidem solidi Gallicani apud Italos pro spuris & decurtatis haberentur. Inuenio apud eosdem Gallos solidorum valorem mutatum ac desultorium, modò enim valebant quatuor tantum denarios, vt ex lege Salica constat, in quo 800. denarii dicuntur æquari 200. solidis, modò solidi quadraginta denarios argenteos valuerunt, vt constat ex lib. 4. cap. tit. 15. vnde census imponi seu domibus, seu prædiis, seu personis, valde dubitabant. Cum enim census illi in solidis conditi essent ac taxati, vt loquuntur, cogeabant de-

Alii, legunt
leues vel de
biles.

Greg. pas-
sim in ep.
ad Rectores
patrimonii
Galliarum.

Capit. lib.
4. tit. 75.

bitoresillos solidos in denariis soluere, & quadraginta denarios pro solido quoque præstare, cum tamen tempore, quo census fuerat constitutus, longe minus fuisset pretium solidi. Vnde in Synodo Remensi supplicatum à Principe, ne solidi per quadraginta denarios excurrerent: Ac tandem Ludouicus pius Capit. lib. 3. cap. 7. constituit vt omnes mulctæ census, & pecuniariæ illationes, quæ in solidis dictæ ac taxatæ fuissent, per duodecim denarios pro solido quouis soluerentur. His ergo præmissis, facile intelligitur quantum solueret Episcopo vnaquæque Ecclesia pro iure Cathedralici, nempe duos solidos, hoc est tertiam partem vnciæ auri. Vnde triginta sex Ecclesiæ libram auri singulis annis Episcopo solvebant. Quamobrem si cogitemus Diœceses quasdam ita amplas ac populosas fuisse, ac etiam nunc esse, vt quingentas aut octingentas Parochias contineant, apparebit hunc censum non mediocrem fuisse, & nonnullos episcoporum ex solo Cathedralico plusquam triginta auri libras percepisse.

An autem apud Gallos ista Cathedralici pensio recepta fuerit, dubium fortasse. Verum ambigendi occasionem reuellit ac resecat Constitutio Tolosani Capitularis: ex qua patet morem fuisse Gallicanis Presbyteris Cathedralicum persolvere, non quidem in nummis, sed in cibis, frumento & annona; verum hunc morem relictum arbitrio Parochorum, quibus licuit stare Bracca-

Capitulare
Tolos. ca. 2

loquitur Canon: Si tertiam partem illam Episcopus tollat, lumen & sacra abstulit ecclesia. Pluribus porro argumentis probari potest tertiam oblationum à Cathedralico longè summotam. Quippe tertia oblationum, ut dicimus, ecclesiæ ornamento, & luminibus cedit; at Cathedralicum rei & lucro Episcoporum vertitur. Secundò, post conditam & decretam Cathedralici pensionem, adhuc reperimus Episcopos tertiam oblationum cepisse. Quippe Concilio Toletano quarto Era 671. sexaginta fermè annis post Concilium Braccarense, quod incidit in Era 610. mentio fit tertiæ partis oblationum, Decimarum, tributorum Episcopis persolvendæ, Canone 33. Concilia subsequenter Cathedralici non meminerunt ante Toletan. 7. Can. 4 quo quidem non prohibentur Episcopi tertiam oblationum tollere, sed tantum ab iniquis exactionibus temperare. Rursus Concilium Toletanum 9. Can. 6. permittit ut Episcopus tertiam sibi debitam auferat, & det cui voluerit. In Concilio Toletano decimosexto permittitur Episcopis tertiam illā auferre, modò Ecclesiis sarcien-
dis inuigilent

Vnum hoc explicandum parergi loco, nempe antinomia, quæ videtur esse inter Canones 14. & 15. Concilii Aurelianensis primi: Nam Canone 14. iubetur ut Episcopi medietatem oblationum percipiant: at Canone 15. decernitur ut tertia pars iisdem fideliter deferatur: quam antilogiam conciliare oportet, intelligendo Canonem decimum

Et ordine missarum ipsi Episcopo reddat Et ostendat.

Hanc consuetudinem, quæ tempore Religioni dicato Presbyteros à cura gregis distrahebat, sustulit Ludouicus in capitulari Aquisgranensi anno Imperij tertio. Constituit quippe, *ut discendi gratia*

Cap. lib. 2.
c. 99. apud
Symundū
tom. 2. ad
annū 816.

alio non quadragesimæ tempore Presbyteri ad ciuitates vocentur. De Synodis vero annatim fieri solitis extat Canon 7. Concilij Antisiodorensis, quo decernitur, *Vt medio Maio omnes Presbyteri ad Synodum in ciuitatem veniant Et kalendis Nouembris omnes Abba-*

Concil. Antisiod. can.

tes ad Concilium conueniant. Quo Canone videntur Synodi Abbatum distingui, à Synodis Presbyterorum. Taceo alias Episcoporum Synodos bis in anno fieri solitas, in præsentia Regis, prima Calendis Martiis, secunda Calendis Octobris: primæ locum rex designabat: secundæ Episcopi, ut extat in Concilio Vernensi canone 4.

Cōcil. Vernenſe 1.
cap. 4.

Per singulas vero Synodos Presbyteri aliquid Episcopo soluebant, quod Synodaticum appellant. Differt autē pēſio Synodatica tum à Circatis, tum à Cathedratico, tum à quarta oblationum: à Circatis quidem seu procurationibus. Nam priuilegium sancti Lăderici, quo immunitas tribuitur Sandionisianis Monachis, expresse habet illos deinceps fore exemptos à *Circatis Et Synodaticis.* In priuilegio Gualonis Treceſis Episcopi expresse habetur quod Presbyteri quibus commendata erunt altaria sanctæ Mariæ, *De summa vera Et de Braux ad Treceſem veniant Synodum Et Synodalia non negligant soluere seruitia.*

copos Sacerdotes ad se venientes disciplinis ecclesiasticis informare, ac publica habere iudicia de moribus Sacerdotum ac Clericorum, quam in rem libraria erat opus suppellectile, notariis, scribis amanuensibus, qui rerum in Synodo actarum memoriam in commentarios referrent, & Presbyteris indicem traderent rerum agendarum. Propterea cum res ista sine sumptibus agi non posset, ideo Presbyterorum singuli suas symbolas tradebant. Secundo dici potest Episcopum summam esse in Ecclesia dignitatem, quam instar Regis ac Principis omnes oportet tenui quadam & ad facultates accommodata tributi illatione venerari. Tertio referri potest ista consuetudo ad antiquissima Ecclesiæ tempora, cum nondum abundarent opibus Episcopi, essentque communi præsidio Parochorum, atque Clericorum educandi. Quidquid alij fingant, certum est hanc pensionem antiquissimam esse, & in Gallis natam primis Ecclesiæ temporibus. Argumento est privilegium Landerici ad annum 638. quo remittitur debitum Synodatici persolvendi Sandionisianis Presbyteris: signum est ergo consuetudinem istam, ita fuisse in Ecclesia receptam ac commendatam, ut nullus eam aduersus posset obniti, nisi qui singulari privilegio muniretur.

Hæc de Synodatico, dicamus de Eulogiis. Eulogiarum nomen ambiguum plerumque panem à Sacerdote benedictum significat, hic spontaneum munus & donarium, quo Presbyteri ultro Episcopos colunt in monumentum benevolentiae. Nam

ut Cathedriticum Synodaticum iustitiæ tribuuntur, sic Eulogiæ charitati consecrantur & amoris: Ita solitos olim Episcopos legimus S. Pontificem ultro neis muneribus honorare; suumque in eius dignitatem animum largitione spontanea profiteri. Ita apud Gregorium legimus Felicem Episcopum messanensem ad ipsum misisse Eulogiarum & Xeniorum nomine Palmacinas. Eò autem loci palam fatetur Gregorius se non delectari Xeniiis, ideoque Palmacinas vendicuisse, ac earundem pecuniam Felici præfato remittere.

Eulogiæ autem duplicis generis; quædam exactæ ab episcopis, quædam ultro delatæ à Presbyteris. Nam postquam Presbyteri, sponte se Eulogiis summisserunt, eorum affectum quidam Episcopi vectigal fecerunt & benevolentiam mutauere in necessitatem. Non mirum ergo si de vario isto eulogiarum genere, variè quoque patres senserunt, nam voluntarias probant & laudant Concilium

Conci. Meldense can. 45.

Meldense sub Carolo Caluo Canon. 45. *Decet Presbyteros cum voluntarijs Eulogijs tempore congruo visitare & venerari suos Episcopos.*

Leo 4. epist. 1. ad Episcopos Britanniz.

Eandem sententiam confirmat Leo 4. Epistola secunda ad Episcopos Britanniz. *De Eulogijs ad sacra Concilia deferendis nihil inuenimus à maioribus terminatum sed sicut unicuique Presbytero placuerit. Nam si constitutum fuerit illo in tempore benedictiones adferri: forsan minus libenter ad Synodos occurrent, & magis venire detrectabunt, quæ ut arbitror non sunt rationabiliter requirenda, nec ultro delata respuenda. Ex*

quibus verbis apparet Eulogias deferri solitas tempore Synodorum. Vnde quidam eas commiscere ac confundere posset cum iure Synodatici, nisi docuissemus antea Synodaticum fuisse necessitatis. At respondebunt Synodaticum duo continere præsentiam & numariam pensionem, prius necessitatis fuisse, quia in Synodo erudiuntur Presbyteri, posterius libertatis. Sed videat Lector, an ista solutio cum præcedentibus congruat: Certe de non de exigendis Eulogiis à Presbytero quando ad Synodum venit extat constitutio Hincmari Remensis in capitulis ad Archidiaconos Presbyteros anno Domini 874. *Nolite quasi pro aliquo adiutorio ad quamcumque rem denarios apud Presbyteros postuletis, neque quando ad Synodum vel pro inquisitione ministerij sui seu pro chrismate accipiendo venerint Eulogias exigatis, sed si cui forte commodum fuerit pro sua voluntate & commoditate aliquid offerre, cum gratiarum actione suscipite.*

Capi. Hincmari Remensis ann. 874.

Verùm animaduerte hoc Capitulum loqui de Archidiaconis non vero de Episcopis. Succedunt Eulogiis ea quæ dicuntur inquisitiones Regiæ, hoc est Collatio quædam pecuniaria Regi eroganda, de prædiis Ecclesiarum de qua paucis in præsentiarum dicemus. Nā ad Ecclesiarum iura & emunitates ista tractatio pertinet, obiter animaduertemus non quidem prohibuisse Concilium Toletanum decimum sextum, quo primùm istud inquisitionum nomen legitur, ne inquisitiones Regiæ fierent, sed prohibuisse, quominus Episcopi à Parochitanis Ecclesiis quidquam exigerent, verum quidquid Regi dare

tur id ex suis fortunis ac opibus promerent, ita enim loquitur Rex Egica in tomo quem obtulit Patribus Concilij, *Hoc honorificentia vestra promulgare curabit, ut nemo Episcoporum pro Regijs inquisitionibus exhibendis Parochialium Ecclesiarum iura contingat, nec quascumque exinde inquisitiones, aut euectiones exigere audeat: sed de prædiis suarum sedium Regio culmini solita perquisitionum obsequia deferat, nihilque de rebus earundem Parochiarum Ecclesiarum, cuiuspiam stipendii causa dare præsumat, quod si fecerit duorum mensium spatio excommunicari se nouerit.* Lecto itaque tomo illo sic æquam censuerunt Regis postulationem, ut Canone 5. eius Synodi decernerent nil esse sumendum à Parochiis nomine Regiarum inquisitionum. Vnde liquet anno circiter 700 à Christo nato, solitos fuisse Hispaniarum Reges è prædiis Ecclesiasticis subsidium petere. Secundo apparet ante hoc Concilium Parochitanas Ecclesias fuisse huic pensioni obnoxias. Tertio onus istud in solos Episcopos reiectum. —

In Gallia vero ubi Reges semper & humaniores & religiosiores quærat aliquis an inquisitiones istæ locum habuerint. Non repeto quæ præmissi libro secundo de legibus & edictis aduersus Ecclesiæ bona & facultates. Verum hic strictim dico Ecclesiasticos nostros semper fuisse bonos ciues, ac necessitatibus regni non segniter prouidisse, Concilij Leptinenensis comprobatio habet assutum Canonē de Ecclesiæ pecunia in sumptibus exercituum, nomine precarii exhibenda. *Statuimus cum consilio*

Concilij
Leptinenſis
confirma-
tio.

*seruorum Dei & populi Christiani propter imminencia bella & persecutiones caterarum gentium, quæ in circui-
tu nostro sunt, ut sub precario & censu aliquam partem
Ecclesiæ pecuniæ, in adiutorium exercitus nostri, cum
indulgentia Dei aliquanto tempore retineamus, ea con-
ditione ut annis singulis, de unaquaque casata solidus, id
est, duodecim denarii ad Ecclesiæ vel Monasterium red-
dantur; eo modo ut si moriatur ille, cui pecunia commo-
data fuit, Ecclesiæ cum propria pecunia reuestita sit:
Et iterum si necessitas cogat, aut Princeps iubeat, pre-
carium renouetur, & rescribatur nouum, & omnino ob-
seruetur ut Ecclesiæ vel Monasteria penuriam, pauper-
tatemque non patiantur, quorum pecunia in precaria
præstita sit, & si paupertas cogat Ecclesiæ vel domui Dei
integra reddatur possessio.*

Exemplum porro inquisitionum regiarum re-
perio apud Aimoinum lib. 5. cap. 35, ubi propter Aimoinus
l. 5. ca. 35.
Caroli simplicis Romam euocati & acciti à sum-
mo Pontifice professionem, collatæ & corroga-
tæ sunt ab Ecclesiis pecuniæ, Exegitque Unusquisque
Episcopus de Presbyteris suæ Paroehiæ, secundum quod
possibile erat, ut à quo plurimum quinque solidos à mi-
nimum quatuor denarios, Episcopi de singulis Presbyteris
acciperent, & nuntiis dominicis redderent; sed & de
Ecclesiarum thesauris, prout quantitas extitit, loci ad
idem tributum exoluendum acceptum fuit, &c. Dein-
quisitionibus regiis per Henricum II. vide Math.
Parisi. in eius vita.

Præter ista iura habent etiam Episcopi facultatem exigendi charitativum subsidii, quod Lateranen-

se Concilium vocat mediocre subsidium. De quo inter recentiores iuris canonici mystas variæ quæstiones mouentur, quarum vnica tantummodo huic nostræ disceptationi competit, nempe quibus in casibus liceat istud ab Episcopo implorari. In genere, censent grauem & vrgentem necessitatem idoneam esse rationem illius subsidii expetendi, ita vt quantitas illius auxilii necessitatis magnitudine sit mensuranda.

Speciatim autem definiunt casus eiusdem necessitatis, primò, vbi in fabricam Ecclesiæ Episcopus cogitur grandes sumptus facere. Ita Hostiensis in capite *Conquerente de Censibus* & in capite *Cum Apostolus*. Secundo, quando Episcopus ad S. Pontificis tribunal protectionem instituit, præsertim quando Episcopi facultates ad eas expensas non sufficiunt. Innocentius in capite primo de *statu Monachorum*, Hostiensis in dicto cap. *conquerente*. Tertio, quando pergit ad Regem & Principem. Quarto, quando excipit Regē in Prouincia. Quinto, quando nuncii Apostolici excipiēdi sunt ac procurandi. Sexto quando in re Ecclesiæ propugnanda ac defendenda sumptus fecit insignes. Septimo, quando in fauorem totius Diocesis operam & redditus proprios impendit. Octauo, quādo ex alieno grauitè oppressus est. Nono, quando bellis aut latrocinijs vexatur. Decimo quādo vocatur ad Concilium generale. Vndecimo quando tenues sunt Episcopii redditus. Duodecimo, quādo nullā suā culpā facultatibus lapsus est. Decimo tertio pro expensis

penſis Bullarum & Annatz. Decimo quarto pro iucundo aduentu.

An autem & quando hæc charitatiua ſubſidia in Gallia indici poſſint & colligi, legatur Boerius Deciſione 133. vbi refert Burdegalenſem Archiepiſcopum impoſuiſſe Clero penſionem quater mille & quingentarum libellarum, pro ſuo ad Prouinciã regendam acceſſu, à qua impoſitione appellarunt Monachi ſancti Romani ad Senatum Burdegalenſem, qui re cognitã Religioſos, Clerumque omnem ab hac penſione abſoluit.

Licet vero per modum tributi extorquere non poſſint Prælati charitatiuũ ſubſidium tanquã domini tẽporales. Attamẽ non video cur illis inopia laborantibus poſſit hoc negari; ſi enim Chriſtiano cuius ſubuenire ex iuſtitia tenemur, quoties pecuniarum egeſtate aut vita illius periclitatur, aut dignitas: quãto magis id debetur Episcopis, ſi anguſtia rerum ac fortunarum languſcant, & eorum nomini ac ordini dedecus impendat.

Alias, inquit, Paulus, Eccleſias expoliaui ſtipendia accipiens ad miniſterium noſtrum. Si ergo ad Corinthiacã Diœceſeos regimen Paulus nõ dubitauit ab aliis Eccleſiis ſuppetias promere, quanto æquiori ratione ad propriam Diœceſim regendam & ad miniſtrandam, poſſunt moderatum à ſuo grege auxilium implorare.

De obuentionibus quas Episcopi olim ex consecratione altarium & Ecclesiarum consequuntur.

CAPVT IV.

Altarium ac Aedium sacrarum inaugurationes solis licet aggredi pontificibus, in quorum Diœcesi versantur. Ac licet summi Ecclesiæ Rectoris maiestas vbique veneranda sit, ac suprema in omnes auctoritate dominetur: Censuere tamen veteres non esse temere petenda ab eo priuilegia ædis alicuius sacræ præter mentem & consensum Episcopi diœcesani consecrandæ, Rodolphus Glaber refert ventis ac tempestate disiectam & dissipatam Ecclesiam, Monasterij Lucacensis, in pago Turonico, quam Fulco Andegauorum Comes extruxerat, cum eam Petrus quidam Cardinalis, contra voluntatem Hugonis Turonensis Archiepiscopi cōsecrare meditaretur, quod inquit Glaber Monachus, cum multi per regionem factum comperissent, nulli venit in dubium, quoniā insolens præsumptionis audacia irritum constituisse votum, simulque præsentibus ac futuris quibusque, ne huic simile agerent euidentis indicium fuit, licet namque Pontifex Romanæ Ecclesiæ ob dignitatem Apostolicæ sedis cæteris in orbe constitutis reuerentior habeatur, non tamen ei licet in aliquo transgredi Canonici moderaminis tenorem, &c.

Non inficiandum tamen Catholico imperio & generali administratione posse S. P. sufficere quosdam in locum Diocesani Episcopi, ad consecrandas Ecclesias, si id Religionis splendor & fidelium utilitas postulet, cui proprii præsules ac Diocesani obnitantur.

Ita Patriarchico nomine consecrantur apud

σταυροπέγῃ, eo ritu qui in Euchologio Græcorum refertur capite trigésimo ὁ δὲ σταυροπέγιον ᾧ ἔτιω ἀναφέρεται τῷ πατριάρχῃ περὶ τῆς οἰκοδομῆς τῆς ναὸς καὶ τῆς γραμμῆς περὶ ἐκκλησίας ἢ πρὸς τὴν ἐξάρχον αὐτῶν ἢ πρὸς ἑνὶ τῶν ἀρχιερέων ἐπιτελεῖσθαι καὶ καθιερωθῆναι, καὶ τὴν ναὸν τελεσθῆναι ἐπὶ σταυροπέγῃ πατριαρχικῇ καλεῖται δὲ ἡμέρας, καὶ σταυρὸν ξύλινον ἐν ᾧ γραφῶσιν οἱ πατριαρχεὶ γραμματικοὶ ἐν τῷ ἐνὶ μέρῃ σταυροπέγιον πατριαρχεὶ ἀγιασθῆν ἐπὶ οὐρανῷ τῷ ἁγίῳ τῷδε ἐν τῇ θεοσώτῃ πολλῇ τῇδε ἐν τῇ ἐκκλησίᾳ τῇ ᾗ ἐν τῷ ἰδίῳ δελήματι ᾧ τῷδε τῷδε ἀγιοτάτου, καὶ οἰκουμενικῆς πατριαρχεὶ, ἐν τῷ ᾗ ἐτέρῳ μέρει ἐπὶ τῇ βασιλείᾳ τῇ δουλοκρατίᾳ ἡμῶν τῷδε ᾗ μῆνα τῇ ᾗ ἐπὶ, &c. Stauropegium sic fit. Refertur ad Patriarcham de adificatione templi, & conscribuntur litteræ commonitoriae ad exarchum ipsius vel aliquem ex Archipræsulibus ut templum fundetur, consecretur & perficiatur sub nomine Stauropegii Patriarchici. Jubet autem fieri crucem ligneam in qua notarij Patriarchici scribunt ex una parte hæc verba Stauropegium Patriarchicum consecratum in nomine sancti N. in hac à Deo servata urbe, in tali Provincia, proprio natu & voluntate Talis sanctissimi Patriarchæ: ex altera vero parte scribitur regnantibus pijs & c.

Euchologium cap. trigésimo.

Id autem ex Gallia nostræ ritibus non omit-
tendum cenſeo, non modo templum, ſed tem-
plorum quoque portas ſolitas fuiſſe conſecrari,
ac reliquias ſanctorum iis inferi, non ſecus ac in
altaribus includuntur. Morem hunc elicio ex Ca-
pitulis Ludouici pii capitularium lib. 2. tit. 13. *Si in*
atrio Eccleſiæ, cuius porta reliquiis ſanctorum conſecrata
eſt, huiusmodi homicidium perpetratum fuerit, ſimili modo
emendetur vel componatur: ſi vero porta Eccleſiæ non eſt
conſecrata, eo modo componatur quod in atrio committi-
tur, ſicut componi debet, quod in immunitate violenter
committitur. Conſecrationes porro eccleſiarum
ſiebant ſolenni ritu, vocatis quotquot commode
venire poterant Episcopis, vnde occasione Encæ-
niorum plerumque Concilia celebrata, quod fu-
ſſimè docuit Hallerius noſter præſatione in de-
fenſionem Hierarchiæ.

Hallerius in
præſatione
ad Hierar-
chiæ defen-
ſionem.

Quod vero ad expenſas & ſumptus conſecra-
tionis pertinet, reperio inter ſolennia Encænio-
rum annonam pauperibus largiſſimè erogatam.
Ita Gregorius lib. 1. Ep. 54. ad Petrum Subdiaco-
num. *Quia cella, inquit, tenuitas exigit debere nos in ip-*
ſa dici feſtiuitate concurrere, propterea volumus, ut ad
celebrandum dedicationem dare debeas ad erogandum
pauperibus in auro ſolidos decem, vini amphoras triginta,
annonæ modios ducentos, olei orcas duas, verneces duode-
cim, gallinas centum, quæ tuis poſſint rationibus impu-
tari. Loquitur autè de dedicatione oratorii Beatæ
Mariæ in Monasterio Abbatis Mariniani. Imo
& Reges ac Principes non pauperibus modo ſed

Gregorius
lib. 1. Epist.
54.

viris quoque illustribus Episcopis ac Sacerdotibus donaria impertiebantur, quando ædes sacra ab iis constructa & dotata dedicabatur. Apud Matthæum Vest-Monasteriensem ad annum Domini 798. Cinulphus Rex Merciorum inter dedicandum Ecclesiam Vunichelcumbam insigne edidit specimen Regiæ munificentiae. *Nam (ut loquitur author) prater illa xenia, quæ optimates susceperant inestimabilis precij & numeri, in utensilibus vestibus, equis lectissimis, omnibus qui agros non habebant libram argenti, Presbyteris, marcâ auri, Monachis solidum unū & postremo multa uniuerso populo erogauit de largitione in Episcopos paulo ante hæc habet in Conuentu, inquit, tredecim Episcoporum nullus largitatis passus est repulsam, dum singuli refectis marsupijs hinc abibant.*

Matthæus
Vest Mo-
nasteriensis.
ad ann. 798

An vero stipendij aliquid decretum fuerit Episcopo dedicanti, hic certe cardo est controversiæ: Concilium Braccarense secundum Can. quarto, non exigenda donaria decernit, sed nec respuenda constituit, si ultro offerantur, placuit *ut quoties ab aliquo fidelium ad consecrandas Ecclesias Episcopi inuitantur, non quasi ex debito munus aliquod à fundatore requirant, sed si ipsi quidem aliquid ex suo voto obtulerint, non respuatur. Si verò aut paupertas illum aut necessitas retinet, nil exigatur ab illo.* In Concilio Cabilonensi sub Carolo Magno idem constitutum Canone 16.

Concil.
Braccarense
2. Can. 4.

Concil. Ca-
bil. Can. 16.

Licet autem ex actiones Ecclesia perpetuò sit auersata, tanquam indignas Christiano Præsule,

Helmodus
Presbyter
Chronici
Slavorum
lib. 3. cap. 21.

cui terram sordescere oportet & omnes animi cupiditates in cælum eniti. Attamen recentioribus sæculis, video aliquid persolutum Episcopo nomine consecratorum altarium.; Nam apud Helmodum legimus Episcopum omnibus bonis ac facultatibus exutum fato ac miseria temporum suorum, ex consecratione altarium & Cathedralitico victitasse, *Hartuicus*, inquit, *Bremenfis Episcopus* necessitate compulsus ministerialium redditus episcopales per triennium abiuravit, ut infra tempus illud omnia ex integro soluerentur. Episcopus vero ex his, quæ de Cathedralitico vel consecratione altarium consequi poterat, victitabat, *Chronici Slavorum* lib. 3. cap. 21.

Omnino vero plura & varia obtingebant Episcopis ex altaris dedicatione, quorum alia ad honorem, alia ad lucrum & commodum spectant, Iura honorifica erant, administratio dotis Ecclesiasticæ, cuius indicem tradebāt episcopi fundatores, ita ut liberum ei esset deinceps quam veller administrationis legem conscribere. Secundo licuit Episcopo in ea Ecclesia quam consecrasset Cathedralam ponere. Imò vero existimārim perpetuo hæsisse illic ac stetisse Cathedralam Episcopalem, quæ esset indicium ac monimentum summæ auctoritatis, qua Ecclesias à se consecratas regebat. Conjecturam peto ex priuilegio Monasterij sancti Cassiani, apud Gregorium libro sexto epist. 12. *De*, inquit Gregorius, *natalis vel dedicationis supradicti Monasterij, episcopus illic Missarum sacra conueniat solemniter celebrare, à quo tamen ita est hoc officium*

Gregorius
Mag. lib. 6.
epist. 12.

exoluendum, ut Cathedra eius nisi prædictis diebus dum illic Missarum solemnias celebrat non ponatur. Quo discedente similiter etiam Cathedra illius de eodem oratorio auferatur. Nisi enim consuetudo fuisset ut Cathedra episcopi perpetuo fixa in Monasteriis haberetur, non opus fuisset privilegio ad illam amouendam: at privilegium eò tendit ut discedente episcopo tollatur eius Cathedra. Eundem ritum confirmat Martinus Pontifex in privilegio Monasterij Elnonensis, *Missas quoque publicas ab Episcopo in eodem cœnobio fieri omnino prohibemus, ne in seruationem Dei recessibus, & eorum receptaculis, vlla popularibus præbeatur occasio conuenticuli, nec audeat ibi Cathedram collocare, &c.* apud Miræum in donationibus Belgicis. Ita Hebræi quoties circumcidunt Moysi Cathedram ornant, existimantes ea ceremonias imaginaria eius præsentia fulciri Tertiū iuris honorifici caput, fuit ius & potestas illic Synodum congregandi, ordines celebrandi, Maltum tenendi, quod ius aut sua sponte aliquando abdicabant Præsules, aut privilegijs summorum Pontificum inuitati.

Succedunt iura quædam vtilia quorum primum est annus census. Nam inter inaugurandum ecclesias censum annuū statis diebus soluendum imponebant, ut liquet passim ex cartis & tabulis, & toto titulo de *Censibus*. Non solum autem sibi censum paciscebantur episcopi, sed Monasteriis, quoque & Religiosis domibus, quibus Capellas & Ecclesias efficiebant vel ædificales. Quam obrem

Martinus
Pontifex
apud Auber-
tū Myræum
Codice do-
nationum
Belgarum
pag. 4.

vetitum, ne post Ecclesiarum dedicationem noui census seu ex arbitrio Clericorum seu Sacerdotū imponerentur, cap. *scientes*, capite *prohibemus*, cap. *præterea*, de *Censibus*.

Licet autem in fauorem Monasteriorum ac Religiosorū, nouum censum Ecclesiis imponere non liceret: attamen ad emerendam libertatē, & impetranda priuilegia nouis censibus locus fuit. Nempe cum à cognitione & administratione Episcoporum soluerentur Monasteria, censum illis S. Pontifex imponebat pendendum Ecclesiæ Romanæ, cuius Alodia dicebantur. Hinc illæ loquendi formulæ, *Tradere in Alodium D. Petri (sub annuo censu)*. In priuilegio Monasterij Vindocinensis imperantur duodecim solidi gallicani soluendi quotannis Lateranensi Palatio. Sanè (inquit Calistus 2.) *ad indicium percepta huius ab Ecclesia Romana libertatis duodecim solidos monetę vestre quotannis Lateranensi Palatio persoluetis*. Acta Murrhenensis Monasterij referunt omnia eius bona commendata. Eghardo cuidam, ea conditione vt Romam proficiscens ipse omnia traderet ad altare sancti Petri Romæ, *Eo pacto vt singulis annis circa medium quadragesimę aureus nummus qui duos nummos & dimidium moneta de thurego appendat, persoluatur*. Sexcenta eius generis reperiuntur in Cartis & tabulis Monasteriorum, è quibus patet ritum constituendi Alodia beati Petri fuisse vt index seu catalogus bonorum & prædiorum Monasterij descriptus ad altare D. Petri Romam deferretur

Priuilegiū
Vindocinē-
sis Mona-
sterij apud
Sirmundū
in notis ad
Gosfridum
Vindocinē-

Acta Mur-
rensis Mo-
nasterij im-
pressa Spi-
rembergij.

deferretur, quo ritu designabant se in tutelâ Pontificis omnia contradere. Quinetiam Reges, si quod priuilegium indulgerent Monasterijs, vt libertatem eligendi sibi Abbates & Aduocatos infcio atq; inuocato Episcopo tûm solebât sibi retinere annuum cêsum. Apud Ratpertum Monachum Rex Lûdouicus pius eam libertatē indulget Monasterio sancti Galli. *Et in ea carta, inquit Ratpertus, conscribi iussit Regia dona sibi metipsi, secundum consuetudinem aliorum Monasteriorum securitate præditorum, quotannis ventura, id est, duos caballos, & duo scuta cum lanceis.* Post censum annuū succedit inter iura vtilia, *Redemptio altarium, seu ius persone* hoc est, Parochi, seu Sacerdotis instituēdi. Quod ius maximè obtinebant Episcopi in Parochias Monasterijs insitas, quarum decimas vel ex toto, vel ex parte sumebant Monachi. Nam quoties earum Parochiarum rectores fatoungerentur, toties censebantur altaria & decimæ redire in manum & potestatem Episcopi, tanquam summi & directi earum domini, à quo Monachi eas iure solius feudi & beneficii obtinent. Quamobrem indictâ & constitutâ pensione, decimas & altaria ab Episcopis Monachi redimebant.

Verum cum Monachorum Ecclesiæ sæpius personis ac Clericis suis orbarentur, siue quod emori ipsos contingeret, siue quod tenuitas stipendij hinc absistere compelleret, istâ pensione Redemptionis altarium fessi, Pontificis auctoritatem aduersus Episcopos implorarunt. Itaque

Ratpertus
Monachus
cap. 8.
Tom. 1.
Antiquit
Al paste;

1. q. 3. Can.
quædam.

sub Urbano 2. in Concilio Aluerniæ summota
ista consuetudo altaria redimendi. Ita apud Gra-
tianum 1. q. 3. Cano. 4. *quæsitum est de Episcopis qui
alteria Monasteriis data. &c.*

Quia autè Urbanus 2. saluum esse voluit an-
num censum, nec quicquam ex eo Episcopis au-
ferri, idcirco Episcoporum quidā, vt annuo censu
iacituram istam Redemptionis altarium compen-
sarent, nouum censum Ecclesiis imposuere, vel
antiquum & consuetum auxere, quæ altera fuit
ocasio Monasticis querelis, quarum specimen
videre est apud Godofridum Vindocinensem
Epist. 12. lib. 3. ad Vlgereum Episcopum Andega-
uensem.

Omnino vero vt intelligamus quænam mens
fuerit Papæ. Animaduertendū Ecclesias Mona-
chorum duobus simul oneribus obnoxias extitis-
se, & redimendis altaribus, & annuo censui per-
soluendo. Itaque Urbanus Pontifex, integrum
voluit remanere Episcopis annuū censum.

Non est ergo quod quis putet censum istum
inuentum ac excogitatum de nouo, post tempo-
ra Concilij Claromontani, & quasi suffectum Re-
demptioni altarium. Nam vtramque obligatio-
nem vni & eidem Ecclesiæ impositam, vnico testi-
monio satis comprobo, quod extat apud Auber-
tum Miræum in diplomate libertatis Ecclesiæ
Messinensis per Drogonem Teruanensem epis-
copum, anno 1065. in cuius fine hæc habentur, *Il-
lud etiam superest memorandum, quod altare de Vuar-*

neston ad mensam supradictarum sanctimonialium tali pacto concessi, ut mihi & successoribus meis annuatim decem solidi persoluantur denariorum, pro restitutione personæ ipsius altaris alij decem. Vbi distincte duæ pensiones enumerantur, vna pro Redemptione altarium, seu restitutione personæ: altera pro annuo censu.

De obventionibus quas sortiuntur Episcoporum consecrationis personarum.

CAPVT V.

ET si ante propagatum Sacerdotij ordinem, & nouis auctâ coloniis Christi familiâ, tingendis, vngendis, & Christi carne saginandis Fidelibus, ipsi per se Præsules atque episcopi incuberent: atramen diuisis subinde officiis, & sollicitudine gregis in Presbyteros deriuatâ, duorum Sacramenta supersunt, quibus episcoporum Majestas sola defungitur, Chrismationis nempe atque Ordinis: de quibus videndû an eorû causa & occasione, stipendij aliquid olim Episcopi perceperint.

Et si inundationem omnem in re sacra, & infamem questum auersata fuerit antiquitas, eiusque mens fuerit cauendum esse præ cæteris, ne ad Ordinem recipiantur pecuniâ magis quâ virtute cõmendabilea, & qui nummis explere avaritiam

Prælatorium potius quàm populorum sitim verbis sanioribus depellere possint; Attamen nunquam existimaui omnem omnino munerum & oblationum receptationem à Prælato præsertim non iussam & liberâ esse simoniæ durâ contumelia vexandam. Faciamus enim Prælatû cui hoc animo insitum sit, non nisi probitate & doctrina insignes ad sacros Ordines extollere, arce-re rudes, imperitos, nefarios, etsi nûmis auroque turgeant; huic certe in extrema & aliunde, inconsolabili inopia iacenti, si subsidium aliquod inaugurati pendant Sacerdotes, quid peccatur, nisi charitatem vitio ducimus, & hunc membrorum cum suo capite consensum simularis aduersus Deum accusamus.

Simonis labes & spurcissima nundinatio, ubi admittitur? nisi quando pretium rebus sacris ponitur, & pecuniæ illecebris excantatus Præsul majestatem Sacramentorum violat in indignos conferendo. At ubi nec pactum nec pretium fecit avaritia, si quid charitas necessitati suppeditat, implevit præceptum, non violauit.

Et certe nihil sanctius ac Christiano homini venerabilius incruento Christi sacrificio, quod in dies à Sacerdote renouatur; hoc primum & maximum Religionis nostræ mysterium. Si ergo propter celebrata mysteria licet Sacerdotibus stipendium à Laïcis sumere, sine simoniæ nota? quare aliquando innocentes Eulogas non licebit Præsulibus sumere, quando sponte ab inauguratis Sacerdotibus offeruntur,

Itaque munera, fauores, officia, adulationes ab Ordine summuouerunt Patres longe studiosius quàm ab illo sacramēto: ne mens humana quæ in corruptelâ facile degenerat assuesceret caducis rebus inhiare, & Episcopi non salute populorum, sed expectatione munerum sacerdotum inaugurationem metirentur.

Adde quod ad Ordines acius solent homines eniti, quàm ad alia Sacramenta. Quippe per illos via sternitur ad gradus & dignitates Ecclesiæ, quorum cum ambitiosi homines esse soleant, non mirum si sumptibus ac impensis sibi haud parcendum ducant, ut quod studio & magnitudine doctrinarum consequi non possunt, saltē fauore & ambitu mereantur. Ea ergo causa omnem stipendiorum rationem ab Ordine summuouit antiquitas cuius ut ritus & consuetudines expendamus diuidendum, hoc caput, & dicendum primo de collatione maiorum Ordinum, nempe episcopatus. Secundo inferiorū, & de his omnibus percontandum, an licuerit olim stipendiū aliquod sumere.

In Episcopatu ut dignitas illustrior, ita quoque ad eum obtinendum maior semper fuit hominum contēti. Olim imperatores à nouis Episcopis pecunias exigebant. Ita Anastasio Synaitæ infensum legimus Iustinum quod pecunias noluisset persolvere nomine dignitatis recens acquisitæ, Apud Euagriū lib. 5. c. 5. Turcarum Imperator exigit à Patriarcha Constantinopolitano certum

Euagrius
lib. 5. c. 5.

tributum, quod *Charatzium* dicitur, inuentum Raphaelis cuiusdam Hieromonachnatione Seruij: qui cum sola crapula nobilis esset, pollicitatione istius tributi infulas emit ab Imperatore, & eius iussione factus est patriarcha, ut est in historia Patriarcharum Græce edita per Malaxum Turco-græciæ Crusij lib. 2 p. 131. Cū vero tributum istud initio esset tantum bis mille ducatorum, auctum est subinde Pontificum ambitione, Sultano foedissime adulantium, vsque ad summam centum & quater mille ducatorum. Cæterum notandum *Charatzium* esse annum tributum, cui nouum aliud adiunxit Simeon quidā patria Trapezuntius, quod *peschesium* dicitur & istud semel tantum, initio Patriarchatus soluitur fuitque initio aureorum mille & creuit postea eadem Præsulum cupiditate & honoris libidine.

Malaxus
in hist. Pa-
triarcha-
rum lib. 2.
Turcogra-
ec.

Quidquid sit autem de muneribus ac donariis, quæ Principes à recens inauguratis exegerunt, quæ materia ad inuestituras pertinet. Certum est Concilium Calcedonense omnem erogationem nummariam ab Ordinibus summouisse, ita enim Can. 2. Act. 15. *Siquis Episcopus per pecunias fecerit ordinationem, & sub pretio redegerit gratiam, quæ non potest vendi, ordinauerisque per pecunias Episcopum aut Chorepiscopum, aut Presbyterum, aut Diaconum aut quemlibet ex his, qui connumerantur in Clero, aut promouerit per pecunias dispensatorem aut defensorem vel mansionarium &c. is qui hoc attentasse probatus fuerit propriū gradus periculo subiacebit, quem Canonem se-*

Concilium
Calcedo-
nense Can.
2. Act. 15.

quantur & confirmant Braccarenſe 3. Can 7. Pa-
riſienſe 3. lib. 1. cap. 11. Nannetenſe Can. 7. Nicæ-
num 2. Can. 7. Inferuit hunc Canonem Sanctio-
nibus ſuis Conſtantinopolitana Synodus parti-
cularis ſub Leone Papa anno 459. cuius Synodi
decretum explicans & laudans Theodorus ait
mentem fuiſſe Patrū, vt nec ante ordinationem,
nec peracta ordinatione quidquam ſumeretur,
cum in ea re ſordelateant, & corruptio deliteſ-
cat.

Subinde vero, licet ordinatores nil ſumerent,
pro collato Ordine Episcopatus: attamen quaſi in
omen lætitiæ & fauſti ad thronum accellus
nouī Episcopī munera ordinantibus largiebantur
& ſportulas, ducto fortasſe à prophanis digni-
tatib⁹ exemplo quarū auſpiciā munerib⁹ ſparſis cō-
ſebant. Ita legimus Claudiū pro nouo ſacerdotio
oſtogies ſeſtertium penſiſſe, vt eſt apud Suet in
Claudio: ira noui coniuges dona quæ *γαμνλία* di-
cebantur amicis miſſitabant. Vt liquet ex Sym-
macho Ep. 14. lib. 4. quæ eſt ad Stilichonem.

Verum cū ſportulæ iſtæ in dies creſce-
rent, atque in incommodum nouorum Episco-
porum verterentur hiſ modum impoſuit Iuſtin.
nouella 123. ff. ſi quis. *Iubemus inquit beatiſſimos Ar-
chiepiſcopos & Patriarchas, hoc eſt, ſenioris Romæ &
Conſtantinopoleos, & Alexandria, & Theopoleos, &
Hierofolymorum, ſi quidem conſuetudo habet Episcopis
& Clericis in eorum ordinatione non minus quam vi-
ginti auri libras dari, ipſa ſolummodò præberi, quæ con-*

Concil.
Braccarēſ.
1. Can. 7.
Pariſienſe
lib. 1. cap.
11. Nanne-
tenſe Can.
7. Nicænū
1. Can. 7.

Suetonius
in Claudio
cap. 9.

Symma-
chus Ep.
14. lib. 4.

suetudo recognoscit : plus autem ab hac quantitate nihil supra viginti auri libras præberi. Metropolitæ autem à propria Synodo, aut à beatissimis Patriarchis ordinatos, & alios omnes Episcopos, qui aut à Patriarchis, aut à Metropolitæ ordinantur, dare pro Inthroniasticis quidem solidos centum, notarijs autem ordinantis, & alijs ministrantibus ei, & solemniter accipientibus solidos trecentos.

Si vero Ecclesiæ reditus minus quidem quam triginta auri libras per annum reddant, non minus autem quam decem: dari pro Inthroniasticis solidos centum: alijs autem omnibus qui ex more capiunt, sol. 200. Si vero minus quidem quam decem, non minus autem quinque auri libras Ecclesiæ reditus esse contigerit, pro Inthroniasticis quidem dari solidos quinquaginta, omnibus autem alijs ex consuetudine percipientibus, solidos ducentos. Si autem minus quam quinque, non minus autem duas auri libras Ecclesiæ reditus habeat, pro Inthroniasticis solid. decem & octo. omnibus autem alijs ex consuetudine percipientib. solid. 24. Si autem minus tres, non autem quam duas auri libras quantitas redituū Ecclesiæ comperiatur, dare pro Inthroniasticis quidem solidos duodecim, pro omni vero alia consuetudine solid. sex. Episcopatuū enim Ecclesiæ minus duas auri libras reditus habentem, neque pro Inthroniasticis, neque pro alia qualibet consuetudine dare aliquid permittimus. Verum ut malum est auaritia, quod, hominum commercio difficile est amoliri, inuenta postea sunt aliæ rationes pecuniæ corradendæ pro cartis & tabulis pro notariis pro pastello. *Nade Gregorius primus in Synodo Romana reuellendum*

uellendum istud malum censuit, denunciato Anathemate: *Antiquam patrum regulam sequentes nil quidquam de ordinationibus accipiendum, esse constituo, neque ex datione pallii, neque ex traditione cartarum; neque ex ea, quam noua per ambitionem simulatio inuenit appellatione Pastelli. Quia enim ordinando Pontifex manum imponit, Euangelicam lectionem minister legit confirmationis autem Epistolam notariis scribit: sicut Pontificem non decet, manum quam imponit vendere, ita minister vel notarius non debet in ordinatione vocem suam vel calamus venundare &c.* Quid sit autem Pastellum facile est intelligere, nam cum prandio excipere ordinatores eiusque ministros, honestas non vetaret, pro prandio & pastu pecuniam tradebant ordinati, & has sordes carpit Gregorius.

Gregorius
in Synodo
Romana.

Non inficiatur tamen posse Episcopum ordinatum aliquid muneris cuilibet ex clero impertiri. *Is autem qui ordinatus fuerit si non ex placito, neque exactus, neque petitus post acceptas cartas & pallium aliquid cuilibet ex Clero gratia tantummodo causa dare voluerit, hoc accipi nullomodo prohibemus quin eius oblatio nullam culpæ maculam ingerit.*

Greg. lib. 4.
epi. 44.

Ab ordinatione Episcoporum ad Presbyteros & Diaconos descendamus. Interdictum omnino quidquam ab Episcopis sumi nomine ordinationis in Ecclesia Romana, Pelagius vt in eius vita refert Platina, constituit, vt quisquis promouendus est in sancta Ecclesia ab ostiario usque ad gradum Episcopatus, neque per aurum, neque per aliquas promissiones proficiat, Conciliū Turonense 2. can. 28.

Concil.
Turonense.
2. can. 28.

Braccar. cap.
1.

Nullus Episcoporum de ordinationibus Clericorum præmia præsumat exigere. Braccar. 2. can. 3. placuit ut de ordinatione Clericorum Episcopi munera nulla accipiant.

Alexius
Comenus
apud Leun-
clauium
lib. 2. Juris
Orient.

In ecclesia Orientali sub vltima tempora certa stipendia constituta episcopis ordinantibus, Alexius Comenus apud Leunclauium lib. 2. Juris Orient. in hunc modum edicit, *In Sacerdotum ordinationibus vigorem suum vetus obtinebit sanctio quemadmodum eadem aurea Bulla recenset, & cuiusque regionis Episcopus similiter 7. duntaxat aureos nummos accipiet, unum quando simplicem Papam siue Lectorem facit tres quando eundem Diaconum ordinat, & alios tres quando Sacerdotem perficit &c.*

Quod ad Sacramentum Confirmationis pertinet, nil quidquam à fidelibus collatum accipio, nisi forte auxilium ferrent Presbyteris ad Procuraciones Episcoporum honestius instituendas, propterea Canones citati dicunt Episcopum recipiendū à Presbyteris, *Cum adiutorio populi*. Verum licet ita res se habeat, attamen ad conficiendum chrisma illudque Parochis distribuendum, stipes excipiebant, & hanc consuetudinem viguisse in Francia, docet præfatum Landerici priuilegium datum Presbyteris consistentibus, intra territorium Monasterij Sandionisiani ad Parisios. Eo enim priuilegio fertur, ut Presbyteri, *sine pretio oleum & chrisma suscipiant*, frustra autem priuilegio ea libertas fulcienda foret, nisi consuetudo fuisset persoluedi pretii alicuius pro chrismate. Sustulit hunc morem in Hispania receptum, Concil. Braccarense 2. can. 4. *Placuit ut*

modicum Balsami, quod benedictum pro Baptismi Sacramento per Ecclesias datur, quia singuli tremisses pro ipso exigi solent nil ulterius exigatur, &c.

De obuentionibus Parochorum, ob collata sacramenta.

CAPVT VI.

HActenus de Episcoporum bonis ac censibus, nunc ad Presbyteros gradum faciamus, & quæramus num stipendium illis aliquod antiqua indulserit pietas, nomine collati sacramenti. Offert se primùm Baptismus, ad cuius salutare riuos cum æstu & feruore nouæ Religionis calentes accederent, credibile est eos nec muneribus nec donariis pepercisse, quo suum in Presbyteros animum atque affectum testarentur. Et certe altiora iam spirantes, & æternitatis solius, cuius expectatione ardebant, cupidos, quis mortalia & peritura crediderit, vel flocci fecisse, nisi ut ea in pauperes spargerent, & in miserorum effigie Christum induerent, à quo nuper innocenti stola fuerant induti. Quamobrem mos solènis fuit, ut diuites & magnates statim à suscepto baptismo, pauperibus fouendis operā darent, à quibus magnitudine diuitiarum non tam secerni sese intelligebant, quàm cum iisdem vnus fidei necessitudine ac sacramentorum societate coniungi. Hinc manabat feruor ille primigeniæ plebis opes suas ad Apostolorum pedes adferen-

D d ij

Prochorus
in vita san-
cti Ioannis.

tis, quem posterius sequuti sunt; nam & apud Prochorum in vita sancti Ioannis legimus Myronem quemdam, baptismo suscepto, ad pedes Ioannis thesaurum fuisse. Noster Clodoveus, ut liquet ex testamento D. Remigii non semel à nobis citato, grandes fortunas, prædia & larifundia post baptismum Ecclesiis, & restituit & de nouo indulxit. Vtceus ille miræ magnitudinis, quem ex dono Clodovei possidebat Remigius, nunquid in usum baptismici eiusdem Regis fuerat comparatus & baptizatori relictus.

Omnino vero certum est in primis illis sæculis curiosos fuisse Christianæ fidei tyrones, ut diem baptismi sui muneribus & conuiujs & veste nitidiori illustrarent. Vnde plurimis ea cogitatio suadebat differre baptismum, quod nimirum nec vestibus essent instructi, nec pecunijs quibus muneribus & conuiuio tam baptizatores quam susceptores, hoc est, patrimonios exciperent: Inquam opinionem, ut salutis infestam, inuehitur Gregorius Nazianzenus orat. 4. in sanctum baptismum, αἰσθὲν εἰπεῖν πῶς ὁ μὴ τὸ καρποφορεῖν ἔχει τῇ βαπτίσματι, ποῦ ὁ ἐμφαντικὸς ἐσθὲς ἢ λαμπρυνήσομαι, ποῦ ὁ πρὸς δόξαν τῆς ἐμῆς βαπτίσματος. *Turpe est dicere, ubi est munus quod propter baptismum offeram, ubi splendida vestis in qua explendescam, ubi ea quæ ad initiatores meos excipiendos requiruntur, ut in his quoque rebus nominis celebritatem consequar.*

Gregorius
Nazianzenus
orat. 40. P.
655.

Nec modo eum diem conuiujs & oblationibus ornabant: verum & anniuersario festo baptismi,

fui memoriam consecrabant, repetitis epulis & oblationibus, Micrologus de Ecclesiasticis obseruationibus cap. 56. *Romani*, inquit, *annotimum Pascha quasi anniuersarium Pascha dicunt, quia antiquitas apud illos qui in priori Pascha baptizati erant, in sequenti anno, eadem die ad Ecclesiam conuenere, suaeque regenerationis anniuersarium diem cum oblationibus solemmniter celebrauerunt.*

Hanc consuetudinem conuiuiorum pro baptismo instituendorum Moguntina Synodus secunda can. 16. ad modestiam reuocanda esse decreuit.

Synodus
Moguntin.
Can. 16.

Comestiones, & parum sobria conuiuia, quae quibusdam in locis post baptismum fiunt, per ciuiles magistratus inhiberi, aut saltem ad moderationem Christianis dignam reduci volumus. Muneribus vero quae baptisantes offerunt, nil quidquam contrarium suae Ecclesiae, nisi quod per auaritiam & ambitionem exigi non debere sanctissimè pronuntiauit. Eò spectat Canon 48. Concilii Eliberitani, ut qui baptizantur, nummos in concham non immittant.

Concil. E.
liberta. can.
48.

Nam quae moris tunc erat ut in eandem concham, è qua sacri latices in baptizandi caput fluxerant, nummi à baptizato iniicerentur, quasi pretium aquae tam salutaris pensantes. Quare ne sacramentum nundinari viderentur sacerdotes, ista collatio nummaria fuit interdicta. Cæterum non omnino prohibitam fuisse munerum susceptionem docent posteriores Synodi Hispaniae, Braccarensis secunda can. 7. donaria à parentibus sponte oblata suscipi posse decernit, non tamen exigi, ut hi qui infantes

uate confessionis dicemus ad calcem capitis. Eucharistia pœnitentiam excipit, cuius nomine oblationes & stipes collatas à fidelibus, in gratiam Sacerdotum ac Clericorum, conuiuia iisdem parata docuimus fusc libro primo ex Iustino Cypriano & aliis. Sponsalia aggrediamur, quorum sanctitatis & integritatis vindex perpetuo fuit Ecclesia: quam obrem eorum nomine aliquid irrogatum Sacerdotibus non obscurum est. Gregorius Magnus epistola supra laudata, ad solidum vnum reuocat iura Ecclesiæ pro nuptiis rusticorum, *Peruenit ad nos, inquit, quod de nuptiis rusticorum immoderata commoda percipiuntur, de quibus precepimus, ut omne commodum nuptiarum vnius solidi summam nullatenus excedat: si qui sunt pauperes etiam minus dare debeant: si qui autem diuites præfati solidi summam nullatenus transgrediantur.* Licet vero conductoribus massarum pecuniam hanc dandam & relinquendam decernat Gregorius, erat tamen Ecclesiæ debita, nomine nuptiarum, saltem quatenus erant rustici & coloni ecclesiastici. Eadem ratione Zacharias Pontifex permittit Bonifacio Moguntino Episcopo, vt 12. denarios annui census exigat pro vnoquoque coniugio seruorum. Apud Græcos vero certum & constitutum Episcopo stipendium fuit, pro nuptiis eorum qui intra fines Diœceseos nubarent, de quo ita Alexius Comenus apud Leunclauium lib. 2. Iuris Orientalis. *Præterea secundum sanctionem Imperatoris Monomachi felicitis recordationis, maiestas mea statuit, ut cum aliqui subiecti territorio cuiuscunque re-*

218 *De Juribus & Censibus Episcoporum*
gionis Episcoporum coniugij ritu legitimis vxoribus iun-
guntur accipiat Episcopus, à sponso quidem genero num-
um aureum vnum, à sponsa vero linteam vlnarum
duodecim, quemadmodum & ab antiquo sancitum est.
 Recentioribus vero sæculis longe clarius est solu-
 tum aliquid à fidelibus, tum nomine Baptismi, tum
 Confessionis, Nuptiarum & Extremæ-vnctionis,
 quam tabulæ cartę & monimenta vocant visitatio-
 nem infirmorum eodem nomine quo appellatur à
 Gregorio Turonensi cap. 41. lib. 1. vbi à Nepotia-
 no inunctum oleo Artenium quemdam Hispaniæ
 legatum memorat, fatali ægitudine laborantem.

Ad probationem eius rei profero cartas & in-
 strumenta ex antiquitatum Trecentium promptua-
 rio. Extant in instrumento donationis Ecclesiæ
 sancti Ioānis de Sezania in fauorem monachorum,
 articuli concordie inter Monachos & eius Ecclesię
 rectores Presbyteros, in quibus fit mentio oblatio-
 num quæ ad manum dantur Presbyteri, seu nomi-
 ne Baptismi, seu Confessionis, seu visitationis Infir-
 morum. Fuit autem confecta illa donatio circa an-
 num Christi millesimum octogesimum ex quo pa-
 tet ante annos sexcentos morem fuisse Christianis
 aliquid stipendij nomine persoluendi suis Presby-
 teris propter collatum Baptismum, auditas Con-
 fessiones, & visitatos infirmos. Verba instrumēti
 subtexo. *Addidi etiam ut Monachus præfatæ Ecclesiæ*
residentibus & commorantibus, liceat Presbyteros eli-
gere & mihi & successoribus meis presentare qui ab eis
curam animarum suscipiant, & feodum Presbyterorum
 &

Et beneficia possidere, ipsi tamen Presbyteri habebunt tantum de denarijs ad manum suam oblati & de confessionibus & tricenarijs quartam partem & baptisterum totum & visitationes infirmorum, & si quis moriens aliquid eis dimiserit usque ad 12. nummos habebunt. In rescripto I hilippi Trecentis fit etiam mentio oblationum confessionis causa. Accipiant & Monachi duas partes oblationum quae offeruntur in Ecclesia à Natiuitate usque ad Purificationem sanctae Mariae, & à Purificatione usque ad finem anni, Monachi medietatem habebunt, & decimam eiusdem villa & maiorem in tertio anno, Ecclesiam de Villeta & censum atrij, & decimam eiusdem villa, confessiones vero quae sine participatione aliaris sunt praefati habebunt.

De obventionibus Parochorum ratione funeris.

CAPVT VI.

FRustra mortalitati solatia inuident haeretici, frustra pompam & ornatus funerum quasi nuperæ superstitionis commenta suggillant, frustra diæternis laceßunt cantus, ceram, faces, orationes & suffragia, quæ vel mulcendis viuientium doloribus, vel mitigandis vitæ functorum suppliciis Ecclesia adhibet. Etiam ab antiquitate ritus isti fluxerunt, quos qui audacius carpit, & humanitati bellum indixit, & Religioni. Psalmos fune-

Aug. lib. de
Causel. cap.
11.

Corippus
de laud.
Iust. lib. 3.

ris causa cantatos Augustinus probat, ubi de ma-
tris funere loquitur lib. 9. conf. cap. 12. narratque
Euodiu sumpto Psalterio cantum inchoasse. Nis-
senus in exequiis Macrinæ cantum lamentatione
conditum refert. In funere Iustiniani Corippus
lib. 3. atria ceris accensis colluxisse memorat. Præ-
cæteris vero, preces pro mortuis fufas & pro illis
oblationes institutas, supra docuimus titulo de
oblationibus. Hinc primas Clericorū obuentio-
nes, funeris occasione, in oblationibus collocan-
das cenfeo; siquidem pauci admodum fideles, sal-
tem qui mediocribus fortunis essent instructi, Ec-
clesia indonata decedebant; unde tot Canones
de mortuorum oblationibus non retinendis.
Concilium Carthaginense 4. Can. 95. *Qui oblationes defunctorum aut negant Ecclesiis aut difficulter red-
dunt, tanquam egentium necatores excommunicentur.*
Concilium Agathense iisdem pene verbis Can.
4. Concilii Valentini fragmenta apud Garciam.
Concilium Vasense 1. Can. 4. Arelatense 2. cap. 46.
Aurel. 3. Can. 22. Matilconense 1. Can. 4. quibus
patet frequentes & consuetas fuisse morientium
oblationes.

Post oblationem, funeris adminicula sequun-
tur, ut feretrum, ornatus seu velum inductum fe-
retro, terra seu locus sepulturæ. Psalmodia, faces &
ceræ, de quibus inquirendum an olim quid-
quam cōsuetum exigi. Certe feretrum conduci so-
litum ad deferenda mortuorum cadavera liquet
ex Nouella quinquagesima nona, quā docemur

triplex fuisse in vrbe Constantinopoli feretrum
insigne. Primum quidem quod *Studij* dictum est,
secundum paulo illustrius *Stephani* appellatum:
tercium luculentissimum, nempe *maioris Ecclesiæ*
auro intertextum, quo opulentiores defereban-
tur. Præterea erant lecticæ & loculi cōmunes ad
funus plebeiorum. Erat autem id discriminis in-
ter ca lecticarum & feretrorum genera. Nam
commune feretrum gratis, & sine pretio dabatur,
at *Studij*, *Stephani* & *maioris Ecclesiæ*, pecūnia cōdu-
cebant: *Studij* quidem & *Stephani*, summā solidorū
duodecim: *maioris Ecclesiæ*, solidorū qua-
tuor, geminato tamen Copiatarum stipendio.

Vectandis ferculis & deducendis cadaueribus
operam dabant Copiatæ siue laborantes, barbaro
& peregrino idiomate dicti Bargennæ, vt notat
Cujacius ad Nouellam 43. Erant præterea in comi-
tatu funeris *Canonica*, *Ascetria*, *Acoluthi*. *Ascetria*
& *Canonica* præcinebant, prælucebant *Acoluthi*,
Plebeiorū funeribus sumptus suppeditabant Im-
peratores: erant enim mille & centum officinæ ab
omni onere immunes, quarum redditus percipie-
bat Oeconomus maioris Ecclesiæ, eā conditione
vt Copiatis, *Acoluthis* & *Canonicis*, nomine fu-
nerum, vnoquoq; semestri stipendia numeraret.
Quod si quis pompā augustiore & numero maio-
re *Ascetriorum* aut *Acoluthorum* veller funus
illustrare, is ex ære proprio sumptus ac stipendia
numerabat. Stipendij vero ratio ex itineris longi-
tudine fuit æstimata. Nam si intra nouos muros

Cuiacius ad
Nouel. 43.

De Iuribus & Censibus Episcoporum,
condendum esset cadauer, tres solidos Ascetriae
capiebant, si extra nouos muros tres solidos cum
dimidio. Vnde apparet à plebeis nil traditū fuisse
nomine funeris ex ære privato. Nā officinas eas
donauerat Constantinus maiori Ecclesie, vt funera
gratis curarentur Auxit numerum officinarum
Anastasius & subinde Iustinianus.

Post feretrū & vespillones sequitur locus con-
dendo cadaueri destinatus. Hunc vel proprium
familie habent, vel communem.

Vniuersim vero locum sepeliendis corporibus
pretio distrahere nefas olim crediderūt; Hierony-
mus ait ephron nomen mutasse, postquam Abra-
hamo sepulchri arcam vendidit, & Ephram ap-
pellatum, euanescente ab eius nomine littera *ת*,
vna ex quatuor, quæ diuinum nomen conficiunt,
quasi nil in eo diuini, peracta tam infami nundina-
tione, resederit. In Concilio Triburiensi cautum
ne ne terra vendatur. *Interdictum sit omnibus Chri-*
stianis terram vendere, & debitam sepulturam denegare,
nisi forte proximi & amici defuncti, propter nomen &
redemptionem animæ viri aliquid dare voluerint. Idip-
sum citatur ex Concilio Varensi apud Gratianum
13. q. 2. Idipsum docuit Gregorius Magnus lib. 7.
ep. 55. ad Ianuarium. *Grave, inquit, est & procul*
minus à Sacerdotis officio pretium de terra concessa pu-
tridini querere, & de alieno velle facere luctu compen-
dium &c. Vnde hoc auaritiæ vitium, ne vel in alie-
nis denuò tentari præsumatur admoneo. Sed si quando
aliquem in Ecclesia vestra sepeliri conceditis, si quidem

Hieron. in
quest. He-
braic.

Concil. Tri-
bur. c. 6.

parentes ipsius, proximi vel hæredes pro luminaribus sponte quid offerre voluerint, accipi non vetamus, peti vero aut aliquid exigi omnino prohibemus &c. Est in sententiam Synodus Meldensis ad annum 845. Can. 72. In Capitulis Herardi Turonensis ad annum 856. Capitulo 77. *de venditionibus sepulchrorum, & de his qui pro sepultura munera exigunt, ut seueriter puniantur, & distringantur.* Sequuntur tandem ea quæ ornando funeri subseruiunt, vt faces, ceræ, luminaria, quibus adnumeranda censco defunctorum vota, hoc est, donationes pias, quibus moribundi, Numinis clementiam emollire, & offensum Iudicem placare nituntur.

Quæcumque verò illustrandis exequiis impenduntur, oblationes etiam & vota defunctorum, ea ad Ecclesiam pertinent, in qua aliquem oportet sepeliri. Sepelitur autem quilibet in sepulchro Maiorum, si quod extat. Primum enim Episcopi, deinde Reges, tandem Magnates etiam ac Principes ædes quasdam suæ sepulture causâ construxerunt, vt patet ex foundationibus Monasteriorû, quorum plurima, seu ad Episcoporum, seu ad Regum exuias condendas fuere exædificata. Exemplum rei iltius sacri codices suggerunt, vbi legimus Iosephû statuisse, vt si quando Israelitæ ex Ægypto demi-grarent, tum ossa ac cineres suos secum exportarent Maiorum sepulchris inferendos.

Cum ergo sepelitur aliquis extra Ecclesiam Parochialem in Maiorum monumento, tum licet ei Ecclesiæ obuentiones funerum competant: tamen

præcipuo quodam iure portionem Canonicam sibi vendicat Parochia, in qua cœlesti pabulo solebat refici, vt iuxta Apostolum sint consolationum socii, qui fuerunt passionum: vt rescripsit Leo tertius cap. *Nos instituta, de sepulturis.*

Quid autem & quanta sit Canonica portio, varii Pontifices variè definierunt, Leo III. præfata ca. tertiam partē Canonicam esse constituit. Idem vero quasi mutato consilio, vult medietatem eorum quæ Monasterio offeruntur, Parochis competere, in ep. quam scripsit ad Episcopos Dardaniæ cap. *relictum, de sepultura.* Lucius III. ad præpositum & Capitulum Fauentinum canonicam portionem ad quartam restringit cap. *cum super, de sepulturis.* Innocent. III. singulari priuilegio, quo liberam omnibus apud hospitalarios sepulturam decernit, edicti iisdem, vt tertiam partem oblationum Parochiis restituant, præterquam de equis & armis, quorum nulla pars ad Parochos pertinebit, cap. *In nostra, de sepulturis.* Clemens III. tot pugnantēs sententias ad pacem & concentum sic adducit, vt nempe mos seruetur regionum ac prouinciarum, ac vbi medietas solet persolui, soluaturs, vbi tertia aut quarta, illic nil amplius Parochi à Monasteriis expectant. cap. *certificari de sepulturis.* Legem hanc portionis canonice Parochialibus Ecclesiis soluendæ confirmauerat Bonifacius 8. in bulla quæ incipit *Super Cathedram*, qua nimirum lites & turbelas, quas Parochi & ordines Prædicatorum ac Minorum inter se mouerant, salutarī concordia finire tentauerat ac compo-

nere. Verùm Benedictus 11. Bonifacii diploma contrario abrogauit oraculo; & quartam oblationum quæ funeris causa sunt eripuit sacerdotibus, unde sauior tempestas & atrocius malum in Ecclesia pacem grassabatur, donec Clemens V. antiquatam & extinctam Bonif. constitutionē reuocauit, ut videre est in Clementina *dudum, de sepultoris.* l. 3. tit. 7.

Cum autem fertur deberi quartam funerum, id non debet intelligi de aliis Ecclesiis, quā in quib. aliquis sepelitur: si enim ipsis aliquid fuerit donatum, Canonica portio non debetur Parocho; non intelligitur etiam de donatis Ecclesiæ inter viuos, nec de legato facto pauperibus loci alicuius. Item non intelligitur deberi Parochis Canonica portio, si quid legatū illis fuerit, quod eam partem possit exæquare. Item si quid pro vasis & ornamentis Ecclesiæ legatur, tum Canonica portio nō est ex eo deducenda. Hic vero restat vna difficultas, quamobrem ex cap. *Conquerente de Consibus*, quarta mortuorum dicitur episcopo deberi, cum in funeribus nullæ sint Episcoporum partes, quorū oculos, siquid suadent legis antiquæ typi ac figuræ, ab omni spectaculo caduerum oportet esse impollutos.

Huic vero difficultati plura possunt excogitari, quæ faciant satis, primò id ex antiquo Episcoporum iure dimanasse, quorum erat quarta seu tertia quarumlibet oblationum, seu quæ Parochiis seu quæ Monasteriis ac Capellis contingerent. Secundò dici potest Episcopum olim funerum solennibus præfuisse. Dionys. Arcopag. Ecclesiast. hierar. ca.

Dionysius
Arcopagita
Ecclesiast. hierar.
c. 7.

7. moris fuisse refert mortuos ad Episcopum deferri. Sumentes, inquit, mortuum ad Pontificem ducunt, quasi coronis donandum sacris : Subinde alias adnectit ceremonias, quibus ipsi Præfules fungebantur, inter iusta perfoluenda. Postea, inquit, venerabilis Præsul precem super eo sacratissimam peragit, finita prece osculatur Episcopus mortuum, & omnes post illum, postquam omnes osculati sunt, infundit Pontifex mortuo oleum. Ex his ergo liquet solitum fuisse Episcopum funeribus interesse, & mortuum expectare in loco sepulturæ designato. Eam consuetudinē fulcire vi Concil. Tributienſe Can. 15. *Ubi cumq; temporum, vel locorum facultas tulerit, apud maiorem Ecclesiam, ubi sedes est Episcopi, sepultura celebrentur.*

Concludendum hoc caput Græcorum more in exequiis recepto, de quo ita Gerlachius. Aliquo mortuo, cognati exequias, eo anno sæpius celebrant, magnis sumptibus in ea celebratione, omnis generis legumina, & varia genera rerum pistarum, cum vino optimo ante sacrarium ea copia afferuntur, ut omnibus, qui sunt in templo sufficere possint. Calogeri & Presbyteri ad ea sacra conuenientes, cum paucis scholasticis canunt, multiplicis crucis signatione utentes, &c. Ultra funera & exequias nil tento scis enim amice Lector.

HÆC VLTIMA LĪNEA RERV.

FINIS.





